


〔宋〕秦觀著  
徐培均校註

# 淮海居士長短句

上海古籍出版社



宋詞別集叢刊

淮海居士長短句

〔宋〕秦觀著

徐培均校注

上海古籍出版社

責任編輯 曹光甫

封面題簽 陳孟中

宋詞別集叢刊

淮海居士長短句

〔宋〕秦觀撰

徐培均校注

上海古籍出版社出版

（上海瑞金二路272號）

新華書店上海發行所發行 上海群眾印刷廠印刷

開本 787×1092 1/32 印張 10.5 插頁 7 字數 210,000

1985年8月第1版 1985年8月第1次印刷

印數：00,001—11,000

統一書號：10196·540 定價：1.90元

## 前言

世人言詞，常稱豪放婉約。在宋代詞壇上，婉約派詞在數量上佔有極大的比重，名家輩出，佳作如林，形成了繁花似錦的局面。在婉約派詞人中，秦觀是一位杰出的代表。

秦觀，字少游，一字太虛，別號淮海居士，揚州高郵（今屬江蘇省）人。宋仁宗皇祐元年（一〇四九），他出生在一個中小地主的家庭裏。青少年時期，慷慨豪雋，強志盛氣，慕郭子儀、杜牧之爲人，決心「回幽夏之故墟，弔唐晉之遺人」〔一〕。殺敵疆場，收復故土的願望一時不能實現，便過了一個時期的漫游生活。三十歲前後，曾到歷陽（今安徽和縣）、徐州（今屬江蘇省）、會稽（今浙江紹興）省親訪賢，探古攬勝。家居期間，時而「杜門却掃，日以文史自娛；時復扁舟循邢溝而南，以適廣陵」〔二〕；有時也寄迹青樓，以他的詞作，「酬妙舞清歌」〔三〕。神宗元豐八年（一〇八五），秦觀三十七歲，考中進士，除定海主簿，未赴任，尋授蔡州教授。當年神宗去世，哲宗繼位。翌年改元元祐，主張變法的王安石不久也病故。哲宗年幼，朝中大政，一切聽之於高太后。於是司馬光、蘇軾等舊派人物當權。元祐二年（一〇八七），蘇軾以「賢良方正」薦秦觀於朝，不幸爲忌者所中，只得引疾回到蔡州。直到元祐五年，他才再次被召到京師，除太學博



士，校正祕書省書籍。元祐六年，又由博士遷正字，但在洛蜀兩黨的鬥爭中，依附蜀黨的秦觀，遭到洛黨賈易的攻擊，以行爲「不檢」罷去正字。過了二年，方始由校對黃本書籍遷爲國史院編修，授宣德郎。在京三年，是秦觀一生中最高興的時期。他和黃庭堅、張耒、晁補之同游蘇軾之門，人稱「蘇門四學士」，而蘇軾「於四學士中最善少游」，對他的文章（包括詞）「未嘗不極口稱善」〔四〕。

高太后去世，政局有變。紹聖元年（一一〇九），哲宗親政，新黨重新上臺，舊黨遭到打擊。蘇軾被貶到惠州，再貶瓊州。秦觀也受到牽連，出爲杭州通判，又因御史劉拯告他增損神宗實錄，道貶處州，任監酒稅的微職。紹聖三年，又以寫佛書被罪，貶至郴州（今湖南郴縣）。在郴州住了一年，奉詔編管橫州（今廣西橫縣），次年又自橫州徙雷州（今廣東海康縣）。在南土四時盡熱，愁人日夜俱長」〔五〕的境遇中，他預感到生命不會久長，爲自己作了挽詞。可是在元符三年（一一〇〇）五月，新接位的徽宗下了一道赦令，蘇軾自海南量移廉州，途經海康，和他見了一面。隨即他自己也被放還。當年八月十二日，醉臥藤州（今廣西藤縣）光化亭上，溘然長逝。終年五十二歲。

秦觀一生的道路坎坷曲折。他曾針對當時的內政、邊防，寫過不少策論，但政治上的抱負始終未能實現。後世稱他的策論「灼見一代之利害，建事揆策，與賈誼、陸贄爭長」〔六〕。然而

他的成就主要却在詩詞方面。現存淮海集中，有古近體詩四百多首。前期的詩風綺麗纖巧，被人目爲「如時女步春，終傷婉弱」〔七〕。甚至被人戲稱之爲「小石調」〔八〕、「女郎詩」〔九〕。後期的詩，因仕途上疊經挫折，故風格爲之一變，呂本中說：「少游過嶺後詩，嚴重高古，自成一派，與舊作不同。」〔一〇〕然而總的說來，「少游詩似小詞」〔一一〕，他的詩名也爲詞名所掩。蘇門六君子之一的陳師道說：「今代詞手，惟秦七、黃九爾，唐諸人不逮也。」〔一二〕清紀昀等修四庫全書時也說：「觀詩格不及蘇黃，而詞則情韻兼勝，在蘇黃之上。」〔一三〕超過黃庭堅，這是事實；同蘇軾相比，只能說各有所長。從這些評價上，可看出秦觀詞地位之高。

秦觀詞以愛情爲題材的作品，約佔今傳淮海詞的半數。有的寫與少女或歌妓相悅相戀的感情，如望海潮（其四）、沁園春、夢揚州、一叢花、南歌子（贈陶心兒）、木蘭花（秋容老盡芙蓉院）；有的「將身世之感打并入豔情」〔一四〕，如滿庭芳（山抹微雲）、水龍吟（長相思）、虞美人（高城望斷塵如霧、行行信馬橫塘畔）、浣溪沙（漠漠輕寒上小樓、錦帳重重卷暮霞）。這類詞作所寫的雖大多是歌妓，但從這些受到當時社會制度歧視和遺棄的婦女身上，也寄寓着詞人自己懷才不遇、政治上屢遭打擊的一腔憂鬱。值得注意的是，他的愛情詞除了幾首格調不高以外，大部分思想比較健康，感情比較深摯，不像柳永那樣詞語塵下，情趣庸俗。如鵲橋仙：

纖雲弄巧，飛星傳恨，銀漢迢迢暗度。金風玉露一相逢，便勝却人間無數。

柔情似水，佳期如夢，忍顧

鵲橋歸路。兩情若是久長時，又豈在朝朝暮暮！

這首詞通過牛郎織女一年一度相逢的故事，歌頌了堅貞的愛情，揭示了一個正確的戀愛觀：愛情要經得起長久分離的考驗，只要彼此真誠相愛，即使終年天各一方，也比朝夕相伴的庸情俗趣可貴得多。明代沈際飛評曰：「（世人詠）七夕，往往以雙星會少離多爲恨，而此詞獨謂情長不在朝暮，化朽腐爲神奇！」（吾確實，這種進步的戀愛觀，在古代作品中是少見的；即使在今天，也仍然具有一定的現實意義。

秦觀描寫貶謫心情的詞作，大體上可以理出一個順序：始則對京城懷有眷戀惜別之情；繼則回歸無望，漸趨傷感、沉鬱。他的江城子（其一）和風流子，可能作於離京之時。前者云：「西城楊柳弄春柔，動離憂，淚難收。猶記多情曾爲繫歸舟。……便做春江都是淚，流不盡，許多愁。」西城，指汴京西鄉門外金明池一帶，那是一個著名的風景區，每逢三月上巳，都人常去游覽。秦觀供職祕書省時也曾與友人在那裏宴集。如今身坐黨籍，在臨別的時刻怎能不感到留戀。後者云：「寸心亂，北隨雲黯黯，東逐水悠悠。」當係寫乘船離京的心情：此時詞人北望都城，烏雲籠罩；東逐汴水，前路漫長。一懷愁緒，不覺油然而生。在處州時所作的千秋歲，感情更加深沉，不僅感到昔日的西池宴集已成幻影，而且覺得重回「日邊」的清夢，也縹緲難尋。最後

不得不失望地悲吟：「春去也，飛紅萬點愁如海！」後來詞人一貶再貶，到達郴州前後，他的心彷彿破碎了一般：「瀟湘門外水不鋪，月寒征棹孤。……人人盡道斷腸初，那堪腸已無！」〔五〕鄉夢斷，旅魂孤。崢嶸歲又除。衡陽猶有雁傳書，郴陽和雁無。」〔六〕他在郴州旅舍所作的踏莎行一詞，更饒沉鬱之旨：

霧失樓臺，月迷津渡。桃源望斷無尋處。可堪孤館閉春寒，杜鵑聲裏斜陽暮。

驛寄梅花，魚傳尺素，

砌成此恨無重數。郴江幸自遶郴山，爲誰流下瀟湘去？

此詞蘊藉含蓄，意境深遠，可稱千古絕唱。據說，「東坡絕愛其尾兩句，自書於扇曰：『少游已矣，雖萬人何贖！』」〔七〕這種淒切蘊藉，不便明言的深意，唯有與他「同昇而并黜」的蘇軾能够理解，並在思想上產生「高山流水之悲」〔八〕。一些人認爲「詞別是一家」，只能寫身邊瑣事，不能反映政治生活，婉約派詞尤其如此。看了秦觀表現貶謫生活的詞作，這一觀點不是很值得商榷嗎？

除了愛情和貶謫方面的詞以外，秦觀的懷古、紀游之作，歌頌了祖國的大好河山和悠久歷史，他的紀夢、抒情之作，表現了浪漫主義的遐想和超脫世俗的情致。傳頌衆口的滿庭芳（山抹微雲）詞，描繪了暮冬時節的江南景色，含有濃郁的詩情畫意。在望海潮（其一）中，詞人懷着贊

美的感情勾勒了揚州遼闊的疆域和美麗的景色，並對隋煬帝荒淫奢侈的行爲表示一定的批判。在望海潮（其二）中，詞人對蒼翠的秦望山、瀟灑的若耶溪、「千巖萬壑爭流」的越州山水，發出由衷的贊頌，對范蠡、西施、蘭亭、梅市以及賀知章等的古人遺蹟，表示無限的神往。在望海潮（其三）中，詞人將個人在黨爭漩流中的升沉之感糅合在京洛名園的景物上，愈發促使人們對美好生活的熱愛。金明池一詞，對汴京園囿的描繪，更爲形象而具體：「瓊苑金池，青門紫陌，似雪楊花滿路。雲日淡，天低晝永，過三點兩點細雨。好花枝，半出牆頭，似悵望、芳草王孫何處。更水繞人家，橋當門巷，燕燕鶯鶯飛舞。」讀了這些作品，使人聯想到柳永描寫杭州盛況的望海潮（東南形勝）詞，它們從各自的側面，反映了北宋時期都市繁榮的面貌，不僅具有文學價值，而且具有一定史料意義。

詞人的紀夢、抒情之作，幾乎貫串他的一生。早期的雨中花，充滿奇妙瑰麗的想像，表現了一種積極向上的浪漫色彩。以後隨着仕途的失意，他漸漸消極起來，在滿庭芳（紅蓼花繁）中已開始反映了一種超塵出世的思想，特別是政治上遭受打擊之後，他更感到人生無望，內心充溢着憂鬱和悲愁，他希望從痛苦中解脫出來，於是就用浪漫主義的手法抒寫自己的情懷，表面上似乎很曠達，骨子裏却更加痛苦。如謫橫州時，他醉臥海棠叢間祝姓家，醒後作詞：「社顰顰成微笑，半缺椰瓢共白。」覺傾倒，急投牀，醉鄉廣大人間小。」說明在現實生活中處處受到壓抑，

唯有醉後忘却世事才感到舒暢自由。好事近（夢中作）下闕「醉臥古藤陰下，了不知南北」，更是在貌似虛無恬淡的詞句下隱藏着內心的無限痛苦，因此有人把它當作死於藤州的預兆<sup>（三〇）</sup>。他的同門好友黃庭堅更爲理解他內心的奧秘，特地寫詩寄賀鑄以申悼念之情：「少游醉臥古藤下，誰與愁眉唱一杯？解道江南腸斷句，只今唯有賀方回。」

秦觀早期的詞大都爲應歌而作，往往流播於青帘紅袖之間。到了汴京以後，他進一步受到歌唱藝術特別是瓦子藝人的影響，常常撰寫一些唱詞。調笑令十首和憶秦娥四首，便是這類作品。還有一些俚詞，如促拍滿路花、滿園花、河傳（其二）、浣溪沙（其四）、桃源憶故人以及品令二首，語言俚俗，風格粗獷，顯然是有意向民間文學學習的。

秦觀詞有很高的藝術成就，具體表現在以下幾個方面：

第一、他善於發揮詞的抒情特性，除了幾首懷古之作外，他的詞基本上不用故實，不發政論，只是「專主情致」<sup>（三一）</sup>。其抒情之深摯，爲詞史上所少見。前人把他與晏幾道並提，說是「淮海、小山，古之傷心人也。其淡語皆有味，淺語皆有致。求之兩宋詞人，實罕其匹」。<sup>（三二）</sup>故所爲詞，寄慨身世，閑雅有情思，酒邊花下，一往而深<sup>（三三）</sup>。由於他的詞飽含深沉濃摯的感情，因此往往產生一種沁人心脾的藝術感染力。

第二、他的詞蘊藉含蓄，寄情悠遠。乍看起來，秦觀詞多咏美人芳草，離愁別恨；然而其中

却蘊含着無限深情遠意。清代陳廷焯說：「少游滿庭芳諸闋，大半被放後作，戀戀故國，不勝熱中，其用心不逮東坡之忠厚，而寄情之遠，措語之工，則各有千古。」周濟說：「少游意在含蓄，如花初胎，故少重筆。」四說明他的詞義蘊言中，韻流弦外，具有言有盡而意無窮的餘味。他的詞的結句最富有這種特色，如「放花無語對斜暉，此恨誰知」，五「回首，回首，繞岸夕陽疏柳」，六宛轉低回，意境悠遠，頗有游絲盡空、春水縈溪的藝術效果。

第三、他的詞音調和諧，韻味醇厚。宋代葉夢得曾經稱許說：「秦觀少游亦善爲樂府，語工而入律，知樂者謂之作家歌。」七的確，他的詞平仄協調，音韻和諧，節奏鮮明，旋律優美，顯出一種悅耳動聽的音樂美。試誦滿庭芳、浣溪沙、阮郎歸諸闋，未嘗不覺字字妥溜，抑揚有致，恍如一股感情的溪流在流動，在激蕩。由於他嫻於音律，因此也能自度新腔。康熙欽定詞譜於夢揚州調下注云：「宋秦觀自製詞，取詞中結句爲名。」八他如醉鄉春和金明池，也應是他的創調。

第四、秦觀詞的語言清新自然，明白曉暢，與所要表達的感情融合無間，達到形式和內容的和諧統一。對此前人評價極高。蔡伯世說：「子瞻辭勝乎情，耆卿情勝乎辭，辭情相稱者，惟少游而已。」九他在語言上之所以獲得如此高的成就，一方面是由於工於煉字，如「青牋嫩約」一〇，以「嫩」字形容青年男女之間的約會，十分生動貼切；又如「山抹微雲，天黏衰草」一一，

「採」黏兩個動詞把大自然的美質非常形象地表現出來，因此常獲前人贊揚。另一方面是由於善於融化古人詩句，如「斜陽外，寒鴉萬點，流水繞孤村」〔三〕，晁補之贊曰：「雖不識字人，亦知是天生好言語。」〔四〕後兩句本之于隋煬帝詩，清賀貽孫說：「寒鴉」「流水」，煬帝以五言劃爲兩景，少游用長短句錯落，與「斜陽外」三景合爲一景，遂如一幅佳圖。此乃點化之神。」〔五〕說明秦觀在語言的繼承上非常富於創造性。秦觀前期作品繼承尊前、花間遺韻，時作豔語；然而「少游雖作豔語，終有品格」〔六〕，比之前人，感情較爲健康。

秦觀詞遠紹南唐，近承晏柳，下開姜夔，前人從詞「當以婉約爲主」的傳統觀念出發，認爲它是「詞家正音」〔七〕。雖然同是婉約，但秦觀却與其他諸家有異。劉熙載說：「叔原貴異，方回曠逸，耆卿細貼，少游清遠。四家詞趣各別，惟尚婉則同耳。」〔八〕張炎對秦觀詞婉約的特點概括得尤爲具體，他說：「秦少游詞體制淡雅，氣骨不喪，清隴中不斷意脈，咀嚼無滓，久而知味。」〔九〕我們如果將秦觀詞仔細玩索，是不難得出這個印象的。且舉浣溪沙一詞爲例：

漠漠輕寒上小樓，曉陰無賴似窮秋，澹烟流水畫屏幽。

自在飛花輕似夢，無邊絲雨細如愁，寶簾閑

掛小銀鉤。

這首詞寫的是春愁，然而着墨不濃，只是用白描的手法將所處的氛圍加以渲染，就把一腔淡淡



的哀愁變爲具體可感的藝術形象，形成一種清幽深遠的意境，讓人讀了感到淒清婉美，有如細嚼橄欖，回味無窮。

秦觀詞在思想內容上真實地顯現了他的個性和身世，並從側面反映了當時社會的政治鬥爭，具有一定的認識意義；在藝術上也有很多獨創的地方，值得我們今天借鑒。但也應看到，他的一些描寫愛情的詞作，尤其是俚詞，還有一些涉於狎蝶的成分；在一些懷古、紀夢和哀現貶謫心情的詞作中，也往往黯然傷神，消極頹喪，缺乏鼓舞人心的力量。就藝術而言，也存在纖細柔弱的毛病，胡仔說：「少游詞雖婉美，然格力失之弱。」<sup>〔四〕</sup>蘇軾亦以其詞的「氣格爲病」，曾經譏評說：「山抹微雲秦學士，露華倒影柳屯田。」<sup>〔五〕</sup>另外他的詞也還不够深刻有力，清代賀裳說：「少游能曼聲以合律，寫景極淒婉動人，然形容處殊無刻肌入骨之言。」<sup>〔六〕</sup>這些批評基本上是中肯的。

最後關於本書的校點作一些說明：日本內閣文庫藏宋乾道高郵軍學本淮海居士長短句（簡稱乾道本）是迄今所見最完整的宋本，本書即以此爲底本，以吳湖帆藏本（簡稱吳本）、一九三〇年故宮博物院影印本（簡稱故宮本）、吳本、故宮本并見於葉恭綽一九三〇年宋本兩種合印淮海居士長短句（中）對校。另以明嘉靖己亥張經鄂州刻淮海集中之淮海長短句（簡稱張本）、明萬曆戊午李之藻高郵刻淮海後集之長短句（簡稱李本）、明末段斐君武林刻淮海後集之長短句（簡稱

段本、明末毛晉刻淮海詞（簡稱毛本）、清四庫全書寫本淮海詞（簡稱四庫本）、清康熙辛之、黃巖校本淮海居士長短句（簡稱黃本）、清道光丁酉王敏之高郵刻淮海集中之淮海詞（簡稱王本）、清同治癸酉秦元慶刻淮海後集之長短句（簡稱秦本）、近人宋祖謀疆村叢書本之淮海居士長短句（簡稱疆村本）。以上諸本，曾參考葉氏兩宋本淮海詞經見各本字句異同表）以及宋黃昇、唐宋諸賢絕妙詞選（簡稱花菴）、草堂詩餘（簡稱草堂）、清康熙欽定詞譜、萬樹詞律、朱彝尊詞綜、歷代詩餘等參校。原有詞七十七首，悉依宋本編次，以保持本來面目。凡有異文，均出校記；宋本個別錯字，亦予以校改。此外，淮海居士長短句補遺，係網羅散失，并加考訂輯成，得詞三十四首、失調名逸句四則、曲游春詞逸句一則。其編次大體依時間順序。校注時，每首以一書爲底本，他書作參校。淮海居士長短句存疑，有詞五十八首、失調名逸句一則，係將蒐集所得，不可遽定者列爲一編。每首均注明出處，除少數附錄前人評語以供辨析外，一般不作校注。本書附錄中的秦觀詞年表，係將詞人行實，列一年表，並將淮海詞可考知時間者，亦加以繫年。

本書承日本大阪女子大學副教授橫山弘先生以宋乾道高郵軍學本之複印件見贈，又承復旦大學教授章培恒師、上海社會科學院文學研究所古典文學研究室主任龔炳蓀同志審閱部份稿件，在此一併致以謝忱。

業師龍榆生教授早年親授詞學，受益良深；此次研治淮海詞，復以先生生前編印之淮海居士長短句作爲參攷。書此數語，以志不忘。

徐培均

一九八二年國慶節前夕

注

〔一〕宋陳師道淮海居士字序。

〔二〕秦觀與李樂天簡。

〔三〕秦觀夢揚州詞。

〔四〕宋葉夢得避暑錄話卷三。

〔五〕秦觀寧浦書事六首第三首。

〔六〕明張綬秦少游先生淮海集序。

〔七〕宋魏慶之詩人玉屑卷二引敖陶孫麝翁詩評。

〔八〕宋胡仔苕溪漁隱叢話前集卷五十引王直方詩話：「元祐中，諸公以上巳日會西池，王仲至有二詩，文潛和之最工，云：『翠浪有聲黃帽動，春風無力綵旗垂。』至秦少游即云：『簾幕千家錦繡垂。』仲至讀之，笑曰：『此語又待入小石調也。』又宋湯衡張微雅詞序：『青東坡見少游上巳游金明池詩有『簾幕千家』」

錦繡垂』之句，曰：『學士又入小石調矣。』

〔九〕金元好問論詩絕句：『有情芍藥含春淚，無力薔薇臥晚枝。拈出退之山石句，始知渠是女郎詩。』

〔一〇〕宋呂本中童蒙詩訓。

〔一一〕宋胡仔苕溪漁隱叢話前集卷四十一引王直方詩話。

〔一二〕宋陳師道後山詩話。

〔一三〕四庫全書總目提要卷一百五十四集部別集類七。

〔一四〕清周濟宋四家詞選。

〔一五〕草堂詩餘正集卷二。

〔一六〕秦觀阮郎歸詞其二。

〔一七〕秦觀阮郎歸詞其四。

〔一八〕宋胡仔苕溪漁隱叢話前集卷五十引冷齋夜話。

〔一九〕清王士禛花草蒙拾。

〔二〇〕明郎瑛七修類稿卷三十三「秦觀……嘗於夢中作好事近一詞（略），其後以事謫藤州，竟死於藤，此詞其

識乎？」

〔二一〕宋李清照詞論。

〔二二〕清馮煦蒿庵論詞。

〔三〕清陳廷焯白雨齋詞話卷一。

〔四〕清周濟宋四家詞選目錄序論。

〔五〕秦觀畫堂春。

〔六〕秦觀如夢令詞其三。

〔七〕宋葉夢得避暑錄話卷三。

〔八〕詞譜卷二十六。

〔九〕清朱彝尊詞綜卷六引。

〔一〇〕秦觀望海潮詞其四。

〔一一〕秦觀滿庭芳詞。

〔一二〕同上。

〔一三〕清徐鉉詞苑叢談卷四。

〔一四〕詩筏。

〔一五〕王國維人間詞話。

〔一六〕清胡薇元歲寒居詞話。

〔一七〕藝概詞曲概。

〔一八〕宋張炎詞源卷下。

〔三〕宋胡仔蓀溪漁隱叢話後集卷三十二。

〔四〕宋葉夢得避暑錄話卷二。

〔五〕皕水軒詞筌。

# 淮海居士長短句目錄

前言	一
淮海居士長短句卷上	一
望海潮四首(星分牛斗)	一
其二(秦峰蒼翠)	四
其三(梅英疎淡)	八
其四(奴如飛絮)	二一
沁園春(宿鶯迷空)	二三
水龍吟(小樓連遠橫空)	二四
八六子(倚危亭)	二九
風流子(東風吹碧草)	三三
夢揚州(晚雲收)	三四
雨中花(指點虛無征路)	二六

---

一叢花(年時今夜見師師)	二八
鼓笛慢(亂花叢裏曾携手)	三一
促拍滿路花(露頭添花色)	三二
長相思(鐵甕城高)	三三
滿庭芳三首(山抹微雲)	三六
其二(紅蓼花繁)	四二
其三(碧水驚秋)	四三
江城子三首(西城楊柳弄春柔)	四五
其二(南來飛燕北歸鴻)	四七
其三(棗花金釧約柔黃)	四八
滿園花(一向沉吟久)	四九

淮海居士長短句卷中……………五三

迎春樂(萼蒲葉葉知多少)……………五三

鵲橋仙(纖雲弄巧)……………五五

菩薩蠻(蟲聲泣露驚秋枕)……………五七

減字木蘭花(天涯舊恨)……………五八

木蘭花(秋容老盡芙蓉院)……………五九

畫堂春(落紅鋪徑水平池)……………六一

千秋歲(水邊沙外)……………六三

踏莎行(霧失樓臺)……………六九

蝶戀花(曉日窺軒雙燕語)……………七五

一落索(楊花終日空飛舞)……………七六

醜奴兒(夜來酒醒清無夢)……………七七

南鄉子(妙手寫徽真)……………七八

醉桃源(碧天如水月如眉)……………七九

河傳二首(亂花飛絮)……………八〇

其二(恨眉醉眼)……………八二

浣溪沙五首(漠漠輕寒上小樓)……………八三

其二(香艷凝羞一笑開)……………八四

其三(霜縞同心翠黛連)……………八五

其四(脚上鞋兒四寸羅)……………八六

其五(錦帳重重捲暮霞)……………八七

如夢令五首(門外鴉啼楊柳)……………八八

其二(遙夜沉沉如水)……………八九

其三(幽夢忽忽破後)……………九〇

其四(樓外殘陽紅滿)……………九一

其五(池上春歸何處)……………九二

阮郎歸四首(褪花新綠漸團枝)……………九三

其二(宮腰裊裊翠鬟鬆)……………九四

其三(瀟湘門外水平鋪)……………九六

其四(湘天風雨破寒初)……………九七



滿庭芳三首(北苑寄詩).....九

其二(曉色雲開).....一〇三

其三(雅燕飛觴).....一〇六

桃源憶故人(玉樓深鎖舊情種).....一〇八

淮海居士長短句卷下.....一二

調笑令十首并詩.....一二

王昭君.....一二

樂昌公主.....一二四

崔徽.....一二六

無雙.....一二八

灼灼.....一三〇

盼盼.....一三二

鶯鶯.....一三四

採蓮.....一三六

煙中怨.....一二七

離魂記.....一三〇

虞美人三首(高城望遠淅如霧).....一三二

其二(重桃天上裁和露).....一三三

其三(行信馬橫塘畔).....一三三

點絳脣二首(醉漾輕舟).....一三五

其二(月轉烏啼).....一三六

品令二首(幸自得).....一三七

其二(掉又懶).....一三八

南歌子三首(玉漏迢迢盡).....一四〇

其二(愁鬢香雲墜).....一四一

其三(香墨鸞鸞畫).....一四三

臨江仙二首(千里瀟湘按盛浦).....一四四

其二(髻子偎人嬌不整).....一四六

好事近夢中作(春路雨添花).....一四七

淮海居士長短句補遺……………一五一

搗練子(心耿耿)……………一五一

行香子(樹繞村莊)……………一五二

如夢令二首(門外綠陰千頃)……………一五三

其二(鶯嘴啄花紅溜)……………一五五

生查子(眉黛遠山長)……………一五六

木蘭花慢(過秦淮曠望)……………一五七

虞美人影(碧紗影弄東風曉)……………一五九

浣溪沙(青青園林煮酒香)……………一六〇

醉蓬萊(見揚州獨有)……………一六一

御街行(銀燭生花如紅豆)……………一六三

阮郎歸(春風吹雨繞殘枝)……………一六四

眼兒嬌(樓上黃昏杏花寒)……………一六六

滿江紅(珠麗(越豔風流)……………一六八

念奴嬌 小孤山(長江滾滾東流去)……………一六九

昭君怨 春日寓意(隔葉乳鴉聲軟)……………一七一

西江月(愁黛顰成月淺)……………一七二

畫堂春(東風吹柳日初長)……………一七三

宴桃源(去歲迷藏花柳)……………一七四

海棠春(流鶯窗外啼聲巧)……………一七五

憶秦娥(暮雲碧)……………一七六

菩薩蠻(金風蔽蕙驚黃葉)……………一七八

憶秦娥(霜橋雪)……………一七八

又(曲江花)……………一八一

又(庾樓月)……………一八二

又(楚臺風)……………一八三

金明池(曉苑金池)……………一八四

夜游宮(何事東君又去)……………一八七

一斛珠 秋閨(碧雲寥廓)……………一八八

青門飲(風起雲間).....	一九八
鷓鴣天(枝上流鶯和淚聞).....	一九一
醉鄉春(喚起一聲人悄).....	一九三
南歌子(贈東坡侍妾朝雲(鬢鬢凝春態)).....	一九六
其二(夕露露芳草).....	一九九
其三(樓迴深雲日).....	二〇〇
失調名四則.....	二〇〇
曲游春逸句.....	二〇三
淮海居士長短句存疑.....	二〇五
蝶戀花(鐘送黃昏雞報曉).....	二〇五
柳梢青(岸草平沙).....	二〇五
憶王孫(萋萋芳草憶王孫).....	二〇六
生查子(遠山眉黛長).....	二〇六
如夢令(傳與東坡尊舅).....	二〇七

玉樓春(參差簾影晨光動).....	二〇七
又(午窗睡起香銷鴨).....	二〇八
又集句(狂風落盡深紅色).....	二〇八
南鄉子(月色滿湖村).....	二〇八
虞美人(陌頭柳色春將半).....	二〇九
踏莎行(冰解芳塘).....	二〇九
又上巳日過華嚴寺(昨日清明).....	二〇九
又(曉樹啼鶯).....	二一〇
臨江仙(看花爲愛西莊花滿樹).....	二一〇
又(十里紅樓依綠水).....	二一〇
又(客路光陰渾草草).....	二一一
釵頭鳳(別武昌(臨丹壑)).....	二一一
蝶戀花(紫燕雙飛深院靜).....	二一一
又題二喬觀書圖(並倚香肩顏鬪玉).....	二二三
又(新草池塘煙漠漠).....	二二三

又(金鳳花開紅滿砌).....	二三	滿庭芳 賞梅(庭院餘寒).....	二九
又(語燕飛來驚晝睡).....	二三	念奴嬌(千門明月).....	三九
又(今歲元宵明月好).....	二三	又(赤壁舟中詠雪(中流鼓枻)).....	三〇
又(舟泊潯陽城下住).....	二四	又(畫橋東過).....	三〇
漁家傲(門外平湖新雨過).....	二四	又(朝來作氣).....	三一
又七夕立秋(七夕湖頭聞眺望).....	二四	又詠柳(纖腰嬾嬾).....	三一
又(遙憶故園春到了).....	二五	又(滿天風雪).....	三一
又(江上涼颼情緒煥).....	二五	又(夜涼湖上).....	三二
又(剛過淮流風景).....	二六	解語花(窗涵月影).....	三二
江城子(清明天氣醉遊耶).....	二六	玉燭新(秦階月明).....	三三
何滿子(天際江流東注).....	二六	水龍吟(禁烟時候風和).....	三三
風入松(西山(雲巒雨過碧瑤光)).....	二七	又(瑣窗睡起門重閉).....	三四
滿江紅(詠砧聲(一派秋聲)).....	二七	石州慢 九日(深院蕭條).....	三四
又(風雨蕭蕭).....	二八	喜遷鶯(西風落葉).....	三五
碧芙蓉 九日(客裏過重陽).....	二八	又(梅花行動).....	三五

又(花香馥郁) .....	三六
風流子(新陽上簾幌) .....	三六
沁園春(錦里繁華) .....	三七
又(暖日高城) .....	三七
摸魚兒 暮九(修湖濱) .....	三八
蘭陵王(雨初歇) .....	三八
滿江紅 蛛麗(越豔風流) .....	三九

南鄉子夜景(萬籟寂無聲) .....	三九
失調名一則 .....	三〇
【附錄一】 淮海詞版本考 .....	三一
【附錄二】 秦觀詞年表 .....	三二
【附錄三】 傳記序跋 .....	三三
【附錄四】 總評 .....	三一

# 淮海居士長短句卷上

## 望海潮四首〔一〕

星分牛斗〔三〕，疆連淮海〔三〕，揚州萬井提封〔四〕。花發路香，鶯啼人起，珠簾十里東風〔五〕。豪俊氣如虹〔六〕。曳照春金紫〔七〕，飛蓋相從〔八〕。巷入垂楊，畫橋南北翠烟中。

追思故國繁雄：有迷樓掛斗〔九〕，月觀橫空〔一〇〕。紋錦製帆〔一一〕，明珠濺雨〔一二〕，寧論爵馬魚龍〔一三〕！往事逐孤鴻。但亂雲流水，縈帶離宮〔一四〕。最好揮毫萬字，一飲拚千鍾〔一五〕。

【校】

〔調〕張本、毛本、黃本調下題作「廣陵懷古」。

〔珠簾〕張本、毛本、黃本作「朱簾」。

〔東風〕張本、

毛本、黃本作「春風」。

〔孤鴻〕黃本作「歸鴻」。

【箋注】

〔一〕神宗元豐三年庚申（一〇八〇），少游與李樂天簡云：「自還家來，比會稽時人事差少。杜門却掃，日以文史自娛。時復扁舟循苕溝而南，以適廣陵。泛九曲池，訪隋氏陳迹，入大明寺，飲蜀井，上平山堂。折歐陽文忠所種柳，而誦其所賦詩，爲之喟然以嘆。遂登摘星寺。寺，迷樓故址也。……僕每登此，竊心悲而樂之。」可證此詞作於是年。

〔二〕星分句 星分，周禮春官保章氏：「以星土辨九州之地所封，封域皆有分星，以觀妖祥。」牛斗，指二十八宿中之牛宿與斗宿。史記天官書：「斗，江、湖，牽牛、婺女，揚州。」嘉慶重修揚州府志引元玉曆：「斗牛星紀：吳越，隸揚，負淮水。」

〔三〕淮海 書禹貢：「淮海惟揚州。」傳：「北據淮，南距海。」

〔四〕揚州句 揚州，治所在今江蘇省揚州市。井，古制八家爲井，引申爲家宅、鄉里。提封，漢書刑法志：「一同百里，提封萬井。」注引李奇：「提，舉也，舉四封之內也。」王先謙補注引王念孫：「廣雅曰：『提封，都凡也。』都凡者，猶今人言大凡、諸凡也。……都凡與提封一聲之轉，皆是大數之名。提封萬井，猶言通共萬井耳。」

〔五〕珠簾句 杜牧贈別詩：「春風十里揚州路，捲上珠簾總不如。」

〔六〕氣如虹 狀人之豪邁超俊。曹植七啓：「慷慨則氣成虹霓。」李賀高軒過詩：「入門下馬氣如虹。」語本史記魯仲連鄒陽列傳：「昔者荊軻慕燕丹之義，白虹貫日，太子畏之。」

〔七〕曳照句 曳，拖，如「曳裾」，引申爲穿戴。金紫，原謂丞相、太尉、列侯等所佩之金印紫綬。史記

蔡澤列傳：「懷黃金之印，結紫綬於要。」此處指貴人之華麗服飾。韋倕與吳子延侍郎同年玉堂，河直懷恩，愍因成長，句四韻兼呈諸同年詩：「聲名烜赫文章士，金紫雍容富貴身。」

〔八〕飛蓋 指急行中車輛。蓋，車篷。曹植公議詩：「清夜遊西園，飛蓋相追隨。」

〔九〕迷樓 隋楊帝所築，故址在今揚州市西北。大業拾遺記：「〔楊〕帝色荒愈熾，乃建迷樓，擇下俚稚女居之。」韋倕迷樓記：「凡役夫數萬，經歲而成。樓閣高下，軒窗掩映。幽房曲室，玉欄朱楯，互相連屬，回環四合，曲屋目通，千門萬戶，上下金碧。……人誤入者，雖終日不能出。帝幸之，大喜，顧左右曰：『使真仙遊其中，亦當自迷也。可目之曰迷樓。』」宋時迷樓舊址有摘星寺。少游與李樂天簡云：「其地最高，金陵、海門諸山，歷歷皆在履下。」

〔一〇〕月觀 觀閣名。南史徐湛之傳：「廣陵舊有高樓，湛之更修整之，南望鍾山。城北有陂澤，水物豐盛，湛之更起風亭、月觀、吹臺、琴室。」大業拾遺記：「〔楊〕帝幸月觀，烟景清朗，中夜獨興，蕭妃起臨前軒。」

〔一一〕紋錦製帆 以錦緞作船帆。大業拾遺記：「楊帝幸江都，至汴，帝御龍舟，蕭妃乘鳳舸。錦帆綵纜，窮極侈靡。」李商隱隋宮詩：「玉墮不緣歸日角，錦帆應是到天涯。」

〔一二〕明珠濺雨 隋遺錄：「楊帝命宮女灑明珠於龍舟上，以擬雨雹之聲。」

〔一三〕爵馬魚龍 指珍奇玩好。南朝宋鮑照蕪城賦：「吳蔡齊秦之聲，魚龍爵馬之玩。」爵，通雀。

〔一四〕離宮 猶言行宮。通鑑隋紀四：「自長安至江都，置離宮四十餘所。」王觀揚州賦：「殘刻斷礎，燒昏



草沒，而牛羊牧放之所，憑陵而上下者，此前王之離宮別殿也。」可見宋時離宮已廢。

〔吾最好二句〕歐陽修朝中措送劉仲原甫出守維揚詞：「文章太守，揮毫萬字，一飲千鍾。」拚，舍棄，

不顧惜。

## 其 一〔一〕

秦峯蒼翠〔三〕，耶溪瀟灑〔三〕，千巖萬壑爭流〔四〕。鴛瓦雉城〔五〕，譙門畫戟〔六〕，蓬萊  
燕閣三休〔七〕。天際識歸舟〔八〕。泛五湖煙月〔九〕，西子同遊〔一〇〕。茂草臺荒〔一一〕，苧  
蘿村冷起閒愁〔一二〕。何人覽古凝眸？恨朱顏易失，翠被難留。梅市舊書〔一三〕，蘭  
亭古墨〔一四〕，依稀風韻生秋。狂客鑑湖頭〔一五〕。有百年臺沼，終日夷猶〔一六〕。最好金  
龜換酒〔一七〕，相與醉滄洲〔一八〕。

### 〔校〕

〔其二〕張本、李本、段本、毛本、四庫本、黃本、王本、秦本均作「又」，調下題作「越州懷古」。

〔臺荒〕

張本、李本、段本、毛本、四庫本、詞律、黃本、王本、秦本均作「荒臺」。案：「臺荒」與下句「村冷」爲對仗，應從宋本。

【箋注】

〔一〕據秦鳳淮先生年譜（以下簡稱年譜），元豐二年己未（一〇七九），少游「省人父承議公及叔父定於會稽……乃東遊鑑湖，謁禹廟，憩蓬萊閣。是時，給事廣平程公關領越州。先生相得歡甚，多登臨唱酬之什，作會稽唱和詩序，錄寶林禪院事實，又作會稽懷古諸詞。」詞係作於是年夏秋之間。

〔二〕秦峯 卽秦望山。輿地紀勝卷十：「秦望山在會稽東南四十里。」

〔三〕耶溪 卽若耶溪，在今紹興市東南若耶山下，注入鑑湖。一名浣紗溪，相傳爲西施浣紗處。

〔四〕千巖句 世說新語言語：「顧長康從會稽還，人問山川之美。顧云：『千巖競秀，萬壑爭流，草木蒙籠其上，若雲與霞蔚。』」

〔五〕鴛瓦句 鴛瓦，瓦之成偶者稱鴛鴦瓦。鄴中記：「鄴中銅雀臺皆鴛鴦瓦。」簡稱鴛瓦。唐王涯望蔡門松雪詩：「依稀鴛瓦出，隱映鳳樓重。」雉城，卽雉堞，城上的女牆。

〔六〕譙門 城門樓，用以瞭望敵情。漢書陳勝傳：「獨守丞與戰譙門中。」顏師古注：「門上爲高樓以望曰譙。」名義考：「古者爲樓以望敵陣，下爲門，上爲樓，或曰譙門，或曰譙樓。」

〔七〕蓬萊句 蓬萊，指蓬萊閣。會稽續志：「蓬萊閣在設廳之後臥龍山下，與越（錢）鏐所建，淳熙元年其八世孫端禮重修……後汪綱復修。綱自記歲月於柱云：『蓬萊閣，登臨之勝，甲於天下。』」三休，此形容蓬萊閣之高。賈誼新書退讓：「翟王使使至楚，楚王誇使者以章華之臺，臺甚高，三休乃至。」又，據咸淳臨安志，杭州玲瓏山上有三休亭，然此詞本詠會稽，邈不相涉。少游送蔡子瞻用蔡子駿頤詩：「鏡水春生鴈尾銜，」

稽山日暮猿聲續。三休上與蓬萊接，登眺使人遺寵辱。可能會稽也有名爲「三休」的亭臺。

(八)天際句 齊謝朓之宣城郡出新林浦向板橋詩：「天際識歸舟，雲中辨江樹。」

(九)五湖 指太湖。國語越語下：「戰於五湖。」章昭注：「五湖，今太湖也。」水經注兩水注：「范蠡滅吳，返至五湖而辭越，斯乃太湖之兼攝通稱也。」程大昌演繁露卷九：「計然云，范蠡乘扁舟於五湖。」

(一〇)西子 卽西施。據吳越春秋勾踐陰謀外傳記載，西施原爲苧蘿山鬻薪者之女。越王勾踐爲吳所敗，退守會稽。後得西施，飾以羅縠，教以容步，令范蠡獻之於吳王夫差。史記吳世家記吳王「既得西施，甚寵之，爲築姑蘇臺，高三百丈，游宴其上。」越絕書：「吳亡後，西施復歸范蠡，同泛五湖而去。」杜牧杜秋娘詩云：「西子下姑蘇，一舸逐鴟夷。」後人以爲指此而言。

(一一)臺荒 臺，指姑蘇臺，故址在今江蘇省蘇州市西南。史記淮南衡山傳謂伍員力諫夫差拒絕越國求和，不聽，遂曰：「臣今見麋鹿游姑蘇之臺也。」

(一二)苧蘿村 西施故里，在今浙江省諸暨縣南門外五里，位於苧蘿山下。

(一三)梅市 漢書梅福傳：「梅福，字子真，九江壽春人也。少學長安，明尚書，穀梁春秋，爲郡文學，補南昌尉……時成帝任用王鳳，鳳專權擅朝，上書不納。至元始中，王莽顯政，福一朝棄妻子，去九江，至今傳以爲仙。其後，人有見福於會稽者，變名姓，爲吳市門卒云。」方勺泊宅編卷上：「西海梅福，自九江尉去職，爲吳市門卒。今山陰有梅市鄉，山曰梅山，卽其地也。」舊書，指梅福所習之尚書、穀梁春秋等古籍。

(一四)蘭亭 在今浙江紹興市西南二十七里。水經浙江水注：「鑑湖湖口有亭，曰蘭亭，亦曰蘭上里。」

太守王羲之、謝安兄弟，數往造焉。」蘭亭占墨，指王羲之所書之蘭亭集序。少游書蘭亭敘後云：「右軍以穆帝永和九年三月三日，與太原孫統……等四十有一人，修祓禊於山陰之蘭亭，酒酣賦詩製序，用蠶繭紙、鼠鬚筆。書凡二十八行，三百二十四字。」

〔五〕狂客句 狂客，指賀知章。舊唐書文苑賀知章傳：「知章晚年尤加縱誕，無復規檢，自號四明狂客。」鑑湖，即鏡湖，在浙江紹興。李白對酒憶賀監二首其二：「狂客歸四明，山陰道士迎。敕賜鏡湖水，爲君臺沼榮。」

〔六〕夷猶 原意爲遲疑不進。楚辭九歌湘君：「君不行兮夷猶。」後引申爲容與徜徉，有逍遙義。張耒泊長平晚望詩云：「川穩夷猶棹，春歸杳靄天。」

〔七〕金龜 唐代官員佩飾之一種。唐初五品以上佩魚袋，武后天授元年改佩龜，三品以上龜袋用金飾，稱金龜。孟榮本事詩高逸：「李太白初自蜀至京師，舍於逆旅。賀監知章聞其名，首訪之。既奇其姿，復請所爲文。出蜀道難以示之。讀未竟，稱歎者數四，號爲謫仙，解金龜換酒，與傾盡醉，期不間日，由是稱譽光赫。」

〔八〕滄洲 猶言水濱，指隱者所居之地。南史張充傳：「飛竿釣渚，濯足滄洲。」

## 【彙評】

明沈際飛草堂詩餘續集：入律。

詞爲故實拖疊所累。

其三 三

梅英疎淡，冰漸溶洩<sup>(一)</sup>，東風暗換年華。金谷俊遊，銅駝巷陌<sup>(二)</sup>，新晴細履平沙。長記誤隨車<sup>(三)</sup>。正絮翻蝶舞，芳思交加。柳下桃蹊<sup>(四)</sup>，亂分春色到人家。西園夜飲鳴笳<sup>(五)</sup>。有華燈礙月，飛蓋妨花。蘭苑未空<sup>(六)</sup>，行人漸老，重來是事堪嗟<sup>(七)</sup>。煙暝酒旗斜。但倚樓極目，時見棲鴉。無奈歸心，暗隨流水到天涯。

【校】

〔其三〕張本、李本、段本、毛本、四庫本、黃本、王本、秦本均作「又」，調下題作「洛陽懷古」。

〔冰漸〕

各宋本俱作「水漸」。案他宋人詞多作「冰漸」，如柳永尾犯詞云：「野塘風暖，游魚觸動，冰漸微坼。」改從張、李、段、毛諸本。

〔是事〕歷代詩餘、詞譜、詞律、詞綜作「事事」，非。

【箋注】

〔一〕據虞集西園雅集圖跋，西園爲王詵延蘇軾諸名士燕遊之所（詳後注）。王詵，字晉卿，尙英宗第二女魏國大長公主，爲駙馬都尉，「故第池簾，極其華縟」（宋史卷二百四十八）。劉克莊西園雅集圖跋云：「本朝咸曉，惟李端愿、王晉卿二駙馬，好文喜士。世傳孫巨源『三通鼓』、眉山公『金釵墜』之詞，想見一時風流。」

蘊藉。宋錢島詩案，實主俱謫。至元祐八年九月，高太后崩，哲宗親政，蘇軾等再次被謫。詞云「車來是車來」，蓋指是時西園之冷落情況而言。少游於熙寧二年三月來遺離京，結句「無亦歸心」，暗隨流水到天涯，正是當時心情寫照。詞即作於此年。

(二) 冰漸 流冰。後漢書王霸傳：「河水流漸，無船，不可濟。」花草粹編卷二載李子正梅苑減蘭十梅序：「花雖多品，梅最先春，始因暖律之潛催，正值冰漸之初泮。」

(三) 金谷二句 水經穀水注：「金谷水出太白原，東南流，歷金谷，謂之金谷水。」金谷，古地名，在今河南省洛陽市東北。西晉石崇築園於此，賓客游宴其中，世稱金谷園。銅駝巷陌，太平御覽卷一五八引陸機洛陽記：「洛陽有銅駝街。漢鑄銅駝二枚，在宮南四會道相對。俗語曰：『金馬門外集衆賢，銅駝陌上集少年。』」

(四) 誤隨車 韓愈嘲少平詩：「只知問信馬，不覺誤隨車。」

(五) 柳下桃蹊 史記李廣列傳：「李廣曰：『桃李不言，下自成蹊。』」唐王涯遊春詞：「經過柳陌與桃蹊。」

(六) 西園 指汴京王詵之花園。宋李伯時繪有西園雅集圖，元趙孟頫據以編摹，載故宮周刊第十三冊。圖下有元虞集跋云：「西園者，宋尉馬都尉王詵晉卿延東坡諸名士燕遊之所也。……燕集歲月無所考，西園亦莫究所在。即圖而觀，雲林泉石，儵然勝處也。傳衣冠十有四人，僧道士各一人。」其十四人名姓一一列出，爲蘇軾、蘇轍、黃庭堅、秦觀、陳師道、張耒、李廌、晁補之、王詵、蔡天啓、李伯時、米芾、王仲至、劉巨濟。

〔七〕蘭苑 園林的美稱。謝靈運《雲笈法師誄》：「如彼蘭苑，風過氣絕。」此指西園。

〔八〕是事 張相詩詞曲語辭匯釋卷一：「猶云事事或凡事也。」柳永《定風波詞》：「自春來、慘綠愁紅，芳心是事可。」

【彙評】

明李攀龍草堂詩餘卷四眉批：借桃花綴梅花，風光百媚。停杯騁望，有無限歸思隱約言先。 評：

自梅英吐、年華（換）說到春色亂分處，兼以華燈、飛蓋、酒旗，一寓目盡是旅客增怨，安得不歸思如流耶？

草堂詩餘正集卷五：春光滿楮，與梅無涉。

清陳廷焯白雨齋詞話卷一：少游詞最深厚，最沉著，如「柳下桃蹊，亂分春色到人家」，思路幽絕，其妙令人不能思議。較「柳江辛白繞」，為誰流下「瀟湘去」之語，尤為入妙。世人動訾秦七，真所謂井蛙謗海也。

清周濟宋四家詞選：兩兩相形，以鑒見勁。以兩「到」字作眼，點出「換」字精神。

清秦元臺本淮海後集長短句卷上「柳下」二句眉批：可入風味在此，語意殊絕。

清譚獻譚評詞辨：（長記誤隨車）頓宕。（「柳下」二句）旋斷仍連。（下闕）陳隋小賦縮本，填詞家不以唐人為止境也。

## 其四

奴如飛絮，郎如流水，相沾便肯相隨。微月戶庭，殘燈簾幕，忽忽共惜佳期<sup>(一)</sup>。纔話舊分攜。早抱人嬌咽，雙淚紅垂<sup>(二)</sup>。畫舸難停，翠幃輕別兩依依。別來怎表相思？有分香帕子，合數松兒<sup>(三)</sup>。紅粉脆痕，青牋嫩約<sup>(四)</sup>，丁寧莫遣人知。成病也因誰？更自言秋杪，親去無疑。但恐生時注意，合有分子飛<sup>(五)</sup>。

### 【校】

〔其四〕原本、李本、段本、毛本、四庫本、廣本、王本、秦本均作「又」，且調下題作「別意」。

### 【箋注】

〔一〕佳期 楚辭九歌湘夫人：「登白蘋兮騁望，與佳期兮夕張。」王逸注：「佳，謂湘夫人也。」原謂與佳人約會，後指歡聚之日。

〔二〕雙淚紅垂 卽紅淚雙垂。王嘉拾遺記卷七載魏文帝時選良家子以入六宮，薛靈芸被選，「聞別父母，歔歔累下，淚下霑衣。至升車就路之時，以玉唾壺承淚，壺則紅色。旣發常山，及至京師，壺中淚凝如血。」李賀蜀國弦詩：「誰家紅淚客，不忍過瞿塘。」

〔三〕別來三句 分香帕子，卽香羅帕。合數松兒，指成雙作對的松籽。二物皆別後寄贈，以表相思。



明卓人月古今詞統謂「松兒帕子，又見洪璚永遇樂」。洪詞云：「合數松兒，分香帕子，總是牽情處。」

〔四〕紅粉二句 紅粉脆痕，義猶牛嶠菩薩蠻詞：「愁勻紅粉淚。」脆痕，指嬌嫩面龐上的淚痕。青牋，

青色的信紙。古代蜀牋有十色，中有深青、淺青二種，稱青牋。嫩約，指約會。

〔五〕于飛 比翼而飛，喻夫婦好合。詩大雅卷阿：「鳳凰于飛，翩翩其羽。」

【彙評】

明徐渭評點段斐君刊本淮海集長短句卷上（以下簡稱徐評本）（下閱眉批）尋常淺語，自是生情。

沁園春（二）

宿靄迷空，膩雲籠日，晝景漸長。正蘭皋泥潤〔三〕，誰家燕喜；蜜脾香少〔三〕，觸處蜂忙〔四〕。盡日無人簾幕掛，更風遞游絲時過牆。微雨後，有桃愁杏怨，紅淚淋浪〔五〕。

風流寸心易感，但依依佇立，回盡柔腸。念小廬瑤鑑，重勻絳蠟〔六〕；玉籠金

斗〔七〕，時熨沉香〔八〕。柳下相將遊冶處，便回首、青樓成異鄉〔九〕。相憶事，縱蠻牋

萬疊〔九〕，難寫微茫。

【校】

〔調〕張本、李本、段本、毛本、四庫本、黃本、秦本調下題作「春思」，王本題作「春」。沈本章堂別集題作「春思」。

〔蘭皋泥潤〕詞譜作「蘭泥皋潤」，誤。

〔小匳〕小，黃本注云：「吳越作花，本集作小。」

〔蠻牋〕詞譜作「蠻牋」，非。

### 【箋注】

〔一〕此首上闕寫春景，下闕寫春思。所謂「青樓成異鄉」，可能指在揚州時的冶遊生活，似作於熙寧、元豐間家居之時。

〔三〕蘭皋 皋，水邊高地。楚辭離騷：「步余馬於蘭皋兮，馳椒丘且焉止息。」

〔三〕蜜脾 蜜蜂營造連片蜂房，釀蜜其中，其形如脾，故名。王禹偁蜂記：「其釀蜜如脾，謂蜂脾。」李商隱閨情詩：「紅露花房白蜜脾，黃蜂紫蝶兩參差。」

〔四〕觸處 詩詞曲語辭匯釋卷六：「猶云到處或隨處也。」

〔五〕泚浪 水珠連續下滴貌。宋朱熹試院雜詩：「坐聽秋簷響，淋浪殊未休。」

〔六〕絳蠟 本謂紅燭。蘇軾次韻代留別詩：「絳蠟燒殘玉聲飛，離歌昌歈萬行啼。」此處疑指胭脂一類化粧品。

〔七〕玉籠句 玉籠，熏籠的美稱。金斗，熨斗。蕭衍和徐錄事見內人作臥具詩：「熨斗金塗色，簪管

白牙纈。」

〔八〕沉香 香木。亦名沉水香。太平御覽卷九八二引南州異物志：「沉水香出日南，欲取，當先砍壞樹

著地。積久，外皮朽爛，其心至堅，置水則沉，名沉香。」

〔九〕青樓 魏曹植《美女篇》：「青樓臨大路，高門結重關。」指顯貴之家。梁劉邈《萬山見采桑人詩》：「倡妾不勝愁，結束下青樓。」始以青樓喻妓院。此指後者。

〔十〕蠶牋 卽蜀牋。元費著《蜀牋譜》：「謝公（師厚）有十色牋：深紅、粉紅、杏紅、明黃、深青、淺青、深綠、淺綠、銅綠、淺雲，卽十色也。」楊文公《憶談苑》載韓浦寄弟詩云：「十樣蠶牋出益州，寄來新自浣花頭。」謝公牋出於此乎？明陳耀文《天中記》：「唐中國紙未備，故唐人詩多用『蠶牋』字。」宋詞繼承唐詩，亦用此語。

【彙評】

宋胡仔《蓀溪漁隱叢話》後集卷三十三引蠶苑雖黃子又嘗讀李義山效徐陵贈史衣云：「輕寒衣省夜，金斗熨沉香。」乃知少游詞「玉龍金斗，熨熨沉香」，與夫「睡起熨沉香，玉龍不勝金斗」，其語亦有來歷處。  
草堂詩餘別集卷四：「妾妾佗佗，條條秩秩，未免有情難讀，讀難厭。」

水龍吟〔二〕

小樓連遠橫空，下窺繡轂雕鞍驟〔三〕。朱簾半捲，單衣初試，清明時候。破曉輕風，弄晴微雨〔四〕，欲無還有。賣花聲過盡，斜陽院落，紅成陣，飛鴛聲〔四〕。

王珮丁

東別後，悵佳期、參差難又。名韞利鎖，天還知道，和天也瘦。花下重門，柳邊深巷，不堪回首。念多情但有，當時皓月，向人依舊。

【校】

〔調〕此首故宮本自「斜陽院落」至詞末補鈔。諸本調下均題作「贈妓婁東玉」。黃本「婁」作「樓」，注云：「宋本有此五字。」疑據宋本淮海琴趣。花庵調下注云：「寄營妓婁院，院字東玉，詞中散其姓名與字在焉。」〔連連〕張本、李本、段本、毛本、四庫本、王本、秦本作「連苑」。〔繡轂〕詞譜作「繡輦」，非。〔朱庭〕張本、李本、段本、毛本、四庫本、王本、秦本、詞綜、詞譜作「疎簾」，黃本作「珠簾」。〔斜陽〕詞綜、詞譜作「垂楊」，非。〔院落〕詞譜、花庵作「院字」，非。

【箋注】

〔一〕宮溪漁隱叢話前集卷五十引高齋詩話云：「少游在蔡州，與營妓婁院字東玉者甚密，贈之詞云：『小樓連苑橫空』，又云『玉佩丁東別後』者是也。」案少游於元豐八年乙丑（一〇八五）舉進士，後謫蔡州教授，至元祐五年庚午（一〇九〇），始入京供職祕書省，詞當作於此時。

〔二〕繡轂句 繡轂，華貴的車輛。雕鞍，雕飾的馬鞍，也借以指馬。王勃臨高臺詩：「銀鑾繡轂盛繁華，可憐今夜宿娼家。」

〔三〕弄晴句 謂微雨欲無還有，似逗弄晴天。

〔四〕鶯聲 謂用對稱之磚瓦砌成的井壁。易井：「井甃，無咎。」孔穎達疏引子夏傳曰：「甃，亦治也。」以

磚壘井，修井之壞，謂之登。」此指井臺。

〔五〕名韁利鎖 柳永夏雲峰詞：「向此兔、名韁利鎖，虛費光陰。」

〔六〕和天也瘦 李賀金銅仙人辭漢歌詩：「天若有情天亦老。」爲此詞所本。詩詞曲語辭匯釋卷一：「和，猶連也。秦觀……水龍吟詞：『名韁利鎖，天還知道，和天也瘦。』言連天亦不免當此苦況而消瘦，何況於人也。」

### 【彙評】

宋俞文豹吹劍三錄：東坡問少游別後有何作，少游舉「小樓連苑橫空，下窺繡轂雕鞍驟」。坡曰：「十三箇字只說得一箇人騎馬樓前過。」文豹亦謂公次沈立之韻：「試問別來愁幾許？春江萬斛若爲情。」十四字只是少游「愁如海」三字耳。作文亦如此。

宋曾季狸艇齋詩話：少游詞「小樓連苑橫空」，爲都下一妓姓樓名琬字東玉，詞中欲藏「樓琬」二字。然少游亦自用出處，張籍詩云：「妾家高樓連苑起。」

宋王林野客叢書卷二十：又少游詞「天還知道，和天也瘦」之語，伊川先生聞之，以爲媒漬上天。是則然矣。不知此語蓋祖李賀「天若有情天亦老」之意爾。

宋陳鵠西塘集著舊續聞卷八：伊川嘗見秦少游詞「天還知道，和天也瘦」之句，乃曰：「高高在上，豈可以此漬上帝？」又見晏叔原詞「夢魂慣得無拘檢，又踏楊花過謝橋」，乃曰：「此鬼語也！」蓋少游乃本李長吉「天若有情天亦老」之意，過於媒漬。少游竟死於貶所，叔原壽亦不永，雖曰有數，亦口舌勸淫之過。

宋張炎詞源卷下：大詞之料，可以斂爲小詞；小詞之料，不可展爲大詞。若爲大詞，必是一句之意，引而爲兩三句；或引他意入來，捏合成章，必無一唱三歎。如少游水龍吟云：「小樓連苑橫空，下窺繡轂雕鞍驟。」猶且不免爲東坡見誚。

明楊慎詞品卷一：填詞平仄及斷句皆定數，而詞人語意所到，時有參差。如秦少游水龍吟前段歇拍句云：「紅成陣，飛鴛甃。」換頭落句云：「念多情，但有當時皎月，照人依舊。」以詞意言，「當時皎月」作一句，「照人依舊」作一句。以詞調拍眼，「但有當時」作一拍，「皎月照」作一拍，「人依舊」作一拍，是也。

明鐵花齋叢書本草堂詩餘楊慎批語（以下簡稱楊慎批草堂）：首句與換頭一句，俱隱妓名「樓東玉」三字，甚巧！「天還知道，和天也瘦」二句，情極之語，纖軟特甚。

明王世貞弇州山人詞評：詞內「人瘦也，比梅花瘦幾分」，又「天還知道，和天也瘦」，「莫道不銷魂，人比黃花瘦」，三「瘦」字俱妙。

草堂詩餘舊卷二眉批：輕風微雨，寫出暮春景色，有見月而不見人之憾，問天天不知。評：按景綴情，最有味。謂筆能開花，信然。

草堂詩餘正集卷五：天也瘦起來，安得生致？少游自扶其心。

清徐鉉詞苑叢談卷三（東坡）又問別作何詞，秦學「小樓連苑橫空，下窺繡轂雕鞍驟」。坡云：「十三箇字，只說得一箇人騎馬樓前過。」秦問先生近著，坡云亦有一詞說樓上事，乃舉「燕子樓空，佳人何在？空鎖樓中燕」。晁無咎在座云：「三句說盡張建封燕子樓一段事，奇哉！」

清沈雄古今詞話詞品卷上：秦少游水龍吟「小樓連苑橫空」，隱婁東玉字；南朝子「鈎殘月帶三星」，隱陶心兒字。何文縝虞美人「分香帕子柔藍膩，欲去殷勤惠」，隱惠柔字。興會所至，自不能已；大雅之作，政不必然。若黃山谷兩同心云「你共人女邊著子，爭知我門裏擔心」，隱「好悶」兩字。總因「黃絹幼婦，外孫瑩白」八字作俑，而下流于「秋在人心上，心在門兒裏」，便開俚淺蹊徑。

清郭麐靈芬館詞話卷二：「小樓連苑橫空」，無名字之夢也。有頭無尾，雖遊戲筆墨，亦自有天然妙合之趣。

清沈祥龍論詞隨筆：詞當意餘於辭，不可辭餘於意。東坡謂少游「小樓連苑橫空」，下窺繡轂雕鞍，二句，只說得車馬樓下過耳，以其辭餘於意也。若意餘於辭，如東坡「燕子樓空，佳人何在，空鎖樓中燕」，用張姪封事；白石「猶記那人，正睡裏，飛近蛾綠」，用壽陽事，皆爲玉田所稱，蓋辭簡而餘意悠然不盡也。

清陳廷尊詞則閑情集卷一：前後闕起處，醒。「樓東玉」三字，稍病纖巧。

王國維人間詞話：詞中忌用替代字。美成解語花之「桂華流瓦」，境界極妙，惜以「桂華」二字代「月」耳。夢窗以下，則用代字更多。其所以然者，非意不足，則語不妙也。蓋語妙則不必代，意是則不暇代。此少游之「小樓連苑，繡轂雕鞍」，所以爲東坡所證也。

## 八六子 二

倚危亭，恨如芳草（三），萋萋剗盡還生。念柳外青驄別後，水邊紅袂分時，愴然暗驚。無端天與娉婷。夜月一簾幽夢，春風十里柔情。怎奈何（三），歡娛漸隨流水，素弦聲斷，翠綃香減，那堪片片飛花弄晚，濛濛殘雨籠晴（四）。正銷凝（五），黃鸝又啼數聲。

### 【校】

〔調〕此首故宮本補鈔。毛本調下題作「春怨」。

〔紅袂〕故宮本補鈔葉，李本作「紅社」，誤。

〔愴然〕毛本作「悽然」，非。

〔怎奈何〕故宮本、李本、毛本、四庫本、詞律、王本作「怎奈何」。案：清況周

頤蕙風詞話卷二云：「淮海詞『怎奈何』，歡娛漸隨流水，今本『向』改『何』，非是。『怎奈何』，宋時方言，他宋

人詞亦有用者。」

### 【箋注】

〔一〕元豐三年，孫覺作召伯斗野亭詩，少游等和之，張琬有句曰「危亭下瞰野」，可證此詞作於同時。

〔二〕恨如芳草 李煜清平樂詞：「離恨恰如春草，更行更遠還生。」

〔三〕怎奈何 詩詞曲語辭匯釋卷三：「義猶云奈何也。有曰爭奈何或怎奈何者。晏殊帶人嬌詞：『羅巾



掩淚，任粉痕霑污，爭奈向、千留萬留不住。」

〔四〕那堪二句「弄晚與下句「籠晴」互文，意謂飛花殘雨在逗弄晚晴。

〔五〕銷凝 詩詞曲語辭匯釋卷五：「爲『銷魂凝魂』之約辭。『銷魂』與『凝魂』，同爲出神之義。……陽春正雪六，趙白雲歸朝歡詞：『夜闌天靜魂飛越，正銷凝，一庭秋意，烟水浸空闊。』『銷凝』字緊跟『魂』字而來，此足爲『銷凝』即『銷魂』、『凝魂』義之證。又：『由銷魂義出，凡表示感慨傷神等之感情者爲一類。杜牧八六子詞歇拍云：『正銷魂，梧桐又移翠蔭。』秦觀八六子詞效其體，歇拍云：『正銷凝，黃鸝又啼數聲。』則直以『銷凝』爲『銷魂』之替辭而用如同義也。」

### 【彙評】

茗溪漁隱叢話後集卷三十九：古今詞話以古人好詞世所共知者，易甲爲乙，稱其所作，仍隨其詞牽合爲說，殊無根蒂，皆不足信也。如秦少游……八六子「倚危亭，恨如芳草，萋萋剗盡還生」者，浣溪沙「脚上鞋兒則寸羅」者，二詞皆見淮海集；乃以八六子爲賀方回作，以浣溪沙爲涪翁作。……皆非也。

宋洪邁容齋四筆卷十三：秦少游八六子詞云：「片片飛花弄晚，濛濛殘雨籠晴。正銷凝，黃鸝又啼數聲。」語句清峭，爲名流推激。予家舊有建本蘭畹曲集，載杜牧之一詞，但記其末句云：「正銷魂，梧桐又移翠陰。」秦公蓋效之，似差不及也。

案：蘭畹曲集今已佚。明毛晉汲古閣本尊前集載有杜牧八六子詞云：「洞房深，畫屏燈照，山色凝翠沉沉。聽夜雨，冷滴芭蕉，驚斷紅窗好夢，龍煙細飄繡衾。辭恩久歸長信，鳳帳蕭疏，椒殿閒局。」

聲路苦侵。繡簾垂，遲遲漏傳丹禁。薜華偷悴，翠鬢羞落，愁重望處金輿漸遠，何時

綵仗重臨？正銷魂，梧桐又移翠陰。」

詞源卷下：「春草碧兮，春水綠波。送君南浦，傷如之何！」「矧情至於離，則哀怨必至。苟能調感愴於融會中，斯爲得矣。……李少游八六子云（詞略），離情當如此作，全在情景交鍊，得言外意，有如「勸君更盡一杯酒，西出陽關無故人」，乃爲絕唱。

明陳霆渚山堂詞話卷二：「少游八六子尾闕云：『正銷凝，黃鸝又啼數聲。』」唐杜牧之一詞，其末云：『正銷魂，杜鵑又移翠陰。』秦詞全用杜格。然秦首句云：『倚危亭，恨如芳草，萋萋剗盡還生。』二語妙甚，故非杜可及也。

草堂詩餘正集卷三：「恨如剗草還生，愁如春絮相接，言愁，愁不可斷；言恨，恨不可已。」  
入四六，何滿子之外復見此。 長短句偏

楊慎批草堂，則美成詞「愁如春後絮，來相接」，與「恨如芳草，剗盡還生」，可謂極善形容。  
草堂詩餘舊卷四眉批：「別後分時，憶來情多。花弄晚，雨簾暗，又是一番景色一番愁。」 評：全篇句句

寫箇怨意，句句未曾露箇怨字，正是「詩可以怨」。

宋四家詞選評起句「倚危亭」：「神來之筆！」

清詞選評起句「寄託耶？懷人耶？」詞旨纏綿，音調淒婉如此。

清陳銳寶碧齋詞話：「若淮海八六子詞之『暮』、『晚』與『減』，本不同部，必非韻協。」

詞則大雅集卷二：「寄慨無端。」

## 風流子(二)

東風吹碧草，年華換，行客老滄洲。見梅吐舊英，柳搖新綠；惱人春色(三)，還上枝頭。寸心亂，北隨雲黯黯，東逐水悠悠。斜日半山，暝烟兩岸；數聲橫笛，一葉扁舟。青門同攜手(三)，前歡記，渾似夢裏揚州(四)。誰念斷腸南陌，回首西樓。算天長地久，有時有盡；奈何綿綿、此恨難休(五)。擬待倩人說與，生怕人愁。

### 【校】

〔調〕此首故宮本補鈐。花庵、毛本調下題作「初春」。  
〔人愁〕歷代詩餘、草堂、花庵作「伊愁」。又，「生怕人愁」，草堂注：「一作『擬得情人』。」  
〔難休〕毛本、王本、彊村本作「無休」，誤。

### 【箋注】

〔一〕此詞作於紹聖元年甲戌(一〇九四)由汴京貶往杭州之際。少游留別平閣黎詩末自注云：「紹聖元年，觀自國史編修官蒙恩除館閣校勘，通判杭州，道貶處州。」詞中「寸心亂」三句，寫詞人北望京國，只覺雲霧迷茫；東矚征程，又感道路修遠。逐客情懷，寄寓頗深。而「梅吐舊英，柳搖新綠」二句，又都寫春天景色，與詞人被貶之時相符，故可推定作於此時。

〔三〕憫人春色 韋諷春日葉秀才曲江詩：「春色憫人遮不得。」

〔四〕南門 漢時長安城門。〔五〕黃圖卷：「長安城東出南頭第一門曰霸城門。民見明青色，名曰青城門，或曰南門。」此處借指汴京城門。

〔六〕渾似句 杜牧遣懷詩：「十年一覺揚州夢，贏得青樓薄倖名。」此處借指作者在汴京的一段生活。

〔七〕算天長四句 白居易長恨歌詩：「天長地久有時盡，此恨綿綿無絕期。」

### 評

草堂詩餘高卷一眉批：人倚闌干，夜不能寐。時有盡，恨無休，自爾展轉百出。

評：觸景傷懷，言

新巧，不涉人間蹊徑。

草堂詩餘正集卷六：甚亂，東西南北，悉爲愁場。

（結句）怕伊愁，是以欲說還休。曰「擬得情人」，

不婉。

清陸雲龍琴娛閣評選行笈必攜詞菁卷一：「憫人春色，還上枝頭。寸心亂，北窗雲點點，東逐水悠悠，」

譜出如許傷心處。

蓼園詞選：此必少游被謫後念京中舊友而作，托於懷所歡之辭也。情致濃深，聲調清越，回環雜誦，真

能突突動人者矣。

夢揚州(二)

晚雲收。正柳塘、烟雨初休。燕子未歸，惻惻輕寒如秋。小欄外、東風軟，透繡幃、花  
蜜香稠。江南遠，人何處？鷓鴣啼破春愁。  
長記曾陪燕遊。酬妙舞清歌，麗錦  
纏頭(三)。殢酒爲花(三)，十載因誰淹留？醉鞭拂面歸來晚，望翠樓、簾捲金鉤。佳  
會阻，離情正亂，頻夢揚州。

【校】

〔誤〕此首故宮本補鈔，詞譜云：「此調只此一詞，無別首可校。」又云：「汲古閣本起結皆有脫誤，今依詞  
律訂正。」案：今通行汲古閣六十名家詞本，唯起首二句與詞譜有出入，結句無異。花庵及沈本草堂別集卷三  
題作「中春」。  
〔正柳塘、烟雨初休〕詞譜作「正柳塘花境，烟雨初收。」〔小欄外〕詞譜、詞律均作「小蘭  
干外」。花庵作「曲闌外」，非。  
〔花蜜〕詞譜作「陰密」，花庵及詞律、毛本作「花密」。「密」與「稠」對舉，義  
較勝。  
〔人何處〕詞譜作「人今何處」。  
〔長記〕各本本將此二字屬上闕之末，誤。從張本改。  
〔爲花〕二字與下句「因誰」義複，疑誤，此與句內「殢酒」對舉，似應依故宮本補鈔葉、詞律及張、李、段、毛、  
王、秦諸本作「困花」爲是。

【箋注】

〔一〕據詞譜云：「宋秦觀自製詞，取詞中結句爲名。」此詞上闕寫繡幃中人對征人之思念，下闕抒征人之離情。案年譜：元豐二年己未（一〇七九）正月十五日，少游將如越，「會蘇公自徐徙知湖州，遂與偕行，過無錫，游惠山……又會於松江，至吳興，泊西觀音院。」在泊吳興西觀音院詩中，少游云：「志士恥溝瀆，征夫念桑梓。攬衣軒楹間，嘯歌何窮已！」可見懷念桑梓之情，曾見之於吟嘯。則此詞之作，當於此時。

〔二〕麗錦纏頭 太平御覽卷八一五引唐書：「舊俗賞歌舞人，以錦綵置之頭上，謂之纏頭。宴饗加惠，借以爲詞。」白居易琵琶行詩：「五陵年少爭纏頭，一曲紅綃不知數。」

〔三〕殢酒 病酒，困於酒。韓偓有憶詩：「愁腸殢酒人千里。」

【彙評】

草堂詩餘別集卷三：淮海詞定有一番姿態。

諸棋山莊詞話：無名氏紅云：「悄不管，桃紅杏淺。」管與淺叶。少游夢揚州云：「望翠樓，簾捲金鉤。」樓與鉤叶。此句法亦本毛詩秦風「吁嗟乎，不承權輿」，「乎與輿叶也。」

詞律卷十四：如此丰度，豈非大家傑作！乃爲僉父讀錯注錯，可嘆哉！「燕子」至「香稠」，與後「殢酒」至「金鉤」同。「燕子」「殢酒」，俱用去上，妙絕。「未」字「困」字用去聲，是定格。蓋上面用去上，下面用平，此字非去聲不足以振起。況有此去（聲）字，則落下「輕寒如秋」與「因誰淹留」四個平聲字，方爲抑揚有調。不解此義，于「燕殢、未、困」四字俱注「可平」，「寒、誰」二字俱注「可仄」，有此夢揚州乎？從「長記」起至

「金鉤」，皆追想當時游讌之樂，爲酒所帶，爲花所困也。沈氏及圖譜以「困」作「爲」，全失意味。而沈氏又注云：「爲」一作困。」不惟平聲失調，而下卽有「因誰」之「因」字，豈不一顧耶？

### 雨中花〔二〕

指點虛無正路〔三〕，醉乘班虬〔四〕，遠訪西極〔五〕。正天風吹落，滿空寒白。玉女明星迎笑〔六〕，何苦自淹塵域？正火輪飛上〔七〕，霧捲烟開，洞觀金碧。重重觀閣，橫枕瀛峯〔八〕，水面倒銜蒼石。隨處有奇香幽火，杳然難測。好是蟠桃熟後〔九〕，阿環偷報消息〔一〇〕。任青天碧海〔一一〕，一枝難遇，占取春色。

#### 【校】

〔調〕此首故宮本補鈔。毛本作「雨中花慢」。黃本云：「旁題無『慢』字」。

〔指點〕毛本作「點指」，

誤。〔正大風〕故宮本、張本、李本、段本、毛本、四庫本、王本、秦本作「見天風」。案：「正」字與下句「正

火輪飛」字重，疑誤。

〔白、玉〕底本、故宮本、吳本、張本、李本、段本、毛本、四庫本、秦本皆合爲「皇」

字，誤。依黃本、王本、疆村本以及歷代詩餘，詞譜改。黃本圖校云：「『皇』字應分作二字，『白』連上叶韻，

『玉』連下『女』字爲文。」詞律卷七補注亦謂「原刻以『白玉』二字誤併爲『皇』字」。以上二說是。茗溪漁隱叢

話前集卷五十引冷齋夜話作「滿空寒白，絳女明星迎笑」，可證。

〔任青天碧海〕原作「在天碧海」，詞律

卷七補注云：「又『在天碧海』句『天』字上空一字，淮海集作『任青天碧海』，均應改補。」近是，第未知所據何本。詞譜作『在青天碧海』。『在』，況周頤蕙風詞選校改云：應作『任』。據改。

### 【箋注】

〔一〕宋惠洪冷齋夜話云：「少游元豐初夢中作長短句曰：『指點虛無征路……』既覺，使侍兒歌之，蓋雨中花也。」案此詞雖寫夢境，然現實中亦有憑藉，似與金山有關。元豐三年庚申（一〇八〇），鮮于侁爲揚州守，邵彥瞻爲揚州從事。是歲蘇轍將赴高安，過高郵，與少游相從數日。蘇轍有陪彥瞻遊金山詩，詩云：「僧居厭山小，面面貼蒼石。」鮮于侁和詩有曰：「蓬萊三神山，橫絕倚鼇背。鼇傾海水動，一峰失所在。飛來大江心，盤礴漫千載。化爲金僊居，龍象錯朱貝。」少游亦作詩相和，云：「忽蒙珠璣投，了與雲巒遇。幽光炯肝肺，爽氣森眉宇。區中多滯念，方外饒奇趣。」諸詩與此詞之意境、藝術構思相仿，可定爲同時之作。

〔二〕虛無 虛無縹緲的境界。杜甫送孔巢父謝病歸遊江東兼呈李白詩：「蓬萊織女回雲車，指點虛無是征路。」

〔三〕班虬 楚辭離騷：「驅玉虬以乘鸞兮，溘埃風余上征。」王逸注：「有角曰龍，無角曰虬。」班固班。

〔四〕西極 西方極遠之地。楚辭離騷：「朝發軔於天津兮，夕余至乎西極。」

〔五〕玉女句 玉女，文選張衡思立賦：「載太華之玉女兮，召洛浦之宓妃。」劉良注：「玉女，太華神

女。」明星：太平廣記卷五十九引集仙錄：「明星玉女者，居華山，服玉漿，白日昇天。」李白古風第十九首：

「西上蓮花山，迢迢見明星，素手把芙蓉，虛步躡太清。」



〔六〕火輪 指太陽。韓愈桃源圖詩：「夜半金雞嘶嘶鳴，火輪飛上客心驚。」

〔七〕鼇峯 列子湯問：「渤海之東，有大壑焉，其中有五山。而五山之根，無所連著，常隨波上下往還。帝恐流於西極，使巨鼇十五舉首戴之，五山始峙。」魏曹植遠遊詩：「靈龜戴方丈，神物儼嵒峨，仙人翔其隅，玉女戲其阿。」此詞似受其影響。

〔八〕蟠桃 神話中的仙桃。海內十洲記：「東海有山名度索山，上有大桃樹，蟠曲三千里，曰蟠木。」漢武帝內傳謂七月七日，西王母降，以仙桃四顆與帝，桃甘且美，「帝食輒留其核。」王母問帝，帝曰：「欲種之。」母曰：「此桃三千年一生實，中夏地薄，種之不生。」帝乃止。」

〔九〕阿環 傳說中的上元夫人。漢武帝內傳：「上元夫人，道君弟子也。元封元年七月七日，西王母降於漢宮，命侍女郭密香邀上元夫人同宴。」又云：「夫人答西王母信云：『阿環再拜，上問起居。』」李商隱曼倩辭詩：「如何漢殿穿針夜，又向窗中窺阿環？」此處以阿環比作西王母的信使。

〔一〇〕青天碧海 李商隱嫦娥詩：「嫦娥應悔偷靈藥，碧海青天夜夜心。」

## 一 叢花〔二〕

年時今夜見師師，雙頰酒紅滋。  
疎簾半捲微燈外，露華上、烟裊涼颼。簫聲亂  
拋，恨人不起，彈淚唱新詞。  
佳期誰料久參差？愁緒暗縈絲。想應妙舞清歌

龍，又還對秋色嗟咨。惟有畫樓，當時明月〔三〕，兩處照相思。

【校】

〔調〕此首故宮本補鈔。

〔年時〕詞律作「年來」，非。

〔想應〕段本、秦本、詞律作「相應」，誤。

〔清歌罷〕故宮本脫「罷」字。詞律作「清歌夜」，非。

〔明月〕詞律作「皓月」。

【箋注】

〔一〕清徐鉉詞苑叢談卷七引詞品拾遺云：「秦少游贈汴城李師師生查子……」其詞姑存疑，然可證「灤花」作於汴京。秦續通鑑長編：「元祐六年八月朔，以趙君錫論秦觀疏付三省，劉摯私志其事云：『初，除觀爲正字，用君錫之薦。既而，賈易詆觀不檢之罪。同日君錫亦有章云：『臣前薦觀，以其有文學；今始知薄於行，願寢前薦。』』所謂行爲「不檢」，「薄於行」，當指與妓女來往。詞云「年時今夜」，又云「對秋色嗟咨」，蓋爲元祐六年辛未（一〇九一）八月中秋前後所作。

〔二〕年時句 年時，宋時方言，猶當年或那時。師師，當時名妓。李師師外傳：「李師師者，汴京東二廂永慶坊染局匠王寅之女也……寅憐其女，乃爲捨身寶光寺……爲佛弟子者，俗呼爲『師』，故名之曰師師。」張邦基墨莊漫錄卷八：「政和間，李師師、崔念月二妓，名著一時。」案：少游在汴京，爲元祐年間，下距徽宗政和殆二十年，詞中之師師，恐爲另一人。

〔三〕當時明月 晏幾道臨江仙詞：「當時明月在，曾照彩雲歸。」

【彙評】

詞品拾遺：李師師，汴京名妓。張子野爲製新詞，名師師令，略云：「蜀綠衣長袴未起，繞亂雲垂地。」正值殘英和月墜，寄此情千里。宋少游亦贈之詞云：「看過潁川花，不似師師好。」後徽宗微行幸之，見宜和遺事。

清吳衡照蓮子居詞話卷二：考秦少游詞：「看過潁川花，不似師師好。」又：「年來今夜見師師。」少游卒於紹聖間，是師師之生必在元祐初。東京夢華錄：「李師師，汴京角妓，有俠氣，號飛將軍。」汴都平康：「政和、平康之盛，李師師、崔念月皆著名。李生門第尤峻。」宣和遺事：「師師舊婿武功郎賈奕，賦有南鄉子云：由此貶瓊州，事與馬美成相類。宣和六年，冊師師爲明妃。」自元祐初，歷紹聖、元符、建中靖國、崇寧、大觀、政和、重和，至宣和六年，已三十餘年，師師年三十餘矣。宣和遺事言：「金兵至，明妃見廢，走太湖，爲商入所得。」劉厚口詩：「金枝素華事可傷，師師垂老過湖湘。縷衣檀板無顏色，一曲當年動帝王。」與宣和遺事正合。汴都平康記謂：「汴京中，師師與同輩趙元奴及築球吹笛袁絢武宸例籍其家。李生流落來浙中，士大夫歎俊歌以觀焉。」浩然齋談又謂：「師師後入內，封瀛國夫人。」朱希真詩：「解唱陽關別調聲，前朝唯有李夫人。」卽師師也。

清丁紹儀秋半晴詞話論李師師云：是其末路化骸，與唐時秦娘絕相類，較明之王微、卞玉京，所遇尤不如。惜子野生宋仁宗時人，少游於哲宗初，死蘇州，均去徽宗時甚遠，豈宋有兩師師耶？

## 鼓笛慢〔二〕

亂花叢裏會攜手，窮鹽京，迷歡賞。到如今，誰把雕鞍鎖定，阻遊人來往？好夢隨春遠，從前事、不堪思想。念香闌正杳，佳歡未偶，難留戀，空惆悵。  
永夜嬋娟未滿〔三〕，嘆玉樓、幾時重上？那堪萬里，却尋歸路，指陽關孤唱〔四〕。苦恨東流水，桃源路、欲回雙槳〔五〕。仗何人、細與丁寧問呵，我如今怎向〔五〕？

### 【校】

〔調〕此首故宮本上闕係補鈔。詞譜作「水龍吟」，注曰：「此添字水龍吟也，又兼雜破句法……若刪去添字，便與諸家無異矣。」

### 【箋注】

〔一〕白雨齋詞話卷二：「少游滿庭芳諸闕，大半被放後作。戀戀故國，不勝熱中。」以此數語解此詞，似更確切。「那堪萬里」，指遠謫郴州。「桃源路欲回雙槳」，猶之「踏莎行」詞所云「桃源望斷無尋處」。此詞之作，當在紹聖四年丁丑（一〇九七）之後。

〔三〕嬋娟 孟郊，嬋娟篇：「花嬋娟，泛春泉；竹嬋娟，籠曉烟；妓嬋娟，不長妍；月嬋娟，真可憐。」此處指明月，如蘇軾水調歌頭（明月幾時有）詞：「但願人長久，千里共嬋娟。」

〔三〕陽關 卽陽關曲，占代送別時所唱，以唐代王維送元二使安西時爲歌辭，詩云：「渭城朝雨浥輕塵，客舍青青柳色新。勸君更盡一杯酒，西出陽關無故人。」

〔四〕桃源路 梁吳均續齊諧記：漢永平中，剡縣有劉晨、阮肇，入天台山採藥，迷失道路。糧盡，望山頭有桃，取食。下山得澗水飲之，見一杯流出，中有胡麻飯屑。二人相謂曰：「此去人家不遠矣。」因過水，行二里，又度一山。出大溪，見二女絕色，喚劉阮姓名，曰：「郎來何晚也？」因過其家，鋪設非人世所有。二人就女止宿，行夫婦之禮。住半年，天氣常如二三月時。聽猿鳥哀鳴，求歸甚切。女曰：「罪根未滅，使君等如此。」遂從洞口去。自入山至歸，已歷七代子孫矣。欲還女家，尋山路不獲。

〔尋〕怎向 同「爭向」。詩詞曲語辭匯釋卷三：「爭向，猶云怎奈或奈何也。」

## 促拍滿路花

露顆添花色〔一〕，月彩投窗隙。春思如中酒〔二〕，恨無力。洞房咫尺，曾寄青鸞翼〔三〕。雲散無蹤跡。羅帳薰殘，夢回無處尋覓。輕紅膩白〔四〕，步步薰蘭澤〔五〕。約腕金

環重，宜裝飾。未知安否？一向無消息。不似尋常憶。憶後教人，片時存濟不得〔六〕。

【校】

〔促拍滿路花〕廣本注曰：「琴趣作『促拍』。詞律作『滿路花』，下注：「可加『促拍』二字。」

〔薰殘〕明

嘉靖本陳耀文《花草粹編》作「春殘」，誤。

### 【箋注】

〔一〕露顆 露珠。

〔二〕中酒 醉酒。杜牧《睦州四韻》詩：「殘春杜陵客，中酒落花前。」

〔三〕青鸞翼 喻書信。山海經《大荒西經》：「西有王母之山……有三青鳥，赤首黑目。」郭璞注：「皆西王母所使也。」後因稱傳信的使者爲「青鳥」或「青鸞」。曹鄴《梅妃傳》：「溫泉不到，憶拾翠之舊游；長門深閉，嗟青鸞之信修。」

〔四〕輕紅膩白 謂脂粉。

〔五〕蘭澤 文選宋玉《神女賦》：「沐蘭澤，含若芳。」李善注：「以蘭浸油澤以塗頭。」

〔六〕存濟 《詩詞曲語辭匯釋》卷五：「存濟，安頓或措置之義。」秦觀《促拍滿路花》：「未知安否，一向無消息。不似尋常憶。憶後教人，片時存濟不得。」此意云身心安頓不得也。」

## 長相思〔一〕

鐵甌城高〔三〕，蒜山渡闊〔三〕，干雲十二層樓。開尊待月，掩箔披風，依然燈火揚州。  
綺陌南頭，記歌名宛轉〔四〕，鄉號溫柔〔五〕。曲檻俯清流，想花陰、誰繫蘭舟？念

渡絕秦弦〔六〕，感深荆賦〔七〕，相望幾許凝愁。勤勤裁尺素，奈雙魚、難渡瓜洲〔八〕。  
曉鑑堪羞〔九〕，潘鬢點、吳霜漸稠〔一〇〕。幸于飛、鴛鴦未老，不應同是悲秋〔一一〕。

【校】

〔調〕彊村叢書本寶方詞作「明揚州」。

〔查〕賈詞作「捲箔」。

〔綺〕陌詞作「繡陌」。

〔荆賦〕王本作「荆璞」。案：對照結句「悲秋」，應以「荆賦」爲是。

【箋注】

〔一〕此詞上闕描述往昔歡娛，記憶猶新；下闕「感深荆賦」，託漁九辯。而九辯中有「坎壈兮，貧士失職而志不平；廓落兮，羈旅而無友生」之句，以與詞人之坎坷遭遇相合。年譜：元豐五年壬戌（一〇八二），少游應禮部試罷歸，明年作滄浪集序，曰：「比數年來，頗發憤自懲艾，悔前所爲；而聰明衰耗，殆不如曩時十一二。」詞云「感深荆賦」，又曰「潘鬢點、吳霜漸稠」，衰老之感，不遇之情，正兩兩相合。準此，詞蓋作於元豐六年癸亥（一〇八三）秋天。

〔三〕鐵甌，鎮江（今屬江蘇）古城名。鎮江府志：「子城，吳大帝所築，內外甃以甃，號鐵甌城。」圖經言：古號鐵甌城者，以其堅固如金城也。宋王大目演案卷十三云：「潤州城古號鐵甌，人但知其取喻以堅而已，然甌形深狹，取以喻城，似爲非類。」乾道辛卯，予過潤，秦子平置燕於江亭，亭據郡治前山絕頂，而顧子城，雉堞綽綽，鑿然配合。其中亦治甃甃在焉。固深之形，正如卓錫。予始知喻以爲甌者，指子城也。」

〔三〕蒜山 一統志：「蒜山在鎮江府治西三里西津渡口，北臨大江，無峯嶺，山多澤藪，故名，或謂周 瞻 孔明會此計破曹操，人謂其多算，因亦名蒜山。」 讀史方輿紀要：「宋 慶曆中疏 蒜山 漕渠達江。舊志云：山寬廣可容萬人，宋 元間淪入於江，今西津渡口水中孤峯是也。」

〔四〕歌名宛轉 指宛轉歌，一名神女宛轉歌。郭茂倩 樂府詩集卷六十 琴曲歌辭四載晉 劉琨 客宛轉歌一首，有句云：「歌宛轉，宛轉淒以哀。願爲星與漢，光影共徘徊。」

〔五〕鄉號溫柔 即溫柔鄉。飛燕外傳：「是夜，后進合德，帝大悅，以輔屬體，無所不靡，謂爲溫柔鄉。」謂樊 應曰：「吾老是鄉矣，不能效武 皇帝更求白雲鄉也。」

〔六〕秦弦 即秦箏，古代弦樂器。相傳爲秦 蒙恬所造。岑參 秦箏歌送外甥蕭正歸京詩：「汝不聞秦箏聲最苦，五色纏弦十三柱。」

〔七〕荆賦 指楚辭。楚，占梅爲荆。聯繫結句「悲秋」，知此指宋 玉九辯。

〔八〕勤勤二句 尺素，指書信。古代以生絹作書，故名。古樂府飲馬長城窟行：「客從遠方來，遺我雙鯉魚。呼兒烹鯉魚，中有尺素書。」瓜洲：在今江蘇省 揚州市南四十里長江邊。張翥 題金陵渡詩：「潮落夜江斜月裏，兩三星火是瓜洲。」瓜洲即瓜洲。

〔九〕曉鑑 即曉鏡。唐 李商隱 無題詩：「曉鏡但愁雲鬢改，夜吟應覺月光寒。」

〔十〕潘鬢句 潘鬢，文選潘岳秋興賦序：「余春秋三十有二，始見二毛。」李善注引杜預曰：「二毛，頭白有二色也。」其賦曰：「斑鬢以承弁兮。」後因以潘鬢指頭髮斑白。趙嘏 春盡獨遊慈恩寺觀池詩：「秦城馬上」



半年客，潘鬢水邊今日愁。

吳霜，李賀還自會稽歌詩：「吳霜點歸鬢，身與塘蒲晚。」

〔二〕悲秋 宋玉九辯：「悲哉，秋之爲氣也！蕭瑟兮，草木搖落而變衰。」

【彙評】

徐渭評本卷上首句眉批：出調高爽，不尙纖麗，詞家正聲。

滿庭芳〔二〕

山抹微雲，天連衰草，畫角聲斷譙門〔一〕。暫停征棹，聊共引離樽〔二〕。多少蓬萊舊事，空回首、煙靄紛紛。斜陽外，寒鴉萬點，流水遶孤村〔三〕。銷魂〔四〕，當此際，香囊暗解，羅帶輕分〔五〕。謾贏得青樓〔六〕，薄倖名存。此去何時見也？襟袖上、空惹啼痕。傷情處，高城望斷〔七〕，燈火已黃昏。

【校】

〔調〕花庵調下題作「晚景」。

〔天連〕毛本、王本作「天黏」。毛本詞末附注云：「天黏衰草，今本改

「黏」作「連」，非也。韓文：「洞庭漫汗，黏天無壁。」張翥詩：「草色黏天鵝鵝恨。」山谷詩：「遠水黏天吞釣舟。」

邵博詩：「平浪勢黏天。」趙文昇詞：「玉關芳草黏天碧。」嚴次山詞：「黏雲紅影傷千古。」葉夢得詞：「黏結天，

蒲桃漲綠。』劉行簡詞：『山翠欲黏天。』劉叔安詞：『暮烟細草黏天遠。』『黏』字極工，且有出處。若作『連天』，是小兒之語也。案：此附注蓋引自楊慎詞品卷三，其中唯邵博詩中闕上句「老灘聲殷地」，嚴次山詞中「紅影」原作「江影」，餘盡同。又淮海集卷六有與子瞻會松江得浪字詩，云：「離離雲抹山，宵宵天黏浪。」此爲少游自作，足證詞中有作「天黏」之可能。〔引離離〕花庵、段本、廣本、秦本、歷代詩餘作「飲離尊」，非。〔萬點〕張本、李本、段本、毛本、四庫本、王本、秦本、彊村本均作「數點」。〔青樓〕歷代詩餘作「秦樓」，非。〔空惹〕毛本作「空染」。張本、鄧本詞末附註：「晁云：『斜陽外』三句，雖不識字人，亦知爲天生好言語。」

### 【箋注】

〔一〕苕溪漁隱叢話後集卷三十三引藝苑雌黃云：「程公闢守會稽，少游客焉，館之蓬萊閣。一日，席上有所悅，自爾眷眷不能忘情，因賦長短句，所謂『多少蓬萊舊事，空回首、烟靄紛紛』是也。」少游於元豐二年己未（一〇七九）五月如越，省大父承議公及叔父秦定，與郡守程公闢相得甚歡。謝程公闢啓云：「從游八月，大爲北客之美談；酬唱百篇，永作東吳之盛事。」別程公闢給事詩又云：「裘敝黑貂霜正急，書傳黃犬歲將窮。」可見他離越時已屆歲暮，與詞中「衰草」、「寒鴉」等景象恰相符合。該詩復云「月下清歌盛小叢」，「迴首蓬萊夢寐中」，則可證詞中所謂「蓬萊舊事」者，乃與一歌妓之戀情也。盛小叢係唐時越地歌妓，少游借指「席上有所悅」之人。故知此詞作于元豐二年歲暮。

〔二〕畫角 古管樂器，出自西羌。形如竹筒，本細末大，以竹木或皮革製成，亦有銅製者，外施彩繪，故

名。發聲哀厲高亢，軍中多用之，以警昏曉。

〔三〕引 俞平伯唐宋詞選釋：「引有延長牽連義，引酒卽連續地喝酒。『共引離樽』，言餞行時舉杯相屬。杜甫夜宴左氏莊：『看劍引杯長。』」

〔四〕寒鴉二句 宋葉夢得避暑錄話卷二引隋煬帝詩：「寒鴉千萬點，流水繞孤村。」（全隋詩卷一引宋蔡條鐵圍山叢談作「寒鴉飛數點，流水遶孤村。」）

〔五〕銷魂 江淹別賦：「黯然銷魂者，唯別而已矣！」

〔六〕香囊二句 香囊，盛香料的袋子。古詩孔雀東南飛：「紅羅襖斗帳，四角垂香囊。」常用以佩人身。世說新語假譎：「謝遏年少時，好著紫羅香囊，垂覆手。」東漢繁欽定情詩：「何以致叩叩？香囊繫肘後。」羅帶，古代男女定情之物，亦用以表示婚配。韋莊清平樂詞其二：「惆悵香閨漸老，羅帶悔結同心。」「暗解」輕分，均指與所悅之人離別。

〔七〕漫 通漫。詩詞曲辭語匯釋卷二：「本爲漫不經意之漫，爲聊且意或亂意；轉變而爲徒義或空義。」

〔八〕高城句 歐陽修初渡太原途中寄太原所思詩：「高城已不見，況復城中人。」

# 【彙評】

花庵詞選卷二蘇子瞻永遇樂夜登燕子樓夢盼盼因作此詞附注：秦少游自會稽入京，見東坡。坡曰：「久別當作文甚勝，都下盛唱公『山抹微雲』之詞。」秦遂謝。坡遽云：「不意別後，公卻學柳七作詞。」秦答曰：「某

雖無識，亦不至是。先生之言，無乃過乎？」坡云：「銷魂當此際，非柳詞句法乎？」秦慚服。然已流傳，不復可改矣。

茗溪漁隱話後集卷二十三引藝苑雜錄：其詞極爲東坡所稱道，取其首句，呼之爲「山抹微雲」君。中間有「寒鴉萬點，流水遶孤村」之句，人皆以爲少游自造此語，殊不知亦有所本。予在臨安，見平江梅知錄云：「隋楊帝詩云：『寒鴉千萬點，流水遶孤村。』少游用此語也。」

宋魏慶之詩人玉屑卷二十一引晁無咎評：近世以來作者，皆不及秦少游。如「斜陽外，寒鴉數點，流水遶孤村。」雖不識字，亦知是天生好言語。

鐵圍山叢談卷四：范內翰祖禹作唐鑑，名重天下，坐黨錮事久之。其幼子溫，字元實，與吾善……溫嘗預貴人家會。貴人有侍兒，善歌秦少游長短句，坐間略不顧溫；溫亦謹，不敢吐一語。及酒酣歡洽，侍兒者始問：「此郎何人耶？」溫遽起，叉手而對曰：「某乃『山抹微雲』女婿也。」聞者多絕倒。

宋吳曾能改齋漫錄卷十六：「杭之西湖，有一倅間唱少游滿庭芳，偶然誤擊一韻云：『畫角聲斷斜陽。』妓琴操在側云：『畫角聲斷，非『斜陽』也。』倅因戲之曰：『爾可改韻否？』琴即改作「陽」字韻云：『山抹微雲，天連衰草，畫角聲斷斜陽。暫停征棹，聊共飲離觴。多少蓬萊舊侶，頻回首，煙靄茫茫。孤村裏，寒鴉萬點，流水遶低牆。魂傷，當此際，輕分羅帶，暗解香囊。漫贏得青樓，薄倖名狂。此去何時見也，襟袖

上空有餘香。傷心處，高城望斷，燈火已昏黃。』東坡聞而稱賞之。

明王世貞藝苑卮言：「寒鴉千萬點，流水遶孤村。」隋楊詩也；「寒鴉數點，流水遶孤村。」少游詞也。語

雖蹈襲，然入詞尤是當家。

清賀貽孫詩箋：余謂此語在隋煬帝詩中，只屬平常，入少游詞特爲妙絕。蓋少游之妙，在「斜陽外」三字，見聞空幻。又「寒鴉」、「流水」，煬帝以五言劃爲兩景，少游用長短句錯落，與「斜陽外」三景合爲一景，遂如一幅佳圖。此乃點化之神。必如此，乃可用古語耳。

草堂詩餘卷四眉批：回首處斜陽遠眺，情何殷也！傷情處黃昏獨坐，情難遣矣！

評：少游敘舊事

有寒鴉流水之語，已令人賞目賞心。至下襟袖啼痕，只爲秦樓薄倖，情思迫切。坡公最愛此詞。

明卓人月古今詞統卷十二：「寒鴉」二句，朱希真又化作小詞云：「看到水如雲，送盡鴉成點。」

白雨齋詞話卷一：少游滿庭芳諸闕，大半被放後作。戀戀故國，不勝熱中。其用心不逮東坡之忠厚，而寄情之遠，措語之工，則各有千古。

又卷六：宋人如「紅杏尙書」、「賀梅子」、「張三影」、「山抹微雲秦學士」、「露華倒影柳屯田」、「曉風殘月柳三變」、「滴粉搓酥左與言」之類，皆以一語之工，傾倒一世。宋與柳、左無論矣，獨惜張、秦、賀三家，不乏傑作，而傳誦者轉以次乘，豈白雲、陽春，竟無和者與？爲之三歎。

詞苑叢談卷三：按「山抹微雲」，少游客會稽，席上有所悅，所賦滿庭芳詞也。

蔣朱彝尊詞綜發凡：「山抹微雲秦學士」，「露華倒影柳屯田」，「曉風殘月柳三變」，「滴粉搓酥左與言」，一句之工，形諸口號。當日風尙所存，甄藻自爾不爽。

論詞隨筆：詩重發端，惟詞亦然，長調尤重。有單起之調，貴突兀籠罩，如東坡「大江東去」；有對起之

調，貴從容整鍊，如少游「山抹微雲，天黏衰草」是。

清許昂霄詞綜偶評：滿庭芳：「空回首，煙靄紛紛」，四字引起下文。

自起至換頭數語，俱是追敘，玩

結處自明。

宋四家詞選：將身世之感，打并入體情，又是一法。

（下闕）君子因小人而斥。

譚評詞辨：淮海在北宋，如唐之劉文房。

下闕不假雕琢，水到渠成，非平鈍者所能藉口。

蓮子居詞話卷一：詞有襲前人語而得名者，雖大家不免，如方回「梅子黃時雨」，耆卿「楊柳岸，曉風殘月」，少游「寒鴉數點，流水邊孤村」，幼安「是他春帶愁來，春歸何處，却不解、帶將愁去」等句。惟善於調度，正不以其有藍本爲嫌。

清鄧廷楨雙鶴齋詞話：秦淮海爲蘇門四客之一，滿庭芳一曲，唱遍歌樓。

夢園詞選：沈（際飛）曰：「人之情，至少游而極。結句『已』字，情波幾疊。」

詞林紀事卷六引鈕玉樵云：少游詞「山抹微雲，天黏衰草」，其用意在「抹」字、「黏」字，況虞闡賦：「浪勢黏天。」張祐詩：「草色黏天鵲鳩恨。」俱有來歷。俗以「黏」作「連」，益信其謬。

詞則大雅集卷二：詩情畫景，情詞雙絕。此詞之作，其在坐貶後乎？

其二

紅蓼花繁<sup>〔一〕</sup>，黃蘆葉亂，夜深玉露初零。霽天空闊，雲淡楚江清<sup>〔二〕</sup>。獨棹孤篷小艇，悠悠過、煙渚沙汀。金鉤細，絲綸慢捲，牽動一潭星。  
時時，橫短笛，清風皓月，相與忘形。任人笑生涯，泛梗飄萍<sup>〔三〕</sup>。飲罷不妨醉臥，塵勞事、有耳誰聽<sup>〔四〕</sup>？江風靜，日高未起，枕上酒微醒。

【校】

〔其二〕張本、李本、段本、毛本、四庫本、黃本、王本、秦本作「又」。增修箋注妙選羣英草堂詩餘卷下韻列張子野名下，調下題「漁舟」。

〔孤篷〕原誤作「孤蓬」。據張本、毛本改。

【箋注】

〔一〕少游龍井題名記曰：「元豐二年中秋後一日，余自吳興過杭，東還會稽，龍井辯才法師以書邀余入山。比出郭，已日夕，航湖至普寧，遇道人參寥。問龍井所遺籃輿，則曰以不時至矣。是夕，天宇開霽，林間月明，可數毛髮。」所云季節、時間、天光月色，頗與詞境相似。而超塵出俗之思想感情，想亦受辯才、參寥等影響。據此，詞似作於此時。

〔三〕紅蓼 草名，多生於水邊，紅花，呈穗狀花序。宋朱弁曲洧舊聞卷四：「紅蓼，卽詩所謂遊龍也，俗

呼水紅。江東人別澤夢呼之爲火蓼。唐李鄴晚泊松江驛詩：「片帆孤客晚夷翁，紅蓼花前水驛秋。」

〔三〕楚江，泛指楚地（長江中下游地區）之水。

〔四〕泛梗飄萍，喻行踪飄泊不定。杜甫寄歸邑弟詩：「吾衰同泛梗。」時少游往還漫游於湖州、杭州、會稽一帶，故曰「生涯泛梗飄萍」。

〔五〕塵勞事，謂擾亂身心的俗事。塵勞，佛家語。金剛經：「有人智慧光明，出離塵勞。」維摩經義記：「煩惱全污，名之爲塵；說能勞亂，以爲勞。」圓覺經疏鈔：「塵是六塵，勞謂勞倦。由塵成勞，故名塵勞。」蘇軾觀陂詩：「塵勞付白骨，安照起黃庭。」

### 【彙評】

草堂詩餘偶卷四眉批：「絲索動一潭星，驚人語也。眠風醉月漁家樂，洵不可議。」評：值秋宵之景，觀一葉扁舟於黃陂陂汀之中，蕭瑟荒涼，有蕭瑟然自得之意。

### 其三（一）

碧水驚秋，黃雲凝暮，敗葉零亂空階。洞房人靜，斜月照徘徊。又是重陽近也！幾處處、砧杵聲催。西窗下，風搖翠竹，疑是故人來。  
傷懷，增悵望，新懽易失，往事難猜。問簾邊黃菊，知爲誰開？漫道愁須帶酒，酒未醒、愁已先回。憑



欄久，金波漸轉<sup>〔三〕</sup>，白露點蒼苔。

【校】

〔其三〕張本、李本、段本、毛本、四庫本、黃本、王本、秦本皆作「又」。花庵調下題作「秋思」。

〔花庵、王本作「澄秋」。

〔西窗下〕花庵作「重簾外」。

〔傷懷〕花庵作「情懷」。

〔增懷望〕毛

本、花庵作「憎懷望」，誤。

【箋注】

〔一〕此詞云「幾處處、砧杵聲催」，又云「問籬邊黃菊，知爲誰開」，抒寫思歸情懷；又所謂「新懷易失」，疑指長沙義妓（詳見六〇頁卷中木蘭花詞注〔一〕）。

〔夢園詞選〕謂「應是在謫時作」，當在紹聖四年（一一〇

九七）謫居郴州時作。

〔二〕西窗下三句

唐蔣防霍小玉傳：「母謂（小玉）曰：汝嘗愛念『開籬風動竹，疑是故人來』。即此十郎

詩也。」十郎，指李益。

〔三〕問籬邊二句

喻思念故園心情。晉陶潛飲酒詩第五：「採菊東籬下，悠然見南山。」杜甫秋興八首：

「叢菊兩開他日淚，扁舟一繫故園心。」

〔四〕金波

狀月光浮動，亦以指月。

漢書禮樂志：「月穆穆以金波。」顏師古注：「言月光穆穆，若金之波

流也。」宋蘇軾洞仙歌詞：「金波淡，玉繩低轉。」

【彙評】

草堂詩餘，卷四眉批：待月迎風，情懷如訴，酒壚破愁，真愁非酒能破。  
評：托意高遠，措詞灑脫；而一種秋思，都爲故人。展轉誦者，當領之言先。

草堂詩餘正集卷三：（上闌）經少游手隨分鋪寫，定爾閑雅高適。  
（「謾道」三句）此意道過矣，讀人不休。

蓼園詞選：亦應是在謫時作。「風搖」二句，寫得蘊藉，非故人也，風也，能弗黯然？「酒未醒、愁先回」，意亦曲而能達。結句清遠。

江城子二首（二）

西城楊柳弄春柔（三），動離憂，淚難收。猶記多情曾爲繫歸舟。碧野朱橋當日事，人不見，水空流（三）。  
韶華不爲少年留，恨悠悠，幾時休？飛絮落花時候一登樓。便做春江都是淚，流不盡，許多愁。

【校】

【調】此首故宮本「樓」字以下補鈔。毛本調下無「三首」二字。花庵調下題作「春別」。  
【淚難收】廣本作「淚雙收」。故宮本詞末附注云：「詞人佳句，多是翻案古人語。如淮海此詞『便做春江都是淚』，流

不盡，許多愁，可謂警句，雖用李密遺隋檄語，亦自李後主問君都有幾多愁？恰似一江春水向東流，變化名家如此類者，不可枚舉，亦一法也。」張本、李本、段本、四庫本、秦本詞末附注同。

【箋注】

〔一〕詞云「西城楊柳」，當指汴京。宋孟元老東京夢華錄卷七謂金明池「池之東岸，臨水近牆，皆垂楊」。明李謙汴京遺志卷八謂「金明池在城西鄭門外西北」。少游於紹聖元年甲戌（一〇九四）春三月，坐黨籍，出爲杭州通判。詞云「飛絮落花時候，登樓」，又云「動離憂，淚難收」，時與事皆相合。詞蓋作於此時。

〔二〕弄春柔

宋王雱眼兒嬌詞：「楊柳絲絲弄輕柔，烟縷織成愁。」

〔三〕猶記四句

蘇軾元祐七年西城宴集之事。

淮海集卷九：「西城宴集，元祐七年三月上巳，詔賜館閣

花酒，以中澣日游金明池、琼林苑，又會於國夫人園。會者二十有六人。」以楊柳論人多情，古人常用之。唐劉禹錫楊柳枝詞：「長安陌上無窮何，惟有垂楊管別離。」晏幾道梁州令詞：「前樓楊柳多青絲，不繫行人住。人情却似飛絮，悠揚便逐春風去。」宋楊濟翁蝶戀花詞：「弱柳繫船都不住，爲君愁絕聽鳴鶯。」

【彙評】

楊慎批草堂：此結語又從坡公結語轉出，更進一步。

案：坡公結語指蘇軾江城子別徐州詞：「欲寄相思千點淚，流不到，楚江東。」

草堂：餘蒿卷二眉批：只爲人不見，轉一番思。種種景，種種情，如怨如訴。  
別之處。飛絮落花言其景，春江二句言其情也。  
評：景好，宋柳，正是離

草堂詩餘正集卷二：前結似詞，後結似辭，易其名，幾不能辨。李後主「問君能有幾多愁？恰似一江春水向東流」，少游翻之，文人之心，落於不竭。

詞則大雅集卷二：「飛絮」九字淒咽。以下盡情發洩，却終未道破。

## 其 一一二

南來飛燕北歸鴻〔三〕，偶相逢，慘愁容。綠鬢朱顏重見，兩衰翁。別後悠悠君莫問，無限事，不言中。小槽春酒滴珠紅〔三〕，莫怱怱，滿金鍾。飲散落花流水，各西東〔四〕。後會不知何處是？煙浪遠，暮雲重〔五〕。

### 【校】

〔其二〕此首故宮本補鈔。張本、李本、段本、毛本、四庫本、廣本、王本、泰本作「又」。〔煙浪遠〕王本作「煙淡遠」，非。

### 【箋注】

〔一〕揆諸詞意，蓋哲宗元符三年庚辰（一一〇〇）在雷州時所作。是歲正月，哲宗崩，徽宗即位，五月下赦令，遷臣多內徙。東坡量移廉州，六月二十五日過雷州，與少游相會。少游出自作挽詞，東坡撫其背曰：

「某嘗憂逝，未盡此理，今復何言？某亦嘗自爲誌墓文，封付從者，不使過子知也。」此詞云「重見兩衰翁」，

指二人之重逢，時東坡年六十四，少游亦五十一，屢竄南荒，容顏易老，故以爲喻。

〔三〕南來句 南來燕，作者自喻。北歸鴻，喻東坡自瓊州北還。

〔三〕小槽句 李賀將進酒詩：「琉璃鍾，琥珀濃，小槽酒滴眞珠紅。」茗溪漁隱叢話前集卷二十一：「江南人家造紅酒，色味兩絕。李賀將進酒云：『小槽酒滴眞珠紅』，蓋謂此也。」

〔四〕落花流水 柳永雪梅香詞：「雅態妍姿正歡洽，落花流水忽西東。」

### 【彙評】

詞則別調集卷一，亦疎落，亦沈鬱。

## 其三

梨花金釧約柔荑〔二〕，昔曾攜，事難期。咫尺玉顏和淚鎖春閨。恰似小園桃與李，雖同處，不同枝。  
玉笙初度顫鸞篋〔三〕，落花飛，爲誰吹？月冷風高此恨只天知。  
任是行人無定處，重相見，是何時？

【校】

〔其〕此首故宮本補鈔。張本、李本、段本、毛本、四庫本、黃本、王本、秦本作「又」。〔春閨〕故宮本、張本、李本、段本、毛本、四庫本、王本、秦本作「金閨」。

〔頭〕鬢篴，故宮本作「鬢鬢篴」，鴨字誤。

【箋注】

〔一〕裏花金釧句 裏花金釧，鏤刻裏花的金釧。柔荑，指茅草嫩芽，以喻女子之手。〔詩〕衛風碩人：

「手如柔荑，膚如凝脂。」

〔二〕玉笙句 玉笙，笙之美稱。鬢篴，李賀秦宮詩：「鬢篴奪得不還人，醉臥氍毹滿堂月。」王琦注：

「篴，所以去髮垢，以竹爲之，侈者易犀象、瑋瑁之類。鬢篴，必以鬢形象之也。」有時亦以金鳳爲飾。溫庭筠

思帝鄉詞：「回面共人問語，戰篴金鳳斜。」戰篴，卽顫篴。據此，可知爲女子頭上裝飾品。全句意謂一開始

吹笙，因爲過於激動，頭上的鬢篴也微微顫抖。

## 滿園花〔二〕

一向沉吟久〔三〕，淚珠盈襟袖。我當初不合苦攛就〔四〕，慣縱得軟頭〔五〕，見底心先有〔六〕。行待癡心守，甚捻着脈子〔七〕，倒把人來僝僽〔八〕。近日來非常羅皂

醜〔九〕，佛也須眉皺。怎掩得衆人口？待收了字羅〔一〇〕，罷了從來斗。從今後，休道

共我、夢見也、不能得勾(二)。

【校】

〔調〕此首故官本補鈔。

【箋注】

〔一〕此詞以俚語寫情人之間嗔氣，似受汴京勾欄藝人影響。蓋作於元祐五年至八年（一〇九〇——一〇九三）供職祕書省期間。

〔二〕一向 詩詞曲語辭匯釋卷三：「一向，猶云一味或一意也。……秦觀滿園花詞：『一向沉吟久，淚珠盈襟袖。』一向沉吟，猶云一意沉吟也。」

〔三〕擱就 宋時方言。詩詞曲語辭匯釋卷五：「擱就，猶云遷就或溫存也。……秦觀滿園花詞：『我當初不合苦擱就，恨縱得軟頑，見底心先有。』苦擱就，猶云太遷就也。」「黃庭堅歸田樂詞：『是人驚怪，冤我忒擱就。』」

〔四〕軟頑 撒嬌。

〔五〕見底 見什麼。詩詞曲語辭匯釋卷一：「底，猶何也，甚也。」

〔六〕捻着脈子 醫生用手給病人切脈。這裏借指握着手。

〔七〕傷寒 詩詞曲語辭匯釋卷五：「傷寒，猶云喘氣或鬱。」  
黃庭堅憶帝京詞：『恐那人知後，鎖把你』

來解僊。猶云把你來罵也。秦觀滿園花詞：「行待凝心守，甚捻著脈子，倒把人來僊。」義同上。」

〔六〕羅皂 同羅皂，謂糾纏不休、攪擾。水滸傳第五十一回：「孩兒快放了手，休要羅皂！」

〔九〕字羅 疑爲羅縵。「收了字羅罷了斗」，蓋宋時俗語，意爲從此罷休。

（二）不能得勾 不能够。勾，通够。

### 【彙評】

草堂詩餘別集卷二：「語不經，却津津然。」 方言硬用之，卽累正氣。

徐清評本卷上「我不合」數句眉批：「渾似阮人雜劇口吻。」

古今詞統卷一一：「鄧野不經之談，偏饒雅韻。」

清劉體仁七頌堂詩話：「詞七最失銳，時有俳狎，故子瞻以是呵少游。若山谷亦不免，如「我不合太調就」

類，下此則蒜酪也。」

清沈謙填詞雜說：「秦少游「一向沉吟久」，大類山谷歸田樂引，錦囊浮世，直抒本色，而淺人常以康頤傲

之。此等詞極難作，然亦不可多作。」





# 淮海居士長短句卷中

## 迎春樂〔二〕

菖蒲葉葉知多少〔三〕，惟有箇、蜂兒妙。雨晴紅粉齊開了，露一點、嬌黃小〔三〕。早是被、曉風力暴〔四〕，更春共、斜陽俱老。怎得香香深處，作箇蜂兒抱〔五〕？

### 【校】

〔調〕此首故宮本、吳本皆補鈔。故宮本、張本、李本、段本、四庫本、秦本列於上卷之末，吳本、彌村本列中卷之首。毛本、黃本、王本不分卷。〔香香〕故宮本、吳本、張本、李本、段本、毛本、四庫本、王本、秦本均作「花香」，並有詞末附注云：「花香，原作香香，恐是當時語。」

### 【箋注】

〔一〕此詞格調不高，疑爲少時作品。

〔二〕菖蒲 草名，有數種。明李時珍本草綱目云：「生於池澤，蒲葉肥根高二三尺者，泥菖蒲白菖也；

生於溪澗，蒹葉瘦根高三三尺者，水菖蒲也；生於冰石之間，葉有劍脊，瘦根密節高尺餘者，石菖蒲也。」

〔三〕嬌黃 指蜜蜂，色黃而小，故云。

〔四〕曉風力暴 詩經風終風「終風且暴。」傳：「暴，疾也。」疏：「釋天云：『日出而風曰暴。』孫炎曰：『陰雲不與而大風暴起，然則爲風之暴疾。』故云疾也。」

〔五〕蜂兒抱 韓偓殘春旅舍詩：「樹頭蜂抱花鬚落，池面魚吹柳絮行。」

### 【莫許】

草堂詩餘別集卷一：巧妙微透，不厭百回讀。

金粟詞話：柳耆卿「欲傍金籠教鬪鷁，念粉郎言語」，花間之麗句也。辛稼軒「驀然回首，那人卻在燈火闌珊處」，秦周之佳境也。少游「怎得香香深處，作箇蜂兒抱」，亦近似柳七語矣。

白雨齋詞話卷八：讀古人詞，貴取其精華，遺其糟粕。且如少游之詞，幾奪潘韋之席，而亦未嘗無纖麗之語。讀淮海集，取其大者、高者可矣。若徒賞其「怎得香香深處，作箇蜂兒抱」等句（此語彭稼門亦貴之，以爲近似柳七語。等柳抑秦，匪獨不知秦，並不知柳，可發大噱），則與山谷之「女邊著子，門里安心」，其鄙俚纖俗，相去亦不遠矣。少游眞面目何由見乎？

古今詞話詞品卷下：誤媚之極，變爲穢褻。秦少游「怎得香香深處，作箇蜂兒抱」，柳耆卿「願得煙鶯心蕙性，枕前言下，表分深意」，所以「銷魂當此際」，來蘇長公之誚也。

## 鵲橋仙

織雲弄巧〔一〕，飛星傳恨〔二〕，銀漢迢迢暗度〔三〕。金風玉露一相逢，便勝却人間無數〔四〕。  
柔情似水，佳期如夢，忍顧鵲橋歸路〔五〕。兩情若是久長時，又豈在朝朝暮暮〔六〕！

### 【校】

〔調〕比首故宮本、吳本皆補鈔。草堂詩餘詞下題作「七夕」。

〔傳恨〕李本、故宮本誤作「傳恨」。

### 【箋注】

〔一〕弄巧 謂弄成巧妙的花樣。秋雲多變幻，容稱「巧雲」。此處暗指七夕。舊時七夕有乞巧的風俗。唐徐堅初學記卷四引宗懷之荆楚歲時紀：「七夕婦女結彩縵，穿七孔針，或以金銀爲之爲針，陳瓜果於庭中以乞巧。有喜子綢於瓜上，則以爲得。」

〔二〕飛星傳恨 流星飛越銀河，似爲牛郎織女傳達離別之恨。

〔三〕銀漢句 銀漢，即銀河。傳說每年七夕牛郎織女渡河相會。古詩梁吳均續齊書記：「桂陽成武丁有仙道，常在人間，忽謂其弟曰：『七月七日，織女當渡河，諸仙悉還宮，吾向已被召，不得暫停，與爾別矣。』」弟問曰：「織女何事渡河？兄當何還？」答曰：「織女暫詣牽牛，一去後二千年當還。」明且果失武丁所在。世

人至今猶云：七月七日織女嫁牽牛。『權德輿七夕詩：「今日雲輶度鵲橋，應非脈脈與迢迢。」

〔四〕金風二句 李商隱辛未七夕詩：「由來碧落銀河畔，可要金風玉露時。」歐陽修七夕詩：「莫云天上稀相見，猶勝人間去不回。」

〔五〕忍顧句 忍顧，怎忍回顧。韓鄂歲華紀麗卷三引風俗通：「織女七夕當渡河，使鵲爲橋。相傳七日鵲首無故皆覺，因爲梁以渡織女故也。」李商隱七夕詩：「鸞扇斜分鳳幄開，星橋橫過鵲飛迴。」

〔六〕朝朝暮暮 宋玉高唐賦：「妾在巫山之陽，高丘之阻，旦爲朝雲，暮爲行雨，朝朝暮暮，陽臺之下。」此言時時刻刻相會。

### 【彙評】

草堂詩餘尚卷三眉批：相逢勝人間，會心之語。兩情不在朝暮，破格之談。七夕歌以雙星會少別多爲恨，獨少游此詞謂「兩情若是久長」二句，最能醒人心目。

古今詞統卷八：（末句）數見不鮮，說得極是。

草堂詩餘正集卷二：七夕以雙星會少別多爲恨，獨謂情長不在朝暮，化臭腐爲神奇。

案：四印齋本詩餘王鵬運按語與此同，末加一句：「寧不醒人心目！」

〔夢園詞選〕按七夕歌以雙星會少別多爲恨，少游此詞謂兩情若是久長，不在朝朝暮暮，所謂化臭腐爲神奇。凡詠古題，須獨出新裁，此固一定之論。少游以坐爲被謫，思君臣際會之難，因託雙星以寫意，而慕君之念，婉惻纏綿，令人意遠矣。

菩薩蠻

蟲聲泣露驚秋枕，羅幃淚濕鴛鴦錦。獨臥玉肌涼，殘更與恨長。  
陰風翻翠幔，雨溼燈花暗。畢竟不成眠，鴉啼金井寒。

【校】

〔調〕此首故宮本、吳本皆補鈔。草堂詩餘調下題作「閨怨」，花庵題作「秋思」。

〔蟲聲〕故宮本、吳

本、王本俱作「蛩聲」。

〔翠幔〕原作「翠幌」，據故宮本、張本、李本、段本、毛本、四庫本、王本、秦本、彊村

本改。吳本作「翠幙」。

【箋注】

〔一〕畢竟句 柳永 憶帝京詞其三：「畢竟不成眠，一夜長如歲。」

【暈評】

徐渭評本卷中眉批：語少情多。

草堂詩餘舊卷二眉批：惟其恨長，是以眠爲不成。

評：點綴處最是針門一綫，洵是天孫妙手！

古今詞統卷五：「畢竟」二字，寫盡一夜之輾轉。

詞苑叢談卷二引毛先舒云：予讀有宋諸公作，雖雅號名家，篇盈什百，若秦觀 秋閨，「慢」「暗」「果押」，

仲淹懷舊，「外」淚莫辨。……故知當時便已縱逸，徒以世無通韻之人，故傳譌迄今，莫能彈射。

詞譜卷二眉批：苦境。

### 減字木蘭花〔二〕

天涯舊恨，獨自淒涼人不問。欲見回腸〔三〕，斷盡金爐小篆香〔三〕。  
黛蛾長歛〔四〕，任是東風吹不展。困倚危樓，過盡飛鴻字字愁〔五〕。

【校】

〔調〕此首故宮本、吳本皆補鈔。

〔斷盡金爐〕詞綜作「斷續熏爐」，非。

〔黛蛾〕底本誤作「黛娥」，

據故宮本、吳本、張本改。

〔東風〕黃本、彊村本作「春風」。

〔吹不展〕吳本及故宮本、張、李、段、毛、

四庫、秦緒本作「吹不轉」，誤。

【箋注】

〔一〕此首爲離恨至深，首句云「天涯舊恨，獨自淒涼人不問」，下闕云「困倚危樓，過盡飛鴻字字愁」，恐是被放至湖南所作。其時似在紹聖三年丙子（一〇九六）。

〔二〕回腸 狀思慮極爲愁苦。司馬遷報任安書：「腸一日而九回。」杜甫秋日夔州咏懷寄鄭監詩：「弔影

夔州僻，回腸杜曲煎。」

〔三〕篆香 卽盤香。宋洪芻香譜：「近世尙奇者作香，篆其文，準十二辰，分一百刻，凡燃一晝夜而已。以上二句以篆香狀回腸，借儉斷腸之苦。」

〔四〕黛蛾 事文類聚：「漢宮人掃青黛蛾眉。」溫庭筠憶舊陳情五十韻獻淮南李僕射：「蛾陳二八，珠履列三千。」黛，青黑色顏料，用以畫眉。蛾，蠶蛾觸鬚細長而曲，借以形容女子之眉。詩衛風碩人：「螓首蛾眉。」

〔五〕飛鴻句 鴻雁成羣飛行，常排列成「一」字或「人」字，征人見而思歸，故曰「字字愁」。趙嚴寒塘詩：「鄉心正無限，一雁過南樓。」

## 木蘭花〔二〕

秋容老盡芙蓉院〔三〕，草上霜花勻似剪〔四〕。西樓促坐酒杯深〔五〕，風壓繡簾香不捲。玉纖慵整銀箏雁〔六〕，紅袖時籠金鴨暖〔七〕。歲華一任委西風，獨有春紅留醉臉〔八〕。

〔按〕

〔調〕此首與本補鈔。毛本作「玉樓春」。沈本草堂續集題作「秋景」。

〔秋容〕沈本草堂作「秋光」，非。



【箋注】

〔一〕此首似紹聖三年丙子（一〇九六）作於長沙。宋洪邁夷堅志已集云：「長沙義妓者，不知其姓氏，善詞，尤喜秦少游樂府，得一庸，輒手筆口哦不置。久之，少游坐鉤黨南遷，道經長沙，訪潭土風俗，妓籍中可與言者。或舉妓，遂往訪。……娼出設位，坐少游於堂。妓冠輒立堂下，北面拜。少游起且避，娼掖之坐以受拜。已，乃張筵飲，虛左席，示不敢抗。母子左右侍。觴酒一行，率歌少游詞一闕以侑之。飲卒甚歡，比夜乃罷。後洪邁於容齋四筆中雖否認此事，然純屬推理，未可成立。且據容齋四筆云，當時常州教授鍾將之係得其說於李結，並爲作傳，故知絕非虛構。此詞所寫，在時間、景物、情境諸方面，頗與長沙義妓事相合，當作於是時。

〔二〕芙蓉 指木芙蓉，秋季開花，湖南一帶多栽培。譚用之晚宿湘江遇雨詩：「秋風萬里芙蓉國。」

〔三〕草上句 李賀北中寒詩：「霜花草上大如錢，揮刀不入迷濛天。」

〔四〕促坐 迫近而坐。史記淳于髡傳：「日暮酒闌，合尊促坐。」

〔五〕銀箏雁 箏，古樂器，其上弦柱斜列如雁行，並以銀爲飾。李商隱昨日詩：「十三弦柱雁行斜。」

〔六〕金鴨 謂鴨形銅香爐。香譜：「香獸，塗金爲狻猊、麒麟、鳬鴨之狀，空中以燃香，使烟自口出，以爲玩好。」此處蓋指取暖手爐，較小，可籠於袖中。

〔七〕春紅 指酒後紅暈。春，謂酒。杜甫撥悶詩：「聞道雲安麴米春，才傾一盞即醺人。」

【彙評】

草堂詩餘續集：有詩云：「醉臉雖紅不是春」，兩存之。

古今詞統卷八：張迂公「短髮愁催白，衰顏酒信紅」，本此。

詞則閑情集卷一：頑豔中有及時行樂之感。

畫堂春

落紅鋪徑水平池，弄晴小雨霏霏。杏園憔悴杜鵑啼，無奈春歸。

柳外畫樓

獨上，憑闌手撚花枝。放花無語對斜暉，此恨誰知？

【校】

〔調〕此首吳本補鈔。四印齋本陳鍾秀校刊草堂詩餘誤爲徐師川作。

〔鋪徑〕花庵作「堆徑」，誤。

〔霏霏〕花庵作「霏微」，誤。

〔杏園〕詞譜作「杏花」，非。

〔手撚〕原作「撚」，誤，依張本改。

【箋注】

〔一〕少游於元豐五年壬戌（一〇二八）應禮部試，罷歸，過南都新亭，有詩寄王子發，中云：「娟娟殘月照波翻，習習暖風吹鳥暝。……柳枝芳草恨連天，暮雨朝雲同昨夢。」與此詞節序、感情相合。觀「杏園憔悴杜鵑」

鶯啼，無奈春歸」句，知爲應試不中而寄寓怨憤之作。姑繫此詞於是年暮春。

〔三〕杏園 地名，故址在今陝西省西安市郊大雁塔南。秦時爲宜春下苑地。唐時與慈恩寺南北相值，在曲江池西南，爲新進士游宴之地。秦中歲時記：「進士杏花園初會謂之探花宴，以少俊二人爲探花使，偕游名園，若他人先折得名花，則二使皆自罰。」唐劉洽及第後宴曲江詩云：「及第新春選勝遊，杏園初宴曲江頭。」杏園憔悴，有落第意。宋時以杏園借指瓊林苑。呂祖謙宋文鑑卷二載楊侃皇賦：「彼池之南，有苑何大。既瓊林而是名，亦玉輦而是待；其或折桂天庭，花開鳳城，則必有聞喜之新宴，掩杏園之舊名。于是連鑾上苑，列席廣庭，蓋我朝之盛事，爲十流之榮榮。」

〔三〕手撚花枝 古人以爲表示愁苦無聊之動作，唐宋詞中常用之。如馮延巳詞金門詞：「閑引鴛鴦香徑里，手撚紅杏蕊。」撚，以手指持物。

### 【彙評】

君溪漁隱叢話後集卷二十三：君溪漁隱曰：（少游）小詞云：「落紅鋪徑水平池，弄晴小雨霏霏。杏園憔悴杜鵑啼，無奈春歸。」用小杜詩「莫怪杏園憔悴去，滿城多少插花人」。

楊慎批草堂評末句：不知心恨誰？

草堂詩餘集卷四周批：春歸無奈，深情可掬。誰知此恨，何等幽思！

語迫真。

草堂詩餘正集卷一評末句：此恨亦知不得。

評：寫出闌怨，真情俱在，末

填詞雜說：填詞結句，或以動蕩見奇，或以迷離稱雋，著一實語，敗矣。康伯可：「正是銷魂時候也，掠亂花飛。」晏叔原：「紫駟認得舊游踪，嘶過畫橋東畔路。」秦少游：「放花無語對斜暉，此恨誰知？」深得此法。夢園詞選：按一篇主意只是時已過而世少知己耳，說來自媚秀無匹。末二句尤爲切掌。花之香，比君子德之芳也，所以然者以此，所以無語而對斜暉者以此。既無人知，惟自愛自解而已。語意含蓄，清氣遠出。

## 千秋歲〔一〕

水邊沙外，城郭春寒退。花影亂，鶯聲碎〔二〕。飄零疎酒盞，離別寬衣帶〔三〕。人不見，碧雲暮合空相對〔四〕。憶昔西池會，鵷鷺同飛蓋〔五〕。攜手處，今誰在？日邊清夢斷〔六〕，鏡裏朱顏改〔七〕。春去也，飛紅萬點愁如海。

〔校〕

〔調〕此首吳本補鈔。毛本調下題作「謫處州日作」。「處」當爲「處」之誤。花庵題作「少游謫處州日作」，並注曰：「今郡治有鶯花亭，蓋因此詞而取名。」〔水邊〕詞譜、歷代詩餘、草堂作「柳邊」。〔寒〕詞譜、草堂作「輕寒」。〔鵷鷺〕詞譜、草堂、花庵作「鶯鷺」，非。〔飛紅〕詞譜、歷代詩餘、草堂、花庵作「落紅」。

【箋注】

〔二〕此詞創作時間向有二說。一云作於謫處州日，如毛本及絕妙詞選。宋范成大石湖集鶯花亭詩序：「秦少游『水邊沙外』之詞，蓋在括蒼監徵時所作。」（處州近括蒼山，亦名括州）詞品卷三言之尤詳，謂「秦少游謫處州日，作千秋歲詞，有『花影亂，鶯聲碎』之句。後人慕之，建鶯花亭。」陸放翁有詩云：「沙上春風柳十圍，綠陰依舊語黃鸝。故應留與行人恨，不見秦郎半醉時。」如作於處州，則爲紹聖二年乙亥（一〇九五）春天。據年譜，是時少游嘗游府治南園，作千秋歲詞。另一說以爲作於衡陽。宋曾敏行獨醒雜志：「少游謫古藤，意忽忽不樂，過衡陽，孔毅甫爲守，與之厚，延留待遇有加。一日飲於郡齋，少游作千秋歲詞。毅甫覽至，鎮真朱顏改之句，遽驚曰：『少游盛年，何爲言語悲愴如此？』遂廢其韻以解之。居數日別去。毅甫送之於郊，復相語終日，歸謂所親曰：『秦少游氣貌，大不類平時，殆不久於世矣。』未幾果卒。」能改齋漫錄列舉孔毅甫、蘇東坡、黃山谷次秦少游韻詞以證言之鑿鑿，似屬可信。然詞中所寫，乃係春景，據年譜，少游乃於紹聖三年丙子（一〇九六）歲暮抵郴州，其經過衡陽，至少在秋天，於詞境殊不合。此詞以應作於處州，至衡陽遇孔毅甫飲於郡齋，始出示耳。

〔三〕花影二句 杜荀鶴春宮怨詩：「風暖鳥聲碎，日高花影重。」

〔四〕離別句 柳永鳳棲梧詞：「衣帶漸寬終不悔，爲伊消得人憔悴。」

〔五〕人不見二句 江淹休上人怨別詩：「日暮碧雲合，佳人殊未來。」

〔六〕憶昔二句 能改齋漫錄卷十七：「少游詞云：『憶昔西池會，鸞鷺同飛翥。』亦爲在京師與毅甫同在

於朝，敍其爲金明池之游耳。今越州、處州皆指西池在彼，蓋未知其本源而云也。金明池，汴京遺蹟志卷八：「金明池在城西，鄭門外西北，周迴九里餘。」詳見一八五頁補遺金明池詞注〔三〕。鵲鸞，謂朝官之行列，因其整齊有序如鵲與鸞也。隋書音樂志：「懷黃綰白，鵲鸞成行。」岑參初至西虢官舍南池呈左右省及南宮諸故人詩：「豈思鵲鸞行，素多江湖意。」此二句蓋指元祐七年三月中澣「西城宴集」，參見四六頁江城子其一注〔三〕。

〔六〕日邊 借指皇帝身邊。李白行路難詩其一：「閑來垂釣碧溪上，忽復乘舟夢日邊。」王琦注引宋書：「伊摯將應湯命，夢乘船過日月之旁。」

〔七〕朱顏 指青春年華。李煜虞美人詞：「雕闌玉砌應猶在，只是朱顏改。」

### 【彙評】

能改齋漫錄卷十七：「秦少游所作千秋歲詞，予嘗見諸公唱和親筆，乃知在衡陽時作也。」少游云：「至衡

陽，呈孔毅甫使君。」其詞云云，今更不載。毅甫本云：「次韻少游見贈。」其詞云：「春風湖外，紅杏花初退。孤館靜，愁腸碎。淚餘痕在枕，別久香銷帶。新睡起，小園戲蝶飛成對。」惆悵誰人會？隨處聊傾盡。情

暫遣，心何在？錦書消息斷，玉漏花陰改。暝日暮，仙山杳杳空雲海。」其後東坡在儋耳，姪孫蘇元老因趙秀才還自京師，以少游毅甫所贈酬者寄之。東坡乃次韻，錄示元老，且云：「便見其超然自得，不改其度之意。」其詞云：「島邊天外，未老身先退。珠淚灑，丹衷碎。聲搖蒼玉佩，色重黃金帶。一萬里，斜陽正與長安對。道遠誰云會？罪大天能蓋。君命重，臣節在。新恩猶可覩，舊學終難改。吾已矣！乘桴且恣浮

於海。『豫章題云：』少游得謫，嘗夢中作詞云：『醉臥古藤陰下，了不知南北。』竟以元符庚辰死於藤州光華亭上。崇寧甲申，庭堅貶宜州，道過衡陽，覽其遺墨，始追和其千秋歲。詞云：『苑邊花外，記得同朝退。飛騎軋，鳴珂碎。齊歌雲遏，趙舞風回帶。巖鼓斷，杯盤狼藉猶相對。灑灑淚誰能會？醉臥藤陰蓋。人已去，詞空在。兔園高宴悄，虎觀英游改。重感慨，波濤萬頃珠沉海。』晁無咎集中嘗載此詞而非是也。少游詞云：『憶昔西池會，鸞鷟同飛蓋。』亦爲在京師與毅甫同在於朝，敘其爲金明池之游耳。今越州、處州皆指西池在彼，蓋未知其本源而云也。

君溪漁隱叢話前集卷五十引冷齋夜話：少游小詞奇麗，想見其神清在絳闕、道山之間。詞曰……（略）余兄思禹使余賦崔徽頭子詞，因次韻曰：『半身屏外，睡覺唇紅退。春思亂，芳心碎。空餘簪鬢玉，不見流蘇帶。試與問：今人秀韻誰宜對？』湘浦曾同會，手弭青絳蓋。疑是夢，巾（原誤作「中」）猶在。十分春易盡，一點情難改。多少事，都隨恨遠連雲海。」

又同卷引後山詩話：王族，平甫之子，嘗云：今語例襲陳言，但能轉移耳。世稱秦詞「愁如海」爲新奇，不知李國主（明鈔本作「李俊主」）已云「問君能有幾多愁，恰似一江春水向東流」。但以「江」爲「海」耳。

又後集卷三十三引復齋漫錄：山谷守當塗日，郭功甫寓焉，日過山谷論文。一日，山谷云：『少游千秋歲詞，歎其句意之善，欲和之而「海」字難押。功甫連舉數「海」字，若「孔北海」之類。山谷頗厭，未有以卻之。次日，功甫又過山谷，問焉。山谷答曰：「昨晚偶尋得一「海」字韻。」功甫問其所以。山谷云：「蓋殺人也，爺娘海。」自是功甫不論文於山谷矣。蓋山谷用俚語以卻之。」

又後集卷三十九：荅溪漁隱曰：「古今詞話以古人好詞，世所共知者，易甲爲乙，稱其所作，仍隨其詞案合爲說，殊無根蒂，皆不足信也。如秦少游千秋歲「水邊沙外，城郭春寒退」，末云「春去也，飛紅萬點愁如海」者，山谷嘗歎其句意之善，欲和之而以「海」字難押。陳無已言此詞用李後主「問君那有幾多愁？恰似一江春水向東流」，但以「江」爲「海」耳。洪覺範嘗和此詞，題崔徽真子云：「多少事，都隨恨遠連雲海。」晁無咎亦和此詞，少游云：「重感慨，驚濤自卷珠沉海。」觀諸公所云，則此詞少游作明甚，乃以爲任世德所作，……皆非也。

艇齋詩話：秦少游詞云：「春去也，落紅萬點愁如海。」今人多能歌此詞。方少游作此詞時，傳至宋家丞相。丞相曰：「秦必不久於世，豈有「愁如海」而可存乎？」已而少游果下世。少游第七，故云秦。又：少游「水邊沙外，城郭春寒退」詞，爲張芸叟作。有簡與芸叟云：「古者以代勞歌，此真所謂勞歌。」

宋羅大經鶴林玉露乙編卷二：「詩家有以山喻愁者。杜少陵云：「疊巘如山來，洄洞不可揭。」趙嘏云：「夕陽樓上山重疊，未抵春愁一倍多。」是也。有以水喻愁者，李頎云：「請量東海水，看取淺深愁。」李後主云：「問君那有幾多愁？恰似一江春水向東流。」秦少游云：「落紅萬點愁如海。」是也。賀方回云：「試問閑愁都幾許？一川煙草，滿城風絮，梅子黃時雨。」蓋以三者比愁之多也，尤爲新奇，兼興中有比，意味更長。

野客叢書卷二十：後山詩話載：王平甫子序謂秦少游「愁如海」之句，出於江南李後主「問君那有幾多



愁？恰似一江春水向東流」之意。僕謂李後主之意又有所自。樂天詩曰：「欲識愁多少？高於黠頭堆。」劉禹錫詩曰：「蜀江春水拍山流……水流無限似儂愁。」得非祖此乎？則知好處前人皆已道過，後人但翻而用之耳。

宋范成大次韻徐子禮提舉鶯花亭詩序：秦少游「水邊沙外」之詞，蓋在括蒼監徵時所作。予至郡，徐子禮提舉按部來過，勸予作小亭，記少游舊事，又取詞中語，名之曰鶯花，賦詩六絕而去。明年亭成，次韻寄之。詩曰：「灘長石出水平堤，城郭西頭舊小溪。游子斷魂招不得，秋來春草更萋萋。」愁邊逢酒却成憎，衣帶寬來不自勝。雁水蒼茫沙外路，東風何處掛枯藤？」「墟下三年世路窮，蟻封盤馬竟難工。千山雖隔日邊夢，猶到平陽池館中。」文章光焰照金閨，豈是遭逢乏聖時？縱有百身那可贖，琳瑯空見萬篇垂。」「山碧重重四打圍，煩將舊恨訪黃鸝。額林霜後黃鸝少，須是愁紅萬點時。」「古藤陰下醉中休，誰與低眉唱此愁？灑灑他年書好句，平生知己識儋州。」

草堂詩餘正集卷二：「飄零疏酒盞」兩句，是漢魏人詩。

直用「一江春水向東流」意而以「海」易「江」，

裁長作短，人自莫覺。王平甫之子云：「今語例襲陳言，但能轉移，太難爲作者。」

清馮金伯詞苑萃編卷四引詞潔：秦少游千秋歲後結「春去也」三字，要占勝前面許多，攢簇在此收煞。「落紅萬點愁如海」，七字銜接得力，異樣出精采。

夢園詞選：按此乃少游謫虔州思京中友人而作也。起從虔州寫起，自寫情懷落寞也。「人不見」，即指京中友，故下闕直接「憶昔」四句。「日邊」，比京師也。「夢斷」、「顏改」、「愁如海」，俱自歎也。

## 踏莎行(二)

霧失樓臺，月迷津渡(三)，桃源望斷無尋處(三)。可堪孤館閉春寒，杜鵑聲裏斜陽暮。  
驛寄梅花(四)，魚傳尺素，砌成此恨無重數。郴江幸自繞郴山(五)，爲誰流下瀟湘去(六)？

### 【校】

〔調〕此首故宮本「山」字以下補鈔。吳本全篇補鈔。毛本、詞綜調下題作「郴州旅舍」。花庵調下注云：「東坡絕愛尾兩句。」故宮本有詞末附註：「坡翁絕愛此詞尾兩句，自書於扇云：『少游已矣，雖萬人何贖！』」釋天隱注三體唐詩，謂此兩句實自「沉湘日夜東流去，不爲愁人住少時」變化。然郴之「悲彼泉水，亦流於淇」，已有此意。秦公盡出諸此。又王直方詩話載黃山谷惜此詞「斜陽暮」意重，欲易之，未得其字。今郴志遂作「斜陽度」。愚謂此亦何害而病其重也。李太白「隨彼落日暮」，即「斜陽暮」也；劉禹錫「烏衣巷口夕陽斜」，杜工部「山木蒼蒼落日曛」，皆此意。別如韓文公紀夢詩「中有一人壯非少」，石鼓歌「安置妥帖平不頗」之類尤多，豈可謂之重耶？山谷當無此言；即誠出山谷，亦一時之旨，未足爲定論也。張本、李本、段本、毛本、四庫本、秦本同此，唯毛本刪去「亦一時之言」。

【箋注】

〔一〕據年譜，紹聖四年丁丑（一〇九七），少游在郴州，作踏莎行，寫貶謫後心情。觀詞中「杜鵑聲裏斜陽暮」之句，知作於是年三月間。

〔二〕月迷津渡，謂月色昏暗，看不清渡口。「迷」與上句「失」字互文。

〔三〕桃源，語出陶潛明桃花源記。桃源，原屬武陵郡（今湖南省武陵縣），宋乾德中析置桃源縣，以其地有桃花源而得名。此句寫「避世仙境」之不可得，非實指。

〔四〕驛寄梅花，荊州記：「吳陸凱與范曄善，自江南寄梅花詣長安與曄，並贈詩曰：『折梅逢驛使，寄與隴頭人。江南無所有，聊贈一枝春。』」

〔五〕郴江句，郴江，即郴水。讀史方輿紀要謂郴水在郴州東一里，一名郴江，源發黃岑山，北流經此……下流會耒水及白豹水入湘江。幸自，詩詞曲語辭彙釋卷二：「幸，猶本也；正也。……幸自，本自也。」韓愈樹詩：「幸自枝條能樹立，可煩羅蔓作交加。」

〔六〕瀟湘，湘水在湖南零陵縣西與瀟水合流，稱瀟湘。

【章句】

舊溪漁隱叢話前集卷五十引冷齋夜話：「少游到郴州，作長短句云：『霧失樓臺……』（詞略）東坡絕愛其尾兩句，自書於扇曰：『少游已矣，雖萬人何贖！』」

又同卷引范元實詩眼：或問余：「東坡有言：『詩至於杜子美，天下之能事畢矣。』老杜之前，人固未有如

老杜，後世安知無過老杜者？」余曰：「如『一片花飛減却春』，若詠落花，則語意皆盡。所以古人既未到，決知後人更無好語。如畫馬詩云：『玉花却在御榻上，榻上庭前屹相向。』則曹將軍能事更造化之功，皆不可以有加矣。至其他吟詠人情，模寫景物，皆如是也。」老杜謝嚴武詩云：『雨映行宮辱贈詩。』山谷云：『只此雨映兩字，寫出一時景物，此句便雅健。』余然後曉句中當無虛字。後誦淮海小詞云：『杜鵑聲裏斜陽暮。』公曰：『此詞真絕！』但既云『斜陽』，又云『暮』，則重出也。『欲改『斜陽』作『簾櫳』，余曰：『既言『孤館閉春寒』，似無『簾櫳』。』公曰：『亭傳雖未必有簾櫳，有亦無害。』余曰：『此詞本寫牢落之狀。若曰『簾櫳』，恐損初意。』先生曰：『極難得好字，當徐思之。』然余因此曉句法不當重疊。

宋張端義貴耳集卷下：詩話謂『斜陽暮』語近重疊，或改『簾櫳暮』；既是『孤館閉春寒』，安得見所謂『簾櫳』？一說皆非。嘗見少游真本乃『斜陽樹』，後避廟諱，故改定耳。

宋周輝清波雜志卷九：秦少游發郴州，反顧有所屬，其詞曰：『霧失樓臺……（略）山谷云：『語意極似劉夢得楚蜀間語。』淚濕闌干花著露，愁到眉峯碧聚。此恨平分取，更無書語空相覩。斷雨殘雲無意緒，

寂寞明朝暮暮。今夜山深處，斷魂分付潮回去。『毛澤民元祐間罷杭州法曹，至富陽所作贈別詞也，因是受知東坡，語盡而意不盡，意盡而情不盡，何酷似少游也！』

夷堅志載長沙義妓事，已見六〇頁木蘭花詞注（二），其下有云：『一別數年，少游竟死於滕。妓自與少游

別，閉門謝客……一日晝寢，寤，驚曰：『吾與秦學士別，未嘗見夢，今夢來別，非吉兆也。』亟遣僕沿途覘之，數日得報……遂裹服以赴，行數百里，遇於旅館。將入，門者禦焉，告之故而後入，臨其喪，拊棺繞之三周，

舉聲哀號而絕。」

野客叢書卷二十：詩眼較前輩有病少游「杜鵑聲裏斜陽暮」之句，謂「斜陽暮」似覺意重。僕謂不然，此句讀之，於理無礙。謝莊詩曰：「夕天際晚氣，輕霞澄暮陰。」一聯之中，三見晚意，尤爲重疊。梁元帝詩：「斜景落高舂。」既言「斜景」，復言「高舂」，豈不爲贅？古人爲詩，正不如是之泥。觀當時米元章所書此詞，乃是「杜鵑聲裏斜陽曙」，非「暮」字也。得非避廟諱而改爲「暮」乎？

元黃潛日損齋筆記：寶祐間，外舅王君仲芳隨宦至郴陽，親見其石刻，乃「杜鵑聲裏斜陽樹」。一時傳錄者以「樹」字與英宗廟諱同音，故易以「暮」耳。

詞品卷三：秦少游踏莎行「杜鵑聲裏斜陽暮」，極爲東坡所賞，而後人病其「斜陽暮」爲重複，非也。見斜陽而知日暮，非復也；猶韋應物詩：「須臾風暖朝日暝。」既曰「朝日」，又曰「暝」，當亦爲宋人所譏矣。此非知詩者。古詩「明月皎夜光」，「明」、「皎」、「光」，非復乎？李商隱詩「日向花間留返照」，皆然。又唐詩：「青山萬里一孤舟。」又：「滄溟千萬里，日夜一孤舟。」宋人亦言「一孤舟」爲復，而唐人累用之，不以爲復也。

金州山人詞評：「平蕪盡處是青山，行人更在青山外」，郴江幸自遶郴山，爲誰流下瀟湘去，此淡語之情者也。

明俞仲茅愛園詞話：周長卿（元）曰：古人好詞，即一字未易彈，亦未易改。予瞻「綠水人家遠」，別本「遠」作「曉」，爲古今詞話所賞。愚謂「遠」字雖平，然是實境；「曉」字無歸著，試通詠全章便見。少游「斜陽暮」，後人妄肆譏評，託名山谷，淮海集辨之詳矣。又有人親在郴州見石刻是「斜陽樹」，「樹」字甚佳，猶未若

「暮」字。

楊慎批草堂：古人有謂「斜陽暮」三字重出，然因「斜陽」而知日暮，豈得爲重出乎？末二句與「衡陽猶有雁傳書，弔傷和雁無」同意。

草堂詩餘正集卷一：少游坐黨籍，安置郴州，謂郴江與山相守，而不能不流，自喻最悽切。

清王上 禪花草蒙拾：「郴江幸自遶郴山，爲誰流向瀟湘去。」千古絕唱。秦廢後，坡公常書此於廟，云：「少游已矣，雖萬人何贖！」高山流水之悲，千載而下，令人腹痛！

古今詞話：今郴州志竟改作「斜陽度」，余以「斜」屬日，「暮」屬時，不爲累，何必改也。東坡「回首斜陽暮」，美成「雁背斜陽紅欲暮」，可法也。

古今詞話詞辨卷上：古今詞話云：「霧失樓臺……」（略）少游踏莎行也。東坡獨愛其尾兩句。及聞其死，東坡曰：「少游已矣，雖萬人何贖！」黃山谷曰：「絕似劉賓客楚蜀間語。」

清趙翼陔餘叢考卷四十一：「缺月掛疏桐，漏斷人初靜。誰見幽人獨往來？縹緲孤鴻影。驚起却回頭，有恨無人省。揀盡寒枝不肯棲，寂寞沙洲冷。」此東坡詞也。野客叢書記坡至惠州，屋白鶴觀，其鄰溫都蓋者，有女年十六，聞東坡至，欲嫁焉。坡夜吟咏，則其女徘徊窗外。坡後見之，正呼主，說爲媒，適有海南之行，遂止。其女旋卒。坡回，聞之，乃作此詞以記當日情事也。又秦少游南遷，有妓生平醅愛秦學士詞，至是知其爲少游，請於母，願託以終身。少游贈詞，所謂「郴江幸自遶郴山，爲誰流向瀟湘去」者也。念時事嚴切，不敢偕往貶所。及少游卒於藤，喪還，將上長沙，妓前一夕得諸夢，卽逆於途，祭畢，歸而自縊。按二

公之南，皆逐客，且暮年矣，而諸女甘爲之死，可見二公才名震燄一時，且當時風尚，女子皆知愛才也。

蓮子居詞話卷二：秦少游姬人邊朝華極慧麗，恐礙學道，賦詩遣之，自傳所謂「春隨樊素一時歸」也。未幾南遷過長沙，有妓生平酷慕少游詞，至是託終身焉。少游有「郴江幸自遶郴山，爲誰流下瀟湘去」云云，纔絕其至，豈情之所屬，遽忘其前後之矛盾哉？藉令朝華聞之，又何以爲情？及少游卒於藤，喪還，妓自縊以殉。此女固出婁琬、陶心兒上矣。

清宋翔鳳《樂府餘論》：（以「斜陽暮」分屬日時，則尙欠明晰。說文：「暮，日且冥也，從日在草中。」今作暮者俗。是「斜陽」爲日斜時，「暮」爲日入時；言自日昃至暮，杜鵑之聲，亦云苦矣。山谷未解「暮」字，遂生輕輓。

詞苑叢談卷三：秦少游《踏莎行》云……（詞略）東坡絕愛尾二句，余謂不如「杜鵑聲裏斜陽暮，尤堪腸斷」。清鄧廷楨《雙硯齋詞話》：紹聖元年，紹述議起，東坡貶黃州，尋謫惠州，子由、魯直相繼罷去，少游亦坐此南遷，作《踏莎行》云……（詞略）東坡讀之嘆曰：「吾負斯人！」蓋古人師友之際，久要不忘如此。

夢園詞選：按少游坐黨籍，安置郴州，前一闕是寫在郴望想玉堂天上，如桃源不可尋，而自己意緒無聊也。次闕言書難達意，自己同郴水自遶郴山，不能下瀟湘以向北流也。語意淒切，亦自顧藉，玩味不盡。「霧失」、「月迷」，總是被讒寫照。

人間詞話：少游詞境最爲淒婉，至「可堪孤館閉春寒，杜鵑聲裏斜陽暮」，則變而爲淒厲矣。東坡賞其後

二語，猶爲皮相。

又：「風雨如晦，鷄鳴不已。」「山峻高以蔽日兮，下幽晦以多雨；穀雪紛其無垠兮，雲霧霏而承宇。」「樹樹皆秋色，山山盡落暉。」「可堪孤館閉春寒，杜鵑聲裏斜陽暮。」氣象皆相似。

### 蝶戀花

曉日窺軒雙燕語，似與佳人，共惜春將暮。屈指豔陽都幾許，<sup>〔一〕</sup>可無時霎閑風雨。<sup>〔二〕</sup>  
流水落花無問處，只有飛雲，冉冉來還去。持酒勸雲雲且住，憑君礙斷春歸路。

【校】

〔調〕此首故宮本、吳本皆補鈔。沈本草堂續集題作「春情」。

〔陳風雨〕吳本及故宮本作「間風

雨」，誤。

【箋注】

〔一〕都算來。宋僧仲殊夏雲峯詞：「都幾日陰沈，連宵慵困，起來韶華都盡。」

〔二〕時霎，即霎時，依詞律倒裝。



【彙評】

草堂詩餘續集：（起句）刻削。

（結句）鑿空奇語。

明錢允治類編箋釋選草堂詩餘卷上：閑風閑雨，固不如浮雲之礙高樓也。

古今詞統卷九：（末二句）鑿空奇語。周美成「憑斷雲、留取西樓殘月」，似之。

一落索

楊花終日空飛舞，奈久長難駐。海潮雖是暫時來，却有箇堪憑處（二）。

紫府碧

雲爲路（三），好相將歸去。肯如薄倖五更風（四），不解與花爲主。

【校】

【調】此首故官本，吳本皆補鈔。

【空飛舞】故官本、李本、四庫本、王本作「飛空舞」，誤。詞律拾遺、

毛本脫「空」字。案依詞律首句多一「空」字，疑係襯字。

【箋注】

（二）海潮二句 李益江南曲詩：「嫁得瞿塘賈，朝朝誤妾期。早知潮有信，嫁與弄潮兒。」此用其意，謂

潮來有信，人會無憑。

〔三〕紫府 指仙宮。抱朴子祛惑：「項曼都學仙，十年而歸，曰：『在山精思，有仙人來迎；及到天上，先過紫府，金牀玉几，晃晃昱昱，真貴處也！』」駱賓王送王明府參選詩：「振衣遊紫府，飛蓋背青田。」

〔三〕肯如 楊萬里聞一二故人相繼而逝詩：「我福肯如郭，我德敢望顏？」詩詞曲語辭匯釋卷二：「肯如，豈如也，言豈如郭汾陽之福也。」此處意猶無奈。

## 醜奴兒〔二〕

夜來酒醒清無夢，愁倚闌干。露滴輕寒，雨打芙蓉淚不乾〔三〕。

佳人別後音塵

悄〔三〕，瘦盡難拚〔四〕。明月無端，已過紅樓十二間〔五〕。

## 【校】

〔調〕此首故宮本、吳本皆補鈔。毛本作「採桑子」，調下注云：「元刻醜奴兒。」宋本山谷琴趣外編卷三亦載此詞，注云：「此詞，或者爲秦少游所作，而公集中亦載，以是姑兩存之。」〔十二間〕故宮本作「十二

間」，誤。

## 【箋注】

〔一〕此首寫月夜離愁，疑作於早期。

【二】芙蓉 荷花，借喻面容。白居易長恨歌：「芙蓉如面柳如眉，對此如何不淚垂？」

【三】青塵 消息。謝莊月賦：「美人邁兮音塵闕，隔千里兮共明月。」

【四】瘦盡句 謂別後因相思而瘦損，然猶難擯棄此念也。

【五】明月二句 謂明月無情，匆匆過去。無端，沒來由。紅樓十二間，十二樓本爲神仙住所，讀書

郊祀志：「方士有言黃帝時爲五城十二樓，以候神人，名曰迎年。」應劭注：「昆侖玄圃五城十二樓，仙人之所常居。」此喻紅樓之宏麗。

【彙評】

明長湖外史評沈際飛多闕續草堂詩餘：「瘦盡難拚」，切情。忽有此境，不是語言文字。

類編、釋續、選草堂詩餘卷上：芙蓉經雨，清淚如滴，離恨可知。

南鄉子【二】

妙手寫微眞【三】，水剪雙眸點絳脣【三】。疑是昔年窺宋玉，東鄰，只露牆頭一半身【四】。  
往事已酸辛，誰記當年翠黛顰？盡道有些堪恨處，無情，任是無情也動人【五】。

【校】

【調】此首故宮本補鈔，吳本唯「任是無情也動人」七字爲宋版，餘補鈔。

【箋注】

〔一〕此首係題崔徽半身像，似應作於汴京，與調笑令十首中之崔徽爲同時之作。

〔二〕寫徽真 謂爲崔徽寫真（畫像）。崔徽，唐歌妓，與裴敬中相戀。既別，崔徽託畫家丘夏寫肖像寄徽中。詳見一、七頁調笑令十首崔徽注〔一〕。

〔三〕水剪燈眸 李賀唐兒歌詩：「一雙瞳人翦秋水。」瞳人，即眸子。

〔四〕疑是 三句 宋玉登徒子好色賦：「天下之佳人，莫若楚國。楚國之麗者，莫若臣里。臣里之美者，莫若東家之子。」增之一分則太長，減之一分則太短，著粉則太白，施朱則太赤；眉如翠羽，肌如白雪，嫣然一笑，惑陽城，迷下蔡。然此女登牆窺臣三年，至今未許也。」

〔五〕任是句 羅隱牡丹詩：「若教解語能傾國，任是無情也動人。」

醉桃源〔二〕

碧天如水月如眉，城頭銀漏遲〔三〕。綠波風動畫船移，嬌羞初見時。銀燭暗，翠簾垂，芳心兩自知。楚臺魂斷曉雲飛〔四〕，幽懽難再期。

【校】

〔調〕調下原注：「以阮郎歸歌之亦可。」此首故宮本補鈔，調下附注云：「即阮郎歸。」張本、李本、廖本

同。毛本調下附注云：「元刻醜奴兒。」四庫本附注云：「即醜奴兒。」

【箋注】

〔一〕此首寫初次幽會時之豔情，似作於早年。

〔二〕銀漏 古代計時器，亦名「漏壺」、「玉漏」，多以銅製，凡四隻，上下疊置。最上者貯水，逐次下滴。第四隻中置一直立浮標，上刻十二時辰，視水位漸次升高，可知時刻。

〔三〕楚臺句 楚臺，楚王臺。宋玉高唐賦序：「昔者楚襄王與宋玉游於雲夢之臺，望高唐之觀，其上有雲氣，崑兮直上，忽兮改容，須臾之間，變化無窮。王問玉曰：『此何氣也？』玉對曰：『所謂朝雲者也。』王曰：『何謂朝雲？』玉曰：『昔者先王嘗游高唐，怠而晝寢，夢見一婦人曰：『妾巫山之女也，爲高唐之客，聞君過高唐，願薦枕席。』王因幸之。去而辭曰：『妾在巫山之陽，高丘之阻，旦爲朝雲，暮爲行雨，朝朝暮暮，陽臺之下。』旦朝視之，如言。』曉雲，即朝雲。

河傳二首〔一〕

亂花飛絮，又望空闌合〔二〕，離人愁苦。那更夜來，一霎薄情風雨。暗掩將，春色去。籬枯壁盡因誰做〔三〕？若說相思，佛也眉兒聚〔四〕。莫怪爲伊，底死縈腸惹肚〔五〕。爲沒教，人恨處。

【校】

【調】此首故宮本補鈔。

【箋注】

〔一〕淮海集卷十一有留別平闕黎詩一首，云：「緣盡山城且不歸，此生相見了無期。保持異日蓮花上，重說如今結社時。」篇末自注云：「紹聖元年，觀自國史編修官蒙恩除館閣校勘，通判杭州，道貶處州，管庫三年，以不職罷。將自青田以歸，因往山寺中，修懺日書經句於住僧房壁。」在少游修懺於處州、海寺期間，朝廷遣使承望風指，候刺過失，卒無所得。遂以調告寫佛書爲罪，再次削秩徙郴州。詞云「佛也眉兒聚」，可能與山寺有關。又云「那更夜來，一霎薄情風雨。暗掩將，春色去」，蓋喻情況突變，境遇更爲險惡之意。據此，此詞似作於紹聖三年丙子（一〇九六）暮春。

〔三〕望空闌合 望空，向空中。闌合，猶拼湊合攏。詩詞曲語辭匯釋卷二：「闌，猶湊也；拼也，合（入聲）也。」史介翁菩薩蠻詞：「柳絲輕颺黃金縷，織成一片紗窗雨。闌合做春愁，困慵熏玉篝。」

〔三〕籬枯壁盡 謂籬壁間物已經枯盡。世說新語排調：「桓玄素輕桓岸。岸在京下有存桃，玄連就求之，遂不得佳者。」玄與殷仲文書以爲嗤笑曰：「德之休明，肅慎貢其桔矢；如其不爾，籬間物亦不可得也。」後世遂以「籬壁間物」謂家園中花木及所產之物。李漢老漢宮春詞：「雪打風吹，正籬枯壁盡，却有寒梅。」

〔四〕眉兒聚 即皺眉。此句以佛爲喻，狀相思之苦。

〔五〕底死 通抵死。詩詞曲語辭匯釋卷一：「抵死，……亦猶云終究或老是也。」柳永傾盃樂詞：「追舊事，一餉憑闌久。如何媚容豔態，抵死孤歡偶？」

## 其二

恨眉醉眼，甚輕輕覩著〔一〕，神魂迷亂。常記那回，小曲闌干西畔。鬢雲鬆，羅襪剗〔二〕。丁香笑吐嬌無限〔三〕，語軟聲低，道我何曾慣。雲雨未諧，早被東風吹散。悶損人，天不管。

### 【校】

〔其二〕此首故宮本補鈔。張本、李本、段本、毛本、四庫本、廣本、王本、秦本俱作「又」。

〔覲著〕詞

律作「戲者」，誤。〔悶損〕王本作「瘦殺」。

〔覲著〕詞

### 【箋注】

〔一〕甚 詩詞曲語辭匯釋卷二：「甚，猶是也；正也；真也。詞中每用以領句，與甚麼之甚作怎字、何字義者異。……楊樵雲滿庭芳詞詠影：『甚徘徊窺鏡，交翼鸞文。』甚徘徊云云，猶云是徘徊云云也。」

〔二〕羅襪剗 僅穿襪履地行走。剗，僅。李煜菩薩蠻詞：「剗襪步香階，手提金縷鞋。」

〔三〕丁香 又名鷄舌香，其花蕾與果實，曬乾後有辛郁香味。宋沈括夢溪筆談樂議：「三省故事：郎官日含鷄舌香，欲其奏事對答，其氣芬芳。」李煜一斛珠詞：「向人微露丁香顆，一曲清歌，暫引櫻桃破。」丁香喻舌，櫻桃喻口。

### 【彙評】

清李調元雨村詞話卷一：「萬氏詞律河傳詞末句云：『悶損人，天不管。』山谷和秦尾句云：『好殺人，天不管。』自注云：『因少游詞，戲以『好』字易『瘦』字。』是秦詞應作『瘦殺人』。今刊本皆作『悶損人』，蓋未見山谷詞也。然巧拙亦於此一字見之，黃九不敵秦七，亦是證。」

## 浣溪沙五首

漠漠輕寒上小樓，曉陰無賴似窮秋，澹煙流水畫屏幽。  
自在飛花輕似夢，無邊絲雨細如愁，寶簾閑掛小銀鉤。

### 【校】

〔調〕花言本補鈔。毛本調下附注：「此首或刻歐陽永叔。」黃本鈎去此附注。  
〔似窮秋〕疆村本作「是窮秋」，非。



【彙評】

梁令嫺麝香館詞選：「曉陰無賴似窮秋」上眉批：家大人（梁啓超）云：「奇語！」

續編草堂詩餘：「窮秋」句，鄙。錢功父曰：「佳」，可見功父於此道茫然。後疊精研，奪南唐席。

詞則大雅集卷二：宛轉幽怨，溫韋嫡派。

其 一

香靨凝羞一笑開，柳腰如醉暖相挨，日長春困下樓臺。

照水有情聊整鬢，倚欄

無緒更兜鞋，眼邊牽繫懶歸來。

【校】

〔其一〕此首吳本、故宮本皆補鈔。張本、段本、李本、毛本、四庫本、黃本、王本、秦本皆作「又」。毛本調

下附注：「亦刻歐陽永叔。」黃本鈎去此附注。

〔春困〕毛本作「人困」。

〔牽繫〕吳本、故宮本、張本、

李本、段本、毛本、王本、秦本及四庫本均作「牽恨」，誤。

【彙評】

續編草堂詩餘：上句妙在「照水」，下句妙在「兜鞋」，即令閨人自模，恐未到。

### 其三

霜縞同心翠黛連〔一〕，紅綃四角綴金錢，惱人香蕪是龍涎〔三〕。  
夢，燈前重看不成眠〔二〕，又還一段惡因緣。

枕上忽收疑是

【校】

〔其三〕此首故宮本、吳本皆補鈔。張本、李本、段本、毛本、四庫本、黃本、王本、秦本作「又」。

【箋注】

〔一〕霜縞句 霜，素白色。縞，未經染色的絹。此處疑指紗廚（帳子）。

〔二〕惱人句 香蕪，即燃香。龍涎，名貴香料。宋張世南游宦紀聞卷七：「諸香中，龍涎最貴重，廣州市直，每兩不下百千，次等亦五六十千，係香中禁權之物，出大食國。近海傍常有雲氣罩山間，即知有龍睡其下，或半載，或二、三載，土人更相守視，俟雲散，則知龍已去，往觀必得龍涎，或五、七兩，或十餘兩。……予嘗聞泉廣合香人，云：龍涎入香，能收斂腦麝氣，雖經數十年，香味仍在。」案：龍涎實爲香鯨腸胃病態分泌物，類似結石，從鯨體內排出，漂浮於海面或沖至岸上，然後爲人所得。

〔三〕枕上二句 杜甫羌村詩：「夜闌更秉燭，相對如夢寐。」晏幾道鷓鴣天詞：「今宵賸把銀缸照，猶恐相逢是夢中。」

## 其四

脚上鞋兒四寸羅，脣邊朱粉一櫻多。<sup>〔一〕</sup>見人無語但回波。  
料得有心憐宋玉，<sup>〔三〕</sup>  
只應無奈楚襄王。<sup>〔三〕</sup>何，今生有分共伊麼？

### 【校】

〔其四〕此首吳本、故宮本皆補鈔。張本、李本、段本、毛本、四庫本、黃本、王本、案本作「又」。

### 【箋注】

〔一〕櫻多 謂脣略大於櫻桃。本事詩事感二：白居易姬人樊素善歌，妓人小蠻善舞，嘗爲詩曰：『櫻桃樊素口，楊柳小蠻腰。』

〔二〕宋玉 戰國楚辭賦家，或說是屈原弟子，曾事楚頃襄王爲大夫。

〔三〕楚襄 卽楚頃襄王。宋玉神女賦：『楚襄王與宋玉遊於雲夢之浦，使玉賦高唐之事。其夜王寢，果夢與神女遇，其狀甚麗。』李商隱席上贈人詩：『料得也應憐宋玉，只應無奈楚襄王。』

### 【彙評】

趙萬里校輯宋金元人詞引楊侃古今詞話：涪翁過瀘南，瀘帥留府會，有官妓盼盼，性頗聰慧，帥嘗寵之。涪翁贈浣溪沙曰：『脚上鞋兒四寸羅，脣邊朱粉一櫻多……（略）』盼盼拜謝，涪翁令唱詞侑觴。

## 其五

錦帳重重捲暮霞，屏風曲曲闌紅牙。<sup>(一)</sup>恨人何事苦離家。  
枕上夢魂飛不去，覺來紅日又西斜，滿庭芳草襯殘花。

### 【校】

〔其五〕此首吳本、故宮本皆補鈔。張本、李本、段本、毛本、四庫本、廣本、王本、秦本皆作「又」。毛本調下附注：「或刻張子野。」非是。故宮本詞末附注云：「前段用元微之天台詩意，後段婉約有味，尾句尤含蓄深思。」張本、李本、段本、四庫本、秦本同。

### 【箋注】

〔一〕闌紅牙 闌，詩詞曲語辭匯釋卷二：「闌，猶湊也，拼也，……秦觀浣溪沙詞：『錦帳重重捲暮霞，屏風曲曲闌紅牙。』亦拼湊義。」紅牙，樂器名，即拍板，亦名牙板、檀板，因其色紅，故名。宋史錢徽傳：「太平興國三年，徽貢紅牙樂器二十二事。」

### 【彙評】

徐渭評本眉批：好在景中有情。

夢園詞選：沈際飛曰：「前人詩『夢魂不知處，飛過大江西』，此云『飛不去』，絕好翻用法。」按：「重重」「曲

曲」，寫得柔情旖旎，方喚得下句「何事」字起；卽第二闕「飛不去」，亦從此生出。寫闌情至此，意致濃深，大雅不俗。

### 如夢令

門外鴉啼楊柳<sup>(一)</sup>，春色著人如酒。睡起熨沉香，玉腕不勝金斗。消瘦，消瘦，還是褪花時候<sup>(二)</sup>。

#### 【校】

〔調〕此首吳本、故宮本皆補鈔。毛本作「憶仙姿」，調下附注云：「舊刻如夢令五闕，今增入二闕。」案所增者爲「門外綠陰千頃」，「鶯嘴啄花紅溜」，見本書補遺。

〔鴉啼〕歷代詩餘作「鶯啼」，誤。

#### 【箋注】

〔一〕門外句 李白楊叛兒詩：「何許最關人？烏啼白門柳。」

〔二〕褪花 指花之萎謝褪色。宋蘇軾蝶戀花詞：「花褪殘紅青杏小。」

#### 【彙評】

若溪漁隱叢話後集卷三十三：予又嘗讀李義山效徐陵體贈更衣云：「輕寒衣省夜，金斗熨沉香。」乃知少

游詞「玉簫金斗，時熨沉香」，與夫「睡起熨沉香，玉腕不勝金斗」，其語亦有來歷處，乃知名人必無杜撰語。

續編草堂詩餘：愁恨甚。末句止而得行，洩而得蓄。

詞則大雅集卷二：起伏照應，六章如一章，仿佛飛卿菩薩蠻遺意。

案：詞則另附「鶯啼啄花紅溜」一章，故云「六章」。

## 其二

遙夜沉沉如水，風緊驛亭深閉。  
夢破鼠窺燈，霜送曉寒侵被。  
無寐，無寐，門外馬嘶人起。

### 【校】

〔其二〕此首與本、故宮本皆補鈐。張本、李本、汲本、毛本、四庫本、黃本、汪本、秦本作「又」。沈本詩餘卷一題作「冬景」。  
〔遙夜〕沈本作「冬夜」，非。  
〔沉沉〕汪本、詞綜、詞律、歷代詩餘均作「月明」，非。

### 【箋注】

〔一〕紹聖三年丙子（一〇九六），少游自處州再貶，冬季至郴陽道中，曾題一古寺壁，詩中有「飢鼠相追壞壁中」之句，與詞境頗相似；爾後詞人於郴州旅舍，又作踏莎行詞。此首亦寫驛亭苦況，當作於是年冬。

〔三〕驛亭 古代設於官道旁供官員和差役住宿、換馬的館舍。

【彙評】

詞則大雅集卷二：此章離別。

其三

幽夢忽忽破後，粧粉亂痕霑袖〔二〕。遙想酒醒來，無奈玉銷花瘦。回首，回首，遶岸夕陽疎柳。

【校】

〔其三〕此首吳本、故宮本皆補鈔。張本、李本、段本、毛本、四庫本、黃本、王本、秦本作「又」。〔亂痕〕毛本作「亂紅」，非。

【箋注】

〔二〕粧粉句 白居易琵琶行詩：「夜深忽夢少年事，夢啼粧淚紅闌干。」

【彙評】

草堂詩餘續集：「忽忽破」三字真，「玉銷花瘦」四字警。末句不可倒作首句，思之思之。

類編箋釋續選草堂詩餘卷上：「玉銷花瘦」句，語新奇。

詞譜卷二眉批：奇麗。

詞則大雅集卷二：（此章）別後。

（結句）映起句「門外鴉啼楊柳」。

## 其四（二）

樓外殘陽紅滿，春入柳條將半。  
桃李不禁風，回首落英無限。  
腸斷，腸斷，人共楚天俱遠（三）。

### 【校】

〔其四〕此首與本補鈔。張本、李本、段本、毛本、四庫本、黃本、王本、秦本作「又」。毛本調下附注：「或刻晏叔原。」沈本詩餘誤作晏叔原詞。

### 【箋注】

〔二〕觀「人共楚天俱遠」句，知爲紹聖四年丁丑（一〇九七）春貶郴州時所作。

〔三〕楚天 泛指南方的天空。柳永雨霖鈴詞：「念去去千里煙波，暮靄沉沉楚天闊。」



【彙評】

草堂詩餘萬卷四眉批：對景傷春，於此詞盡見矣。  
評：因陽春景色而思故人心情，人遠而思更遠矣。

五

池上春歸何處？滿目落花飛絮。孤館悄無人，夢斷月堤歸路。無緒，無緒，簾外五更風雨。

【校】

【其五】此首吳本補鈔。張本、李本、段本、毛本、四庫本、廣本、王本、秦本作「又」。毛本調下附注：「或刻周美成。」

【箋注】

【一】觀詞中「孤館」二句，疑作於郴州。紹聖四年丁丑（一〇九七）春暮，少游在郴州旅舍作踏莎行詞，有句云「可堪孤館閉春寒，杜鵑聲裏斜陽暮」。同是「孤館」，同爲「春歸」時刻，同寫思歸情懷，此詞蓋作於同時。

(三) 簾外句 歐陽修浪淘沙詞：「簾外五更風，吹夢無踪。」（一作李清照詞）

### 【彙評】

楊慎批草堂：孤館聽雨，較洞房雨聲，自是不勝情之詞，一喜一悲。

草堂詩餘馮卷二眉批：難爲人語，自有可語之人在。

評：深情厚意，言有盡而味自無窮。

詞則大雅集卷二：上章春半，此章春暮。

## 阮郎歸

褪花新綠漸團枝，撲人風絮飛。鞦韆未拆水平堤，落紅成地衣。(二)。  
驚啼，怨春春怎知？日長早被酒禁持。(三)，那堪更別離！

### 【校】

〔調〕此首吳本補鈔。張本調下有「四首」二字。花庵調下題作「春晚」。

〔未拆〕吳本、秦本作「未折」，王本作「未

據吳本、張本、李本、段本、毛本、四庫本、黃本、王本、秦本改。

〔落紅〕黃本、張村本作「落花」，非。

〔怎知〕花庵作「不知」。

【箋注】

〔二〕地衣 地毯。南唐李煜浣溪沙詞：「紅錦地衣隨步皺，佳人舞點金釵溜。」此以喻落花之厚積。宋辛棄疾粉蝶兒（和晉臣賦落花）詞：「甚無情便下得雨，偏風慙，向園林鋪作地衣紅繡。」

〔三〕禁持 擺佈。辛棄疾鷓鴣天詞：「一夜清霜變髮絲，怕愁剛把酒禁持。」詩詞曲語辭匯釋卷二注曰：「此擺佈義，猶云硬將酒來擺佈愁懷也。」

【彙評】

詞譜卷一：出語新媚，亦復幽奇。

其二

宮腰裊裊翠鬟鬆〔三〕，夜堂深處逢。無端銀燭殞秋風，靈犀得暗通〔三〕。身有恨，恨無窮，星河沉曉空。隴頭流水各西東〔四〕，佳期如夢中。

【校】

〔其二〕此首吳本補鈔。張本、李本、段本、毛本、四庫本、黃本、王本作「又」。草堂詩餘續集調作「清平樂」，題作「幽會」。〔身有恨〕吳本、張本、李本、段本、毛本、四庫本、王本、秦本作「更有限」，非。疆村本

作「身有限」，與下句「恨無窮」對仗，於義爲勝。

【箋注】

〔一〕此首與御街行情境頗相似，似作於同時。詳見一六三頁補遺御街行詞注〔一〕。

〔二〕宮腰 細腰。韓非子二柄：「楚靈王好細腰，而國中多餓人。」柳永木蘭花柳枝詞：「楚王空待學風流，餓損宮腰終不似。」

〔三〕靈犀 神州異物志：「犀有神異，表靈以角，因名靈犀也。」李商隱無題詩：「身無彩鳳雙飛翼，心有靈犀一點通。」

〔四〕隴頭流水 古樂府隴頭歌辭：「隴頭流水，流離山下。念吾一身，飄然曠野。」此喻分離。

【彙評】

續編草堂詩餘：中葺之言，不可道也；所可道也，言之醜也。

草堂詩餘續集：恐未必「無端」。「殞」字好。

遠志齋詞衷：詞筌云：詞至少游「無端銀燭殞秋風」之類，而蔓草頤秋，不惟極意形容，兼亦直認無諱，數語可謂樂而不淫。

### 其三

瀟湘門外水平鋪，月寒征棹孤。紅粧飲罷少踟躕，有人偷向隅〔三〕。揮玉筍〔三〕，

灑眞珠，梨花春雨餘〔四〕。人人盡道斷腸初〔五〕，那堪腸已無！

【校】

〔其三〕此首吳本補鈔。張本、李本、段本、毛本、四庫本、黃本、王本、秦本均作「又」。

〔已無〕吳本、

張本、李本、段本、毛本、四庫本、王本、秦本作「也無」。

【箋注】

〔一〕紹聖三年丙子（一〇九六），少游自處州貶徙郴州，途經瀟湘，詞蓋作于是時。疑寫與長沙義妓分別時情懷。

〔二〕向隅 漢劉向說苑貴德：「今有滿堂飲酒者，有一人獨索然向隅而泣，則一堂之人皆不樂矣。」

〔三〕玉筍 喻女子眼淚。劉孝威獨不見詩：「誰憐雙玉筍，流面復流襟。」

〔四〕梨花句 白居易長恨歌：「玉容寂寞淚闌干，梨花一枝春帶雨。」

〔五〕人人 指戀人。詩詞曲語辭匯釋卷六：「人人，對於所暱者之稱，多指彼美而言。歐陽修蝶戀花

詞：「翠被雙盤金縷鳳，意得前春，有箇人人共。」黃庭堅少年心詞：「似合歡桃核，眞堪人恨，心兒裏有兩箇人

人。』……玩上各證，知以情語、膩語爲多也。」

### 【彙評】

續編草堂詩餘：「玉筍」、「眞珠」，覺疊；得「梨花雨餘」句，疊正妙。及云「腸已無」，如新笋發林，高出林上。

楊慎批草堂：此等情緒，煞甚傷心。秦七太深刻矣！

## 其四〔一〕

湘天風雨破寒初〔三〕，深沉庭院虛。麗譙吹罷小單于〔三〕，迢迢清夜徂〔四〕。

鄉

夢斷旅魂孤，崢嶸歲又除。衡陽猶有雁傳書〔五〕，郴陽和雁無〔六〕。

### 【校】

〔其四〕此首與本補鈔。張本、李本、段本、毛本、四庫本、黃本、汪本、秦本作「又」。花庵調下題作「旅

況」。又見張子野詞卷一，係誤入。〔深沉〕毛本作「深深」。草堂、詞綜均作「燈殘」，非。〔吹罷〕草

堂、花庵均作「吹徹」，非。〔鄉夢斷〕草堂作「人意遠」，非。〔旅魂〕草堂、詞綜作「旅情」，非。

### 【箋注】

〔一〕哲宗紹聖四年丁丑（一〇九七），少游貶居郴州，親朋音訊久疏，故詞中云：「衡陽猶有雁傳書，郴陽

和雁無。」又據「蟬蝶歲又除」，詞蓋作于此年除夕。

〔三〕湘 指今湖南一帶地方。

〔三〕麗譙句 麗譙，莊子徐无鬼：「君亦必無盛鶴列於麗譙之間。」郭象注：「麗譙，高樓也。」明楊慎升庵外集：「城門名麗譙者，麗如魚麗之麗，力支切；譙即譙阿之譙。今都門出入者，守門人成列而呼喝之，亦是古制。」後指譙樓，即城門上的更鼓樓。小單于，唐代大角曲名。李益聽曉角詩：「無數塞鴻飛不度，秋風卷入小單于。」

〔四〕清夜徂 杜甫倦夜詩：「萬事干戈裏，空悲清夜徂。」徂，往也。

〔五〕衡陽句 衡陽，今湖南省衡陽市。埤雅：「鴻雁南翔，不過衡山。蓋南地極煥，雁望衡山而止，惡熱故也。」雁傳書，漢書蘇武傳：「昭帝即位數年，匈奴與漢和親，漢求武等。匈奴詭言武死。後漢使復至匈奴，常惠請其守者與俱，得夜見漢使，具自陳道，教使者謂單于言：『天子射上林中，得雁，足有繫帛書，言武等在某澤中。』使者大喜，如惠語以讓單于。單于視左右而驚，謝漢使曰：『武等實在。』」杜甫舟出江陵南浦寄鄉少尹詩：「衡陽雁影徂。」

〔六〕郴陽 今湖南省郴州市，在衡陽之南。

【彙評】

草堂詩餘正集卷一：衡郴皆楚湘地，故曰湘。傷心！

## 滿庭芳 (二)

北苑研膏 (三)，方圭圓璧 (三)，萬里名動京關。碎身粉骨 (四)，功合上凌烟 (五)。佇想風流戰勝 (六)，降春睡 (七)、開拓愁邊 (八)。纖纖捧 (九)，香泉濺乳 (一〇)，金縷鵲斑 (一一)。  
相如方病酒 (一二)，一觴一詠，賓有羣賢 (一三)。便扶起燈前，醉玉頰山 (一四)。搜攬胸中萬卷，還傾動、三峽詞源 (一五)。歸來晚，文君未寢，相對小牀殘。

### 【校】

〔調〕此首吳本補鈔。吳本、張本、李本、段本、毛本、四庫本、王本、秦本調下題作「詠茶」。毛本次於同調「碧水驚秋」一首之後，題下附注：「或刻黃山谷。」王本詞末附注云：「又見山谷集，小異。」案：宋刊山谷琴趣外編卷一有此首，所謂「小異」者：「北苑研膏」，作「北苑春風」；「香泉濺乳」，作「研膏濺乳」；「賓有羣賢」，作「賓友羣賢」；「便扶起燈前」，作「爲扶起燈前」；「相對小牀殘」，作「相對小窗前」。餘均同此首，山谷另有滿庭芳茶詞，首句云：「北苑龍團」，餘如「萬里名動京關」，「纖纖捧」，「金縷鵲斑」，「相如方病酒」，「醉玉頰山」，「歸來晚，文君未寢」等句，亦與秦詞相同。蓋因一首極類似，故誤秦詞爲黃詞耳。〔圓璧〕三宋本誤作「璧」，從張本、毛本、彊村本改。〔賓有〕毛本作「賓友」。〔便扶起〕李本、段本、四庫本、王本、秦本作「半扶起」。毛本作「爲扶起」。黃本作「半便扶起」，誤。〔搜攬〕李本、毛本、四庫本、黃本、



王本、蘆村本作「搜攪」，義較勝。

【箋注】

〔一〕此首寫茶，似元祐間作於汴京。北苑茶係貢品，而「金縷鸕鶿斑」云云，亦爲皇帝致祭南郊後分賜之物（詳後注）。少游供職祿書省期間，嘗有進南郊慶成詩并表，雖不一定獲享分賜之茶，然亦不妨發之於吟咏。又少游有茶詩：「上客集堂葵，圓月探蠶盞。玉鼎注漫流，金碾響文竹。侵尋發美鬯，猗猗生乳栗。」與詞之上闕相近，蓋爲同時之作。

〔二〕北苑句 北苑，古產茶地，在今福建省建甌縣東。茗溪漁隱叢話前集卷四十六：「北苑在富沙之北，隸建安縣，去城二十五里。北苑乃龍焙，每歲造貢茶之處。……其實北苑茶山，乃鳳凰山也。北苑土色膏腴，山宜植茶。」又云：「壬午之春，余赴官閩中漕幕，遂得至北苑觀造貢茶。其最精即水芽，細如針，用御泉水研造。社前已嘗，貢餘每片計工直四萬錢，分試其色如乳。」研膏，茶名。能改齋漫錄卷十五引素履錄：「貞元中，常袞爲建州刺史，始蒸焙而研之，謂之研膏茶。」宋楊億談苑：「又有研膏茶，即龍品也。」

〔三〕方圭圓璧 宋時茶餅多製爲方形或圓形，故詩人多以圭、璧喻之。黃庭堅以小龍團及半挺贈無咎，並詩用龍臥爲戲：「我持玄圭與蒼璧，以暗投人渠不識。」

〔四〕碎身粉骨 指茶葉被研成碎末。宋時沏茶，先行研碎，故云。

〔五〕凌烟 指古代繪有功臣畫像的凌烟閣。陳信周往國大將軍乾于弘神道碑：「天子畫凌烟之閣，言念舊臣，出平樂之宮，實恩膏傳。」此因茶之碎身粉骨而聯想到凌烟閣，借以稱贊茶之功績。

〔六〕尊俎 指酒或筵席。禮記樂記：「鋪筵席，陳尊俎。」國策齊策五：「此臣之所謂比之堂上，禽將戶內，拔城於尊俎之間，折衝席上者也。」此處謂茶能解酒。

〔七〕降春睡 茶能使人興奮，降服春困。博物志：「飲真茶，令人少眠睡。」

〔八〕開拓愁邊 茶能消愁。劉琨與兄子羣書：「吾患體中煩悶，恒仰真茶，汝可信致之。」

〔九〕纖纖捧 美人纖手捧茶。古詩十九首：「娥娥紅粉粧，纖纖出素手。」

〔一〇〕香泉句 陸羽茶經：「山水上，江水中，井水下。」其山水，揀乳泉石漫流者上。」上饒縣志稱陸羽泉

「其水似井而傍山，色白味甘，是爲乳泉」。皮日休煮茶詩：「香泉一合乳，煎作連珠沸。」

〔一一〕金縷句 金縷，謂茶餅包裝之華貴。歐陽修歸田錄卷二：「茶之品，莫貴於龍鳳，謂之園茶，凡八餅

重一斤。慶曆中蔡君謨爲福建路轉運使，始造小片龍茶以進，其品絕精，謂之小團，凡二十餅重一斤，其價直金二兩。然金可有，而茶不可得，每因南郊致齋，中書、樞密院各賜一餅，四人分之。宮人往往縷金花於其上，蓋其實重如此。」鵲橋班，謂沏茶後碗面呈現之斑點。陳憲叔送新茶詩：「鵲橋碗面雲縷字。」

〔一二〕相如句 相如，卽司馬相如，字長卿，西漢辭賦家，蜀郡成都（今屬四川省）人。西京雜記卷二：「司馬相如初與卓文君還成都，居貧愁滿，以所著鸛鵲裘就市人陽昌買酒，與文君爲歡。既而文君抱頸而泣

曰：『我平生富貴，今乃以衣裘賣酒！』遂相與謀於成都賣酒。相如親著犢鼻褌，以恥王孫。王孫果以爲病，乃厚給文君。……長卿素有消渴疾（今名糖尿病），及還成都，悅文君之色，遂以發痼疾，乃作美人賦，欲以自刺，而終不能改，卒以此疾至死。」病酒，因酒而病，古人以爲消渴疾因酒致病，故云。李商隱漢宮

詩：「侍臣最有相如渴，不賜金莖露一杯。」

〔三〕一觴二句 王羲之蘭亭集序：「羣賢畢至，少長咸集。……引以爲流觴曲水，列坐其次，雖無絲竹管弦之盛，一觴一詠，亦足以暢敘幽情。」

〔四〕醉玉頰山 狀酒後醉倒之風采。世說漸語容止：「嵇叔夜之爲人也，巖巖若孤松之獨立；其醉也，傀俄若玉山之將崩。」李白襄陽歌詩：「清風明月不用一錢買，玉山自倒非人推。」

〔五〕三峽詞源 三峽，指巫峽、瞿塘峽、西陵峽，在今四川省奉節至湖北省宜昌之間，水流洶湧湍急。此處借喻文思層出不窮。杜甫醉歌行詩：「詞源倒流三峽水，筆陣橫掃千人軍。」

【彙評】

古今詞統卷一二：少游夫婦不減趙明誠，固應深譜茶味與賭茗之樂。

古今詞話詞辨卷下：滿庭芳盡推少游之作。少游夫人詠茶一首，傳者多訛，今爲正之云：「北苑龍團，南隴爪，萬里名動京關。碾輕羅細，瓊蕊暖生煙。一種風流臭味，如甘露，不染塵凡。纖纖捧，冰瓷瑩玉，金縷鳴鸞斑。」舊詞「北苑春風，方圭圓璧」，雖用故實，而多庸腐；卽苦心作「碎身粉骨，功合上凌煙」，亦是小家氣象。惟「樽俎風流戰勝，降春睡，開拓愁邊」二語差當。而「熬波瀉乳」，實不及「冰瓷瑩玉」更爲落句地也。況後段又用「搜攬胸中萬卷，還傾動三峽詞源」乎？更爲紀之云：「相如方病酒，銀瓶蟹眼，波怒濤翻。爲扶起尊前，醉玉頰山。飲罷風生兩腋，醒魂到明月輪邊。歸來晚，文君未寢，相對小窗殘。」

其二〔一〕此詞正少游所作，人傳王觀撰，非也。

曉色雲開，春隨人意，驟雨才過還晴。古臺芳樹，飛燕蹴紅英。舞困榆錢自落〔二〕，  
鞦韆外、綠水橋平。東風裏，朱門映柳，低按小秦箏。多情，行樂處，珠鉤翠蓋，  
玉轡紅纓。漸酒空金榼，花困蓬瀛〔三〕。豆蔻梢頭舊恨〔四〕，十年夢、屈指堪驚。凭  
闌久，疎烟淡日，寂寞下燕城〔五〕。

【校】

〔其二〕此首與本補鈔。張本、李本、段本、毛本、四庫本、黃本、王本、秦本均作「又」。張本、四庫本、黃  
本附注同。黃本並云：「宋本琴趣有此注。」毛本附注云：「向誤王觀。」花庵調下題作「春遊」。

〔曉色〕花庵、毛本作「晚色」，誤。〔才過〕與本、張本、李本、段本、毛本、四庫本、秦本作「方過」。〔古臺〕與

本、張本、李本、段本、毛本、四庫本、王本、秦本作「高臺」。〔芳樹〕李本、毛本、四庫本作「芳樹」，俱誤。

〔金榼〕草堂作「醕醑」，非。〔疎烟〕歷代詩餘作「疏簾」，非。〔寂寞下燕城〕草堂作「微映百層城」，

非。

【箋注】

〔一〕元豐二年己未（一〇七九）歲暮，少游自會稽還鄉後，杜門却掃，日以文史自娛，時復扁舟，循邢溝

而南，以適廣駿。」（見與李樂天簡）本篇「豆蔻梢頭」二句，借喻揚州冶遊生活；而上闕所寫景物，亦與揚州有關，詞蓋作於次年春季。

（二）榆錢 本草綱目木部二：「榆未生葉時，枝條間先生榆莢，形狀似錢而小，色白成串，俗呼榆錢。」柳永訴衷情近詞：「榆錢飄落閑階。」

（三）蓬萊 蓬萊、瀛洲，傳說中的海上仙山。史記封禪書：「自威、宣、燕昭使人入海，求蓬萊、方丈、瀛洲。此三神山者，其傳在渤海中，去人不遠；患且至，則船風引而去。」此處借指冶遊之地。

（四）豆蔻三句 杜牧贈別詩：「娉娉嫋嫋十三餘，豆蔻梢頭二月初。」楊慎丹鉛總錄：「牧之詩詠倡女，言美而少，如豆蔻花之未開。」

（五）蕪城 指揚州。北魏南侵及南朝宋竟陵王劉誕之亂時，城邑遭二次重大破壞，遂致荒蕪。鮑照曾作蕪城賦以哀之，後世因名蕪城。茗溪漁隱叢話後集卷二十引宋王琪題九曲池詩：「淒涼不可問，落日下蕪城。」

【彙評】

草堂詩餘舊卷一眉批：秋千外，東風裏，字字奇巧。疏烟淡日，此時之情還堪遠眺否？評：就暗中描出春色，林密欲瀾。就遠處描出春情，城郭隱然如無。

詞品卷三：秦少游滿庭芳「晚色雲開」，今本誤作「晚兔雲開」，不通。維揚張緹刻詩餘圖譜，以意改「兔」作「見」，亦非。按花庵詞選作「晚色雲開」，當從之。

楊慎批草堂：景勝於情。

舟州山人詞評：「鞦韆外、綠水橋平」，又「地卑山近，衣潤（潤字原脫，據清真集補）費爐煙」，淡語之情者也。

古今詞統卷一二：敦陶孫評少游詩「如時女步春，終傷婉弱」，其在於詞，正相宜耳。

草堂詩餘正集卷三：「免」字不通，張世文改爲「見」，今從詞選「色」字爲優。據諸本，首云「晚色」，末云「淡月」。詞選首云「曉色」，末云「淡日」。細味詞中「玉轡紅纓」等，豈晚來事？悉從詞選。（上片）悠澹語，不覺其妙而自妙。「微映百層城」，景亦不少；「寂寞」句，感慨過之。

寥園詞選：此必少游被謫後作。雨過還晴，承恩未久也。燕蹴紅英，喻小人之讒搆也。榆錢，自喻也。綠水橋平，喻隨所適也。朱門、秦箏，彼得意者自得意也。前一闕敘事也，後一闕則事後追憶之詞。「行樂」三句，追從前也。「酒空」二句，言被謫也。「豆蔻」三句，言爲日已久也。「梧桐」二句，結通首，黯然自傷也。章法極綿密。

宋四家詞選：「多情」二句，一筆挽轉。「結處」應首句，不忘君子也。

秦本眉批：「鞦韆外、綠水橋平」，景語却無限清婉。

詞綜偶評：「晚色雲開」三句，天氣。「高臺芳樹」四句，景物。

「珠鉤翠蓋」二句，會合。

「漸酒空金榼」四句，離別。

「東風裏」三句，漸說到人事。「疏煙淡日」二句，與起處反照作收。

其三 茶詞 (一)

雅燕飛觴<sup>(一)</sup>，清談揮麈<sup>(二)</sup>，使君高會羣賢<sup>(三)</sup>。密雲雙鳳<sup>(四)</sup>，初破縷金團<sup>(五)</sup>。臆外爐烟似動，開餅試、一品香泉。輕淘起，香生玉塵<sup>(六)</sup>，雪濺紫瓊圓<sup>(七)</sup>。嬌鬟，宜美盼<sup>(八)</sup>，雙擎翠袖，穩步紅蓮<sup>(九)</sup>。坐中客翻愁，酒醒歌闌。點上紗籠畫燭，花驄弄、月影當軒<sup>(一〇)</sup>。頻相顧，餘懽未盡，欲去且留連。

【校】

【其三】此首吳本補鈔。張本、李本、毛本、段本、四庫本、黃本、王本、秦本均作「又」。

【揮麈】原作

「揮座」，誤。據吳本、張本、李本、段本、毛本、四庫本、王本、秦本、彊村本改。

【開餅】張本、李本、段

本、毛本、四庫本、王本、秦本作「開簪」。

【香泉】李本、段本、毛本、四庫本、王本、秦本作「奔泉」，非。

【玉塵】吳本、張本、李本、段本、毛本、四庫本、王本、秦本、彊村本作「玉乳」，黃本作「玉」，俱誤。

【美

盼】底本、故宮本作「美眄」，誤，從張本改。

【箋注】

【一】元豐二年己未（一〇七九），少游在會稽，常與郡守程公闢燕集，其會蓬萊閣詩云：「冠裳盡坐灑清風，軒外時聞韻籀龍。人面春生紅玉液，銀盤烟覆紫駝峯。」再賦流觴亭詩云：「月下佩環聲更好，應容揮麈

伴公聽。」詞詠「雅燕飛觴，清談揮麈，使君高會羣賢」，當作於此時。

(二) 雅燕 卽雅宴。燕，通宴。

(三) 清談句 清談，亦稱清言，玄言或塵談。始於魏時何晏、夏侯玄、王弼，上承漢末清議，從品評人物轉向以談玄爲主；至晉代王衍，其風大盛，延及齊梁不衰。世說新語容止：「王夷甫（衍）容貌整麗，妙於談玄，恒捉白玉麈尾，與手都無分別。」揮麈，能改齋漫錄卷二引釋藏首義指歸云：「名苑曰：『鹿之大者曰麈，羣鹿隨之，皆看麈所往，隨麈尾所轉爲準。』今講僧執麈尾拂子，蓋象彼有所指揮故耳。」

(四) 使君句 使君，對州郡長官的尊稱。蘇軾浣溪沙詞：「旋抹紅粧看使君。」高會，指盛會、盛宴。史記項羽本紀：「飲酒高會。」

(五) 密雲句 密雲，茶名，亦稱密雲團、密雲龍。能改齋漫錄卷十五引畫墁錄：「丁晉公（謂）爲轉運使，始制爲鳳團，後又爲龍團，歲貢不過四十餅。天聖中又爲小團，其餅迴加於大團。熙寧末，神宗有旨下建州製密雲龍，其餅又加於小團。」詞品卷三：「密雲龍，茶名，極爲甘馨。」雙鳳，指大小鳳團，均爲茶餅。

(六) 縷金團 卽用金絲或金花包裝之茶餅。蘇軾行香子詠茶詞：「看分月餅，黃金縷，密雲龍。」參見一〇一頁本調（北苑研膏）注（二）。

(七) 玉塵 形容研碎的茶末。宋人飲茶，均先行碾碎。黃庭堅品令茶詞：「金渠體淨，隻輪慢碾，玉塵花簫，湯響松風。」又以團茶洮州綠石研贈無咎文潛詩云：「贈君越侯所贈蒼玉璧，可烹玉塵試春色。」

(八) 紫甌 紫砂茶盃。蔡襄試茶詩：「兔毫紫甌新，蟹眼清泉煮。」



【九】美盼 詩衛風碩人：「巧笑倩兮，美目盼兮。」

【一〇】紅蓮 南史齊東昏侯紀：「鑿金爲蓮花以帖地，令潘妃行其上，曰：『此步步生蓮花也。』」

【一一】花驪句 花驪，青白色馬，今名菊花青。 弄月影，宋張先天仙子時爲嘉禾小倅，以病眠不赴府會

詞：「雲破月來花弄影。」

## 桃源憶故人

玉樓深鎖薄情種，清夜悠悠誰共？羞見枕衾鴛鳳，悶卽和衣擁。  
動〔一〕，驚破一番新夢。窗外月華霜重，聽徹梅花弄〔二〕。

無端畫角嚴城

### 【校】

【調】此首與本補鈔。毛本作「虞美人影」。

【玉樓】毛本作「秦樓」，非。

### 【箋注】

〔一〕嚴城 指險峻的城垣。嚴，通嚴。集韻：「嚴，說文：岸也，一曰險也。」

〔二〕梅花弄 漢橫吹曲名，本笛中曲；後爲琴曲，凡三疊，故稱梅花三弄。

【彙評】

楊慎批草堂：自是淒冷。

草堂詩餘卷四眉批：不解衣而睡，夢又不成，聲聲惱殺人。

評：形容冬夜景色惱人，夢寐不成。

其憶故人之情，亦輾轉反側矣。

金粟詞話：詞人用語助入詞者甚多，入豔詞者絕少。惟秦少游「悶則和衣擁」，新奇之甚。用「則」字亦僅見此詞。



# 淮海居士長短句卷下

## 調笑令十首并詩〔一〕

### 王昭君〔三〕

詩曰

漢宮選女適單于〔三〕，明妃歛袂登氍毹〔四〕。玉容寂寞花無主〔五〕，顧影低徊泣路隅。行行漸入陰山路〔六〕，目送征鴻入雲去〔七〕。獨抱琵琶恨更深〔八〕，漢宮不見空回顧。

曲子

回顧，漢宮路，捍撥檀槽鸞對舞〔九〕。玉容寂寞花無主，顧影偷彈玉筯。未央宮殿知何處〔一〇〕？目送征鴻南去。

右一

【校】

【調】毛本調下無「十首并詩」四字。

【王昭君】此首吳本補鈔。

毛本將題移至詞末，其上加一

「右」字。以下九首同。

【詩目】毛本無此二字。以下九首同。

【低徊】毛本作「徘徊」。

【目送】

毛本、彊村本作「目斷」，誤。

【曲子】段本、秦本作「詞」，四庫本僅作「曲」，毛本、黃本、王本無此二字。

以下九首略同。

【捍撥】原誤作「捍撥」，從毛本、張本改。

【右一】彊村本作「其二」，以下作「其三」

【其四】等。李本、段本、毛本、四庫本、黃本、王本、秦本無此二字，以下各首同。

【箋注】

（一）調笑令十首并詩，皆受北宋汴京民間樂曲影響。東京夢華錄卷五記載：「崇觀以來，在京瓦肆伎藝……不可勝數，不以風雨寒暑，諸棚看人，日日如是。」教坊「每遇旬休按樂，亦許人觀看。每遇內宴前一月，教坊內勾集弟子小兒，習隊舞作樂。」早在元祐年間，京師即有一種演唱形式，謂之調笑轉踏。近人王國維宋元戲曲史第四章據吳自牧夢粱錄云：「北宋之轉踏，恆以一曲連續歌之。每一首詠一事，共若干首，則詠若干事。」此十首，以一詩一詞相間，亦每首詠一事，共詠十事，其體式即當時流行於汴京之調笑轉踏，似爲適應藝人演唱要求而作。時間當在元祐五年（一〇九〇）至七年（一〇九二）少游供職於祕書省期間。

（三）王昭君 後漢書南匈奴傳：「昭君，字嬪，南郡（今湖北秭歸）人也。初，元帝時，以良家子選人掖庭。時呼韓邪來朝，帝敕以宮女五人賜之。昭君入宮數歲，不得見御，積悲怨，乃請掖庭令求行。呼韓邪臨

辭大會，帝召五女以示之。昭君丰容靚飾，光明漢宮，顧影裴回，竦動左右。帝見大驚，意欲留之，而難於失信，遂與匈奴。」

〔三〕單于 匈奴最高首領的稱號。全稱為「撐犁孤塗單于」，意為「天子廣大」。此指南匈奴呼韓邪單于。

〔四〕嬖妃 卽王昭君。石崇王明君辭序：「王明君者，本爲王昭君，以觸文帝諱，改。」文帝，卽晉文帝司馬昭。

〔五〕玉容句 白居易長恨歌詩：「玉容寂寞淚闌干，梨花一枝春帶雨。」

〔六〕陰山 在南匈奴（今內蒙古自治區中部）境內，西起狼山，東爲大馬羣山，橫亘二千餘里。山間埡口，自古爲南北交通孔道。

〔七〕目送句 石崇王明君辭：「願假飛鴻翼，乘之以遐征。飛鴻不我顧，竚立以屏營。」

〔八〕琵琶 玉臺新詠載石崇王明君辭序曰：「昔公主嫁烏孫，令琵琶馬上作樂，以慰其道路之思。其送明君，亦必爾也。」杜甫詠懷古迹五首詩其三：「千載琵琶作胡語，分明怨恨曲中論。」

〔九〕捍撥句 捍撥，李賀春懷引詩：「蟾蜍碾玉掛明弓，捍撥裝金打仙鳳。」王琦注引海錄碎事：「金捍撥在琵琶面上當弦，或以金塗爲飾，所以捍護其撥也。」檀槽，謂以紫檀木所爲之琵琶槽。張籍宮詞：「黃金捍撥紫檀槽，弦索初張調更高。」鸞對舞，阮籍東平賦：「鳳鳥自歌，翔鸞自舞。」鏡前鸞對舞，琴裏鳳傳歌。」

〔二〕未央宮殿 西漢宮殿。故址在今陝西省西安市西北。藝文類聚卷六十二引漢武故事：「上起明光宮，發燕趙美女二千人充之。建章、未央、長樂三宮，皆輦道相屬。」宋俞文豹吹劍三錄：「未央宮，周三十里，前殿五十丈，高三十丈。」

【彙評】

古今詞統卷三：前數行，疑是元人賓白所自始。被之管弦，竟是董解元數段。

樂昌公主〔二〕

詩曰

金陵往昔帝王州〔三〕，樂昌主第最風流。一朝隋兵到江上〔四〕，共抱恹恹去國愁。越公萬騎鳴簫鼓〔五〕，劍擁玉人天上去。空攜破鏡望紅塵，千古江楓籠輦路〔六〕。

曲子

輦路，江楓古，樓上吹簫人在否〔七〕？菱花半壁香塵汙〔八〕，往日繁華何處？舊歡新愛誰是主，啼笑兩難分付〔九〕。

【校】

〔樂昌公主〕此首吳本補鈔。

〔簫鼓〕吳本、張本、李本、段本、毛本、四庫本、王本、秦本、張村本作

「簫鼓」，非。

〔半壁〕張本、李本、段本、王本、秦本作「半壁」，誤。

〔誰是主〕吳本、張本、李本、段

本、毛本、四庫本、王本、秦本、張村本作「誰爲主」，非。

【箋注】

〔一〕樂昌公主

本事詩情感：「陳太子舍人徐德言之妻，後主叔寶之妹，封樂昌公主，才色冠絕。時陳

政方亂，德言知不相保，謂其妻曰：『以君之才容，國亡必入權豪之家，斯永絕矣。儻情緣未斷，猶冀相見，宜有以信之。』乃破一鏡，人執其半，約曰：『他日必以正月望日賣於都市；我當在，卽以是日訪之。』及陳亡，其妻果入越公楊素之家，寵嬖殊厚。德言流離辛苦，僅能至京，遂以正月望日訪於都市。有蒼頭賣半鏡者，大高其價，人皆笑之。德言直引至其居，設食，具言其故，出半鏡以合之，仍題詩曰：『鏡與人俱去，鏡歸人不歸。無復嫦娥影，空留明月輝。』陳氏得詩，涕泣不食。素知之，愴然改容，卽召德言，還其妻，仍厚遺之，聞者無不感歎，仍與德言、陳氏偕飲，令陳氏爲詩，曰：『今日何遷次？新官對舊官。笑啼俱不敢，方驗作人難。』遂與德言歸江南，竟以終老。」

〔二〕金陵

今江蘇省南京市，係六朝（吳、東晉、宋、齊、梁、陳）故都。



〔三〕一朝句 隋開皇九年己酉（公元五八九年），渡江攻金陵，俘陳後主、太子、諸王及后妃公主入隋。

〔四〕越公 卽楊素，隋華陰人，字處道，初仕周武帝，爲軍騎大將軍。後仕隋，高祖時進上柱國，拜御史大夫，尋以爲行軍元帥，率水師大舉伐陳，封越國公。

〔五〕輦路 一稱輦道，文選司馬相如上林賦李善注：「閑道可乘輦而行者。」此指樂昌公主被擄北去車輛經行之路。

〔六〕吹簫人 列仙傳：「簫史者，秦穆公時人也，善吹簫，能致孔雀、白鶴於庭。穆公有女弄玉，好之，公遂以女妻焉。日教弄玉作鳳鳴。居數年，吹似鳳聲，鳳凰來止其屋。公爲作鳳臺，夫婦止其上，不下數年，一日皆隨鳳凰飛去。」

〔七〕菱花 宋陸佃埤雅釋草：「舊說鏡謂之菱華，以其面平，光影所成如此。」菱華，通菱花。

〔八〕舊歡二句 舊歡，指前夫徐德言；新愛，指楊素。餘見本篇註〔二〕。

## 崔徽〔二〕

詩曰

蒲中〔三〕有女號崔徽，輕似南山翡翠兒〔四〕。使君當日最寵愛，坐中對客常擁持。一見裴郎心似醉，夜解羅衣與門吏。西門寺裏樂未央〔五〕，樂府至今歌翡翠〔六〕。

曲子

翡翠，好容止，誰使庸奴輕點綴。裴郎一見心如醉，笑裏偷傳深意。羅衣中夜與門吏，暗結城西幽會。

本三

【校】

〔崔徽〕此首故宮本、吳本皆補鈔。

〔深意〕黃本作「中意」，彊村本作「心意」，非。

〔中夜〕故宮

本、張本作「深夜」，非。

【箋注】

〔一〕崔徽 全唐詩卷四二三元稹崔徽歌并序：「崔徽，河中府娼也。裴敬中以興元幕使蒲州，與徽相從累月。敬中便還，徽以不得從爲恨，因而成疾。有丘夏善寫人形，徽託寫真寄敬中曰：『崔徽一旦不及畫中人，目爲郎死。』發狂卒。」詩曰：「崔徽本不是倡家，教歌按舞媚家長。使君知有不自由，逸在頭時立在掌。有客有客名丘夏，善寫儀容得恣把。爲徽持此謝敬中，以死報郎爲□□。」

〔二〕蒲中 卽蒲州，唐爲河中府，治所在今山西省永濟縣。

〔三〕輕似句 南山，卽終南山，在長安之南，故名。翡翠兒，卽翡翠鳥。格物論：「翡翠，形小不盈

握，一種二色：翡，赤羽；翠，青羽。」郭璞遊仙詩：「翡翠戲蘭苕，容色更相鮮。」

〔四〕未央 朱靈。楚辭離騷：「時亦猶其未央。」王逸注：「央，盡也。」

〔五〕樂府 指主管音樂的官署。據漢書禮樂志，武帝時定郊祀禮，立樂府，掌管宮廷、巡行、祭祀所用的音樂，兼採民歌配以樂曲。一指樂府官署所採製的詩歌。後將魏晉至唐可以入樂的詩歌，以及仿樂府古題的作品，統稱樂府。宋以後的詞、散曲、戲曲因配樂，有時也稱樂府。

## 無雙〔一〕

詩曰

尙書有女名無雙〔二〕，蛾眉如畫學新粧。姊家仙客最明俊，舅母唯只呼王郎。尙書  
往日先曾許，數載睽違今復遇。聞說襄江二十年〔三〕，當時未必輕相慕。

曲子

相慕，無雙女，當日尙書先曾許。王郎明俊神仙侶，腸斷別離情苦。數年睽恨今  
復遇，笑指襄江歸去。

右四

【校】

〔無雙〕此首故宮本、吳本皆補鈔。

〔蛾眉〕原誤作「娥眉」，從吳本、張本改。

〔姊家〕故宮本、張

本、李本、段本、毛本、四庫本、王本、秦本作「伊家」。

〔明俊〕吳本、故宮本及彊村本俱作「明秀」。

〔襄江〕原誤作「襄王」，從吳本、張本改。

【箋注】

〔一〕無雙 唐人小說中人名。據薛調無雙傳：建中時中朝臣劉震之女名雙。震有姊寡居，攜甥王仙客住於舅家。震之妻常戲呼仙客爲王郎子。仙客之母臨終時乞以無雙歸仙客，震許之。母死，仙客扶柩歸葬於襄鄧。未幾，逢朱泚之亂，震以受僞命處極刑，無雙沒入掖庭，押赴陵園，賜藥令自盡。仙客聞訊，求計於古押衙，得其幫助，無雙復活，相攜逃歸襄江，夫婦偕老。

〔二〕尙書 指劉震，時任尙書租庸使。

〔三〕聞說句 襄江，漢水自襄陽（今湖北省襄樊市）以下，亦稱襄江。此指王仙客所住之襄鄧別業。二十年，謂王仙客與無雙終老於襄江的時間。然無雙傳云：「艱難走竄後，得歸故鄉，爲夫婦五十年。」此恐有誤。

灼灼〔二〕

詩曰

錦城春暖花欲飛〔三〕，灼灼當庭舞〔四〕。相君上客河東秀〔五〕，自言那復傍人知，  
妾願身爲梁上燕，朝朝暮暮長相見〔六〕。雲收月墮海沉沉，淚滿紅綃寄腸斷〔七〕。

曲子

腸斷，繡簾捲，妾願身爲梁上燕。朝朝暮暮長相見，莫遣恩遷情變。紅綃粉淚知何  
限？萬古空傳遺怨。

右五

【校】

〔灼灼〕此首故宮本、吳本皆補鈔。

〔庫本、王本、秦本、彊村本作「那得」，俱誤。〕

〔那復〕廣本作「那後」，吳本、故宮本、張本、李本、段本、毛本、四

【箋注】

〔一〕灼灼 韋莊傷灼灼詩：「嘗聞灼灼麗於花，雲髻盤時未破瓜。」自注：「灼灼，蜀之麗人也。」宋張君房

麗精集：「灼灼，錦城官妓也。善舞柘枝，能歌水調，御史裴質與之善。裴台還，灼灼每遣人以軟綃繫紅淚爲寄。」

〔三〕錦城 錦官城，今四川成都。益州志：「錦城在益州南，窄橋東流江南岸，昔蜀時故錦官也。」

〔三〕柘枝 舞蹈名。樂府詩集引樂府雜錄曰：「健舞曲有柘枝，軟舞曲有屈柘。」又引樂苑曰：「羽調有柘枝曲，商調有屈柘枝，此舞因曲爲名。用二女童，帽施金鈴，拊轉有聲。其來也，於二蓮花中藏，花坼而後見，對舞相占，實舞中雅妙者也。」

〔四〕相君句 相君，指宰相。史記范雎傳：「須賈謂范雎曰：『今者事之去留在張君，孺子豈有客習於相君者哉？』」裴質曾爲相府上客，故云。河東，今山西省永濟縣，爲裴質原籍。

〔五〕妾願二句 馮延巳長命女詞：「願郎君千歲，二願妾身常健，三願如同梁上燕，歲歲長相見。」

〔六〕紅綃 白居易琵琶行詩：「五陵年少爭纏頭，一曲紅綃不知數。」灼灼因係舞女，故以紅綃繫淚寄贈。

## 盼 盼〔一〕

詩曰

百尺樓高燕子飛，樓上美人顰翠眉。將軍一去音容遠〔三〕，只有年年舊燕歸。春風昨夜來深院，春色依然人不見。只餘明月照孤眠〔三〕，唯望舊恩空戀戀。

曲子

戀戀，樓中燕，燕子樓空春日晚〔四〕。將軍一去音容遠，空鎖樓中深怨。春風重到，人不見，十二闌干倚遍〔五〕。

右六

【校】

〔盼盼〕此首故宮本、吳本皆補鈔。底本、吳本作「眈眈」，均誤。此從毛本、王本改。案清俞樾《茶香室叢鈔》卷十四云：「元吾衍《閒居錄》云：『宋儒不識顧眈字，皆讀爲『美目盼兮』之盼。不識盼字，寫作『使民盼兮然』之盼，又不識此盼字而讀爲盼。今詳之曰：從『可』者音涵，從分者音攀，去聲；從『兮』者音異。』」〔深院〕除

宋本、毛本外，其他各本俱作「深怨」，誤。

〔唯望〕故宮本、張本、李本、毛本、王本、秦本作「回望」，四庫

本作「回首」，俱誤。

【箋注】

〔二〕盼盼 卽關盼盼，唐代歌妓，徐州人。白居易《燕子樓詩序》云：「徐州故尚書有愛妓曰盼盼，善歌舞，雅多風態。予爲校書郎時，遊徐、泗間。張尚書宴予，酒酣，出盼盼以佐歡。歡甚，予因贈詩云：『醉嬌勝不得，風嫋牡丹花。』」一歡而去，爾後絕不相聞。迨茲僅一紀矣。昨日司勳員外郎張仲素續之訪予，因吟新詩，有燕子樓三首，詞甚婉麗。詰其由，爲盼盼作也。續之從事武寧軍累年，頗知盼盼始末，云：『尚書既歿，歸

葬東洛，而彭城有張氏舊第，第中有小樓名燕子。盼盼念舊愛而不嫁，居是樓十餘年，幽獨塊然，於今尙在。『全唐詩話卷之六亦引此序及盼盼所爲詩，并謂盼盼見白居易和詩，「反覆讀之，泣曰：『自公薨背，妾非不能死，恐百載之後，以我公重色，有從死之妾，是玷我公清範也，所以偷生耳。』……盼盼得詩後，怏怏旬日，不食而卒。』高齋詩話引晁補之之語，謂張尙書即張建封，實誤。案白香山年譜，居易於貞元十九年以拔萃選登科，二十年選校書郎，元和元年罷。而張建封於貞元十六年歿，所謂「張尙書宴予」者，絕非建封，而是其子張愔。建封歿後，愔爲留後，官徐州刺史，在徐七年，元和初召爲工部尙書。

〔三〕將軍 指張愔。

〔三〕只餘句 白居易燕子樓詩：「滿窗明月滿簾霜，被冷燈殘拂臥床。」盼盼詩云：「樓上殘燈伴曉霜，獨眠人起合歡牀。」

〔四〕燕子樓空 白居易燕子樓詩：「燕子樓中霜月夜，秋來只爲一人長。」蘇軾永遇樂彭城夜宿燕子樓夢盼盼因作此詞：「燕子樓空，佳人何在？空鎖樓中燕。」

〔五〕十二闌干 樂府詩集西洲曲：「鴻飛滿西洲，望郎上青樓。樓高望不見，盡日闌杆頭。闌杆十二曲，垂手明如玉。」



鶯鶯〔二〕

詩曰

崔家有女名鶯鶯，未識春光先有情。河橋兵亂依蕭寺〔三〕，紅愁綠慘見張生，張生  
一見春情重，明月拂牆花樹動〔三〕。夜半紅娘擁抱來〔四〕，脈脈驚魂若春夢〔五〕。

曲子

春夢，神仙洞，冉冉拂牆花樹動。西廂待月知誰共？更覺玉人情重。紅娘深夜行雲  
送，困彈釵橫金鳳〔六〕。

右七

【校】

〔鶯鶯〕此首故宮本、吳本皆補鈔，上多一「崔」字。毛本移至篇末作「右崔鶯鶯」。

〔紅愁綠慘〕疆村

本作「怨紅愁綠」。

〔花樹〕故宮本、吳本、張本、李本、段本、毛本、四庫本、王本、秦本、疆村本作「花影」，

義較勝。

【箋注】

〔二〕鶯鶯 崔鶯鶯與張生故事，出自唐元稹會真記，元王實甫西廂記即演其事。故事大意謂：貞元

中，故崔相國之女鶯鶯，隨母歸長安，路出蒲州，止於普救寺之西廂。有張生者游於蒲，亦止於該寺。時軍人擾攘，崔氏不安，張生與蒲將之黨有善，請吏護之。兵去，崔母設宴致謝，令鶯鶯出拜。張生自是惡之，綴春詞二首，託崔氏婢紅娘轉達。鶯鶯報以詩箋，約其相會，及至，却又嚴詞拒絕。張生自失者久之。忽一日，紅娘陪鶯鶯來，與之幽會。如是者幾一月。後張生赴京，遂不復見。

〔三〕河橋句 河橋，史記秦本紀昭襄王五十年「初作河橋」。史記正義：「此橋在同州臨晉縣東，渡河至蒲州，今蒲津橋也。」兵亂，會真記云：「是歲，潭城募於蒲，有中人文雅，不善於軍，軍人因喪而擾，大掠蒲人。」蕭寺，宋程大昌演繁露卷六：「國史補曰：『梁武帝造寺，令蕭子雲飛帛大書『蕭』字，至今一字猶在。……』案：此則蕭寺者乃因『蕭』字而名也。」劉禹錫集卷二十九送如智法師曰：「前日過蕭寺，看師上法筵。則是概以僧寺爲蕭寺。」

〔三〕明月句 會真記載鶯鶯與張生彩箋，題其篇曰「明月三五夜」。其詞曰：「待月西廂下，迎風半開。拂牆花影動，疑是玉人來。」

〔四〕誰泡來 會真記：「數夕，張生臨軒獨寢，忽有人，覺之，驚駭而起，則紅娘歛衾攜枕。」

〔五〕脈脈句 脈脈，相視貌。含情不語貌。古詩十九首：「盈盈一水間，脈脈不得語。」會真記：「寺鐘鳴，天將曉，紅娘促去，崔氏嬌啼宛轉。紅娘又捧之而去，終夕無一言，張生辨色而興，自疑曰：『豈其夢耶？』」

〔六〕困憊句 困憊，疲憊，萎靡。譚，下垂貌。金鳳，釵上飾物。

## 採蓮〔二〕

詩曰

若耶溪邊天氣秋〔三〕，採蓮女兒溪岸頭。笑隔荷花共人語，烟波渺渺蕩輕舟。數聲水調紅嬌晚〔三〕，棹轉舟回笑人遠。腸斷誰家遊冶郎，盡日踟躕臨柳岸。

曲子

柳岸，水清淺，笑折荷花呼女伴。盈盈日照新粧面，水調空傳幽怨。扁舟日暮笑聲遠，對此令人腸斷。

右八

## 【校】

〔採蓮〕此首故宮本、吳本皆補鈔。

## 【箋注】

〔一〕採蓮 曲名，原爲樂府舊題，作辭者甚多，多寫若耶溪越女採蓮生活。馬端臨文獻通考卷一四六樂考謂採蓮宋時隸教坊舞隊，舞女「衣紅羅生色綽子，繫暈裙，戴雲鬢髻，乘綵船，執蓮花」。此篇本李白

採蓮曲：「若耶溪旁採蓮女，笑隔荷花共人語。日照新粧水底明，風飄香袖空中舉。岸上誰家遊冶郎，三三五五映垂楊。紫羅嘶入落花去，見此踟躕空斷腸。」

〔二〕若耶溪 見五頁望海潮詞其二注〔三〕。

〔三〕水調 曲調名。才調集四杜牧揚州詩：「誰家唱水調，明月滿揚州。」注：「煬帝開汴渠成，自作水調。」

## 煙中怨〔二〕

詩曰

鑑湖樓閣與雲齊，樓上女兒名阿溪。十五能爲綺麗句〔三〕，平生未解出幽閨。謝郎巧思詩裁剪，能使佳人動幽怨。瓊枝璧月結芳期〔三〕，斗帳雙雙成眷戀〔四〕。

曲子

眷戀，西湖岸〔五〕，湖面樓臺侵雲漢〔六〕。阿溪本是飛瓊伴〔七〕。風月朱扉斜掩。謝郎巧思詩裁剪，能動芳懷幽怨。

右九

【校】

〔煙中怨〕此首故宣本、吳本皆補鈔。

〔瓊枝〕吳本誤作「瓊林」。

〔湖面〕彊村本作「湖岸」，誤。

【箋注】

〔一〕煙中怨 唐人傳奇名。沈亞之之湘中怨結尾云：「因悉補其詞，題之曰湘中怨，蓋欲使南昭厭煙中之志爲偶倡也。」煙中怨卽指昭副此作。昭副，名卓，著有羯鼓錄，其煙中怨本事，見嘉泰會稽志卷十九：「越漁者楊父，一女，絕色，爲詩不過兩句。或問：『胡不終篇？』曰：『無奈情思纏繞，至兩句卽思迷不繼。』有謝生求娶焉。父曰：『吾女宜配公卿。』謝曰：『諺云：少女少郎，相樂不忘；少女老翁，苦樂不同。且安有少年公卿耶？』翁曰：『吾女詞多兩句，子能續之，稱其意，則妻矣。』示其篇曰：『珠簾半牀月，青竹滿林風。謝續曰：『無事今宵景，無人解與同？』女曰：『天生吾夫！』遂偶之。後七年，春日，楊忽題曰：『春盡花宜盡，其如自是花！』謝曰：『何故爲不祥句？』楊曰：『吾不久於人間矣。』謝續曰：『從來說花意，不過此容華。』楊卽瞑目而逝。後一年，江上煙花溶曳，見楊立於江中，曰：『吾本水仙，謫居人間；後儻思之，卽復謫下，不得爲仙矣。』明鈔本綠窗新話亦載此事，然極簡略。少游此詞略加變化，將越溪漁者楊氏女取名爲阿溪。

〔二〕綺麗句 指詞藻華美、風格綺麗的詩句。李白古風第……「自從建安來，綺麗不足珍。」

〔三〕瓊枝璧月 樂府詩集卷四十七玉樹後庭花：「南史曰：『（陳後主）每引賓客游宴，則使諸貴人女學

士與狎客共賦新詩，采其尤豔麗者，以爲曲調，被以新聲，選宮女千數歌之。其曲有玉樹後庭花、臨春樂等。其略云：『璧月夜夜滿，瓊樹（陳）張貴妃傳作「枝」）朝朝新。」大抵皆美張貴妃、孔貴嬪之容色。『按大業（隋）遺記，『璧月』句，蓋江總辭也。』

〔四〕斗帳 一種小帳。方頂方口，上小下大，形如倒置的斗。古詩爲焦仲卿妻作：『紅羅複斗帳，四角垂香囊。』

〔五〕西湖 指鑑湖西部。

〔六〕湖面句 謂湖面映出高入雲漢的樓臺。宋時鑑湖邊多建築物，少游懷樂安、蔣公唱和詩序云：『而臥龍山、鑑湖尤爲一郡佳處，蓋府第之所占，城堞樓雉之所憑。』

〔七〕飛瓊 仙女名。漢武帝內傳：『王母乃命侍女許飛瓊鼓震靈之簧。』本事詩事感：『詩人許渾，嘗夢登山，有宮室凌雲，人云此崑崙也。既入，見數人方飲酒，招之，至暮而罷。詩云：『曉入瑤臺露氣清，坐中唯有許飛瓊。塵心未斷俗緣在，十里下山空月明。』他日復至，其夢飛瓊曰：『子何故顯余姓名於人間？』座上即改爲『天風吹下步虛聲』，曰『善！』』

### 【彙評】

古今詞統卷三：此事甚僻。（案：指烟中怨本事。）

## 離魂記〔二〕

詩曰

深閨女兒嬌復癡，春愁春恨那復知？  
 舅兄唯有相拘意，暗想花心臨別時。  
 離舟欲解春江暮，冉冉香魂逐君去。  
 重來兩身復一身，夢覺春風話心素。

曲子

心素，與誰語？始信別離情最苦。  
 蘭舟欲解春江暮，精爽隨君歸去〔三〕。  
 異時攜手重來處，夢覺春風庭戶。

右十

【校】

〔離魂記〕此首故宮本、吳本皆補鈔。

〔相拘〕秦本作「相知」，非。

【箋注】

〔二〕離魂記 唐人傳奇名，陳玄祐撰。其故事略謂：天授三年，張鑑官於衡州，有女名倩娘，甥名王宙。宙幼聰慧，美容範，鑑嘗許曰：他時當以倩娘妻之。後各長成，竊慕於心。然鑑却以倩娘另許他人，女

聞而抑鬱。宙亦恚恨，託言赴京，買舟遽行。夜半，忽聞岸上有一行聲甚疾，須臾至船。問之，乃倩娘。遂相與遠遁，居蜀五年，生二子。倩娘思親，俱歸衡州。宙先至舅家，首謝其事。鑑大驚。初，以其女固在閨中，病數年，未嘗離也。及覺，遂遣人至舟中探視，果見一倩娘，疾走報，室中女聞之，喜而起，兩人合爲一體。

〔三〕精爽 左傳昭公七年：「用物精多，則魂魄強，是以有精爽至於神明。」孔穎達疏：「精亦神也，爽亦明也；精是神之未著，爽是明之未昭。」此處指倩娘魂魄。

## 虞美人三首〔一〕

高城望斷塵如霧，不見聯驂處〔三〕。夕陽村外小灣頭，只有柳花無數送歸舟。  
瓊枝玉樹頻相見〔三〕，只恨離人遠。欲將幽恨寄青樓，爭奈無情江水不西流〔四〕！

〔校〕

〔虞美人〕此首故宮本、吳本皆補鈔。故宮本詞末有「其一」二字。

〔幽恨〕彊村本作「幽事」，非。

〔箋注〕

〔一〕少游於紹聖元年甲戌（一〇九四）暮春被放出京。詞中所謂「高城」，疑指汴京；所謂「歸舟」，疑指



詞人南下之船；而頻頻回首，所眷念者，蓋昔日曾與「聯驂」之舊遊也。詞中所寫景色，亦與所放之時相合。由此推知，詞蓋作於是時。

〔三〕聯驂 猶並轡而行。驂，原意爲一車駕三馬，或指車子兩旁的馬。詩小雅采芣：「載驂載駟。」又詩鄧風大叔於田：「兩驂如舞。」

〔三〕瓊枝玉樹 喻人物風采之美。世說新語容止：「魏明帝使后弟毛曾與夏侯玄並坐，時人謂裴茂倚玉樹。」杜甫歌中八仙歌詩：「宗之瀟灑美少年，皎如玉樹臨風前。」蔣防霍小玉傳：「即令小玉自堂東閣下而出，生卽拜迎，但覺一室之中，若瓊林玉樹互相照耀，轉盼精彩射人。」

〔四〕爭奈句 喻萬難辦到。李白江上吟詩：「功名富貴若長在，漢水亦應西北流。」

## 其二

碧桃天上栽和露，不是凡花數。亂山深處水縈回，可惜一枝如畫爲誰開？  
輕寒細雨情何限！不道春難管。爲君沉醉又何妨，只怕酒醒時候斷人腸。

### 【校】

〔其一〕此首故宮本、吳本皆補鈔。張本、李本、段本、毛本、四庫本、黃本、王本、秦本作「又」。故宮本將「其二」移至篇末。沈本草堂續集題作「春情」。

〔可惜，如畫〕趙萬里校輯宋金元人詞作「借問」、「如

玉」誤。

〔又何妨、斷人〕趙本作「一何妨」、「逝水」，誤。

【箋注】

〔一〕綠窗新話卷上云：「秦少游寓京師，有貴官延飲，龍妓碧桃侑觴，勸酒惓惓。少游領其意，復舉觴觀碧桃。貴官云：『碧桃素不善飲。』意不欲少游強之。碧桃曰：『今日爲學士拚了一醉！』引巨觴長飲。少游卽席贈虞美人詞曰（略）。闔座悉恨。貴官云：『今後永不令此姬出來！』滿座大笑。」可證此詞作於元祐間。

〔二〕碧桃句 唐高蟾下第後上永崇高侍郎詩：「天上碧桃和露種，日邊紅杏倚雲栽。」此以碧桃樹喻碧桃其人，雙關語。

【箋評】

草堂詩餘續集（上闕）桂護桃花詩旨。

抑揚百感。

其三

行行信馬橫塘畔〔二〕，煙水秋平岸。綠荷多少夕陽中，知爲阿誰凝恨背西風〔三〕？  
紅粧艇子來何處？蕩槳偷相顧〔四〕。鴛鴦驚起不無愁，柳外一雙飛去却回頭〔五〕。

【校】

〔其三〕此首吳本、故宮本皆補鈔。張本、李本、段本、毛本、四庫本、黃本、王本、秦本皆作「又」。故宮本移「其三」於篇末。〔夕陽〕故宮本、李本、毛本作「斜陽」。〔艇子〕疆村本作「船子」，非。〔蕩漿〕原誤作「蕩漿」，依張本、吳本、故宮本改。

【箋注】

〔一〕元豐二年己未（一〇七九），少游南游會稽，有游龍門山次程公韻詩，云：「路轉橫塘入亂峯，遍尋瀟灑興無窮。」游鑑湖詩云：「畫舫珠簾上繡牆，天風吹到菱荷鄉。」所寫景物，與詞境相似，蓋爲同時之作。

〔二〕橫塘 東西向的池塘。吳郡圖記續記卷下「治水」：「或五里七里而爲一縱浦，又七里或十里而爲一橫塘，因塘浦之土以爲堤岸，使塘浦闊深，堤岸高厚，則水不能爲害而可使趨於江也。」

〔三〕綠荷二句 杜牧齊安郡中偶題二首詩：「多少綠荷相倚恨，一時回首背西風。」阿誰，何人。〔三國志〕蜀志龐統傳：「向者之論，阿誰爲失？」

〔四〕紅粧二句 紅粧，指女子。艇子，船夫。西曲歌莫愁樂：「莫愁在何處？莫愁石城西。艇子打兩槳，催送莫愁來。」

〔五〕柳外句 韋莊謁金門詞：「柳外飛來雙羽玉。」

## 點絳脣二首〔一〕

醉漾輕舟，信流引到花深處〔二〕。塵緣相誤〔三〕，無計花間住。  
烟水茫茫，千里斜陽暮。山無數，亂紅如雨，不記來時路。

【校】

【調】此首故宮本、吳本皆補鈔。吳本、故宮本、張本、李本、段本、毛本、四庫本、黃本、王本、秦本調下均題作「桃源」。毛本題下注曰：「或刻蘇子瞻。」此二首均收入元刊東坡樂府。全宋詞作蘇軾詞，於第一首末注云：「此後二詞，洪甫云：親見東坡手迹於潮陽吳子野家。」第二首末注云：「案以上二首別又見秦觀淮海居士長短句卷下。」案應從宋刊作秦觀詞爲是。〔千里〕毛本、王本作「回首」，非。

【箋注】

〔一〕此首詠劉晨、阮肇誤入桃源故事，見三二頁鼓笛慢詞注〔四〕，疑紹聖二年乙亥（一〇九五）貶居處州時作。

〔三〕信流句 劉長卿尋張逸人山居詩：「桃源定在深處，澗水浮來落花。」

〔三〕塵緣 佛教名詞。圓覺經：「妄認四大爲自身相，六塵緣影爲自心相。」所謂「六塵」，即指聲、色、香、味、觸、法六種。佛家以爲以心攀緣六塵，遂爲六塵所牽累，故謂之塵緣。韋應物春月觀省屬城始憩東

西林精舍詩：「佳士亦棲息，善身絕塵緣。」

【彙評】

草堂詩餘正集卷一：如畫。

其二

月轉烏啼，畫堂宮徵生離恨〔二〕。美人愁悶，不管羅衣褪。  
寸。嗔人問，背燈偷搵，拭盡殘粧粉。

清淚班班，揮斷柔腸

【校】

〔其二〕此首故宮本、吳本皆補鈔。故宮本、張本、李本、段本、毛本、四庫本、廣本、王本、秦本均作「又」。  
〔烏啼〕原誤作「鳥啼」，從吳本、故宮本、張本改。

【箋注】

〔二〕宮徵 我國古代音樂有七聲：宮、商、角、徵、羽、變宮、變徵。此處泛指樂曲。

## 品令二首〔一〕

幸自得〔三〕，一分索強〔三〕，教人難喫〔四〕。好好地、惡了十來日，恰而今、較些不〔五〕？須管喫持教笑〔六〕，又也何須臆纖〔七〕！衡倚賴、臉兒得人惜〔八〕，放軟頑、道不得。

### 【校】

〔調〕此首吳本、故宮本皆補鈔。毛本、疆村本無「二首」二字。

〔惡了〕吳本、故宮本作「惡來」，誤。

〔臉兒〕原誤作「歛兒」，依吳本、張本、毛本改。

### 【箋注】

〔一〕詞律卷五杜文瀾補注：「按此調多作俳詞，故爲彼時歌伶語氣，多用入聲。」此二首皆以高郵方言寫豔情，疑作於神宗熙寧年間。

〔二〕幸自得 意猶本來是。

〔三〕索強 詩詞曲語辭匯釋卷四：「索強，猶云賽強或爭強也，亦可作恃強解。秦觀品令詞：『幸自得，一分索強，教人難喫。』」毛滂浣溪沙詠梅詞：「月樣嬋娟雪樣清，索強先占百花春。」……皆其例也。」

〔四〕難喫 難受。詩詞曲語辭匯釋卷五：「喫，猶被也，受也。」周紫芝洞仙歌詞：「縱留得梨花做寒食，

怎喫他朝來這般風雨！」

〔五〕較些不 猶今語好些不。詩詞曲語辭匯釋卷二：「較，猶差也。」玉篇：「差，疾愈也。」楊萬里久病小愈雨中端午試筆詩：「病較欣逢五五辰，宮衣忽憶拜天恩。」

〔六〕噉持 哄騙。警世通言三十七：「當下只留這萬秀娘在焦吉莊上。萬秀娘離不得是把箇甜言美語，噉持過來。」

〔七〕脰織 卽脰磨，意猶多曲折，不順遂。

〔八〕衙 詩詞曲語辭匯釋卷二：「猶儘也，純也。其作儘義者，秦觀品令詞：「衙倚賴，臉兒得人惜。放軟頑，道不得。」言儘賴着臉兒得人愛也。放軟頑，猶云撒嬌。」案此詞清萬樹詞律卷五注：「衙，音薛。西廂：「一團衙是嬌。」

## 其二

掉又懼〔一〕，天然箇品格，於中壓一〔二〕。簾兒下、時把鞋兒踢，語低低、笑咭咭。每每秦樓相見〔三〕，見了無門憐惜。人前強、不欲相沾識〔四〕，把不定、臉兒赤。

【校】

〔其二〕此首與本、故宮本皆補鈔。故宮本、毛本、四庫本、黃本、王本、秦本作「又」。

〔懼〕故宮本、

李本、段本、毛本、四庫本、王本、秦本作「壓」。

〔壓一〕黃本注云：「『一』字疑衍。」係誤解。

〔無門〕

吳本、故宮本、張本作「無限」。

〔沾識〕詞律作「沾溼」，非。

〔臉兒〕原誤作「斂兒」，依張本、吳本、故

宮本、毛本改。

【箋注】

〔一〕掉又懼 宋時方言，義不詳。詞律卷五杜文瀾補注：「『掉又懼』及『壓一』等語未解，且亦恐傳寫有訛也。」

〔三〕壓一 詩詞曲語辭匯釋卷三：「壓一，壓倒一切之意，猶云第一也。」辛棄疾踏歌詞：「看精神壓一龐兒劣，更言語似春鶯滑。」

〔三〕秦樓 原謂秦穆公時蕭史、弄玉所居之鳳臺，後世常借指妓院。

〔四〕沾識 猶言沾惹、接近。

【彙評】

雨村詞話：又一首云：「棹又壓，天然箇品格，於中壓一。」「棹又壓」，「壓一」，皆彼時歌伶語氣也。末云：「語低低，笑咭咭。」即乞乞，皆笑聲。

清焦循雕菰樓詞話：秦少游品令「棹又壓，天然箇品格」，此正秦郵土音，用「箇」字作語助，今高郵人皆然也。



南歌子三首

玉漏迢迢盡，銀潢淡淡橫。<sup>(一)</sup>夢回宿酒未全醒，已被鄰雞催起怕天明。臂上

粧猶在，襟間淚尙盈。<sup>(二)</sup>水邊燈火漸人行，天外一鉤殘月帶三星。

【校】

〔調〕此首吳本、故宮本皆補鈔。花庵及毛本調下題作「贈陶心兒」。

【箋注】

〔一〕茗溪漁隱叢話前集卷五十引高齋詩話云：「少游在蔡州……又贈陶心兒詞云：『天外一鉤橫月帶三星。』」謂「心」字也。案少游於元祐元年丙寅（一〇八六）任蔡州教授，詞蓋作於是時。

〔二〕銀潢 銀河。

〔三〕臂上二句 唐元稹會真記：「及明，睹粧在臂，香在衣，淚光熒熒然猶瑩於肌膚而已。」此處寫晨起別情。

【彙評】

詞品卷三：又贈陶心兒「一鉤殘月帶三星」，亦隱「心」字。山谷贈妓詞：「你共人女邊著子，爭知我門裏添心？」亦隱「好悶」二字云。

古今詞統卷七：「你共人女邊著子，爭知我門裏挑心，對此則醜。」

眞詞雜說：秦淮海「天外一鉤殘月照三星」，只作曉景，佳！若指爲心兒謎語，不與「女邊著子，門裏挑心」同墮惡乎？

苑叢談卷三：少游贈歌妓陶心兒南歌子詞云（略）。末句暗藏「心」字，子瞻謂其恐爲他姬廝賴也。

七頌堂詞釋：詞中如「玉佩丁東」，如「一鉤殘月帶三星」，子瞻所謂恐他姬廝賴，以取娛一時可也。乃子瞻贈崔廿四，全首如離合詩，才人戲劇，興復不淺。

靈芬館詞話卷二：以人名字隱寓詞中，始於少游之「一鉤斜月帶三星」。

詞則閑情集卷一：（結句）雙關巧合，再過則傷雅矣。

## 其 一 〔一〕

愁鬢香雲墜，嬌眸水玉裁〔三〕。月榭風幌爲誰開〔三〕？天外不知音耗百般猜。  
玉露沾庭砌，金風動瑱灰〔四〕。相看有似夢初回，只恐又拋人去幾時來。

【校】

〔其二〕此首吳本、故宮本皆補鈔。故宮本、張本、李本、段本、毛本、四庫本、黃本、王本、秦本皆作

「又」。沈本草堂續集題作「閨情」。

「香雲墮」與本，故宮本作「香雲墮」，誤。

「水玉」毛本，王本作

「冰玉」，誤。

【箋注】

「一」少游元祐四年在蔡州有贈女冠暢師詩云：「蓮人剪水腰如束，一幅烏紗裹素玉。飄然自有姑射姿，回看粉黛皆塵俗。霧閣雲牕人莫覩，門前車馬任東西。禮罷曉壇春日靜，落紅滿地乳鴉啼。」茗溪漁隱叢話前集卷五十引桐江詩話載其事：「暢姓惟汝南有之，其族尤奉道，男女爲黃冠者十之八九。時有女冠暢道姑，姿色妍麗，神仙中人也。少游挑之不得，作詩云……（略）」此詞所詠與之有相似處，蓋作於同時。

「三」水玉 水晶之別稱。山海經南山經：「堂庭之山多棧木，多白猿，多水玉。」注：「水玉，水精也。」本草綱目水精：「水精亦頗黎（玻璃）之屬，有黑白二色。」此處借指黑白分明之眼球。

「三」月幌句 月幌，指屏風。幌，通屏。幌，玉篇：「帷幔也。」

「四」金風句 金風，秋風。瑄灰，亦稱葭灰，古代用以預測節氣。大戴禮記少間：「西王母來獻其白

瑄。」盧辯注：「瑄所以候氣也。」瑄，即玉管。據後漢書律曆志，燒葭成灰，置於律管內，至相應節氣，葭灰即從律管內自行飛出，從而知節令。杜甫小至詩：「刺繡五紋添弱線，吹葭六琯動飛灰。」

【彙評】

「草堂詩餘續集」相看又恐去，未去先問來，宛女子小聲輕轉。

### 其三

香墨彎彎畫〔二〕，燕脂淡淡勻。揉藍衫子杏黃裙〔三〕，獨倚玉闌無語點檀脣〔四〕。  
人去空流水，花飛半掩門。亂山何處覓行雲〔五〕？又是一鉤新月照黃昏。

#### 【校】

〔其三〕此首故宮本、吳本皆補鈔。故宮本、張本、李本、段本、毛本、四庫本、廣本、王本、秦本均作「又」。  
沈本草堂續集題作「閨怨」。

#### 【箋注】

〔一〕香墨 畫眉的螺黛。

〔二〕揉藍 即藍色。黃庭堅點絳脣詞第三：「淚珠輕溜，裊損揉藍袖。」

〔三〕檀脣 檀爲淺絳色。檀脣，形容女性脣吻之美。唐宇文氏粧臺記謂「唐宋點脣有胭脂疊品：石榴嬌、大紅春……聖檀心……」等。孔尚任桃花扇傳歌：「重點檀脣臙脂膩。」亦稱檀口。韓偓余作探使以繚綾手帛子寄賀因而有詩：「黛眉印在微微綠，檀口消來薄薄紅。」

〔四〕行雲 喻戀人的踪影。參見八〇頁醉桃源詞注〔三〕。

## 臨江仙

千里瀟湘接藍浦<sup>〔三〕</sup>，蘭橈昔日曾經。月高風定露華清。微波澄不動，冷浸一天星。  
獨倚危檣情悄悄，遙聞妃瑟泠泠<sup>〔三〕</sup>。新聲含盡古今情。曲終人不見，江上數峯青<sup>〔四〕</sup>。

### 【校】

〔調〕吳本、故宮本、張本作「臨江仙二首」。此五字故宮本補鈔。吳本全篇補鈔。

〔按藍〕李本、段

本、毛本、四庫本、黃本、王本、詞律、秦本、疆村本均作「接藍」，誤。

〔蘭橈〕原誤作「蘭橈」，從張本改。

〔微波〕明印本、故宮本作「微波」，誤。

〔危檣〕張本、李本、段本、毛本、四庫本、詞律、秦本、疆村

本作「危磧」，誤。

### 【箋注】

〔二〕宋釋惠洪冷齋夜話云：「廬山郊亭湖廟甚靈，能分風送往來之舟。秦少游南還宿其下，登岸縱望久

之，歸臥舟中，聞風聲，側枕視微波，月影縱橫，追繹昔嘗宿垂雲老惜竹軒，見西湖月色如此，遂夢美人自言維摩詰散花天女也，以維摩詰像來求贊。少游愛其畫，默念曰：『非道子不能作此。』天女以詩戲少游曰：『不知水宿分風浦，何似秋眠惜竹軒？』聞道詩詞妙天下，廬山對面可無言？』少游夢中題其像曰：……此詞云

「千里瀟湘按藍浦，蘭橈昔日曾經」，又云「遙聞妃瑟泠泠」，意境相似。據年譜，紹聖三年丙子（一〇九六），少游自處州南徙郴州，詞似作於舟經瀟湘途中。

〔三〕按藍 形容江水的清澈。說文：「藍，染青草也。」古代採取藍草以取青色，故稱「按藍」或「揉藍」。黃庭堅訴衷情詞：「山潑黛，水按藍，翠相攏。」又張景修選冠子：「嫩水按藍，遙堤映翠，半雨半煙橋畔。」

〔三〕遙聞句 妃瑟，楚辭遠遊：「使湘靈鼓瑟兮，令海若舞馮夷。」後漢書馬融傳注：「湘靈，舜妃，溺於湘水，爲湘夫人。」

〔四〕曲終二句 錢起省試湘靈鼓瑟詩：「善鼓雲和瑟，常聞帝子靈。……曲終人不見，江上數峯青。」

### 【彙評】

能改齋漫錄卷十六：唐錢起湘靈鼓瑟詩末句：「曲終人不見，江上數峯青。」秦少游嘗用以填詞云（詞略）。勝子京亦嘗在巴陵，以前兩句填詞云：「湖水連天天連水，秋來分外澄清。君山自是小蓬瀛。氣蒸雲夢澤，波撼岳陽城。帝子有靈能鼓瑟，淒然依舊傷情。微聞蘭芷動芳馨。曲終人不見，江上數峯青。」

案：少游詞「按藍」、「月高」，漫錄誤引作「按藍」、「日高」。

宋吳炯五總志：潭守宴客合江亭，時張才叔在座，令官妓悉歌臨江仙。有一妓獨唱兩句云：「微波渾不動，冷浸一天星。」才叔稱歎，索其全篇。妓以實語告之：「賤妾夜居商人船中，鄰舟一男子，遇月色明朗，即倚櫓而歌，聲極淒怨。但以苦乏性靈，不能盡記。但助以一二同列，共往記之。」太守許焉。至夕，乃與同列飲酒以待。果一男子，三歎而歌。有趨躡者，傾耳墮淚曰：「此秦七聲度也！」趨善謔，少游南遷，經從一見

而悅之。商人乃遣人問訊，卽少游靈舟也。其詞曰：（略）崇寧乙酉，張才叔過荊州，以語先子，乃相與歎息曰：「少游了了，必不致沉滯戀此壞身，似有物爲之。然詞語超妙，非少游不能作，抑又可疑也。」

案：所引少游詞「千里瀟湘」作「瀟湘千里」，「月高風定」作「月明風靜」，「澄」作「渾」，「遙聞妃瑟」作「寺聞飛瑟」，「新聲」作「仙音」。

清杜文瀾憩園詞話卷：詩之幽瘦者，宋人均以入詞，如「曲終人不見，江上數峯青」一聯，秦少游直錄其語。若是者不少，是在填詞家善於引用，亦須融會其意，不宜全錄其文。總之，詞以纖秀爲佳，凡便氣、使才、矜奇、矜僻，皆不可一犯筆端。

## 其 一 〔一〕

髻子偎人嬌不整〔三〕，眼兒失睡微重。尋思模樣早心忪〔三〕。斷腸攜手，何事太匆匆。  
忽。不忍殘紅猶在臂，翻疑夢裏相逢。遙憐南埭上孤篷。夕陽流水，紅滿淚痕中。

### 【校】

〔其二〕此首吳本補鈔。張本、李本、段本、毛本、四庫本、黃本、王本、秦本均作「又」。沈本章堂續集卷下題作「佳人」。  
〔孤篷〕「蓬」，原作「蓬」，據張本改。

【箋注】

〔一〕此詞似爲憶內而作。詞中「南埭」，係指召伯埭（今江蘇省江都縣邵伯鎮），因在詞人故里高郵之南，故稱南埭。少游有次韻子由召伯埭見別詩三首，第一首有句云：「召伯埭南春欲盡，爲公重賦畔牢愁。」紹聖元年甲戌（一〇九四），少游出爲杭州通判，途經邗溝，是時蓋與家人告別，事後憶及此情此景，感而賦此。

〔二〕髻子句 李清照浣溪沙詞：「髻子傷春懶更梳，晚風庭院落梅初。」

〔三〕心忪 心驚。玉篇：「忪，心動不定，驚也，遑遽也。」

【彙評】

草堂詩餘續集卷下：（起句）兩句佳人之神。（結句）自饒花色。

好事近 夢中作〔一〕

春路雨添花，花動一山春色。行到小溪深處，有黃鸝千百。  
飛雲當面化龍蛇，  
夭矯轉空碧。醉臥古藤陰下，了不知南北。



【校】

〔調〕此首吳本補鈔。『夢中作』三字，吳本、張本、彊村本均另起一行。亦見沈本草堂續集。〔天矯〕

故宮本誤作「天矯」。

宋本詞末附注不提行，作雙行小字云：「東坡跋尾：供奉官莫君沔官湖南，喜從

遷客游，尤爲呂元鈞所稱；又能誦少游事甚詳。爲予誦此詞至流涕，乃錄本使藏之。魯直跋少游好事近：

少游醉臥古藤下，誰與愁眉唱一杯？解作江南斷腸句，只今唯有賀方回。」吳本、張本詞末附注同此，但兩跋

分別另起並提單行。段本、秦本、彊村本詞末附注同，但不另起提行。底本、故宮本及葉氏兩宋本東坡跋尾

「爲予誦此詞」句中脫「誦」字，據張本補。

【箋注】

〔一〕若溪漁隱叢話前集卷五十引冷齋夜話云：「秦少游在處州，夢中作長短句曰：山路雨添花……。後

南遷，久之，北歸，逗留於藤州，遂終於瘴江之上光華亭。時方醉起，以玉盃汲泉欲飲，笑視之而化。」案少游

於紹聖元年貶監處州酒稅，至紹聖二年歲暮徙郴州，詞蓋作於紹聖二年乙亥（一〇九五）春天。

【彙評】

宋趙令時侯鯖錄卷七：秦少游、賀方回相繼以歌詞知名。少游有詞云：「醉臥古藤陰下，了不知南北。」

其後還謫，卒於藤州光華亭上。方回亦有詞云：「當年曾到王陵鋪，鼓角秋風，千歲遼東，回首人間萬事空。」

後卒於北門，門外有王陵鋪云。

宋阮閱詩話總龜卷九：賀方回初作青玉案詞，遂知名，其間有云「彩筆新題斷腸句」。後山谷有詩云：「少游醉臥古藤下，誰作詩歌送一杯？解道江南斷腸句，只今惟有賀方回。」蓋載青玉案事。

詩人玉屑卷二十一引冷齋夜話：賀方回妙於小詞，……山谷嘗手寫所作青玉案者，置之几研間，時自玩味，曰：「凌波不過橫塘路，但目送飛鴻去。錦瑟華年誰與度？小橋幽徑，綺窗朱戶，只有春知處。碧雲冉冉衡暈暮，彩筆空題斷腸句。試問閑愁都幾許？一川烟草，滿城風絮，梅子黃時雨。」山谷云此詞少游能道之，作小詩曰：「少游醉臥古藤下，無復愁眉唱一杯。解道江南斷腸句，而今惟有賀方回。」

宋吳子良荆溪林下偶談卷一：張祐有句云：「故國三千里，深宮十二年。」故杜牧云：「可憐故國三千里，虛唱宮詞滿六宮。」鄭谷亦云：「張生有國三千里，知者唯應杜紫微。」秦少游有詞云：「醉臥古藤陰下。」故山谷云：「少游醉臥古藤下……」。正與杜、鄭意同。

草堂詩餘續集卷上：（過片）偶書所見。（結尾二句）白眼看世之態。酷似鬼詞，宜其卒於藤州。

明郎瑛七修類稿卷三十：秦觀，字少游，號太虛，淮之高郵人，與蘇、黃齊名，嘗於夢中作好事近一詞（略），其後以事謫藤州，竟死於藤，此詞其讖乎？少游同時有賀鑄，嘗作青玉案悼之（詞略）。山谷有詩云：

「少游醉臥古藤下……」（略）秦詞世人少知，余嘗親見其墨跡，後有近代劉菊莊題云：「名並蘇黃學更優，一詞遺墨至今留。無人喚醒藤州夢，淮水淮山總是愁。」亦不勝其感慨，因憶賀、黃二作，並書之。

詞遺墨至今留。無人喚醒藤州夢，淮水淮山總是愁。」亦不勝其感慨，因憶賀、黃二作，並書之。

不久。

古今詞統卷五：曹唐偶詠「水底有天春漠漠，人間無路月茫茫」，遂卒於僧舍。少游此詞如鬼如仙，固宜

宋四家詞選：概括一生，結語遂作藤州之讖。造語奇警，不似少游尋常手筆。

詞譜卷二眉批：奇峭。

詞則別調集卷一：筆勢飛舞。

# 淮海居士長短句補遺

## 搗練子

心耿耿〔一〕，淚雙雙，皎月清風冷透窗。人去秋來宮漏永，夜深無語對銀釭〔三〕。

### 【校】

〔調〕錄自類編草堂詩餘卷一及楊慎批草堂卷一，調下均題作「秋闌」。亦見草堂詩餘卷一、陳耀文花草粹編（以下簡稱粹編）卷一、段本附錄、明鄧章漢輯詩餘（以下簡稱鄧本）、王本補遺、秦本鄧輯詩餘（以下簡稱秦本詩餘）、閔映璧校訂本草堂詩餘（以下簡稱閔本）卷一及詞薈卷二。全宋詞存目詞謂：「無名氏詞，見草堂詩餘前集卷下。」似應從衆說，定爲秦作。  
〔皎月清風〕詞薈、鄧本、秦本詩餘作「斜月斜風」。王本、閔本「皎月」作「皓月」。

### 【箋注】

〔一〕耿耿 楚辭「遠遊」：「夜耿耿而不寐兮。」王逸注：「耿耿，猶微微，不寐貌也。」洪興祖補注：「不安也。」

〔三〕銀釭句 晏幾道《蝶戀花》詞：「今宵剩把銀釭照，猶恐相逢是夢中。」

【彙評】

楊慎批草堂卷一眉批：「聚獨無語，誰與共語？」

草堂詩餘舊卷二眉批：「秋夜寂寂，秋闌隱隱，最堪懷人。」

評：淚隨心生，淒其之景已見；至夜深無

語，則幽思之情更切矣。

草堂詩餘正集卷一：「斜月斜風」，秋方不同。

一句含無盡意，且從尋常中領取，手眼最高。

秦本詩餘眉批：「春闌景物妍麗，秋闌思味淒涼，此詞爲得之。」

詞譜卷二「皎月清風」句上眉批：改「斜」字甚有意。

行香子〔二〕

樹繞村莊，水滿陂塘。倚東風、豪興徜徉。小園幾許，收盡春光。有桃花紅，李花白，菜花黃。  
遠遠苔牆，隱隱茅堂。颺青旗、流水橋傍。偶然乘興，步過東岡。正鶯兒啼，燕兒舞，蜂兒忙。

【校】

〔調〕錄自詞譜卷十四，明汲古閣本少游詩餘作「行鄉子」。

〔陂塘〕少游詩餘作「坡塘」，誤。

〔苔牆〕少游詩餘作「圍牆」。

【箋注】

〔二〕詞寫村居生活，似作於熙寧間，與田居四首詩同時。

## 如夢令二首

門外綠陰千頃，兩兩黃鸝相應。睡起不勝情，行到碧梧金井〔二〕。人靜，人靜，風弄一枝花影。

【校】

〔調〕錄自毛本，調名「憶仙姿」，調下附注：「此二闕舊本逸。」亦見類編草堂詩餘卷一、草堂詩餘正集卷一、鄧本、秦本詩餘、詞菁卷一、楊慎批草堂卷一及蓼園詞選，調下均題作「春景」。並見歷代詩餘卷三。宋曾慥樂府雅詞卷下、花庵卷八、粹編卷一以爲曹組作。

〔綠陰〕詞菁作「綠楊」，非。

〔行到〕秦本

補遺 行香子 如夢令

詩餘作「月到」。

「風弄」花庵、粹編、秦本詩餘作「風動」。

「一枝」花庵作「一庭」。

【箋注】

「一」金井 指雕飾華麗的井欄。沈本注引詞言：「梧桐葉上有金井文。」爲另一義。

【彙評】

楊慎批草堂卷一：只有風弄影，正模出近景。（案：近，疑爲靜之誤。）

草堂詩餘舊卷一眉批：幾語寫盡滿腔春意。評：優遊自得，此境還疑是夢醒中悟來。

草堂詩餘正集卷一眉批：「不勝情」三字，包裹前後。

詞譜卷一眉批：「人靜，人靜，風弄一枝花影。」正是靜景。

蓼園詞選：秦少游又有春景一闕曰：「鶯嘴啄花紅溜……」（詞略），沈際飛深賞其琢句奇峭；然細玩，終

不如此首韻味清遠。

又：「不勝情」從「千頃」字、「相應」字生出，因「不勝情」而行，行而無人，只見「風弄一枝花影」，更難爲

情。「一枝」字幽雋！

秦本詩餘眉批：見綠陰而聞鳥聲，正是景物相應處。

## 其、二

鶯嘴啄花紅溜，燕尾點波綠皺。指冷玉笙寒，吹徹小梅春透。依舊，依舊，人與綠楊俱瘦。

### 【校】

〔其二〕錄自毛本，原作「又」。亦見王忠愍公藏顧本詩餘卷一、草堂詩餘卷一、楊慎批草堂一、秦本詩餘，均題作「春景」。並見鄧本、王本補遺、歷代詩餘卷三。粹編卷一以爲黃魯直（庭堅）作。全宋詞以爲「無名氏詞，見草堂詩餘前集卷上」。未知據何版本。

### 【彙評】

楊慎批草堂卷一眉批：意想妙甚，然春柳恐未必瘦。

「指冷玉笙寒」二句，翻李後主「小樓吹徹玉

笙寒」句。

草堂詩餘舊卷一眉批：用字妍巧，寓意詠歎。

評：聞笛懷人，似夢中得句來。

草堂詩餘卷一眉批：琢句奇峭。

春柳未必瘦，然易此字不得。

弁州山人詞評：美成「暈酥砌玉」，魯直「鶯嘴啄花紅溜，燕尾點波綠皺」，俱爲險麗。



古今詞話詞品卷下：王世貞曰：謝勉仲「染雲爲幌」，周美成「暈酥砌玉」，秦少游「鶯嘴啄花紅溜」，蔣竹山「燈搖縷暈茸窗冷」，的是險麗矣，覺斧痕猶在；未若王通叟「踏青遊諸什，真猶石尉香塵，漢皇掌上也」。

又：「鶯嘴啄花紅溜，燕尾點波綠皺」，秦少游如夢令句，吹劍錄曰：「詠物形似，而少生動，與『紅杏枝頭』費如許氣力。」

秦本詩餘眉批：點景造微入妙。

詞則大雅集卷二：（結句）映起章首句，亦申明五、六章之意。

案：詞則以此章附卷中如夢令五章之後，總爲六章。「起章首句」，指「門外鴉啼楊柳」。

## 生查子

眉黛遠山長（一），新柳開青眼（二）。樓閣斷霞明，羅幕春寒淺。  
杯嫌玉漏遲，燭厭金刀翦。月色忽飛來，花影和簾捲（三）。

【校】

〔調〕錄自毛本，調下附注：「時刻不載。」亦見草堂詩餘續集卷上，康熙刻本續編草堂卷上，詞綜卷六，王本補遺。歷代詩餘卷四，詞菁卷二，類編箋釋續選草堂詩餘，均題作「春夜」。宋張孝祥于湖居士文集卷

三十四亦收此詞，風格似不類，字句亦小異。首句作「遠山眉黛橫」，「新柳」作「媚柳」，「羅幕」作「簾幃」，「嫌」作「延」，「厭」作「怕」。

### 【箋注】

〔一〕遠山 喻眉色。西京雜記卷二：「卓文君姣好，眉色如望遠山，臉際常若芙蓉。」字文氏桂臺記謂因受卓文君影響，「時人效畫遠山眉」。章莊荷葉杯詞：「一雙愁黛遠山眉，不忍更思惟。」

〔二〕新柳句 謂柳葉初生，細長如人之睡眠初開。元稹《生春詩》第九：「何處生春早？春生柳眼中。」

〔三〕花影句 張先《歸朝歡詞》：「日曠曠，嬌柔懶起，簾幕捲花影。」

### 【彙評】

草堂詩餘續集卷上：唐風。

類編箋釋續選草堂詩餘卷上：孟行既遲，燭剪復頻，夜景可掬。

## 木蘭花慢〔二〕

過秦淮曠望〔三〕，迴蕭灑〔三〕，絕纖塵。愛清景風蛩，吟鞭醉帽，時度疏林。秋來政情味淡〔四〕，更一重煙水一重雲。千古行人舊恨，盡應分付今人。漁邨望斷衡門。

補遺 生查子 木蘭花慢

蘆荻浦，雁先聞。對觸目淒涼，紅凋岸蓼，翠減汀蘋<sup>〔五〕</sup>。憑高正千嶂黯，便無情、到此也銷魂。江月知人念遠，上樓來照黃昏。

【校】

〔調〕錄自粵淮堂叢書本宋趙聞禮陽春白雪卷一。亦見王本補遺，王案：「清景」句，「秋來」句，俱疑有誤。『林』韻獨用閉口音，亦可疑。」

【箋注】

〔一〕據年譜，熙寧九年（一〇七六），少游曾同孫莘老、參寥子訪漳南老人於歷陽，浴湯泉，游龍洞，謁項羽廟，歸時當經秦淮。此詞似爲歸時之作。

〔三〕秦淮 河名，長江下游支流，東源出今江蘇省句容縣茅山，南源出溧水縣東廬山，在秣陵關附近合流，西北流經今南京市東南，入通濟門，橫貫城中，西出三山水門入長江。秦時所開，故名秦淮。

〔三〕蕭瀛 寥廓淒清貌。杜甫玉華宮詩：「萬籟真笙竽，秋色正蕭瀛。」

〔四〕政 通正，正是。

〔五〕紅凋二句 柳永八聲甘州詞：「是處紅衰翠減，冉冉物華休。」

## 虞美人影

碧紗影弄東風曉，一夜海棠開了。枝上數聲啼鳥，粧點知多少！  
婁，眉黛不堪重掃。薄倖不來春老，羞帶宜男草（二）。  
妒雲恨雨腰肢

【校】

【調】錄自毛本，調下附注：「時刻不載。」草堂詩餘正集卷一作「桃源憶故人」，附注云：「新譜作『虞美人影』。」亦見鄧本、歷代詩餘卷十九、類編草堂詩餘卷一、王本補遺、蓼園詞選及秦本詩餘，調名俱作「桃源憶故人」，題作「春閨」。粹編卷四列在少游「玉樓深鎖薄情種」與山谷「碧天露洗春容淨」之間，下注「詩餘」二字。全宋詞謂「歐陽修詞，見全芳備祖前集卷七海棠門」。然檢六一詞，無此首；文津閣四庫全書本全芳備祖係作秦觀詞。

【箋注】

（一）宜男草 卽萱草。太平御覽九六本草經：「萱，一名忘憂，一名宜男，一名歧女。」本草綱目草部「萱草」下李時珍引周處風土記：「懷妊婦人佩其花則生男，故名宜男。」

【彙評】

「草堂詩餘雋卷二眉批：憶故人還爲誤佳期也。」

評：詞調清新，誦之自膾炙人口，玩之又羈絆人情。

〔草堂詩餘正集卷一〕：「海棠開了」下，轉出「啼鳥」、「粧點」，趣溢不窮，奇筆！句末慧。

〔夢園詞選〕：第一闕言春色明豔，動闔中春思耳。次闕言抑鬱無聊，青春已老，羞望恩澤耳。託興自娟秀。

〔雨村詞話卷一〕：秦淮海遺詞散失，多見別本，而時刻不載，如虞美人影云：（詞略）……可知此外軼事更多矣。

## 浣溪沙

青杏園林煮酒香，佳人初試薄羅裳。柳絲搖曳燕飛忙。乍雨乍晴花易老，閒愁

閒悶日偏長。爲誰消瘦減容光？

### 【校】

〔調〕錄自草堂詩餘正集卷一，亦見楊慎批草堂卷一、類編草堂詩餘卷一、鄧本、歷代詩餘卷六、段本附錄、秦本詩餘、王本補遺。粹編卷二題晏殊作，並見珠玉詞。亦見歐陽修近體樂府及吳文英夢窗詞集。

〔初試〕粹編作「初著」。

〔搖曳〕粹編、珠玉詞作「無力」。

〔易老〕珠玉詞作「自落」。

〔日〕草堂

詩餘注曰：「一作畫。」

【彙評】

楊慎批草堂卷一眉批：「乍雨乍晴」二語見道，不獨情景之真。

草堂詩餘卷二眉批：「輕裝初試有意味，零光清減真堪歸也。」

妙詞。

評：眼前景致口頭語，便是詩家絕

草堂詩餘正集卷一眉批：「際月窺人小」、「天涯一點青山小」、「一夜青山老」，俱妙在叶字。「乍雨乍晴」句，妙不在叶字，而在「乍」字。

徐渭評本眉批：「乍雨乍晴」、「閒愁閒悶」二句，淺淡中傷春無限。

醉蓬萊〔二〕

見揚州獨有，天下無雙，號爲瓊樹〔三〕。佔斷天風，歲花開兩次。九朵一苞，攢成環玉，心似珠璣綴。瓣瓣玲瓏，枝枝潔淨，世上無花類。冷露朝凝，香風遠送，信是瓊瑤貴。料得天宮有，此地久難留住。翰苑才人，貴家公子，都要看花去。莫吝金錢，好尋詩伴，日日花前醉。

【校】

〔調〕錄自揚州瓊華集。全宋詞亦收此詞，並案曰：「此首不知所本，疑非秦觀作。」

【箋注】

〔一〕此詞寫揚州瓊花。宋葛立方韻語陽秋卷十六謂：「瓊花惟揚州后土祠有之，其他皆聚八仙，近似而非也。鮮于子駿嘗有詩云：『百萬天下多，瓊花天上希。結根託靈祠，地著不可移。八倍冠羣芳，一株攬萬枝。』而宋次道春明退朝錄乃云：『瓊花一名玉蕊。』……東坡瑞香詞有『后土祠中玉蕊』之句者，非謂玉蕊花，止謂瓊花如玉蕊之白耳。」案元豐三年鮮于子駿爲揚州守，待少游以禮，少游爲作揚州集序，並相與和蘇轍游金山一詩。此外，淮海集中有次韻蔡子駿瓊花詩，云：「無雙亭上傳觴處，最惜人歸月上時。相見異鄉心欲絕，可憐花與月應知。」可證少游曾在揚州無雙亭與鮮于子駿宴前賞花，當亦有填詞詠瓊花之可能；而填詞時間，亦可能與鮮于子駿作詩之日相同。故繫之於元豐三年（一〇八〇）庚申。

〔二〕見揚州三句。周密齊東野語：「揚州后土祠瓊花，天下無二本，絕類聚八仙，色微黃而有香。仁宗慶曆中，嘗分植禁苑，明年輒枯；遂復載還祠中，敷榮如故。淳熙中，壽皇亦嘗移植南內，逾年，憔悴無花，仍送還之。其後，宦者陳源命園丁取孫枝移接聚八仙根上，遂活；然其香色則大減矣。」又全芳備祖引劉原父詩序：「此花天下只一株耳，永叔爲揚州，作無雙亭以賞之。」瓊樹，此指瓊花。

## 御街行〔二〕

銀燭生花如紅豆〔三〕。這好事、而今有。夜闌人靜曲屏深，借寶瑟、輕輕招手。可憐一陣白蘋風〔三〕，故滅燭、教相就。花帶雨冰肌香透。恨啼鳥、轆轤聲曉，岸柳微風吹殘酒〔四〕。斷腸時、至今依舊。鏡中消瘦。那人知後，怕你來倜傥。

### 〔校〕

〔調〕錄自趙萬里輯 綠窗新話引宋楊促古今詞話，亦見閑居筆記。此首別作黃庭堅 憶帝京詞，調下題作「私情」，見山谷琴趣外編卷二。〔這好事〕閑居筆記作「這底事」，山谷詞作「占好事」，俱誤。〔人

靜〕山谷詞作「人醉」，誤。

〔可憐〕全宋詞 秦觀詞及山谷詞脫此二字。

〔岸柳〕趙萬里此句下案：「有

脫誤。」

〔怕你來〕山谷詞作「怕夯你來」。

### 〔箋注〕

〔一〕趙萬里輯本引宋楊促古今詞話云：「秦少游在揚州 劉太尉家，出姬侑觴。中有一姝，善彈箏篴。此樂既古，近時罕有其傳，以爲絕藝。姝又傾慕少游之才名，偏屬意。少游借箏篴觀之。既而主人入宅更衣，適值狂風滅燭，姝來且親，有倉卒之歡，且云：『今日爲學士瘦了一半。』少游因作御街行以道一時之景。」案：



少游熙寧年間（一〇六八——一〇七七）常往來於揚州。年譜謂「會蘇公自杭倅徙知密州，道經維揚，先生預作公筆語，題於一寺中。公見之大驚，及晤孫莘老，出先生詩詞數百篇，讀之，歎曰：『向書壁者，必此郎也。』遂結神交。」是時已有才名，且年輕，故可能有此韻事。

〔三〕紅豆 資暇錄：「豆有圓而紅，其首烏者，舉世呼爲相思子，卽紅豆之異名也。其樹大株而白枝，葉似槐，其花與皂莢花無殊，其子若穠豆處於莢中，通身皆紅。李善云其實赤如珊瑚是也。」古人常以紅豆象徵愛情。王維相思詩：「紅豆生南國，春來發幾枝？願君多採擷，此物最相思。」

〔三〕白蘋 爾雅：「萍，其大者曰蘋。」柳渾江南曲：「汀洲採白蘋，日暖江南春。」

〔四〕岸柳句 柳永雨霖鈴詞：「今宵酒醒何處？楊柳岸，曉風殘月。」

## 阮郎歸

春風吹雨繞殘枝，落花無可飛。小池寒綠欲生漪，雨晴還日西。  
簾半捲，燕雙歸，諱愁無奈眉。  
翻身整頓著殘棋，沉吟應劫遲。

### 【校】

〔調〕錄自草堂詩餘正集卷一，亦見類編草堂詩餘卷一、楊慎批草堂卷一、鄧本、歷代詩餘卷十六及王本補遺、秦本詩餘。全宋詞淮海存目詞謂：「無名氏詞，見樂府雅詞拾遺卷下。」然檢享帚精舍刊本樂府雅詞拾

遺卷下，作秦觀作。

### 【箋注】

〔一〕諱愁 謂欲隱瞞內心的痛苦。諱，隱諱。

〔三〕應劫 猶應敵。弈棋時棋局上緊迫的一着稱「劫」。水經淮水注：「局上有劫亦甚急。」棋經曰：「劫，奪也。先投子曰拋，後應子曰劫，乃有實東擊西之功。」此句謂因內心愁苦而精力分散，故在棋局險急時落子遲緩。

### 【彙評】

徐渭評本附錄：「沉吟應劫遲，便是元人樂府句。」

類編草堂詩餘卷一：「既已整頓，終不禁應劫之遲，真寫生手。應劫，猶言應敵。」

楊慎批草堂卷一眉批：「眉不掩愁，棋不消愁，愁來何處著？」又：「諱愁無奈眉」，寫想深慧。「翻身」

二句，愁人之致，極宛極真。此等情景，匪夷所思。

草堂詩餘雋卷二眉批：「以春花點春景，以春燕觸春情，情景逼真。」評：落花歸燕，俱是撫景傷情

之語。

古今詞統卷六：「諱愁」五字，不知費多少安頓。

夢園詞選案語：「此詞疑少游坐黨被謫後作，言已被謫而衆謗尙交構也。」「繞」字有糾纏不已之意。風雨

相逼，至無花可飛，則慘悴甚矣。池欲生漪，亦「吹皺一池」之意也。「日西」，言日已暮而時已晚也。整頓殘棋而應劫逼，言欲求伸而無心於應敵也。辭旨清婉悽楚。結束「沉吟」二字，妙在尙有含蓄。

〔花草蒙拾〕：「東風無氣力」，五字妖甚，如「落花無可飛」，便不佳。

## 眼兒媚〔二〕

樓上黃昏杏花寒〔三〕，斜月小闌干。一雙燕子，兩行歸雁，畫角聲殘。  
東風裏，無語對春閒。也應似舊，盈盈秋水，澹澹春山〔三〕。  
綺窗人在

### 【校】

〔調〕錄自類編草堂詩餘卷一，調下題作「春景」，亦見張繼詩餘圖譜卷一，楊慎批草堂卷一（題作「春夜」），鄧本、蓼園詞選及案本詩餘（注曰：「一名秋波媚。」題作「春景」）。王本補遺雖列爲少游作，然案曰：「此詞樂府雅詞拾遺選作左譽作。」粹編卷四據玉照新志亦以爲左譽作，詞末附注「與張儔」。古今詞話謂：「王仲言曰：『天台左譽，字與言，咸進士，與妙妓張儔善，如『盈盈秋水，澹澹春山』與『一段離愁堪畫處，橫風斜雨拖衰柳』，皆爲儔作也。』」趙萬里校輯宋金元人詞以爲阮閱作：「考新志四僅有名姝張儔，左與言頗顧之，

如『盈盈秋水，澹澹春山』，皆爲穠作數語，雖與阮詞末二句暗合，然未可強以爲左作也。」其根據爲花菴卷六會云：「閨休（阮閱字）小詞惟有此篇見於世」。此說不確。查能改齋漫錄卷十七，載有阮閱詞仙歌贈宜春妓趙佛奴一首，並云：「阮官至中大夫，累任監司郡守，他詞皆類此。」可見阮閱詞風皆俚俗如洞仙歌，而此首較綺麗，必非阮作。

〔歸雁〕花菴、趙萬里本作「征雁」。

〔無語〕花菴、趙萬里本作「灑淚」。

### 【箋注】

〔一〕清黃了翁謂爲「久別憶內」之詞，似作於元豐二年赴會稽省親之中途。

〔二〕杏花寒 花侯考：「雨水：一候菜花，二候杏花，三候李花。」「二候杏花」正值雨水時，天氣乍暖

還寒。

〔三〕盈盈二句 四印齋本陳鍾秀校刊草堂詩餘卷上注：「謂佳人眼如秋水之清，眉如春山之秀也。」

### 【彙評】

徐渭評本：字字清麗，集中不多得。（秦本詩餘同）

草堂詩餘萬卷一眉批：對景興思，一唱三歎，畫出秋水春山圖。

評：寫景欲鳴，寫情如見，語

意兩到。

夢園詞選：案此久別憶內詞耳，語語是意中摹想而得，意致纏綿中繪出，盡是鏡花水月，與杜少陵「今夜

鄜州月」一律同看。

滿江紅 姝麗(二)

越豔風流，占天上、人間第一。須信道(一)、絕塵標致(二)，傾城顏色(三)。翠綰垂螺雙髻小(四)，柳柔花媚嬌無力。笑從來、到處只聞名，今相識。臉兒美，鞦兒窄。玉纖嫩，酥胸白。自覺愁腸攪亂，坐中狂客。金縷和杯曾有分(五)，寶釵落枕知何日？謾從今、一點在心頭(六)，空成憶。

【校】

【調】錄自草堂詩餘續集卷下。全宋詞列入秦觀詞，然疑非秦觀作。

【箋注】

(一)此詞似作於元豐二年己未(公元一〇七九)。是時少游省大父承議公及叔父定於會稽，郡守程公闢館之於蓬萊閣，席上有所悅，睠睠不能忘。詞中所詠「越豔」，蓋此姝也。參見三七頁滿庭芳（山抹微雲）注(一)。

(二)須信道。詩詞曲語辭匯釋卷五：「須信道，猶云須知道也。」晏殊漁家傲詞：「莫惜醉來開口笑。須信道，人間萬事何時了。」……凡言須信道，義均同上。」

〔三〕絕塵 超塵絕俗，不可企及。莊子田子方：「夫子奔逸絕塵，而回瞠若乎後矣。」

〔四〕傾城 漢書外戚傳：李延年歌曰：「北方有佳人，絕世而獨立。一顧傾人城，再顧傾人國。寧不知傾城與傾國？佳人難再得。」後因以「傾城傾國」喻絕色女子。

〔五〕垂螺 古代女子結髮爲髻，形似螺殼而下垂。張先減字木蘭花詞：「垂螺近額，走上紅裙初趁拍。」

〔六〕金縷 即金縷衣，曲名。「金縷和杯」，謂歌唱金縷衣以侑酒。參見一八六頁金明池詞注〔九〕。

〔七〕一點 謂一點相思。

### 【彙評】

〔草堂詩餘續集〕：（下闕）太露，太急！

### 念奴嬌 小孤山〔二〕

長江滾滾東流去，激浪飛珠濺雪。獨見一峯青翠，律〔三〕，當住中流萬折。應是天公，恐他瀾倒，特向江心設。屹然今古，舟郎指點爭說。

岸邊無數青山，縈迴紫翠，掩映雲千疊。都讓洪濤恣洶湧，却把此峯孤絕。薄暮烟霏，高空日煥，諳歷陰晴徹。行人過此，爲君幾度擊楫〔三〕。

【校】

〔調〕錄自清光緒三十年刻徐積餘皖詞紀勝。此書前有繆荃孫序，較精審。亦見乾隆重印明汲古閣詞苑英華本秦張兩先生詩餘合璧中少游詩餘。〔小孤山〕少游詩餘作「過小孤山」。〔峯〕皖詞紀勝作「峯」，可通。〔烟扉〕全宋詞 秦觀存目詞誤作「烟扉」。

【箋注】

〔一〕年譜：元豐五年（一〇八二）「先生應禮部試，罷歸。……遂如黃州，候蘇公於官舍，作弔鍾文，過廬山，訪大覺璉公，南游玉筍而歸。」歸途中當過小孤山。一統志：「小孤山，在宿松縣（今屬安徽）東南一百二十里。」遲大魁小孤山志：「宿松縣東有山在水中央，爲小孤山。鄰彭澤間，突兀巖屹，一柱直插天半。舊云髻山，相沿日久，遂指小孤爲小姑。非也。以特立不倚，故得名。其云小者，則從彭澤之大孤別言之耳。」宋人經此，多登山。歐陽修歸田錄卷二云：「余嘗過小孤山，廟像乃一婦人，而額爲『聖母廟』，豈止俚俗之繆哉？」

〔二〕峯：山高聳貌，亦作「嶺」，史記司馬相如列傳：「其山則盤紆峩鬱，隆隆崔嵬。」

〔三〕爲君句：君，指小孤山。擊楫，形容志節慷慨。晉書祖逖傳：「（祖逖）仍將本流徙部曲百餘家渡江，中流擊楫而誓曰：『祖逖不能清中原而復濟者，有如大江！』」

昭君怨 春日寓意

隔葉乳鴉聲軟，啼斷日斜陰轉。楊柳小腰肢，畫樓西。  
愁無限。極目送行雲，此時情。役損風流心眼，眉上新

【校】

〔詞〕錄自毛本，亦見歷代詩餘卷三及王本補遺。毛本題下附注：「舊刻趙長卿。」案：陸敕先校及古閣本趙氏惜香樂府卷二有之；然檢汲古閣宋六十名家詞本惜香樂府，並無此詞，如係趙作，不應漏收。且同爲汲古閣本，既收入淮海詞，似不應再收入惜香樂府，蓋爲陸氏校補時增入。  
〔啼斷〕毛本、王本原作「號斷」，依歷代詩餘改。

西江月

愁黛顰成月淺，啼粧印得花殘〔一〕。只消鴛枕夜來閒〔二〕，曉鏡心情便懶。  
簷頭風細，征衫袖口香寒。綠江春水寄書難，攜手佳期又晚。  
醉帽

補遺 昭君怨 西江月



【校】

〔調〕錄自草堂詩餘續集卷上，題作「閨情」，康熙天祿閣校訂續編草堂詩餘卷上同。亦見粹編卷四。  
〔曉鏡〕粹編作「對鏡」。

【箋注】

〔一〕愁黛，啼粧。後漢書梁冀傳：「妻孫壽，色美而善爲妖態，作愁眉、啼粧、墮馬髻、折腰步、蹙齒笑，以爲媚惑。」章懷太子李賢注引風俗通曰：「愁眉者，細而曲折；啼粧者，薄拭目下若啼處。」愁黛，卽愁眉。  
〔二〕只消，詩詞曲語辭匯釋卷二：「只消，猶云只須也。」此猶只要。

【彙評】

草堂詩餘續集卷上評語：工篤鏗清。

畫堂春

東風吹柳日初長，雨餘芳草斜陽。杏花零落燕泥香，睡損紅粧。  
鳳，畫屏雲鎖瀟湘。夜寒微透薄羅裳，無限思量。  
寶篆烟消龍

【校】

「調」錄自毛本，題下附注：「或刻山谷年十六作。」毛氏汲古閣本宋六十名家詞山谷集於此調下注云：「時刻二調，考『東風吹柳日初長』是淮海作，刪去。」花菴卷四、詩餘圖譜卷一、草堂詩餘卷一、歷代詩餘卷十六、王本補遺、秦本詩餘、粹編卷四俱作秦少游作。類編草堂詩餘卷一題作「春怨」，詞末附注引宋楊湜古今詞話以爲少游作。粹編卷四題下附注：「山谷集有。」案：此首別見明刻本豫章黃先生詞。草堂詩餘作「香篆」。草堂詩餘注云：「一作寶。」「一作烟。」「龍鳳」花庵、沈本作「鸞鳳」。「雲鎖」花菴、草堂詩餘作「縈繞」。草堂詩餘注云：「一作雲鎖。」「夜寒」花菴、草堂詩餘作「暮寒」。

【彙評】

類編草堂詩餘卷一引宋楊湜古今詞話：少游畫堂春「雨餘芳草斜陽，杏花零落燕泥香」之句，善於狀景物。至於「香篆暗消鸞鳳，畫屏縈繞瀟湘」二句，便含蓄「無限思量」意思。此其有感而作也。

楊慎批草堂：情景兼至。

草堂詩餘馬卷四眉批：句句寫景入畫。言少而意甚多。評：以奇才運奇調，堪稱奇章。

草堂詩餘正集卷一：「杏花零落香」，爲憐流去落紅香，卿將歸畫梁（曾觀阮郎歸詞），秦以一句出藍。

「縈繞瀟湘」，畫中之畫。「寶篆煙消鸞鳳，畫屏雲鎖瀟湘」，亦妙！

雨村詞話卷一：秦少游淮海集，首首珠璣，爲宋一代詞人之冠。今刊本多以山谷作雜之。黃九之不逮

秦七，古人已有定評，豈容溷入？如畫堂春詞（詞略），氣薄語纖，此山谷十六歲作也，不應雜入。

人間詞話附陳乃乾錄自觀堂舊藏詞辨眉批：『溫飛卿菩薩蠻：「雨後却斜陽，杏花零落香。」少游之「雨餘芳草斜陽，杏花零落燕泥香」，雖自此脫胎，而實有出藍之妙。』

詞綜偶評：高麗！直可使耆卿、美成爲興臺矣。

## 宴桃源

去歲迷藏花柳〔一〕，恰恰如今時候。心緒幾曾歡？贏得鏡中消瘦。生受〔三〕，生受，更被養娘催繡〔三〕。

### 【校】

〔調〕錄自王本補遺，亦見宋六十名家詞山谷詞宴桃源附注。山谷詞與此略異，曰：「天氣把人僂僂，落絮遊絲時候。茶飯可曾炊？鏡中贏得消瘦。生受，生受，更被養娘催繡。」王本案曰：「汲古閣六十名家詞山谷詞末一調宴桃源，毛晉校云：『一刻淮海集，略異。』檢今集中無之，晉所見淮海集又不知是何本矣。茲并錄之。」案四部備要本山谷詞有毛晉此注，當從之。

### 【箋注】

〔一〕迷藏 卽捉迷藏。致虛閣雜俎：「唐明皇與玉真於月下以錦帕裹目，在方丈之間互相捉戲，謂之捉

迷藏。」

〔三〕生受 詩詞曲語辭匯釋卷六：「生受，有吃苦或爲難義；有麻煩或煩勞義。黃庭堅宴桃源詞：『生受，生受，更被養娘催繡。』此麻煩義。」

〔三〕養娘 侍婢。草堂詩餘注：「唐宋女兒多有養娘，即今之針線娘也。」

### 【彙評】

草堂詩餘續集卷上：不但情懷倦繡，縱含情刺錦，豈由催促，如養娘之不解事何！

## 海棠春

流鶯窗外啼聲巧，睡未足，把人驚覺。翠被曉寒輕，寶篆沉烟裊。  
娥報〔二〕，道別院、笙歌會早。試問海棠花，昨夜開多少？  
宿醒未解宮

### 【校】

〔調〕錄自毛本，調下注云：「舊刻不載。」亦見粹編卷四、詩餘圖譜卷一、草堂詩餘正集卷一、類編草堂詩餘卷一、王本補遺。鄧本及秦本詩餘，調下俱題作「春曉」。樂府雅詞拾遺卷下未著撰人。〔宮娥〕樂府雅詞作「雙娥」。〔會早〕樂府雅詞、粹編作「宴早」。

【箋注】

〔一〕宿醒 漢史游急就篇卷三：「侍酒行觴宿昔醒。」注：「昔，夜也。病酒曰醒，謂經宿飲酒，故致醒也。」玉臺新詠卷一徐幹情詩：「憂思連相屬，中心如宿醒。」

【彙評】

草堂詩餘雋卷一眉批：「宿醒」承「睡未足」來，何等脈絡！

評：流鶯喚睡，海棠獨醒，情景恍在一

盼中。

草堂詩餘正集卷一「睡未足，把人驚覺」眉批：再睡，不幾負花耶？

時本以「宿醒未解」作一句，大

誤！「試問海棠花，昨夜開多少」眉批：媚殺！

詞則閑情集卷一：「睡未足」句，終嫌俚淺。

憶秦娥

暮雲碧，佳人不見愁如織〔一〕。愁如織，兩行征雁，數聲羌笛〔二〕。

錦書難寄西

飛翼〔三〕，無言只是空相憶。空相憶，紗窗月淡，影雙人隻。

【校】

〔調〕錄自詞綜卷六，亦見歷代詩餘卷十五，王本補遺，古今詞統卷六。明嘉靖三十年楊金本草堂詩餘前集卷下作無名氏詞。

【箋注】

〔一〕暮雲二句 江淹休上人怨別詩：「日暮碧雲合，佳人殊未來。」又李白菩薩蠻詞：「平林漠漠煙如織，寒山一帶傷心碧。」

〔三〕羌笛 風俗通義卷六笛部：「武帝時丘仲之所作也……其後又有羌笛。」馬融笛賦曰：「近世雙笛從羌起，羌人伐竹未及已。龍鳴水中不見已，截竹吹之聲相似。剡其上孔通洞之，材以當簫便易持。」易京君明識音律，故本四孔加以一。」

〔三〕錦書 說郛本侍兒小名錄：「前秦竇滔鎮襄陽，與寵姬趙陽臺之任，絕其妻蘇氏音問。蘇悔恨自傷，因織錦迴文題詩二百餘首寄滔。滔覽錦字，感其妙絕，因具車從迎蘇氏。」

【彙評】

古今詞統卷五：結語簡雋。

菩薩蠻

金風蕪蕪驚黃葉，高樓影轉銀蟾匝<sup>(一)</sup>。夢斷繡簾垂，月明烏鵲飛<sup>(三)</sup>。  
新愁知幾許？欲似柳千縷。雁已不堪聞<sup>(三)</sup>，砧聲何處村？

【校】

〔調〕錄自毛本，調下附注：「時刻不載。」亦見草堂詩餘正集卷一及蓼園詞選，調下俱題作「秋閨」。並見歷代詩餘卷九、王本補遺、詞譜卷二。類編草堂詩餘卷一亦題作「秋閨」，次於秦少游「蛩聲泣露驚秋枕」一首之後，不著撰人。〔欲似〕草堂詩餘作「卻似」，注云：「一作欲，誤。」〔柳千縷〕草堂詩餘、詞譜作「絲千縷」，是。

【箋注】

〔一〕銀蟾 後漢書 天文志注：「羿請無死之藥於西王母，姮娥竊之以奔月，是謂蟾蜍。」集韻：「蜍，或作蟾。」後遂稱月爲蟾蜍，或稱玉蟾、銀蟾。李白 古朗月行詩：「蟾蜍蝕圓影，大明夜已殘。」

〔二〕月明句 曹操 短歌行詩：「月明星稀，烏鵲南飛，繞樹三匝，無枝可依。」

〔三〕雁已句 李頎 送魏萬之京詩：「鴻雁不堪愁裏聽，雲山況是客中過。」

【彙評】

草堂詩餘舊卷四眉批：色色入愁，聲聲致憾。

評：如風聲、雁聲、砧聲，俱足動秋閨之思。

草堂詩餘正集卷一：秋枕黃葉，無情物耳；用兩驚字，無情生情。

案：「秋枕」，謂「蟲聲泣露驚秋枕」，見卷中菩薩蠻詞；「黃葉」，指此首。

蓼園詞選：按「匝」字從「轉」生來，匝月由東而西，轉於高樓之上者，已匝也。通首亦清微澹遠。  
詞譜卷二眉批：種種可憐。

憶秦娥

灞橋雪〔一〕

驢背吟詩清到骨〔三〕，人間別是閒勳業。

雲裏烟閣久銷沉〔三〕，千載人圖灞橋雪。

灞橋雪，茫茫萬徑人蹤滅〔四〕。

人蹤滅。此時方見，乾坤空闊。

騎驢老子眞奇

絕〔五〕，肩山吟聳清寒冽〔六〕。

清寒冽。只緣不禁，梅花撩撥。

【校】

〔調〕錄自詞譜卷五，亦見少游詩餘。詞譜注云：「按秦詞四首，每首前各有口號四句，即以口號末句三



字爲起句，亦如調笑令例，樂府舞曲轉踏類如此。」可證此調四首均爲秦觀作，然詞譜僅選載灞橋雪、曲江花二首，餘二首庾樓月、楚臺風據少游詩餘補。

【箋注】

〔一〕詞譜云此詞「亦如調笑令例，樂府舞曲轉踏類如此」，蓋與調笑令十首爲同時之作。灞橋，在今

陝西省西安市東灞水上。

〔二〕驢背吟詩 北夢瑣言卷七：「相國鄭畋善詩。……或曰：『相國近有新詩否？』對曰：『詩思在灞橋風雪中驢子上，此處何以得之？』」

〔三〕雲臺句 雲臺，後漢書馬武傳論：「永平中，顯宗（漢明帝）追感前世功臣，乃圖畫二十八將於南宮雲臺。」烟閣，即凌烟閣。唐太宗貞觀七年，代宗廣德元年均曾繪功臣像於凌烟閣。

〔四〕萬徑人蹤滅 柳宗元江雪詩：「千山鳥飛絕，萬徑人蹤滅。」此用其成句。

〔五〕老子 自稱之詞，猶言老夫。後漢書逸民 韓康傳：「康曰：此自老子與之。」黃庭堅念奴嬌（斷虹霽雨）詞：「老子平生，江南江北，最愛臨風笛。」

〔六〕肩山吟聳 形容嚴寒中聳肩縮頸苦吟狀。蘇軾贈寫真何充秀才詩：「又不見雪中騎驢孟浩然，皴眉吟詩肩聳山。」

## 又曲江花〔二〕

帝城東畔富韶華，滿路飄香爛綵霞。多少風流年少客，馬蹄踏遍曲江花。

曲江花，宜春十里錦雲遮〔三〕。錦雲遮。水邊院落，山上人家。茸茸細草承香車，金鞍玉勒爭年華。爭年華。酒樓青旆，歌板紅牙。

【校】

〔山上〕少游詩餘作「山下」。

【箋注】

〔二〕曲江 故址在今陝西省西安市東南。寰宇記：「曲江池，漢武帝所造，名爲宜春苑，其水曲折，有似廣陵之江，故名。」唐開元間更加疏鑿，池畔有紫雲樓、芙蓉苑、杏園、慈恩寺、樂遊原諸名勝，每歲中和、上巳，游客如雲，秀士登科，亦賜宴於此。

〔三〕宜春 卽宜春苑，指曲江。漢書元帝紀注：「宜春下苑，卽今京城東南隅曲江池是。」

又庾樓月〔二〕

碧天如水纖雲滅〔三〕，可是高人清興發〔三〕。徙倚危闌有所思，江頭一片庾樓月。

庾樓月，水天涵映秋澄徹。秋澄徹。涼風清露，瑤臺銀闕〔四〕。

桂花香滿蟾蜍

窟〔五〕，胡牀興發霏談雪〔六〕。霏談雪。誰家鳳管〔七〕，夜深吹徹？

【箋注】

〔一〕庾樓 一名庾公樓，後又稱玩月樓。〔二〕世說新語容止：「庾太尉（亮）在武昌。秋夜氣佳景清，使吏殷

浩、王胡之之徒登南樓理詠，音調始道，聞函道中有屐聲甚厲，定是庾公。俄而羣左右十許人步來，諸賢欲起避之。公徐云：「諸君少住，老子於此處興復不淺。」因便據胡牀，與諸人詠譔竟坐，甚得任樂。」

〔三〕碧天句 韓愈八月十五夜贈張功曹詩：「纖雲四捲天無河。」

〔四〕可是句 可是，却是。〔五〕詩詞曲語辭匯釋卷一：「楊無咎南歌子詞：『年來老子厭風情，可是於君一見眼雙明。』可是與却是同。」高人，即高士，舊時多指隱士。皮日休寄魯望詩：「應被高人笑，憂身不似名。」

〔六〕瑤臺銀闕 神仙所居。李白清平調詞：「若非羣玉山頭見，會向瑤臺月下逢。」史記封禪書：「自威，

宣、燕昭使人入海，求蓬萊、方丈、瀛州。……其物禽獸盡白，而黃金銀爲宮闕。」

〔五〕桂花句 段成式酉陽雜俎前集卷一：「舊言月中有桂，有蟾蜍，故吳書言月桂高五百丈，下有一人常斫之，樹創隨合。」

〔六〕胡牀句 胡牀，坐具。亦稱交牀、交椅、繩牀，輕便可以折疊。宋程大昌演繁露卷十四：「今之交牀，制本自虜來，始名胡牀，桓伊下馬據胡牀取笛三弄是也。隋以識有胡，改名交牀。」霏談雪，晉書胡毋輔之傳：「王澄嘗與人書曰：『彥國吐佳言如鏹木屑，霏霏不絕。』」

〔七〕鳳管 指笙。風俗通義卷六笙部：「世本：『隨作笙。』長四寸，十二簧，象鳳之身，正月之音也。」潘岳笙賦：「基黃鍾以舉韻，望風儀以擢形。」

## 又 楚臺風〔二〕

誰將綵筆弄雌雄〔三〕？長日君王在渚宮〔三〕。一段瀟湘涼意思，至今都入楚臺風。

楚臺風，蕭蕭瑟瑟穿簾櫳。穿簾櫳。滄江浩渺，綺閣玲瓏。

飄飄綵筆搖長虹，冷

冷仙籟鳴虛空〔四〕。鳴虛空。一闌修竹，幾壑疏松。

【箋注】

〔一〕楚臺風 〔文選〕宋玉風賦序：「楚襄王游於蘭臺之宮，宋玉、景差侍，有風颯然而至。」

〔二〕誰將句 綵筆，即五色筆。 〔南史〕江淹傳：「淹善爲詩，某夕夢一丈夫，自稱郭璞，謂淹曰：『吾有筆在』」

卿處多年，可以見還。淹乃探懷中，得五色筆一以授之。爾後爲詩，絕無美句，時人謂之才盡。 弄雌雄，

謂風有雌雄。 〔文選〕宋玉風賦：「清清冷冷，愈病析醒，發明耳目，寧體使人，此所謂大王之雄風也。……中心

慘怛，生病造熱，中脣爲胗，得目爲蔑，啗齟齬獲，死生不卒，此所謂庶人之雌風也。」

〔三〕渚宮 春秋時楚國的別宮，故址在今湖北省江陵縣城內。 〔左傳〕文公十年：「〔子西〕沿漢沂江，將入

郢，王在渚宮下見之。」 〔疏〕：「渚宮，當郢都之南，蓋楚成王所建。」此指蘭臺之宮。

〔四〕仙籟 仙音。籟，自然界竅穴中發出的音響。 〔莊子〕齊物論：「女（汝）聞地籟而未聞天籟夫？」

金明池〔二〕

瓊苑金池〔三〕，青門紫陌〔三〕，似雪楊花滿路〔四〕。雲日淡、天低畫水，過三點兩點細

雨〔五〕。好花枝、半出牆頭〔六〕，似悵望、芳草王孫何處〔七〕。更水繞人家，橋當門巷，

燕燕鶯鶯飛舞。怎得東君長爲主〔八〕？把綠鬢朱顏，一時留住。佳人唱、〔金衣

莫惜〔九〕，才子倒、玉山休訴〔二〇〕。況春來、倍覺傷心，念故國情多〔二一〕，新年愁苦。

縱寶馬嘶風，紅塵拂面（三），也則尋芳歸去。

### 【校】

〔調〕錄自類編草堂詩餘卷四，調下題作「春游」。亦見草堂詩餘卷六、楊慎批草堂卷五、閔本卷五、鄧本、王本補遺、秦本詩餘、蓼園詞選、宋四家詞選及歷代詩餘卷九十七、詞律卷十一。全宋詞以爲「無名氏詞」，見草堂詩餘前集卷上，未知據何版本。粹編卷十二僅署「詩餘」，未著撰人。王本案：「段刻淮海集從草堂集輯入。」〔飛舞〕王本作「對舞」。〔怎得〕王本誤作「乍得」。〔情多〕閔本作「多情」。

### 【箋注】

（一）金明池 詞譜云：「此調始於秦觀，……調見淮海詞，賦東京金明池，卽以調爲題也。」案淮海集卷九有西城宴集詩二首，謂於元祐七年三月以中韓日游金明池、瓊林苑，詞蓋作於是時。

（二）瓊苑金池 葉夢得石林燕語：「瓊林苑、金明池、宜春苑、玉津園，謂之四園。」一統志：「金明池，在開封祥符縣西。五代周顯德四年，世宗謀伐南唐，鑿池習水戰，宋太祖置神衛水軍，以習舟師。」東京夢華錄卷七：「（金明）池在順天門街北，周圍約九里三十步，池西直徑七里許。入池門內，南岸西去百餘步，有西北臨水殿，車駕臨幸，觀爭標錫宴於此。」又：「瓊林苑在順天門大街，面北，與金明池相對。大門牙道，皆古松怪柏；兩傍有石榴園、櫻桃園之類，各有亭榭，多是酒家所占。」

（三）青門句 青門，指帝京的城門。參見二三頁風流子詞注（三）。

紫陌，指京都的道路。賈至早朝

大明宮詩：「銀燭朝天紫陌長，禁城春色曉蒼蒼。」

〔四〕似雪楊花 世說新語言語：「謝太傅（安）寒雪日內集，與兒女講論文義。俄而雪驟，公欣然曰：『白雪紛紛何所似？』兄子胡兒（謝朗）曰：『撒鹽空中差可擬。』兄女（謝道韞）曰：『未若柳絮因風起。』公大笑樂。』柳絮，即楊花，後世遂以喻雪。

〔五〕三點句 吳融聞望詩：「三點五點映山雨，一枝兩枝臨水花。」

〔六〕好花枝句 葉紹翁游園不值詩：「春色滿園關不住，一枝紅杏出牆來。」

〔七〕芳草王孫 楚辭招隱士：「王孫游兮不歸，芳草生兮萋萋。」

〔八〕東君 此指春神。唐王初立春後詩：「東君珂佩響珊珊，青馭多時下九關。」

〔九〕金衣 即金縷衣，曲調名。杜牧杜秋娘詩：「秋持玉聲醉，與唱金縷衣。」杜秋娘金縷衣：勸君莫惜金縷衣，勸君須惜少年時。花開堪折直須折，莫待無花空折枝。」

〔一〇〕才子句 玉山倒，見一〇二頁滿庭芳詠茶（北苑研膏）注〔四〕。休訴，莫辭。章莊菩薩蠻詞：「須

愁春漏短，莫訴金杯滿。」

〔二〕故國 宋蘇軾念奴嬌赤壁懷古詞：「故國神遊，多情應笑我，早生華髮。」

〔三〕紅塵拂面 唐劉禹錫元和十年自朗州承召至京戲贈看花諸君子：「紫陌紅塵拂面來，無人道看

花回。」

【彙評】

草堂詩餘高卷一眉批：悵望何處，只在燕飛鶯舞中。

評：點綴春光，如雨花錦落。至佳人才子，共

慶同春，猶令人神游十二峯，爲之玩不釋手。

草堂詩餘正集卷六：「好花枝」二句，花神現身時分。

人生有幾韶光美，倒盡金尊拚醉眠。

朱

淑真云：「願教青帝長爲主，莫遣紛紛點點苦。」秦作曼聲，琳琅振耳。（古今詞統卷十六與此同）

夢園詞選：前闕寫韶光婉媚，奔奔動人。次闕起處願朱顏留住，意已感慨；至結句尤峻切，語意含蓄得妙。

宋四家詞選：此詞最明快，得結語神味便遠。

夜游宮

何事東君又去？滿空院、落花飛絮。巧燕呢喃向人語。何曾解，說伊家，些子苦？  
況是傷心緒，念箇人、久成睽阻。一覺相思夢回處。連宵雨，更那堪，聞杜宇！

【校】

〔調〕錄自歷代詩餘卷三十三，亦見粹編卷六及京本通俗小說西山一窟鬼。

〔滿空院〕粹編卷六、西



山一窟鬼作「空滿院」，非。

〔些子苦〕粹編卷六作「些子事」，誤。

〔久成〕粹編作「又成」，西山一窟

鬼作「兒成」，非是。

〔連宵雨〕粹編卷六脫此三字。

【箋注】

〔一〕些子 一些。

〔三〕箇人 詩詞曲語辭匯釋卷三：「箇，指點辭，猶這也；那也。周邦彥水龍吟詞：『暗凝佇，因記箇人癡小，乍窺門戶。』趙聞禮魚游春水詞：『愁腸斷也，箇人知未？』箇人，那人也。」

一斛珠

秋閨〔一〕

碧雲寥廓，倚闌悵望情離索〔三〕。悲秋自覺羅衣薄。曉鏡空懸，懶把青絲掠。  
江山滿眼今非昨，紛紛木葉風中落〔三〕。別巢燕子辭簾幕。有意東君，故把紅絲縛。

【校】

〔調〕錄自草堂詩餘別集卷二。全宋詞列爲秦觀詞，然疑非秦觀作。

【箋注】

〔一〕據淮海集卷三十一祭洞庭湖神文，紹聖三年（一〇九六）十月十一日，少游徙郴州途中曾至岳州境內。此詞云：「江山滿眼今非昨，紛紛木葉風中落。別巢燕子辭簾幕。」似寄寓被放後心情；其用事、寫景，亦與時地相合，蓋作於是時。

〔二〕離索 離羣索居。禮記檀弓：「吾離羣而索居，亦已久矣。」注：「索，猶散也。」白居易和微之四月一日作詩：「兩地誠可憐，其奈久離索！」

〔三〕紛紛句 楚辭九歌湘夫人：「嫋嫋兮秋風，洞庭波兮木葉下。」

青門飲〔二〕

風起雲間，雁橫天末，嚴城畫角，梅花三奏〔三〕。塞草西風，凍雲籠月，窗外曉寒輕透。人去香猶在，孤衾長閑餘繡。恨與宵長，一夜熏鑪，添盡香獸〔三〕。前事空勞回首。雖夢斷春歸，相思依舊。湘瑟聲沈，庾梅信斷〔四〕，誰念畫眉人瘦？一句難忘處，怎忍辜、耳邊輕咒。任人攀折，可憐又學，章臺楊柳〔五〕。

【校】

【調】錄自皇都風月主人編綠窗新話卷上，亦見粹編卷十二、詞律拾遺卷五及趙萬里輯青泥蓮花記引古今詞話。

【三奏】原作「三弄」，于律不合，今從古今詞話。

【夢斷】古今詞話上脫「雖」字。

【瑟】原作「桐瑟」，今從古今詞話。

【庚梅】古今詞話脫「庚」字，并竄入「瘦」字前。

【怎忍辜】粹編作

「怎忍靠」，誤。

【箋注】

【一】此詞蓋爲懷念長沙義妓而作。古今詞話云：「秦少游嘗憐一姝，臨別，誓闔戶相待。後有毀之者，少游作詞謝曰：『風起雲間……』」夷堅志補卷第二載少游在長沙遇一義倡，爲留數日，但不敢以燕情見，愈加敬禮。將別，囑曰：「妾不肖之身，幸得侍左右。今學士以王命不可久留，妾又不敢從行，恐重以爲累，唯誓潔身以報。他日北歸，幸一過妾，妾願畢矣。」少游許之。一年，譚紹聖三年……先生在處州……以謁告寫佛書爲罪，削秩，徙郴州。先生將赴湖南，作祭洞庭湖神文……歲暮抵郴州。其經長沙，正值初冬。詞云：「雁橫天末，」塞草西風，時令相符，而所云「湘瑟聲沈，庚梅信斷」，則又與一人所在之地吻合。詞蓋作於元符元年（一〇九八）後貶謫嶺南之際。

【二】梅花三奏 卽梅花三弄，因叶韻而用「奏」字。琴曲名，又名梅花引、梅花曲、玉妃引。最早見於神奇秘譜，稱此曲係根據晉桓伊所作笛曲改編而成，內容描寫傲雪凌霜的梅花。全曲主調出現三次，故稱「三弄」。

〔三〕香獸 指搏成獸形的炭。晉書羊琇傳：「琇性奢侈，費用無復齊限，而屑炭和作獸形以溫酒。」

〔四〕庾梅 庾嶺之梅。庾嶺，在今江西、廣東交界處。唐張九齡督所屬多植梅樹，故又名梅嶺。唐鄭谷咸通十四年府試木向榮詩：「庾嶺梅先覺，隋堤柳暗驚。」

〔五〕任人三句 本事詩情感載韓翃與柳氏相戀，來歲成名，潛青節度使辟爲從事。韓以世方擾，不敢以柳同行，置之都下，期至而迓之。三歲不果，寄之詩曰：「章臺柳，章臺柳，昔日青青今在否？縱使長條似舊垂，也應攀折他人手。」章臺，漢代長安街道名，舊時多借指妓院。

## 鷓鴣天〔二〕

枝上流鶯和淚聞，新啼痕間舊啼痕。一春魚鳥無消息〔三〕，千里關山勞夢魂。  
無一語，對芳尊。安排腸斷到黃昏。甫能炙得燈兒了〔四〕，雨打梨花深閉門〔五〕。

【校】

〔調〕錄自毛本，調下附注：「舊刻逸。」亦見粹編卷五、詩餘圖譜卷一、楊慎批草堂卷一、鄧本、歷代詩餘卷二十七、詞菁卷二、王本補遺及秦本詩餘。草堂詩餘正集卷一及類編草堂詩餘卷一，調下俱題作「春閨」。四印齋本漱玉詞補遺云：「案毛鈔本尚有鷓鴣天『枝上流鶯』一闕，青玉案『一年春事』一闕，注云：『草堂作少游、永叔，而秦、歐集無。』今案此二闕，別本無作李（清照）詞者，當是秦、歐之作。且膽炙人口，故未附錄。」

其說是。

〔枝〕詞律作「枕」。草堂詩餘云：「一作枕，誤。」

〔兒〕草堂詩餘云：「一作光，誤。」

### 【箋注】

〔一〕此詞云「千里關山勞夢魂」，疑被放後作，蓋在紹聖間。

〔二〕魚鳥 猶魚雁，指書信。

〔三〕甫能 詩詞曲語辭匯釋卷二：「猶云方纔也。」辛棄疾杏花天詞：「甫能得見茶甌面，却早安排腸斷。」

〔四〕雨打句 劉方平春怨詩：「寂寞空庭春欲晚，梨花滿地不開門。」宋吳聿觀林詩話：「半山（王安石）酷愛唐樂府『雨打梨花深閉門』之句。」

### 【彙評】

弇州山人詞評：秦少游「安排腸斷到黃昏。甫能炙後（『得』之誤）燈兒了，雨打梨花深閉門」，則十二時無間矣。此非深於閨恨者不能也。（秦本詩餘略同）

草堂詩餘正集卷一：「安排腸斷」三句，十二時中無間矣，深於閨怨者！末用李詞（宋李重元憶王孫春景詞），占人愛句，不嫌相襲。

明張綏草堂詩餘別錄：後段三句似佳，結語尤曲折婉約有味。若嫌曲細，詞與詩體不同，正欲其精工。故謂秦淮海以詞爲詩，嘗有「簾幕千家錦繡垂」之句。

草堂詩餘傷卷一眉批：新痕間舊痕，一字一血！ 又：結兩句有言外無限深意。

詞的卷二：「梨花」句與憶王孫同，才如少游，豈亦自襲耶？抑愛而不覺其重耶？

論詞隨筆：詞雖濃麗而乏趣味者，以其但作情景兩分語，不知作景中有情，情中有景語耳。「雨打梨花深閉門」，「落紅萬點愁如海」，皆情景雙繪，故稱好句而趣味無窮。

蓼園詞選引古今詞話：此詞形容愁怨之意最工，如後疊「甫能炙得燈兒了，雨打梨花深閉門」，頗有言外之意。孤臣思婦，同難爲情。「雨打梨花」句，含蓄得妙，超詣也！

詞譜卷二眉批：錦心繡口，出語皆著！ 「安排」二字，楚絕！

## 醉鄉春〔二〕

喚起一聲人悄，衾冷夢寒窗曉。瘴雨過〔三〕，海棠開，春色又添多少。社鷁釀

成微笑〔三〕，半缺椰瓢共舀〔四〕。覺傾倒，急投牀，醉鄉廣大人間小〔五〕。

### 【校】

〔調〕錄自毛本，調名原缺，依粹編卷四補。毛本注云：「少游謫藤州（誤，說見後），一日醉臥野人家，作此詞。本集不載，見於地志。或不識旨字，妄改可笑。」亦見詩話總龜卷十五及苕溪漁隱叢話前集卷五十所

引冷齋夜話、詞林紀事卷六、詞律卷五、王本補遺、古今詞話詞辨、雨村詞話、全芳備祖海棠門調名「添春色」。

〔衾冷〕冷齋夜話及王本作「衾暖」，詩話總龜作「衾枕」。

〔海棠開〕冷齋夜話、詩話總龜作「海棠」。

棠暗，非。

〔半缺〕詩話總龜下衍「共」字，王本作「半破」。

〔柳飄〕冷齋夜話、粹編、王本補遺作

「瘦飄」。

〔傾倒〕冷齋夜話、詩話總龜、王本補遺作「健倒」，詞律作「顛倒」。

〔昏〕王本補遺案曰：

「地志作『酌』，出韻，誤」。

### 【箋注】

〔一〕苕溪漁隱叢話前集卷五十引冷齋夜話云：「少游在黃州，飲於海（棠）橋，橋南北多海棠。有老書生家於海棠叢間，少游醉宿於此，明日題其柱云（詞略）。東坡愛其句，恨不得其腔，當有知者。」案：黃州當爲橫州之誤。又王本補遺案曰：「國朝閔鉞，粵述海棠橋在橫州西，宋時建。故老傳曰：此橋南北，舊皆海棠；書生祝姓者家此。宋秦少游謫橫，嘗醉宿其家。明日題詞而去。」年譜：元符元年（一〇九八），「先生自郴州赴橫州。……既至橫州，荒落愈甚，寓浮槎館，居焉。城西有海棠橋……明日題其柱云……此詞刻於州志，海棠橋至今有遺迹云。」此說是。

〔二〕漳雨 舊時謂湖廣一帶山林間濕熱蒸鬱易使人發病的雨水。

〔三〕社甕 指社日所用的酒。甕，酒甕。梁宗懷荆楚歲時記：「社日，四鄰並結綜會社，牲醴，爲屋於樹下，先祭神，然後饗其胙。」杜甫遭田父泥飲美嚴中丞詩：「田翁逼社日，邀我嘗春酒。」

〔四〕昏 雨村詞話：「昏，音咬，以瓢取水也。……或不識『昏』字，妄改可笑。」詞林紀事卷六按：「換頭第

二句「昏」字，廣韻上聲三十「小」部有此字，以沼切，正與「悄」字押。」

〔五〕醉鄉 王績 醉鄉記：「醉之鄉去中國，不知其幾千里也。其土曠然無涯，無丘陵阪險；其氣和平一揆，無晦朔寒暑，其俗大同，無邑居聚落；其人甚清。」杜牧 華清宮三十韻詩：「乾坤入醉鄉。」

### 【彙評】

明 彭大翼 山堂肆考 官集卷二十七：海棠橋在南寧府橫州。橋南北皆植海棠，有書生祝姓者家此。宋 秦觀 醉宿其家，明日題一詞，云（詞略）。

詞品卷三：秦少游謫藤州，一日，醉臥野人家，有詞云……（略）。此詞本集不載，見於地志。而修一統志者，不識「昏」字，妄改可笑。聊著之。

古今詞統卷六：（結句）學得嗣宗雙白眼。

古今詞話詞品卷下：昏，音拘。秦觀「半缺柳瓢共昏」，元詞「輕執昏斷風」。

淮海先生年譜引王濟著日詢手鏡云：橫州海棠橋，長百餘尺，皆以鐵力爲材，宋時所建者。其地建亭，亦名海棠亭。數年前，建業黃琮守州，改爲淮海書院。余嘗至訪遺迹，有壞碑數通，漫滅不可讀；後一小碑，仆於地，拂拭觀之，乃刻晁無咎像也。云晁嘗不遠萬里來訪淮海，故存其刻云。



南歌子 贈東坡侍妾朝雲〔二〕

靄靄凝春態〔三〕，溶溶媚曉光〔三〕。何期容易下巫陽〔四〕，只恐使君前世是襄王〔五〕。暫爲清歌駐，還因暮雨忙。瞥然歸去斷人腸，空使蘭臺公子賦高唐〔六〕。

【校】

〔調〕此首錄自粹編卷五，調名「南柯子」，調下原注：「『靄靄』，詞話（宋楊傑古今詞話）作『洩洩』；『使君』，雌黃作『翰林』。」亦見詩話總龜卷三十五引藝苑雌黃、若溪漁隱叢話後集卷二十九引藝苑雌黃、武英殿聚珍版本宋袁文龜隱閒評卷五、王本補遺。題據雌黃補。〔凝春態〕藝苑雌黃、龜隱閒評、王本補遺作「迷春態」。〔何期〕藝苑雌黃、龜隱閒評、王本補遺作「不應」。〔使君〕藝苑雌黃、龜隱閒評、王本補遺作「翰林」。〔斷人腸〕若溪漁隱叢話引藝苑雌黃原疊一句，於律不合。〔歸去〕龜隱閒評、王本補遺作「飛去」。

【箋注】

〔一〕龜隱閒評卷五謂：「此秦少游爲朝雲作南歌子詞也。『玉骨那愁瘴霧……』，此蘇東坡爲朝雲作西江月詞也。余謂此二詞皆朝雲死後作，其間言語亦可見。而藝苑雌黃乃云：『南歌子詞者，東坡令朝雲就

少游公之；西江月者，東坡作之以贈焉。『恐非也。』宋張邦基特兒小名錄朝雲條：『東坡先生侍妾曰朝雲，字子霞，姓王氏，錢塘人。敏而好義，事先生二十有三年，忠敬如一。生子遯，未替而夭。』案冷齋夜話云：『東坡渡海，惟朝雲王氏隨行，日誦「枝上柳綿」二句，爲之流淚。』林下詞談復謂「朝雲不久抱疾而亡，子瞻終身不復聽此詞」。此指朝雲歌蝶戀花（花褪殘紅青杏小）之事。又清葉申薌本事詞卷上云：「朝雲，姓王氏，錢塘名妓也，子瞻守杭，納爲侍妾。朝雲敏而慧，初不識字，既事子瞻，遂學書，粗有楷法；又學佛，略通大義。子瞻南遷，家姬多散去，獨朝雲願侍行。子瞻愈憐之。未幾，病且死，誦金剛經四句偈而絕，葬惠州棲禪寺松下。」可知朝雲隨東坡南遷，歿於惠州。東坡元祐間有南歌子（雲鬢裁新綠）詞，內容與本篇相近，似爲贈答之作。據施宿東坡先生年譜，東坡元祐六年閏八月出知潁州；而少游是時供職秘書省。故本篇以「使君」稱東坡，以「蘭臺公子」自喻，詞蓋作於是時。麴淵之說不確。

〔二〕靄靄 雲氣濃密貌。陶潛停雲詩：「靄靄停雲，蒙蒙時雨。」

〔三〕溶溶 水流動貌，亦用以形容月光蕩漾。許渾冬日宣城開元寺贈元孚上人詩：「林疏霜撼撼，波靜月溶溶。」此處形容陽光。

〔四〕何期句 容易，輕易。巫陽，巫山之陽。參見五六頁鵲橋仙詞注〔六〕。

〔五〕只恐句 襄王，君溪漁隱叢話前集卷五十：「漫叟詩話云：『高唐事乃楚懷王，非襄王也。若古人云：「莫道無心便無事，也應愁殺楚襄王。」秦少游詞云：「不應容易下巫陽，只恐翰林前世是襄王。」皆誤用

也。濠州西有高唐館，俗以爲楚之高唐也。御史閻欽愛題詩云：「借問襄王安在哉？山川此地勝陽臺。」有李和風者，亦題詩云：「若向此中求薦枕，參差笑殺楚襄王。」前人既誤指其人，後人又誤指其地，可笑。『苕溪漁隱曰：』文選高唐賦云：「昔者，楚襄王與宋玉游雲夢之臺，望高唐之觀，其上獨有雲氣。王問玉曰：此何氣也？玉對曰：所謂朝雲者也。昔者，先王嘗游高唐，怠而晝寢，夢見一婦人曰：妾巫山之女也。」李善注云：「楚懷王游於高唐，夢與神遇。」則漫叟詩話之言是也。然神女賦復云：「楚襄王與宋玉游於雲夢之浦，使玉賦高唐之事。其後王寢，夢與神女遇，其狀甚麗。」以此考之，則楚襄王亦夢與神女遇。但楚懷王是游高唐，楚襄王是游雲夢，以此不可雷同用事耳。』

〔六〕容使句 蘭臺公子，文選宋玉風賦序：「楚襄王游於蘭臺之宮，宋玉、景差侍。」後遂以蘭臺公子稱宋玉。蘭臺，本爲漢宮藏書之處，班固曾任蘭臺令史。唐人亦稱祕書省爲蘭臺。少游時爲祕書省正字，因以自況。高唐，文選高唐賦，李善注引漢書注曰：「雲夢中高唐之臺，此賦蓋假設其事，風諫嬖惑也。」

【彙評】

『苕溪漁隱叢話後集卷二十九：『藝苑雌黃云：「朝雲者，東坡侍妾也，嘗令就秦少游乞詞，少游作南歌子贈之云（詞略）。何其婉媚也！復齋漫錄云：『洛陽伽藍記言：河間王有婢名曰朝雲，善吹簫。諸羌叛，王令朝雲假爲老嫗吹簫，羌人無不流涕，後降。語曰：快馬健兒，不如老嫗吹簫。』然則名婢曰朝雲，不始於東坡也。』

其 一 (一)

夕露落芳草，斜陽帶遠村。幾聲殘角起譙門 (三)，撩亂栖鴉飛舞弄黃昏。天共  
高城遠，香餘繡被溫。客程常是可銷魂，怎向心頭橫著箇人人 (三)。

【校】

〔其二〕此首及下一首俱錄自碎編卷五。亦見清丁紹儀聽秋聲館詞話卷九，作無名氏詞。〔帶遠村〕

丁紹儀本作「對遠村」，非。

〔譙門〕原誤作「譙音」，據丁紹儀本改。

〔弄黃昏〕丁紹儀本作「鬧黃

昏」。

〔怎向〕丁紹儀本注云：「『怎向』下多一『人』字。」是，據刪。

【箋注】

〔一〕此詞語言、意境，頗類滿庭芳（山抹微雲），似爲同時之作。

〔二〕譙門 見五頁望海潮四首其二注〔六〕。

〔三〕怎向句 怎向，怎奈。人人，詩詞曲語辭匯釋卷六：「人人，對於所嚮者之稱，多指彼美而言。」歐

陽修蝶戀花詞：「翠被雙盤金縷鳳。憶得前春，有箇人人共。」

其三

樓迴迷雲日，谿深漲曉沙。年來憔悴費鉛華<sup>〔二〕</sup>，樓上一天春思浩無涯。

羅帶

寬腰素<sup>〔三〕</sup>，眞珠溜臉霞。海棠開盡柳飛花，薄倖只知游蕩不思家。

【校】

〔其三〕此首亦見歷代詩餘卷二十四、王本補遺。全宋詞謂「無名氏詞，見樂府雅詞拾遺卷下」，然檢叢書集成本初編樂府雅詞拾遺卷下，題秦觀作。王本補遺亦注云：見「宋曾慥樂府雅詞」。當以秦觀作爲是。

【箋注】

〔二〕鉛華 文選曹植洛神賦：「芳澤無加，鉛華不御。」李善注：「鉛華，粉也。」

〔三〕寬腰素 謂腰肢瘦損。腰素，古代女子束腰的白色生絹。

失調名四則

天若有情，天也爲人煩惱。

【校】

此二句錄自寶曆閒評卷五，疑爲卷上水龍吟「天還知道，和天也瘦」之訛。

【彙評】

寶曆閒評卷五：程伊川一日見秦少游，問：「天若有情，天也爲人煩惱」，是公之詞云？少游意伊川稱賞之，拱手遜謝。伊川云：「上穹尊嚴，安得易而侮之！」少游慚而退。

又

我曾從事風流府〔一〕。

【校】

此句錄自侯鯖錄卷一。

【箋注】

〔一〕風流府 指冶遊之地。開元天寶遺事：「長安有平康坊，妓女所居之地，京都俠少，萃集於此，兼每年新進士以紅箋名紙遊謁其中，時人謂此坊爲風流叢澤。」

又 端午詞〔二〕

棕團桃柳，盈門共壘，把菖蒲、旋刻箇人人〔三〕。

【校】

錄自陳元靚歲時廣記卷二十一。

【箋注】

〔一〕端午詞 歲時廣記卷二十一：「皇朝歲時雜記：學士院端午前一月，撰皇帝、皇后、夫人閣門帖子，送後苑作院，用羅帛製造，及期進入。」此詞蓋元祐間供職祕書省時所作之端午帖子詞。端午，夏曆五月初五。

〔二〕粽團四句 東京夢華錄卷八：「自五月一日及端午前一日，賣桃、柳、葵花、蒲葉、佛道艾，次日家家鋪陳於門首，與粽子、五色水團、茶酒供養，又釘艾人於門上，土庶遞相宴賞。」歲時廣記卷二十一：「端午刻蒲爲小人子或葫蘆形，帶之辟邪。」王沂公端午帖子云：「明朝知是天中節，旋刻菖蒲要辟邪。」

又

神仙須是閑人做。

【校】

此句錄自古今詞話詞品卷下，原謂：「做，秦少游『神仙須是閑人做』，劉青田『添黃入柳，點紅歸杏，都是京風做。』」

曲游春 逸句

臉薄難藏淚。

哭得渾無氣力。

但掩面、滿袖啼紅。

【校】

錄自吹劍三錄，原謂：「作文亦如此。又少游曲游春云：『臉薄難藏淚。』又云：『哭得渾無氣力。』又云：『但掩面、滿袖啼紅。』一詞乃至三言哭泣。」





## 淮海居士長短句存疑

### 蝶戀花

鐘送黃昏雞報曉。昏曉相催，世事何時了？萬苦千愁人自老，春來依舊生芳草。  
忙處人多閒處少。閒處光陰，幾箇人知道？獨上小樓雲杳杳，天涯一點青山小。

錄自粹編卷七，題作感舊。亦見王本補遺、類編草堂詩餘卷二、草堂詩餘後集卷下，俱題秦觀作。然花菴卷三以爲王晉卿（洗）作，「萬苦」作「萬恨」，「小樓」作「高樓」。詞苑粹編卷十二紀事三引西清詩話謂：「王晉卿得罪外謫，後房善歌者名鸞春鶯，爲密縣馬氏所得，晉卿還朝……凄然賦蝶戀花詞云：鐘送黃昏雞報曉……」

### 柳梢青

岸草平沙，吳王故苑，柳裊烟斜。雨後寒輕，風前香軟，春在梨花。  
行人一棹

天涯，酒醒處，殘陽亂鴉。門外鞦韆，牆頭紅粉，深院誰家？

錄自草堂詩餘正集卷一，題作「春景」。段本附錄，歷代詩餘卷二十，詞律卷五，王本補遺，秦本詩餘，夢園詞選以及弇州山人詞評，皺水軒詞筌均以為秦觀作。花菴卷九，詞品以為僧仲殊作。詞品卷二云：「草堂詞柳梢青『岸草平沙』一首，僧仲殊作也。今刻本往往失其名，故特著之。」宋人小詞，僧徒惟二人最佳，覺範之作類山谷，仲殊之作似花間；祖可，如晦俱不及也。」

### 憶王孫

萋萋芳草憶王孫，柳外樓高空斷魂。杜宇聲聲不忍聞。欲黃昏，雨打梨花深閉門。

錄自類編草堂詩餘卷一。亦見楊慎批草堂卷一、粹編卷一、王本補遺、秦本詩餘。然花菴卷七、草堂詩餘卷一、夢園詞選均以為李重元作。王本補遺案曰：「四庫全書草堂詩餘考證云李重元作。」查花菴卷七，同調列有春、夏、秋、冬四首，此為第一首，題作「春詞」，風格一致，似應為李作。

### 生查子

遠山眉黛長，細柳腰肢嫋。粧罷立春風，一笑千金少。  
歸去鳳城時，說與青樓道。偏看潁川花，不似師師好。

詞苑叢談卷七紀事二引詞品拾遺謂此詞係秦少游贈汴城李師師。蓮子居詞話卷二亦有「考少游詞」看偏額川花，不似師師好」之語，聽秋聲館詞話卷十七亦以爲秦少游作，均誤。此乃晏幾道詞，見汲古閣宋六十名家詞本小山詞，又見彊村叢書本小山詞。

## 如夢令

傳與東坡尊舅，欲作欄干護佑。心性慢些兒，先著他人機構。虛謬，虛謬，這段姻緣生受。

錄自蘇長公章臺柳傳。恐係小說假託。

## 玉樓春

參差簾影晨光動，露桃雨柳矜新寵。閒愁多仗酒驅除，春思不禁花從史。倚樓聽徹單于弄，却憶舊歡空有夢。當時誤入飲牛津，何處重尋聞犬洞？

錄自汲古閣本乾隆重印少游詩餘。案此書總稱秦張兩先生詩餘合璧，內分少游詩餘與南湖詩餘；南湖，即張綆，字世文，明嘉靖時高郵人，曾於鄂州任所刻淮海集，所作多效少游風格，間有混入少游詩餘者。此首爲張綆詞，見草堂詩餘新集卷二。

又

午窗睡起香銷鴨，斜倚粧臺開鏡匣。雲鬢整罷却回頭，屏上依稀描楚峽。  
頤癡想眉愁壓，咬損纖纖銀指甲。柔腸斷盡少人知，閒看花簾雙蝶狎。

支

錄自少游詩餘，疑亦張綖詞。以下四十九首（至蘭陵王止）同。

又 集句

狂風落盡深紅色，春色惱人眠不得。淚沿紅粉溼羅巾，怨入青塵愁錦瑟。  
知一夕秦樓客，烟樹重重芳信隔。倚樓無語欲銷魂，柳外飛來雙羽玉。

豈

南鄉子

月色滿湖村，楓葉蘆花共斷魂。好箇霜天堪把盞，芳樽，一榻凝塵空掩門。  
此意與誰論？獨倚闌干看雁羣。籬下黃花開遍了，東君，一向天涯信不聞。

## 虞美人

陌頭柳色春將半，枝上鶯聲喚。客遊曉日綺羅稠，紫陌東風絃管咽朱樓。  
撫景漸虛過，終日看花坐。獨愁不見玉人留，洞府空教燕子占風流。  
少年

## 踏莎行

冰解芳塘，雪消遙嶂，東風水墨生綃障。燒痕一夜遍天涯，多情莫向高城望。  
淡柳橋邊，疏梅溪上，無人會得春來況。風光輸與兩鴛鴦，暖灘晴日眠相向。

## 又 上巳日過華嚴寺

昨日清明，今朝上巳，鶯花著意催春事。東風不管倦遊人，一齊吹過城南寺。  
沂水行歌，蘭亭修禊，韶光曾見風流士。而今臨水漫含情，暮雲目斷空迢遞。

又

曉樹啼鶯，晴洲落雁，酒旗風颭村烟淡。山田過雨正宜耕，畦塍處處春泉漫。  
踏翠郊原，尋芳野澗，風流舊事嗟雲散。楚山誰遣送愁來？夕陽回首青無限。

臨江仙

看花

爲愛西莊花滿樹，朝朝來扣柴門。牆頭遙見簇紅雲。恍然迷處所，疑入武陵源。  
花外飛來寒食雨，一時留住遊人。村醪隨意兩三巡。折花頭上戴，記取一年春。

又

十里紅樓依綠水，當年多少風流。高樓重上使人愁。遠山將落日，依舊上簾鉤。  
一曲琵琶思往事，青衫淚滿江州。訪鄰休問杜家秋。寒烟沙外鳥，殘雪渡傍舟。

此首又見草堂詩餘新集卷三，題張世文作。

又

客路光陰渾草草，等閒過了元宵。村雞啼月下林梢。鸞聲驚宿鳥，霜氣入重貂。漠漠風沙千里暗，舉頭一望魂消。問君何事不辭勞？平生經世意，只恐負清朝。

此首又見草堂詩餘新集卷三，題張世文作。

### 釵頭鳳

別武昌

臨丹壑，憑高閣，閒吹玉笛招黃鶴。空江暮，重回顧。一洲烟草，滿川雲樹。住，住，住。  
江風作，波濤惡，汀蘭寂寞巖花落。長亭路，塵如霧。青山雖好，朱顏難駐。去，去，去。

此首又見草堂詩餘新集卷三，題張世文作。

### 蝶戀花

紫燕雙飛深院靜，簾枕紗廚，睡起嬌如病。一線碧烟縈藻井，小鬟茶進龍香餅。



拂拭菱花看寶鏡，玉指纖纖，撚睡掠雲鬢。閒折海榴過翠徑，雪貓戲撲風花影。

此首又見草堂詩餘新集卷三，題張世文作。清沈謙填詞雜說：「張世文『新草池塘』、『紫燕雙飛』二首，風流蘊藉，不減周秦。『雪貓戲撲風光（花之誤）影』，尤稱警策。」

又 題二番觀書圖

并倚香肩顏鬪玉，鬢角參差，分映芭蕉綠。厭見兵戈爭鼎足，尋芳共把遺編讀。  
闌閣風流誰可續？沈想清標，合貯黃金屋。江左百年傳舊俗，後宮只解呈新曲。

又

新草池塘煙漠漠，一夜輕雷，拆破天桃萼。驟雨隔簾時一作，餘寒猶泥羅衫薄。  
斜日高樓明錦幕，樓上佳人，癡倚闌干角。心事不知緣底惡，對花珠淚雙雙落。

此首又見草堂詩餘新集卷三，題張世文作。

又

金鳳花開紅滿砌，簾捲斜陽，雨後涼風細。最是人間佳景致，小樓可惜人孤倚。蛺蝶飛來花上戲，對對飛來，對對還飛去。到眼物情都觸意，如何制得相思淚？

又

語燕飛來驚晝睡，起步花闌，更覺無情緒。綠草離離蝴蝶戲。南園正是相思地。池上晚來微雨霽，楊柳芙蓉，已作新涼味。目斷雲山君不至。香醪著意催人醉。

又

今歲元宵明月好，想見家山，車馬應填道。路遠夢魂飛不到，清光千里空相照。花滿紅樓珠箔遶，當日風流，更許誰同調？何事霜華催鬢老，把杯獨對嫦娥笑。

又

舟泊潯陽城下住，杳藹昏鴉，點點雲邊樹。九派江分從此去，烟波一望空無際。今夜月明風細細，楓葉蘆花，的是淒涼地。不必琵琶能觸意，一樽自溼青衫淚。

此首又見草堂詩餘新集卷三，題張世文作。

漁家傲

門外平湖新雨過，碧烟一抹鷗飛破。水木細將秋色做。雲影墮，滿溪蘆荻西風大。沙觜漁舟來箇箇，霜鱗入膾炊香糯。歌罷滄浪誰與和？閒不那，茅簷獨對青山坐。

此首又見明崇禎刻陸雲龍輯詞譜卷二，調下題作村居，張世文作。沈際飛評曰：「以俚韻收村景，『碧烟』、『水木』句，陰鏗肺腸。」

又 七夕立秋

七夕湖頭閒眺望，風烟做出秋模樣。不見雲屏月帳案：「雲屏」下脫一字。天淩漾，龍輶暗

渡銀河浪。

原注：是日風霾。

二十年前今日況，玄蟾烏鵲高樓上。回首西風猶未忘，追得喪，人間萬事成惆悵。

案：全宋詞謂「張綆詞，見草堂詩餘新集卷三」，細檢此書，並無此首。

又

遙憶故園春到了，朝來枝上聞啼鳥。春到故園人未到。空吒噪，年年落得梅花笑。且對芳樽舒一嘯，不須更鼓高山調。看鏡依樓樓，全宋詞作「劉」，誤。俱草草。眞潦倒。醉來唱箇漁家傲。

又

江上涼颼情緒煥，片雲消盡明團玉。水色山光相與綠。烟樹簇，移舟旋傍漁燈宿。風外何人吹紫竹？夢中聽是飛鸞曲。葉落楓林聲簌簌。幽興觸，明朝相約騎黃鵠。

此首又見歷代詩餘卷四十二，題張綆作；草堂詩餘新集卷三調下注曰：「夜泊漢口，七月十五。」下題張世文作。沈際飛評曰：「『相與綠』，得和合山水道理。」

存疑 漁家傲

又

剛過淮流風景變，飛沙四面連天捲。霜拆凍髭如利剪。情莫遣，素衣一任縑塵染。  
回首家山雲漸遠，離腸暗逐車輪轉。古木荒烟鴉點點。人不見，平原落日吟羌管。

江城子

清明天氣醉遊郎，鶯兒狂，燕兒狂。翠蓋紅纓，道上往來忙。記得相逢垂柳下，雕玉  
珮，縷金裳。  
春光還是舊春光，桃花香，李花香。淺白深紅，一一鬪新粧。惆悵  
惜花人不見，歌一闋，淚千行。

此首草堂詩餘新集卷三作「江神子」，調下題爲「感舊」，張世文作。沈際飛評「翠蓋」二句曰：「不費力。」

何滿子

天際江流東注，雲中塞雁南翔。衰草寒烟無意思，向人只會淒涼。吟斷鑪香裊裊，  
望窮海月茫茫。  
鶯夢春風錦幄，蛩聲夜雨蓬窗。語盡悲歡多少味，酒杯付與

疏狂。無奈供愁秋色，時時遞入柔陽。

### 風入松

西山

崇巒雨過碧瑤光，花木遞幽香。青冥杳靄無塵到，比龍宮、分外清涼。霽景一樓蒼翠，薰風滿壑笙簧。不妨終日此徜徉，宇宙總俳場。石邊試劍人何在？但荒烟、蔓草迷茫。好酌杯中芳酒，少留樹杪斜陽。

### 滿江紅

詠砧聲

一派秋聲，年年向、初寒時節。早又是、半天驚籟，滿庭鳴葉。幾處搗殘深院日，誰家敲落高樓月？道聲聲、總是玉關情，情何切！  
鬪雲起，偏激烈。隨風去，還幽咽。正歸鴻簾幕，棲鴉城闕。閨閣幽人千里思，江湖旅客經年別。當此時、寂寞倚闌干，成愁結。

又

風雨蕭蕭，長塗上、春泥沒足。謾回首、青山無數，笑人勞碌。山下紛紛梅落粉，渡頭淼淼波搖綠。想小園、寂寞鎖柴扉，繁花竹。  
曳文履，鏘鳴玉。綺樓疊，雕闌曲。又何如湖上，芒鞋草屋。萬頃水雲翻白鳥，一簑烟雨耕黃犢。悵東風、相望渺天涯，空凝目。

碧芙蓉

九日

客裏遇重陽，孤館一杯，聊賞佳節。日暖天晴，喜秋光清絕。霜乍降、寒山凝紫，霧初消、澄潭皎潔。闌干閒倚，庭院無人，顛倒飄黃葉。  
故園當此際，遙想弟兄羅列。攜酒登高，把茱萸簪徹。歎籠鳥、羈蹤難去，望征鴻、歸心謾切。長吟抱膝，就中深意憑誰說！

此首亦見歷代詩餘卷七十五。「澄潭」，全宋詞作「激潭」；「謾切」，全宋詞作「漫切」。

滿庭芳 賞梅

庭院餘寒，簾櫳清曉，東風初破丹苞。相逢未識，錯認是天桃。休道寒香較晚，芳叢裏、便覺孤高。憑闌久，巡簷索笑，冷蕊向青袍。

揚州，春興動，主人情重，招集吟豪。信冰姿瀟灑，趣在風騷。脈脈此情誰會？和羹事、且付香醪。歸來後，湖頭月淡，佇立看烟濤。

念奴嬌

千門明月，天如水，正是人間佳節。開盡小梅春氣透，花燭家家羅列。來往綺羅，喧闐簫鼓，達旦何曾歇。少年當此，風光真是殊絕！

遙想二十年前，此時此夜，共綰同心結。窗外冰輪依舊在，玉貌已成長別。舊著羅衣，不堪觸目，灑淚都成血。細思往事，只添鏡裏華髮。



又 赤壁舟中詠雪

中流鼓楫，浪花舞，正見江天飛雪。遠水長空連一色，使我吟懷逸發。寒峭千峯，光搖萬象，四野人蹤滅。孤舟垂釣，漁蓑真箇清絕！  
遙想溪上風流，悠然乘興，獨棹山陰月。爭似楚江帆影淨，一曲浩歌空闊。禁體詞成，過眉酒熱，把唾壺敲缺。馮夷驚道：坡翁無此赤壁！

又

畫橋東過，朱門下，一水閒繁花草。獨駕一舟千里去，心與長天共渺。乍暖扶春，輕寒弄曉，是處人蹤少。黯然望極，酒旗茅屋斜曩。  
少年無限風流，有誰念我，此際情難表。遙想藍橋何日到，暗把心期自禱。柳陌輕颺，沙汀殘雪，一路風烟好。攜壺自飲，閒聽山畔啼鳥。

又

朝來佳氣，鬱葱葱、報道懸弧良節。綠水朱華秋色嫩，景比蓬萊更別。萬縷銀鬚，一枝鐵杖，信是人中傑。此翁八十，怪來精彩殊絕。聞道久種陰功，杏林橘井，此輩都休說。一點心通南極老，錫與長生仙牒。亂舞斑衣，齊傾壽酒，滿座笙歌咽。年年今日，華堂醉倒明月。

又

詠柳

纖腰嫋嫋，東風裏、逞盡娉婷態度。應是青皇偏著意，儘把韶華付與。月榭花臺，珠簾畫檻，幾處堆金縷。不勝風韻，陌頭又過朝雨。聞說灞水橋邊，年年春暮，滿地飄香絮。掩映夕陽千萬樹，不道離情正苦。上苑風和，瑣窗晝靜，調弄嬌鶯語。傷春人瘦，倚闌半餉延佇。

又

滿天風雪，向行人、做出征途模樣。回首家山纔咫尺，便有許多離況。少歲交遊，當

時風景，喜得重相傍。一樽談舊，驪駒門外休唱。自笑二十年來，扁舟來往，慚愧湖頭浪。獻策彤庭身漸老，惟有丹心增壯。玉洞花光，金城柳眼，何用生淒愴？爲君起舞，驚看豪氣千丈。

又

夜涼湖上，酌芳尊、對此一輪皓月。歲月忽忽人老大，又近中秋時節。夜氣沈寥，湖光曠逸，風舞蕭蕭葉。水天一色，坐來肌骨清徹。自念塵滿征衫，無人爲浣，灑淚今成血。玉兔銀蟾休道遠，不識愁人情切。繡帳香銷，畫屏燭冷，此意憑誰說？天青海碧，枉教望斷瑤闕。

解語花

窗涵月影，瓦冷霜華，深院重門悄。畫樓雪杪，誰家笛、弄徹梅花新調。寒燈凝照，見錦帳、雙鸞翔繞。當此時、倚几沈吟，好景都成惱。曾過雲山烟島。對繡襦甲帳，親逢一笑。人間年少，多情子、惟恨相逢不早。如今見了，却又惹、許多愁抱。

算此情、除是青禽，爲我殷勤報。

此首亦見詞譜卷二十八，題秦觀作。草堂詩餘新集卷五調下題作「風情」，張世文作，沈際飛評曰：「園輔圓隱，美口善言。」情託於辭而不受辭沒。」

### 玉燭新

泰階開景運。見金鎖綠沈，轅門春靜。幾年淮海，烟波境、貯此風流標韻。連天笳鼓，又催把、經綸管領。文武事、細柳長楊，從頭屬齊整。早聞橫槩燕然，畫圖裏爭傳，麒麟舊影。臨歧笑問，誰得似、占了山林鐘鼎？古來難並。纔信是、人間英俊。試看取、紫綬金章，朱顏綠鬢。

### 水龍吟

禁烟時候風和，越羅初試春衫薄。晝長深院，夢回孤枕，風吹鈴索。綺陌花香，芳郊塵軟，正堪遊樂。倚闌干、瘦損無人問，重重綠樹圍朱閣。對鏡時時淚落，總無心、淡粧濃抹。晨窗夜帳，幾番誤喜，燈花簫鵲。月下瓊卮，花前金盞，與誰斟酌？

望王孫、甚日歸來，除是車輪生角。

此首又見草堂詩餘新集卷五，調下題作春閨，注曰：「二調句讀參差不同。」作者張世文，下一首同。沈際飛評曰：「甚日歸來，車輪生角」，不辭語，不好心，老大深情在此。」沈雄詞辨：「未爲知調者。」

又

瑣窗睡起門重閉，無奈楊花輕薄。水沈烟冷，琵琶塵掩，懶親絃索。檀板歌鶯，霓裳舞燕，當年娛樂。望天涯、萬疊關山，烟草連天，遠憑高閣。閒把菱花自照，笑春山、爲誰塗抹。幾時待得，信傳青鳥，橋通烏鵲。夢後餘情，愁邊剩思，引杯孤酌。正黯然、對景銷魂，牆外一聲譙角。

石州慢 九日

深院蕭條，滿地蒼苔，一叢荒菊。含霜冷蕊，全無佳思，向人搖綠。客邊節序，草草付與清觴，孤吟只把羈懷觸。便擊碎歌壺，有誰知中曲？凝目，鄉關何處，華髮緇塵，年來勞碌。契闊山中松徑，湖邊茅屋。沈思此景，幾度夢裏追尋，青楓路遠。

迷烟竹。待倩問麻姑，借秋風黃鶴。

### 喜遷鶯

西風落葉。正祖席將收，離歌三疊。鶴喜仙還，珠愁主去，立馬城頭難別。三十六湖春水，二十四橋秋月。爭羨道，這水如膏澤，月同瑩潔。  
殊絕，郊陌上，桑柘陰陰，聽得行人說。三木論囚，五花判事，箇箇待公方決。鸞鳳清標重覩，駟馬高門須設。揮袂處，望甘棠召伯，教人淒咽。

### 又

梅花春動。見佳氣充庭，祥烟縈棟。華髮方歡，斑衣正舞，飛下九霄丹鳳。溫詔輝煌寵渥，御墨淋漓恩重。平世里，把榮華占斷，誰人堪共？  
聽頌，天付與，五福隨身，總是陰功種。簾幕籠雲，樓臺麗日，不數蓬萊仙洞。白雪歌翻瑤瑟，玄露酒傾銀甕。更願取，早起來廊廟，爲蒼生用。

又

花香馥郁。正春色平中，海籌添屋。金馬清才，玉麟舊守，帝遣暫臨江國。冠蓋光生南楚，川嶽靈鍾西蜀。堪羨是，有汪洋萬頃，珠璣千斛。聽祝，願多壽，多福多男，溥作蒼生福。碧柳緋桃，錦袍烏帽，輝映顏朱鬢綠。早見鶴樓風采，歸掌鸞坡機軸。百歲裏，慶團圓長似，冰輪滿足。

風流子

新陽上簾幌，東風轉、又是一年華。正駝褐寒侵，燕釵春裊；句翻詞客，簪鬪宮娃。堪娛處，林鶯啼暖樹，渚鴨睡晴沙。繡閣輕煙，剪燈時候；青旗殘雪，賣酒人家。此時因重省，瑤臺畔曾過，翠蓋香車。惆悵塵緣猶在，密約還賒。念鱗鴻不見，誰傳芳信？瀟湘人遠，空採蘋花。無奈疏梅風景，淡草天涯。

此首又見草堂詩餘新集卷五，調下題作「初春」，張世文作。沈際飛評曰：「富於材，熟於腕，到處合拍，曲中之梁伯龍。」『林鶯』二句，伯龍遜之。」

## 沁園春

錦里繁華，峨眉佳麗，遠客初來。憶那處園林，舊家桃李；知他別後，幾度花開？月下金疊，花間玉珮，都化相思一寸灰。愁絕處，又香銷寶鴨，燈暈蘭煤。東風杜宇聲哀，歎萬里何由便得回？但日日登高，眼穿劍閣；時時懷古，淚灑琴臺。尺素書沈，偷香人遠，驛使何時爲寄梅？對落日，因凝思此意，立遍蒼苔。

又

暖日高城，東風舊侶，共約尋芳。正南浦春回，東岡寒退，粼粼鴨綠，裊裊鵝黃。柳下觀魚，沙頭聽鳥，坐久時生杜若香。綺陌上，見踏青挑菜，遊女成行。人間今古堪傷，春草春花夢幾場。憶淮海當年，英豪滿座；詞翻鮑謝，字壓鍾王。今日重來，昔人何在？把筆蘭皋思欲狂。對麗景，且莫思往事，一醉斜陽。

案：沙頭，全宋詞作「沙邊」。



摸魚兒 重九

傍湖濱、幾椽茅屋，依然又過重九。烟波望斷無人見，惟有風吹疏柳。凝思久，向此際、寒雲滿目空搔首。何人送酒？但一曲溪流，數枝野菊，自把唾壺叩。  
休株守，塵世難逢笑口。青春過了難又。一年好景真須記，橘綠橙黃時候。君念否？最可惜、霜天閒却傳杯手。鷗朋鷺友。聊摘取茱萸，殷勤插鬢，香霧滿衫袖。

蘭陵王

雨初歇，簾捲一鉤淡月。望河漢，幾點疏星，冉冉纖雲度林樾。此景清更絕。誰念柔情蘊結？孤燈暗，獨步華堂，蟋蟀蛩螳弄時節。沈思恨難說。憶花底相逢，親贈羅纈。春鴻秋雁輕離別。擬尋箇錦鯉，寄將尺素，又恐烟波路隔越。歌殘唾壺缺。淒咽，意空切。但醉損瓊卮，望斷瑤闕。御溝曾解流紅葉。待何日重見，霓裳聽徹。綵樓天遠，夜夜襟袖染啼血。

案：詞譜卷三十七收此詞，以爲秦觀作，並注云：「此調始於此詞，應以此詞爲定格，但後段結句作七字

句，宋人無如此填者，故以周詞作譜，仍采此詞以溯其源。「又恐」，詞譜作「又悲」。「會解」，詞譜作「會記」。「蜨蛸」，詞譜、全宋詞作「莎階」。「錦鯉」，詞譜、全宋詞作「錦鱗」。

## 滿江紅 姝麗

越豔風流，占天上、人間第一。須信道，絕塵標致，傾城華髮。弱水蓬萊三萬里，原注：蓬萊山在海中，有弱水繞之，弱不容針。夢魂不到金銀闕。原注：蓬萊有金銀宮闕。更幾人、能有謝家山，原注：南山也。飛仙骨？  
山鳥弄，林花發；玉盃冷，秋雲滑。彭殤共一醉，不爭毫末。鞭石何年滄海過？原注：唐詩：「鞭石何年到海東？」三山原注：蓬萊、方丈、方壺，海中三山也。只是尊中物。暫放教、老子原注：庾亮自稱「老子於此，興復不淺」。據胡牀，邀明月。

錄自類編箋釋續選草堂詩餘卷下。案「傾城」以上與補遺之滿江紅同，疑爲倣作。

## 南鄉子 夜景

萬籟寂無聲，衾鐵稜稜近五更。原注：魏鶴山詩：「衾鐵稜稜夢不成。」香斷燈昏吟未穩。淒清，

只有霜華畔案：當爲「伴」。月明。

應是夜寒凝，惱得梅花睡不成。我念梅花花念

我。關情，起看清冰滿玉餅。

錄自草堂詩餘卷二。原書題解：「上寫素月深夜高懸之景，下託寒宮孤梅爲友之懷。」眉批：「霜華伴月，自是夜靜寂。託梅寫出相思處，念茲在茲。」評：「敝冬夜之景，在胸中流出。以梅花爲故人，便見不孤。」  
全宋詞作黃昇詞，題作「冬夜」，案云：「草堂詩餘卷二誤作秦觀詞。」

### 失調名一則

缺月向人舒窈窕，三星當戶照綢繆。

錄自泊宅編卷上。又見東坡樂府卷下浣溪沙（風捲珠簾自上鉤）詞。

## 【附錄一】

### 淮海詞版本考

淮海詞自問世以來，雖曾流播青帘紅袖之間，亦自蜚聲詞壇書市，由宋及今，傳寫剽竊，非止一種；著錄考訂，不乏名家。然因時代變遷，版本常有殘損、散佚，故其源流，迄未探明。因而對其作品真僞、字句異同，往往難以判定。爲使研究工作獲一較扎實之基礎，本文擬就淮海詞（兼及淮海集）版本，作一探索。

#### 一

先說宋本。宋刻淮海居士長短句，有單行本及全集本兩種。單行本可知者有二：

〔一〕南宋開禧間長沙坊刻百家詞中之淮海詞。據宋陳振孫直齋書錄解題卷二十一云：「淮海詞一卷，秦觀撰。」案直齋此卷爲歌詞類，全錄百家詞之目，云「皆長沙書坊所刻」。自南宋二主起，至南宋郭應祥笑笑詞止，凡九十一家，淮海詞列爲第十，序次較前。查彊村叢書笑笑

詞，有滕仲因嘉定元年（一二〇八）立春日所書之跋，亦謂刻印者爲「長沙劉氏書坊」。由此可知全部百家詞殺青於嘉定元年歲首，而淮海詞則應刻於其前，當在開禧年間（一二〇五——一二〇七）。此書版本不善，據直齋云：「市人射利，欲富其部帙，不暇擇也。」然亦不傳。

（二）南宋閩中所刊琴趣外編中之淮海琴趣。據清嘉慶季滄葦書目云：「歐文忠秦淮海真西山琴趣四本宋刻。」（歐）下原脫「陽」字。筆者）吳禮部詩話謂有「醉翁琴趣外編凡六卷二百餘首」。清初毛扆校本淮海詞、黃儀校本淮海居士長短句，均曾引用淮海琴趣。近人張元濟亦云其先代「曾藏有宋刻淮海琴趣，見於錢警石曝書雜記中，爲涉園藏書之一，惜已佚去」。（引自葉恭綽淮海詞系統表附記）近人陶湘景宋金元明本四十種收有宋刻山谷琴趣外編三卷，其敍錄云：「四庫提要稱琴趣外編，宋人中如歐陽修、黃庭堅、晁端禮、葉夢得四家詞皆有此名，併晁補之而五。」又云山谷琴趣外編，「原本半頁十行，行十八字，寫刻精整，蓋出南宋中葉」。筆者曾目驗此書景宋本，確如所述。淮海琴趣若刻於同時，行款應相似。再以真西山考之，則所云刻時爲南宋中葉，亦屬可信。真西山，名德秀，生於孝宗淳熙五年（一一七八），卒於理宗端平二年（一二三三）。淮海琴趣與西山琴趣并列，想必同刻於理宗朝，此即南宋中葉也。當時閩刻以建陽所屬麻沙、崇化兩鎮爲最，凡書之爲讀者所需而有利可圖者，坊賈輒廣爲搜訪雕印。葉恭綽「頗疑琴趣乃一種詞之彙集，中分若干家」（引同上），若今之叢書然。設此「彙集」爲麻沙或崇化

所刻，則在宋時早已享有崇高聲譽之淮海詞，宜乎被列入也。惜此本散佚，今已不可得見。

宋刻淮海全集大略有三，其中或收長短句，或不收，爲系統起見，縷述如下：

(一) 淮海閒居集。據少游自序，此乃作者自編，成書於元豐七年甲子（一〇八四），收古律體詩一百二十篇，雜文四十九篇，從游之詩附見者五十六篇，總二百一十七篇。其中似無長短句。

(二) 蜀刻淮海先生文集。清光緒刊鐵琴銅劍樓藏書目錄卷二十：「淮海先生文集二十六卷，宋刊殘本，題秦觀少游。原書四十六卷，今存卷一至十八，卷二十七至三十四。」此書前有淮海閒居集序，序後有無名氏題記云：「右學士秦公元豐間自序云耳，故存而不廢，今有採拾遺文而增廣之，合爲四十有六卷。大概見於後序，覽者悉焉。」此後序涉及淮海先生文集成書過程，至關重要，然鐵琴銅劍樓主人云：「惜後序亦已闕矣！」該書款式據載爲「每半頁九行，行十五字。首頁板心有『眉山文中刊』五字，『慎』、『敦』、『廓』字缺筆，寧宗時蜀中刻本也。」因後序已闕，故無名氏題記所云蜀刻本係在淮海閒居集基礎上增廣而成四十六卷，殊屬可疑。筆者以爲蜀刻本非直接繼承淮海閒居集，其間尙應有一本，即乾道高郵軍學本。目錄從「慎」、「敦」、「廓」等避諱字着眼，確定蜀本刻於寧宗時（一一九五——一二二四），其說良是；然寧宗上距孝宗乾道（一一六五——一一七五）已三十餘年，距神宗元豐七年（一〇八四）已一百餘年，蜀刻本不可能舍

近求遠，越過乾道高郵軍學本而繼承淮海閒居集。筆者曾以目錄所引部份蜀本篇目與宋刻明印乾道高郵軍學本對校，發現二者之間除個別字有異外，編次大體相同。由此可知，蜀刻本蓋出於乾道本。

〔二〕乾道高郵軍學本淮海集。清康熙五十七年（一七一八）無錫嚴繩孫秋水曾見一本，謂爲無錫秦氏世守本，後入故宮。其跋云：「此本爲先生自定，自敍云十卷，本傳云四十卷，今分爲四十六卷。蓋北宋槧本，卽雪洲黃氏所稱監本，惜歲久漫漶者也。」嚴氏概括淮海集源流，然而語焉不詳，特別將槧刻時間疑爲北宋，又謂「此本爲先生自定」（四庫全書總目提要亦從其說），俱誤。嚴氏所見此本，後人未見全璧，尙不能定爲乾道本；或爲蜀刻本亦未可知。方今存世者僅有淮海居士長短句兩部，均爲殘本：一爲故宮所藏，前有嚴秋水跋。葉恭綽根據此跋推論云：「乃錫山秦氏家藏本，其以何因緣入清宮，今不可考。」（宋版淮海詞校印隨記）此本分上、中、下三卷，上卷存第一、二、五、六頁，中卷存第六、七、八頁，下卷存第一、八頁，共九頁。其中長相思末句僅得「不」字。其餘蓋據李之藻本補鈔。民國十九年（一九三一）故宮博物館將藏本影印，通行坊間。另一爲吳湖帆藏本。此本原爲潘氏滂喜齋舊藏，後歸吳縣吳湖帆；早在清嘉慶間，黃丕烈曾據以鈔校，校本後藏松江韓綠卿家，現不知在何所。所幸朱祖謀曾以韓氏藏本及毛晉汲古閣本互校，刊入彊村叢書，尙依稀可窺其原貌。吳本行款、刻工，同於故宮本；然保留

原宋版較多，計目錄二頁，全集序四頁，上卷七頁完好無缺，中卷僅存二、四兩頁，下卷俱佚。闕頁由清初朱臥庵據張絅本補鈔。據在上海圖書館工作之滂喜齋後人潘景鄭先生云，此本現藏上海博物館。一九三一年，番禺葉恭綽將故宮藏本及吳湖帆藏本合印，名爲宋本兩種合印淮海居士長短句，其中凡無宋版之頁，均依吳本朱臥庵之補鈔頁重新補鈔，又將故宮本補鈔頁之異同，悉注於上。行款精整，筆勢秀勁，幾同完璧。書前有吳湖帆題識及葉氏自序，後附葉氏所編淮海詞校印隨記、淮海詞版本系統表、淮海詞經見各本概要表、淮海詞經見各本字句異同表，現存淮海詞宋本兩種比較表及宋本淮海長短句有關係各序跋彙錄。用力至深，在淮海詞研究上，允爲一大貢獻，頗得詞壇稱許。然而葉氏認爲此兩宋版「究係何時何地所刊，尙無確證；竊意主乾道間刊於杭郡者爲是。」所云時爲乾道，是矣；地爲杭郡，則非是。蓋彼時猶未掌握足夠材料，故不能作出全面正確之結論。

近年筆者曾於上海圖書館親見善本宋刻明印淮海集一部，計前集四十卷、長短句三卷、後集六卷，共八冊。中闕卷十六至二十一等六卷。所存之卷亦小有殘缺，間有補鈔。紙張潔白如綿，墨色灰淡，且已漫漶，與明嘉靖四十四年刻有張光序之淮海集極相類，可能印於一時一地。此書前無序，後無跋，首頁卽爲目錄。就板式、行款、筆勢、刀工而言，長短句與前後集完全一致，且與故宮本、吳湖帆本亦全同，均爲十行，行二十一字，上下框單綫，兩邊框雙綫；板心上端刻



有字數，魚尾下爲書名，象鼻中刻有卷次及刊工姓名。長短句中刊工姓名與前後集相同者有劉仁、劉文、劉志、劉宗、曲鈞、趙通、趙；不同者，前集多出李憲、周脩、劉元中等人。以上諸端，可證長短句本係附於全集，而故宮本與吳湖帆本乃從全集劃出單行。昔時黃丕烈以爲長短句蓋爲專刻，朱彊邨諸先輩曾爲此頗費躊躇，得此明印宋刻本，其原委可以判然矣。同時可以明確，現存淮海集各本目錄，確係宋時編定；所不同者，後世以長短句殿後，而宋本則次於前後集之間也。清紀昀纂修四庫全書總目，以爲此種分卷法出于明代張綬，觀乎此，則可知其爲隱斷矣。在國內僅存吳本、故宮本兩宋本情況下，發現明印宋刻本，尤其重要意義。明印宋刻長短句卷上存第一至六頁，缺第七頁；卷中存第二至八頁，缺第一頁；卷下存第一、四、五、八頁，缺第二、三、六、七頁。同兩宋本綜合數相比，新增卷中第三、五兩頁，卷下第四、五兩頁，此四頁爲國內所僅見，殊可寶也。然此本尚有數處板損，如沁園春上闕「賣花聲過盡」，「盡」字缺；雨中花過片「重重觀閣」，「重重」二字缺，「觀」字殘；長相思末句「不」字下缺「應司是悲秋」五字；此因年久之故，並不影響此本之價值。

然而明印宋刻本無序跋，究係刻於何時何地，無從查考。今年三月，筆者於顧易生先生處，偶與日本大阪女子大學副教授橫山弘先生邂逅，聞余欲事淮海詞版本之探索，回國後即蒙將日本所藏乾道高郵軍學本淮海居士長短句複印本寄贈。此本十分精美，且隻字不缺。與葉氏兩

宋本、宋刻明印本對校，版式行款，刀工筆勢完全相同。刻工姓名，亦一字不易。所不同者惟卷下第八頁，故宮本作「徵波」，此本作「微波」；又此本版心象鼻內有「八」及「劉志」三字，故宮本則無。蓋此本印在前，故宮本在後，版損補刻也。此書不僅補足上述三宋本所缺之卷中第一頁、卷下第七頁，而且附有淮海閒居文集序、舒王管蘇內翰薦秦公書、曾子開答淮海居士書、蘇內翰答淮海居士書、後山居士陳師道撰淮海居士字序以及淮海居士文集後序。目錄上方有「昌平學問所」篆書圖章，下方有「淺草文庫」楷書圖章，卷末有市橋長昭捐獻記，題爲「寄藏文廟宋元刻書跋」。尤堪注意者，淮海閒居文集序上方有三行篆書藏書大印一方，中有「黃雪」字樣。觀「黃雪」二字，疑爲明代儀真黃瓚雪洲舊藏，不知何時流入日本。最足珍異者爲淮海居士文集後序一文。鐵琴銅劍樓藏書目錄頗以「後序亦闕」爲憾，然却保存於此，誠爲幸事。後序爲「左朝奉大夫試給事中兼侍講三山林機景度」所撰，本文十九行，詳述此書編纂過程及刻印時間，云：「高郵薦更兵火，索囊善本，訛舛失真。」說明經靖康之變，原藏淮海文集（疑爲淮海閒居集）已錯亂失真。及至「里人王公定國之牧是邦」，遂「搜訪遺逸，咀華涉源，一字不苟，校集成編。總七百二十篇，釐爲四十九卷，板置郡庠」。末署「乾道癸巳正月望日」。序後題記：「高郵軍學淮海文集計四百四十九板，并副葉標背等共用紙五百張」云云。查隆慶高郵州志中之唐宋以來秩官表，王定國名列第八，任期恰在乾道癸巳前後。可知非淮海集中相與酬唱之王

定國(鞏)。又查宋刻明印淮海集目錄，總篇數與卷數，悉與後序所云相符。最近橫山先生又以日本改訂內閣文庫漢籍分類目錄集部別集類宋代之頁複印件寄贈，中有「淮海集(皇祐元——元符三)四〇卷，淮海居士長短句三卷，淮海後集六卷，宋秦觀，宋刊(高郵軍學)」云云。綜上所迹，可以確知：乾道高郵軍學本與故宮本、吳湖帆本及宋刻明印本同出一版，總編纂爲高郵知州王定國，刻印處爲高郵軍學，出版時間爲宋孝宗乾道九年癸巳(一一七三)正月望日。此書似應包括當時已經錯亂之淮海閒居集在內，而寧宗時之蜀刻淮海文集則應由此而來，不過無長短句耳。

## 二

再談明本。現存明本所有序跋均未明確言及所據爲宋本，然亦有踪迹可尋。

〔一〕弘治間黃瓚山東刻淮海集。黃瓚，字公獻，號雪洲，儀真(今屬江蘇)人，生卒年不詳，成化二十年進士，弘治前後在世，曾爲山東巡撫(見國朝列卿記及明詩紀事)。淮海集刻於山東巡撫任上，其時當在弘治間(一四八八——一五〇五)。成化、弘治間刻本，前人以爲「書籍明刻而可與宋元並者，惟明初黑口本爲然」，「明刻黑口宋人集，世以爲珍」(黃蕘園書跋)。可以想見山東刻淮海集當爲黑口，彌足珍已。據葉恭綽淮海詞系統表云：「丁松生藏有一本，無序跋，又

無長短句，未知是否原缺。據張綆云：『山東新刻不全。』亦不知根據何本。案盛儀重刻淮海集序謂「板舊藏國子監，歲久漫漶，儀真黃雪洲中丞贖一刻於山東」；又本文前曾論及日本內閣文庫藏乾道高郵軍學本中藏書圖章有「黃雪□□」字樣，如係黃瓚舊藏，則山東新刻當以據此本爲是。張綆所謂不全者，蓋卽「無序跋、無長短句」之謂也。張本旣以此本爲來源之一，亦可證所據原爲宋本（說詳後）。惜山東刻本已下落不明。

〔二〕嘉靖安正堂刻淮海集。前集四十卷，後集六卷，無長短句，亦無序跋。後集卷之六末有「嘉靖壬辰孟夏安正堂刊」木記。案安正堂亦稱安正書堂，係書賈劉宗器堂號。正德辛未有新刊京本詳增補注東萊先生左氏博議二十卷，又有類聚古今韻府羣玉續編四十卷，後者卷末有「正德丁丑仲秋京兆劉氏安正書堂」木記。故知安正堂爲北京書坊，而此本淮海集係嘉靖十一年（一五三二）刊於北京。後七年張綆印淮海集有序云：「北監舊有集板。」以時地推之，或爲此本所據。此書卷二十五末有注云：「是書以環溪草堂之毀，失其坤冊，後復搜得之。」今藏上海圖書館，扉葉有「羣碧廬」、「百靖齋」、「嘉靖刻本」朱印三方。目錄首行下有章四方，可辨者有「鳴野山房」、「葉氏棗草堂藏書」。此本筆勢刀工均不甚佳，唯早於張綆鄂州本，故自有其價值。

〔三〕嘉靖張綆鄂州刻淮海集。前集四十卷，後集六卷，長短句三卷，嘉靖十八年己亥（一五三九）高郵張綆刻於鄂州任所。前有張綆序云：「北監舊有集板，歲久漫漶；近日山東新刻不

全，予迺以二集相校，刻之郡齋。」所云「北監」，當指明北京國子監。葉恭綽以爲宋板「明初遂移入南雍……至由南監曾否移於北監」，張綏序所謂「北監舊有集板」一語，有無根據，已無從考證。或者張序之「北」字，乃「南」字之訛，未可知也。」陳氏對北監本取懷疑態度，然此懷疑亦無根據。我以爲北監集板即依乾道高郵軍學之所雕。近年我曾數次以張本與宋刻明印本（如前所述，即高郵軍學本）對校，即以目錄而言，兩本篇目、編次完全一致，張本唯前集卷九溢出送平仲學士一首，後集卷三溢出首夏一首，蓋依「山東新刻」而增。兩本卷次亦基本相同，張本唯將長短句移置後集之後，且加題跋。鐵琴銅劍樓書目曾以蜀本與張本互校，其所校出張本之誤字，亦與宋刻明印本同。如卷一浮山賦「頓漂無垠」，張本與宋刻明印本俱誤「垠」爲「根」；黃樓賦「儼雲霄以侍側」，「霄」俱誤爲「髻」；寄老庵賦「波及鄰國」，「波」俱誤爲「被」；「與神自會」，「神」俱誤爲「妙」。此類相同誤字不勝枚舉，可證張本所依北監本與宋刻明印本——乾道高郵軍學本乃爲一板。

張綏鄂州本近人吳梅、丁松生曾各藏一部，丁松生本後入南京國學圖書館。張元濟亦藏一部，並跋其顛曰「此爲涉園舊藏」云云。此本現藏上海圖書館，四部叢刊集部曾據以縮印，即今日常見之本也。

〔四〕嘉靖胡民表高郵刻淮海集。此書按金、木、水、火、土排列，共五冊，內容悉依張本，篇

目、卷次相同，刻於嘉靖二十四年乙巳（一五四五），前有盛儀序、張縉序及宋史本傳。卷終有縉弟繪重刻淮海文集後序，略曰：「鄂州板家居藏於別墅，嘉靖二十三年毀於火，適胡民表領高郵州事，遂「重加校正」，予以翻刻。此書前有「友季所見」朱印，目錄首行下有「陳立炎」章，卷末有「海昌陳立炎」、「拾遺補闕」朱印二方。現藏上海圖書館。

〔五〕嘉靖張光刻淮海文集。前集四十卷，後集六卷，無長短句。嘉靖乙丑仲夏——即嘉靖四十四年（一五六五）五月刻，地點未明。前有「京江胡氏棟華堂藏書印」及「陽湖陶氏涉園」所有書籍之記「朱印」二方。有張光淮海文集序，略曰：「原集「刻之揚州」，「不知誰氏好少游，復刻之華州公署。歲月既久，半逸之。茲郡侯汝陽壺山張翁者，博古有道之君子也，恆歎少游之才瀟灑灑漾……取迺兄鵲山學士所考訂少游集本，再示予，較訛補闕以傳之」。所謂刻之揚州，蓋指胡民表本。所謂復刻之華州（今陝西華縣）公署，當時已不知爲誰氏。華州本，世亦無傳。依文理推之，鵲山學士所考訂者，殆華州本也。如是，則此本係依華州本而來亦明矣。

〔六〕萬曆李之藻高郵刻淮海集。前集四十卷，後集六卷，長短句三卷。萬曆四十六年戊午（一六一八）仲夏刻於高郵。前有姚鏞、李之藻、張縉、盛儀諸人之序，王應元據宋史本傳改寫之郡志本傳、淮海閒居文集自跋、王安石答蘇軾薦少游書、蘇軾答少游書。此本基本依照張本，然李之藻序曰：「余所爲三復斯文，重爲讎校。」因而個別字句有所出入，如八六子詞，「紅袂」誤作

「紅社」；鵲橋仙詞「傳恨」誤作「傳恨」；一落索詞「空飛舞」誤作「飛空舞」；虞美人第三首「夕陽」誤作「斜陽」，殊不若張本之善也。一本前有「虞山景氏家藏」朱印，現藏上海圖書館。

〔七〕明萬曆刊少游詩餘。此卷與明張綆南湖詩餘合刻於汲古閣詞苑英華本秦張兩先生詩餘合璧中，原爲濟南王象晉所編，清乾隆時據詞苑英華本重印。案王象晉係萬曆二十三年（一六〇四）進士，著有羣芳譜等書，並爲張綆詩餘圖譜作序，對詞似有一定研究，約萬曆後逝世，故其所編少游詩餘當在此之前。此書收詞凡一百四十首，較諸宋刊溢出六十三首。其中除行鄉子、念奴嬌（小孤山）以及憶秦娥四首可定爲秦作外，餘詞格調頗近明人，似難憑信。如釵頭鳳（別武昌）、蝶戀花（紫燕雙飛深院靜）、漁家傲（門外平湖新雨過）、又（江上涼颼情緒）、江神子、解語花、水龍吟（禁煙時候風和）、風流子（新陽上簾幌），俱見沈際飛草堂詩餘新集，題張世文（艇）作，可見已混入明人作品。然亦難以全部否定，不妨存疑。

〔八〕明末段斐君武林刻淮海集。前集四十卷，後集六卷，長短句三卷，末附詩餘。扉葉有雙行大字「徐文長評點秦少游全集」，上有大型朱印，文曰：「錯絲人□」，文□班馬之堂；拈弄風花，詞拔蘇□之席，案頭誠不可無是集也。況片文未入，必廣採羣書；一字有訛，每詳搜衆本，識者珍之。讀書坊主人識。」語如廣告，蓋坊賈所爲。另有「桂林周氏分緣亭藏」朱印一方，卷末板面有「雕卉館」木記。目錄之前有許吉人特大行書體秦少游淮海集序，並有張綆、盛儀、姚鏞、

李之藻序，以及王應元撰郡志本傳，王安石、曾子開、蘇軾三人之書，陳師道淮海居士字序。此本最大特點在于有徐渭評點。許吉人序云：「余郡徐文長，抱間世之才，其生平學不濫宗，書不罔讀。而余於遺篋中得其手批秦少游先生淮海集，丹鉛錯落，似不啻編之屢絕者。」集中文詞精彩處，有圈或點，書眉常有批語，足資參考。所附詩餘，殆取自草堂詩餘。筆者曾以景明洪武本草堂詩餘對校，除搗練子（秋閨）、阮郎歸（春閨）外，餘均見於是書，並題秦少游作。搗練子見至正本草堂詩餘，阮郎歸見古今詞統卷六及沈際飛草堂詩餘。重出之詞有阮郎歸（旅況）。「湘天」誤作「滿天」，滿庭芳（春景）起作「晚兔」，結作「微映百層城」。南歌子（贈陶心兒）。與洪武本校，詩餘有訛字，如憶王孫「深閉門」訛作「空閉門」；如夢令「月到」訛作「行到」；浣溪沙「青杏」訛作「清杏」等等。誤作少游詞者，有李重元憶王孫（春景），王詵蝶戀花（感舊），僧仲殊柳梢青（春景）。此書現藏上海圖書館。葉恭綽亦曾藏一部，然未聞有徐渭評點。

〔九〕明末鄧章漢武林刊淮海集。全集未經見，現藏日本。據日本改訂內閣文庫漢籍分類目錄集部二別集類宋代之頁載：「淮海集，四〇卷，淮海後集六卷，又長短句三卷，詩餘一卷。宋秦觀撰，明徐渭評（詩），鄧章漢編，明末刊。」此本似與段本相同。案段本目錄之前列有校閱淮海全集姓氏名單，中有許吉人、鄧章漢、段斐君之錦，知爲同時代人。然則鄧本與段本一耶，二耶？日本橫山弘先生並曾以鄧章漢輯淮海居士後集見寄，共三卷，然係長短句，而非詩文，與他



本異。長短句及詩餘亦僅有句旁圈點而無眉批，與徐渭評點之段本亦不盡同，可見並非一板。然細校之，知長短句出於宋本，唯調下詞題乃據草堂詩餘所加，又間有附注，如江城子其一，迎春樂，踏莎行，浣溪沙其五，注文同於故宮本補鈔集及張、李諸本。另宋本卷中首篇迎春樂，鄧本移置卷上之末。下卷調笑令十首，宋本題作「曲子」，鄧本則作「詞」。此種小異，並不妨礙其以宋本爲淵源耳。

〔一〇〕明末毛晉汲古閣刊本淮海詞。不分卷，有單行本及宋六十名家詞本二種。後者有跋，謂少游詞「雖流播舌眼，從無的本」。余既訂訛搜逸，共得八十七調，集爲一卷」云云。所謂「從無的本」，似指無一底本爲據。然據其子毛扆所編汲古閣秘藏書目，曾有宋刊淮海集八冊，冊數正與宋刻明印（即乾道高郵軍學）本相符，殆爲一種。如是，則應有長短句在內，可能殘闕不全，故曰「無的本」也。又毛本調下附注常有「舊刻不載」等語，所指舊刻，當爲宋本；因毛本除「舊刻不載」「時刻不載」之外七十七首，皆如宋本數也。然目次業已打亂重編，以小令置前，長調在後；且調名時有不同，如夢令作憶仙姿，醜奴兒作採桑子，醉桃源作阮郎歸。調下常加詞題，多半取自草堂詩餘；並時有附注，或注「舊刻（時刻）不載」，或注一作某調，一作某某撰，或引前人評注。所增篇目有憶仙姿二首（門外綠陰千頃，鶯嘴啄花紅溜），昭君怨（春日寓意），生查子（眉黛遠山長），菩薩蠻（金風蕪蕪驚黃葉），畫堂春（東風吹柳日初長），海棠春，虞

美人影（碧紗影弄東風曉）、□□□（案：卽醉鄉春）、鷓鴣天（枝上流鶯和淚聞）等十首。毛本校刻精良，允稱善本。其所增補者，亦大部可信。

### 三

最後說清代刊本。清刊淮海集，多逕承明刊，亦有以宋本校者，茲臚列於後。

〔一〕康熙辛亥（一六七一）黃儀校本淮海長短句。黃儀，字子鴻。據葉恭綽宋本兩種合印淮海長短句附錄黃子鴻跋所云，此本收詞七十七首，分上中下三卷，校語屢引宋本淮海琴趣及本集。唐圭璋宋詞四考云，黃儀校本蓋從毛斧季校本鈔出。曾藏南陵徐積餘家，現不知在何所。

〔二〕康熙己巳（一六八九）高郵學正余恭，訓導毛之鵬補刻淮海集。前有毛之鵬序云：「考其淮海前後二集，舊刻悉在郵學中，乃歷年既久，兵燹多故，不惟前集殘缺失次，而後集藏板，竟無有存者。」會諸生中好古之士攜其家藏舊本以補刻請，遂「校讎付梓，踰年告竣」。可見此本乃在張、胡、李本基礎上補刻前集之一部與後集之全部。

〔三〕乾隆四庫全書本詞曲類之淮海詞，全一卷，係單行，乃依汲古閣本而略加釐正。其提要云：「晉跋雖稱『訂譌搜逸』，而校讎尙多疏漏。如集內長相思『鐵甕城高一闕』，乃用賀鑄韻，

尾句作『鴛鴦未老否』。詞匯所載則作『鴛鴦未老綢繆』，知詞匯爲是矣。又河傳一闕，尾句作『悶損人天不管』。考黃庭堅亦有此調，尾句作『好殺人天不管』，『悶損』二字爲後人妄改也。至『喚起一聲人悄』一闕，乃在黃州詠海棠作，調名醉鄉春，詳見冷齋夜話。此本乃闕其題，但以三方空記之，亦爲失考。所言又增新錯，如黃州乃橫州之誤，長相思尾句宋本乃『幸子飛鴛鴦未老，不應同是悲秋』。可見館臣猶未深考，主要原因在於當時未見高郵軍學本也。

〔四〕乾隆丁亥（一七六七）何廷模高郵補刻淮海集。前有何廷模序：「抑有所刻淮海集者，板藏學中，又皆殘缺漫漶，不可復讀……因與諸生吳鉉、陳觀文、沈鐸別求善本，補其缺失，付之梨棗。」觀此數語，可知是在康熙己巳補刻本基礎上再行補刻者。

〔五〕嘉慶乙丑（一八〇五）徐源高郵補刻淮海集。據徐源跋稱，乾隆丁亥補刻本至是時「漫漶遺失復至數十板」，「適同學孫同銓、孫侃詢有家藏善本，亦卽屬其校讎付梓」。

〔六〕嘉慶庚午（一八一〇）黃丕烈校淮海居士長短句，係舊鈔本，黃氏有跋云：「庚午人日，書客攜殘宋刻來，目錄及上卷全，中卷止有第二、第四葉。挑燈手校。」所云「殘宋刻本」，卽吳湖帆本。據曹元忠跋（見彊村叢書本淮海長短句卷末）云，殘宋刻本「除長相思畢曲『不應同是悲秋』句爲各本所無外，其餘勝處，舊鈔本悉與相同，惟稱淮海詞爲異。意丁松生藏書志所謂『明鈔淮海詞二卷』，後有嘉靖己亥南湖張繩跋者，當與此舊鈔本同出宋刊……舊鈔本所出既同，

又得蕘翁以宋刊殘帙校定，彌足珍已。」此本現藏南京圖書館。

〔七〕道光丁酉（一八三七）王敬之高郵刻淮海集。悉依張本、李本，正其脫誤，釐爲二十卷：前集十七卷，後集二卷，詞一卷。另有補遺一卷，續補遺一卷，道光辛丑復爲考證一卷。今收四部備要中。此書前有四庫全書總目提要二則，敕、宋史本傳、長編節錄、秦瀛重編淮海先生年譜節要並補案，淮海閒居文集序、張綆、盛儀、李之藻、宋茂初諸人之序，重刊淮海文集條說，秦少游小像及東坡贊語；後有補遺序及跋尾。其補遺序云：「原版皮藏公所，司事者不慎，致厄於爨下，今年邑人議爲重刊。」王氏認爲淮海詞，毛氏所刻，僅八十七調，非其舊帙。……浙中段氏本卷末附補詞，僅就草堂詩餘所及編附，仍屬掛漏。……今據羣書補錄，校毛本差多。」案王本補遺較毛本多出搗練子、憶王孫（萋萋芳草）、浣溪沙（青杏園林煮酒香）、阮郎歸（春風吹雨繞殘枝）、眼兒嬌（樓上黃昏杏花寒）、柳梢青（岸草平沙）、蝶戀花（鐘送黃昏鷄報曉）、金明池、木蘭花慢、南歌子二首（樓迴迷雲日、靄靄迷春態）、宴桃源、憶秦娥等十三首，斷句二則。中亦混入他人之作，如憶王孫爲李重元作，柳梢青爲僧仲殊作，蝶戀花爲王詵作。實際增加十首，亦屬難能可貴。

〔八〕同治癸酉（一八七三）秦元慶家塾本淮海集，前集四十卷，後集六卷，長短句三卷，附錄鄧章漢輯詩餘一卷。秦元慶跋云：「國朝（案：應爲明朝）段斐君刻於浙中，板最完善。慶高祖茂

修公自吳遷楚，攜原藁本篋藏以示後人，令無墜先業。……（慶）復出所藏，精繕校刊，以竟先志。可見悉依段本，然附以秦瀛重編淮海先生年譜一卷并錢大昕校正一文，尤富參考價值。

淮海詞在現代，影響較大者有二家：一爲朱祖謀上海刻（實爲南京刻）彊村叢書本，收詞七十七首，所據爲故宮本及吳湖帆本，并以黃丕烈曾據宋本手校之松江韓綠卿藏本校之，校印精審，頗爲詞壇所重視；一爲唐圭璋全宋詞本，收詞七十七首，係據北京圖書館藏本宋乾道刻紹熙修本淮海居士長短句，缺葉據葉恭綽影印兩宋本；三本俱缺者，據北京圖書館宋本汲古閣影宋鈔補各葉。另以黃儀、毛扆等手校汲古閣本淮海詞校之，亦極精審。此外尚有添春色（即醉鄉春）、南柯子（靄靄迷春態）、畫堂春（東風吹柳日初長）、木蘭花慢、御街行、青門飲、夜游宮、醉蓬萊、滿江紅、一斛珠等十首並斷句三則列入正本。末附存目詞，對淮海詞之研究提供較爲全面之資料。

解放後，業師龍榆生教授編有蘇門四學士詞，其中之淮海居士長短句一九五七年由中華書局出版。龍師於後記中云：「今依兩個殘宋本（按：指故宮本及吳湖帆本）和張、毛、王諸本，逐一勘定，或者可以作爲一個比較完善的本子。王敬之翻刻本附有補遺，於各書輯得詞二十三首。現在我又從花草粹編續得五首，並依篇幅長短，重新編排次序，供給研讀秦詞者參考。」此書前

有弁言，略述編印宗旨；後附參考資料，計有傳記、年譜簡編、詞話、序跋等項，校勘精審，內容豐富，於我後學，孳乳浸多。唯補遺中之蝶戀花其二（曉日窺軒雙燕語）爲重出（已見卷中）。又以爲三卷本之淮海居士長短句是在宋乾道間（一一六五——一一七三）杭州刻淮海集時附在後面的（見後記），所云「杭州刻」，蓋從葉恭綽先生之說，因不知有高郵軍學本故也。

綜上所述，特將淮海詞之版本源流列成系統表附後。

宋開禧間長沙坊刻淮海詞

宋理宗朝淮海琴趣

清康熙辛亥黃儀校本

吳湖帆藏本

清嘉慶庚午黃丕烈鈔校本

張村叢書本

一九三一年葉恭綽兩宋合印本

一九三一年故宮影印本

龍榆生本

全宋詞本

故宮藏本

宋刻明印本

宋寧宗朝劉刻本

明弘治間

黃瓊山東

刻本

明嘉靖己亥張瀛鄂州本

明嘉靖乙巳胡民表高郵本

明嘉靖華州刻本

明嘉靖乙丑張光刻本

明嘉靖壬辰北京安正堂刻本

明萬曆

戊午李

之藻高

刻本

明宋段斐

武林刻本

宋何士信編

選草堂詩餘

明洪武運正堂本草堂詩餘

明末鄧章漢武林刻本

清同治癸酉秦氏家塾本

清乾隆四庫本

明毛晉汲古閣本

明萬曆編少游詩餘

汲古閣詞苑英華本秦張兩先生詩餘合璧中之少游詩餘

清乾隆重印本

# 淮海詞版本系統表

宋元鑒  
甲子淮  
海閒居  
集

宋乾道  
癸巳高  
道軍學  
本

明萬曆編少游詩餘

汲古閣詞苑英華本秦張兩先生詩餘合璧中之少游詩餘

清乾隆重印本

## 【附錄二】

### 秦觀詞年表

宋仁宗皇祐元年己丑（一〇四九）一歲

秦觀，字太虛，改字少游，別號邗溝居士，學者稱淮海先生。先世居江南，中徙揚州，爲高郵武寧鄉左廂里人。大父承議公，諱某。父元化公，諱某，師事胡安定先生，有聲太學。母戚氏。是歲，承議公赴官南康，道出九江，少游生。

至和元年甲午（一〇五四）六歲

始入小學。父元化公游太學，歸觀，言太學人物之盛，數稱海陵王觀高才力學，遂以其名名先生。

嘉祐三年戊戌（一〇五八）十歲

通孝經、論語、孟子大義。

嘉祐八年癸卯（一〇六三）十五歲

父元化公卒。

宋英宗治平四年丁未（一〇六七）十九歲



娶潭州寧鄉縣主簿高郵徐成甫女，名文美。

宋神宗熙寧二年己酉（一〇六九）二十一歲

作浮山堰賦。

熙寧三年庚戌（一〇七〇）二十二歲

叔父定登葉祖洽榜進士第，授會稽尉。

熙寧五年壬子（一〇七二）二十四歲

讀兵家書，作單騎見虜賦，書屯田郎中俞汝倫墓表于湖州。

熙寧七年甲寅（一〇七四）二十七歲

聞東坡爲時文宗，欲往游其門，未果。會東坡自杭州移知密州，道經揚州，少游預作公筆語，題於一寺中。公見之，大驚，及晤孫莘老，出少游詩詞數百篇，讀之，乃歎曰：「向書壁者必此郎也。」遂結神交。

熙寧九年丙辰（一〇七六）二十八歲

同孫莘老、參寥子訪漳南老人於歷陽之惠濟院，浴湯泉，游龍洞，謁項羽祠，得詩三十首，湯泉賦一篇。歸來時，過金陵秦淮河，賦木蘭花慢詞。

家居期間，曾賦行香子詞，寫田園風光；賦虞美人影詞，寫閨房生活。又有品令諸詞，以鄉土語言寫戀情。

熙寧十年丁巳（一〇七七）二十九歲

作寄老庵賦及游湯泉記。沁園春詞敘揚州冶遊，似作于熙寧、元豐間。

元豐元年戊午（一〇七八）三十歲

舉進士，報罷，退居高郵，作掩關銘；謁東坡於彭城，贈之詩。又作黃樓賦，東坡以爲「有屈宋姿」。

元豐二年己未（一〇七九）三十一歲

春，將如越省，大父承議公及叔父定於會稽。會東坡自徐州徙知湖州，遂與偕行。過無錫，游惠山，與東坡、參寥子作和唐人韻詩。經松江，至吳興，泊西觀音院，遍游諸寺。途中曾賦眼兒嬌、夢揚州二詞，寄託對「綺窗人」及翠樓燕游之憶念。

端午後，別東坡，赴會稽。

七月，東坡因烏臺詩案下詔獄，少游聞訊急渡浙，至吳興；未幾，返越。

復過杭，中秋後一日，月夜，航船至普寧，遇參寥子，賦滿庭芳（紅蓼花繁）詞，寫「相與忘形」情致。謁辯才於潮音堂，作龍井題名記及龍井記。

還會稽，游鑑湖，訪蘭亭，謁禹廟，憩蓬萊閣，與州守程公闢相得歡甚，酬唱百篇，作會稽唱和詩序。賦有

望海潮（秦峯蒼翠）、滿庭芳（雅燕飛觴、山抹微雲）、南歌子（夕露霑芳草）、虞美人（行行信馬橫塘畔）、滿江紅（妹麗）諸闕，或懷古，或紀游，或寫燕集，或抒戀情，創獲至豐。

歲暮離越，除夕抵高郵家中。

元豐三年庚申（一〇八〇）三十二歲

鮮于子駿旣爲揚州守，少游爲作揚州集序，並賦望海潮（星分牛斗）詞，詠揚州古迹；賦滿庭芳（曉色雲開）詞，抒寫戀情；賦醉蓬萊詞，詠瓊花。途經邵伯斗野亭，賦八六子詞。

東坡弟子由，轍將赴高安，過高郵，少游相從兩日。

邵彥瞻爲揚州從事，與子由作游金山詩，少游和之，並賦雨中花詞，寫幻境。  
東坡謫居黃州，作書唁之。

秋黃庭堅過高郵，爲少游書龍井、雪齋兩記，寄杭州勒石。

冬，得東坡書，作與李樂天簡。

元豐四年辛酉（一〇八一）三十三歲

叔父定自會稽得替，赴京改官。少游侍承議公還高郵，與弟觀、覲習制科之文。  
秋，西行赴京，應試。答蘇黃州書。

元豐五年壬戌（一〇八二）三十四歲

應禮部試，罷歸。賦畫堂春（落紅鋪徑水平池）詞，寫落第心情。

過南陽新亭，有詩寄王子發。

如黃州，候東坡，作吊鍾文。

過廬山，游玉笥；過小孤山，賦念奴嬌詞以紀遊。

大父承議公卒。

元豐六年癸亥（一〇八三）三十五歲

輯精騎集，作序以自勵。

賦長相思詞，抒不遇之感。于揚州劉太尉家親一殊，賦御街行。阮郎歸（宮腰裊裊）亦當作于元豐間。

元豐七年甲子（一〇八四）三十六歲

東坡作書薦少游於王安石。安石復東坡書，稱譽其詩。東坡爲少游小像作贊，謂「其行方」、「其言文」。

自編詩文十卷，號淮海閒居集。

元豐八年乙丑（一〇八五）三十七歲

登焦蹈榜進士第。

慕馬少游之爲人，改字少游，陳無己師道爲作字序。除定海主簿，未赴任；授蔡州教授，奉母赴蔡州。

東坡召爲禮部郎中，作啓賀之。

哲宗元祐元年丙寅（一〇八六）三十八歲

在蔡州，作水龍吟詞，贈營妓莫東玉；作南歌子（玉漏迢迢盡）詞，贈營妓陶心兒。

元祐二年丁卯（一〇八七）三十九歲

在蔡州任。東坡在翰苑。四月，復制科，東坡與鮮于子駿以「賢良方正」薦於朝，被召至京師。

弟少章觀客京師，游張文潛、黃魯直之門，魯直以「寄寂」名其齋。少游亦以詩寄觀，觀兩弟。

作鮮于子駿行狀。

元祐三年戊辰（一〇八八）四十歲

在京爲忌者所中，復引疾歸蔡州。

東坡、孫覺同知貢舉，弟觀與李廌並落第。

元祐四年己巳（一〇八九）四十一歲

在蔡州。作贈女冠楊師詩，又賦南歌子（愁鬢香雲暎）詞。

夏四月，東坡以龍圖閣學士出知杭州，弟子由代爲翰林學士。是時，洛蜀相攻，頗構隙。

六月，范純仁罷相，出知許州，特薦少游堪備著述之科，傲至，少游作書以謝。

元祐五年庚午（一〇九〇）四十二歲

五月，被召至京師，應制科，進策論。除太學博士，校正秘書省書籍。子處度湛在都下應秋試未出，少游

獨坐興國浴室院，有詩。

弟少章在杭別東坡而歸。

元祐六年辛未（一〇九一）四十三歲

在京師，供職秘書省，七月，由博士遷正字；八月因賈易詆其「不檢」，罷正字，依舊校對黃本書籍。

弟少章登馬涓榜進士第，調仁和主簿，少游作詩送之。是歲，東坡召爲翰林承旨，得請外郡，出知頤州。

賦一叢花詞，詠李師師；賦滿園花詞，以俚語寫豔情。賦南歌子，贈東坡侍妾朝雲。

元祐七年壬申（一〇九二）四十四歲

在京師，上巳日，詔賜館閣官花酒，以中澣日，與二十六人同游金明池、瓊林苑。作西城宴集詩、金明池詞。賦滿庭芳（北苑研膏）茶詞，紀燕集之盛。

在京期間，受教坊及五子藝人影響，作調笑令十首，憶秦娥四首，乃當時流行之「轉踏」體。又賦南歌子（妙手寫微真）一闕，詠崔徽之半身像。

賦虞美人（碧桃天上栽和露）詞，以贈某貴官之寵姬。

八月，東坡以兵部尚書召還。

元祐八年癸酉（一〇九三）四十五歲

在京師，遷國史院編修，授左宣德郎。

上元，東坡作扈從三絕，少游和之。

與黃庭堅、張文潛、晁無咎並列史館，時人稱「蘇門四學士」。少游以才品見重，日有硯墨器幣之賜。

九月，高太后崩，哲宗始親政。

是時，東坡復請外郡，出知定州。

紹聖元年甲戌（一〇九四）四十六歲

春三月，執政呂大防、范純仁、蘇轍、范祖禹皆罷。少游坐黨籍，出爲杭州通判。行前賦江城子（西城楊柳

弄春柔）、望海潮（梅英疏淡）二詞，憶舊遊、抒離思。既行，賦虞美人（高城不見塵如霧）及風流子

二詞，寫惜別情懷。

至汴上，有赴杭倅至汴上作詩一首。

至陳留客舍，作艇齋詩。

經高郵邵伯埭，與家人告別，賦臨江仙（醫子假人嬌不整）詞。

又坐御史劉拯論增損神宗實錄，道貶監處州酒稅。到處州，有題務中壁詩。

是時，東坡自定州徙英州，再貶惠州安置；門下侍郎蘇轍落職，知汝州，徙袁州，再謫筠州；黃魯直出知鄂州，再謫黔州；張文潛出知澗州，徙宣州；晁無咎謫監信州酒稅。

紹聖二年乙亥（一〇九五）四十七歲

在處州。擇山下隱士毛氏故居有文英閣，少游嘗寓此賦詩。又點絳脣（醉漾輕舟）詞，亦當作于此時。

游府治南園，賦千秋歲詞。後范成大愛其「花影亂，鶯聲碎」之句，即其地建鶯花亭。又于夢中作好事近詞。

紹聖三年丙子（一〇九六）四十八歲

在處州，既罷職，乃修懺於法海寺。坐謁告寫佛書，削秩，徙郴州。

行前，賦河傳（亂花飛絮）詞，喻處境突變。

將赴湖南，作祭洞庭湖神文。

舟經瀟湘，賦阮郎歸（瀟湘門外水平鋪）及臨江仙（千里瀟湘接藍浦）詞。

在湖南，賦木蘭花（秋容老盡芙蓉院）詞，寫閨情，似與長沙義妓有關。又賦減字木蘭花（天涯舊恨）詞，

抒遠謫愁懷。

深秋，至郴陽道中，題古寺壁二絕句。

冬，賦如夢令（遙夜沉沉如水）詞，寫旅邸淒涼。歲暮，抵郴州。

是歲，竄范祖禹於賓州。

紹聖四年丁丑（一〇九七）四十九歲

在郴州。

春暮，賦如夢令（池上春歸何處，樓外殘陽紅滿）二闕，寫遠謫心情與孤館況味。又賦踏莎行詞，寄寓被謫後淒楚難言之隱衷。後東坡絕愛其尾二句，自書於扇云：「少游已矣，雖萬人何贖？」又賦鼓笛慢及滿庭芳（碧水驚秋），借戀情寫萬里歸思。

除夕，賦阮郎歸（湘天風雨破寒初）詞，寫貶逐日遠、羈愁日深之情緒。

奉詔編管橫州，感而作冬坡詩。

是歲，東坡自惠州徙瓊州，范純仁謫永州，范祖禹自賓州徙賓州。

元符元年戊寅（一〇九八）五十歲

自郴州赴橫州，既至，寓浮樺館。城西有海棠橋，橋南北皆海棠，書生祝姓者居之。少游嘗醉臥其家，明日作醉鄉春詞題于柱。

賦青門飲詞，似遙贈長沙義妓。



是歲，范祖禹自賓州再徙，卒於化州。

元符二年己卯（一〇九九）五十一歲

自橫州徙雷州。先是蘇轍自筠州徙雷州，是時已改循州。東坡尙在瓊州，隔海相望，時通音問。

作雷陽書事詩三首，海康書事詩十首。

元符三年庚辰（一一〇〇）五十二歲

正月，哲宗崩，皇弟端王佖即位，是爲徽宗，向太后臨朝。

少游在雷州。春，自作挽詞，言甚哀。

五月，赦令下，遷臣多內徙。東坡量移廉州，六月，相會於海康。少游賦江城子（南來飛燕北歸鴻）詞，寫

久別重逢心情。又出挽詞示東坡，相與嘯詠而別。

未幾，少游被命復宣德郎，放還，賦和陶淵明歸去來辭。遂以七月啓行，踰月至藤州，中暑臥光化亭，家

人以一孟注水進，笑視之而卒，實八月十二日也。子旼聞耗自旅次來奔喪，扶柩北還。

徽宗建中靖國元年辛巳（一一〇一）

子湛奉靈柩停殯於潭州。

崇寧元年壬午（一一〇二）

詔立黨人碑，少游與焉。

崇寧二年癸未（一一〇三）

詔毀范祖禹、唐鑑、蘇軾、黃庭堅、秦觀文集。

崇寧四年乙酉（一一〇五）

詔除黨人父兄子弟之禁。子湛奉父喪歸葬於廣陵。政和間，遷葬於無錫、惠山西三里之絜山。



## 【附錄三】

### 傳記序跋

#### 宋史本傳

秦觀，字少游，一字太虛，揚州高郵人。少豪雋，慷慨溢於文詞。舉進士，不中。強志盛氣，好大而見奇。讀兵家書，與己意合。

見蘇軾於徐，爲賦黃樓。軾以爲有屈，宋才，又介其詩於王安石。安石亦謂清新似鮑、謝。軾勉以應舉爲親養。始登第，調定海主簿，蔡州教授。元祐初，軾以賢良方正薦於朝，除太學博士，校正秘書省書籍。遷正字，而復爲兼國史院編修官，上日有硯墨器幣之賜。

紹聖初，坐黨籍，出通判杭州。以御史劉拯論其增損實錄，貶監處州酒稅。使者承風望指，候伺過失，旣而無所得，則以謁告寫佛書爲罪，削秩徙郴州，繼編管橫州（案：一作黃州，依殿本改），又徙雷州。

徽宗立，復宣德郎，放還。至藤州，出游華光亭，爲客道夢中長短句，索水欲飲，水至，笑視

之而卒。先自作挽詞，其語哀甚，讀者悲傷之。年五十三，有文集四十卷。

觀長於議論，文麗而思深。及死，軾聞之歎曰：「少游不幸死道路，哀哉！世豈復有斯人乎！」

弟觀，字少章；觀，字少儀，皆能文。

案：清同治癸酉秦氏家塾重刊淮海集，載有郡志本傳，係淮陰王應元撰，其實本宋史而稍加附益。其主要不同處有：宋史「有文集四十卷」，郡志作「淮海文集三十卷，淮海閒居集十卷，淮海詩餘三卷。」宋史「弟觀」以下，郡志均已改寫，作：「弟觀，字少儀，元祐六年進士，工於詩，官至臨安主簿。觀，字少章，亦能文。黃魯直詩云：『秦氏多英俊，少游眉最白。頗聞鴻雁行，筆皆萬人敵。吾早知有觀，而不知有觀。』觀子洪，字處度，亦以文名，仕爲宣教郎，嘗注呂好問回天錄。」

## 詩林廣記小傳

蔡正孫

少游名觀，蘇子瞻以賢良薦於哲宗，除博士，遷正字。紹聖坐黨，編置郴州。長於議論，文麗而思深，當世重之。

東坡嘗有書薦少游於荆公，云：「向屢言高郵進士秦觀太虛，公亦粗知其人。今得其詩文數十首，拜呈。詞格高下，固已無逃於左右。外此，博綜史傳，通曉佛書，若此類未易一一數也。」

黃山谷詩云：「東南淮海維揚州，國士無雙秦少游。欲攀天關守九虎，但有筆力同萬牛。」

荆公答東坡書云：「示及秦君詩，適葉致遠一見，亦以爲清新婉麗，鮑謝似之。公奇秦君，口之而不置。我得其詩，手之而不釋。」

呂氏云：「少游過嶺後詩，嚴重高古，自成一家，與舊作不同。」

朱文公云：「山谷詩云：『對客揮毫秦少游。』蓋少游只一筆寫去，重意重字皆不問，然好處亦自是絕好。」

驪翁詩評云：「秦少游詩，如時女步春，終傷婉弱。」

## 詞林紀事小傳

張宗櫚

觀，字少游，一字太虛，高郵人。舉進士。元祐初，蘇軾以賢良方正薦，除祕書省正字，兼國史院編修官。紹聖初，坐黨籍，削秩，監處州酒稅。徙郴州，編管橫州，又徙雷州。放還，至藤州卒。有淮海集詞。

## 泗涇秦氏宗譜小傳

觀，字太虛，改字少游，稱淮海先生，揚州高郵人。宋元豐八年乙丑登焦蹈榜進士，除蔡州

教授。元祐三年除左宣德郎太學博士，校正祕書省書籍，遷正字，明年擢國史院編修。出爲杭州通判，道貶監處州酒稅，尋削秩，徙郴州。自郴州奉詔編管橫州；未幾，又徙雷州。元符三年庚辰（卒），年五十有二。配徐氏；子一，名湛；女一，適范元實，祖禹之子。政和中，遷葬無錫之璨山。建炎四年，追贈直龍圖閣學士。餘詳見史傳年譜。

## 全宋詞小傳

唐圭璋

觀字少游，一字太虛，高郵人。生於皇祐元年（一〇四九）。舉元豐八年（一〇八五）進士。元祐初，除祕書省正字，兼國史院編修官。紹聖初，坐黨籍削秩，監處州酒稅。徙郴州，編管橫州，又徙雷州。元符三年（一一〇〇）放還，至藤州卒，年五十二。有淮海居士長短句三卷。

## 後山居士陳師道撰淮海居士字序

熙寧、元豐之間，眉蘇公之守徐，余以民事太守，間見如客。揚秦子過焉，置醴備樂，如師弟子。其時余病臥里中，聞其行道雍容，逆者旋目；論說偉辯，坐者屬耳。世以此奇之，而亦有以此疑之，惟公以爲傑士。是後數歲，從吳歸，見於廣陵逆旅之家，夜半，語未卒，別去。余亦以謂當建侯萬里外也。

元豐之末，余客東都，秦子從東來。別數歲矣！其容充然，其口隱然。余驚焉，以問秦子。曰：「往吾少時，如杜牧之強志盛氣，好大而見奇；讀兵家書，乃與意合，謂功譽可立致，而天下無難事。顧今二虜有可勝之勢，願效至計，以行天誅，回幽夏之故墟，弔唐晉之遺人，流聲無窮，爲計不朽，豈不偉哉？」於是字以太虛，以導吾志。今吾年至而慮易，不待蹈險而悔及之。願還四方之事，歸老邑里如馬少游，於是字以少游，以識吾過。常試以語公，又以爲可，於子何如？」

余以謂取善於人，以成其身，君子偉之。且夫二子，或進以經世，或退以存身，可與爲仁矣。然行者難工，處者易持。牧之之智得，不若少游之拙失也。子以倍人之才，學益明矣。猶屈意於少游，豈過直以矯曲耶？子年益高，德益大，余將屢驚焉，不一再而已也。雖然，以子之才，雖不效於世，世不捨子，余意子終有萬里行也。如余之愚，莫宜於世，乃當守丘墓，保田里，力農以奉公子，謹身以訓閭巷，生稱善人，死表於道，曰：「處士陳君之墓。」或者天祐以年，見子功遂名成，奉身以還，王侯將相，高車大馬，祖行帳飲。於是乘庫御駑，候子上東門外，舉酒相屬，成公知人之名，以爲子賀，蓋自此始。元祐元年二月一日。

宋乾道高郵軍學本淮海文集



## 張綖跋

陳後山云：「今之詞手，惟有秦七、黃九。」謂淮海、山谷也。然詞尙豐潤，山谷特瘦健，似非秦比。此在諸公非其至，多出一時之興，不自甚惜，故散落者多。其風懷綺麗者，流播人口，獨見傳錄，蓋亦秦山毫芒耳。字復舛誤，頗爲辨正。其有一二字不可校者，不欲以臆見輒易，存闕文之意，更俟善本正之。嘉靖己亥中秋日，南湖張綖識。

明嘉靖十八年己亥張綖鄂州刊淮海集

## 毛晉跋

晁氏云：「今代詞手，惟秦七、黃九。」或謂：「詞尙綺豔，山谷特瘦健，似非秦比。」朝溪子謂：「少游歌詞，當在東坡上。但少游性不耐聚稿，間有淫章醉句，輒散落青帘紅袖間。雖流播舌眼，從無的本。」余既訂訛搜逸，共得八十七調，集爲一卷，亦未敢曰無闕遺也。古虞毛晉記。

明汲古閣宋六十名家詞本淮海詞卷末

## 黃子鴻跋

辛亥七月二十三日，宋刻本集校，凡詞七十七首，分上、中、下三卷，章次亦此異。六月初十日讀，壬戌正月十一日重閱。儀。

葉恭綽案：「此節係從徐積餘所藏校汲古毛本錄出。其『儀』字，據積餘云：『當是黃儀，字子鴻，康熙時人，有綴蘭別集詞。』校語屢引宋本，澤趣及本集云云，當係曾見此兩種宋本者。」

葉氏兩宋合印本卷末

## 嚴秋水跋

右淮海先生集四十卷，後集六卷，吾錫秦氏世守本也。淮海集雕本先後四家：儀真黃中丞刻於山東，高郵張牧刻於鄂州，胡民表刻於高郵，最後李君之藻萃諸家，編次成帙，至今流傳坊間。而卷帙互異，篇次多不詮整。此本爲先生自定。自敘云十卷，本傳云四十卷。今分爲四十六卷，蓋北宋槧本，卽雪洲黃氏所稱監本，惜歲久漫漶者也。先生二十四世孫對巖宮諭出示余，爰識數語於卷尾。康熙戊戌春三月，舊史氏後學嚴繩孫。

葉恭綽案：「此從故宮本移錄。」

葉氏兩宋合印本卷末

## 四庫全書總目淮海詞提要

淮海詞一卷，宋秦觀撰。觀有淮海集，已著錄。書錄解題載淮海詞一卷，而傳本俱稱三卷。此本爲毛晉所刻，僅八十七調，哀爲一卷，乃雜採諸書而成，非其舊帙。其總目注「原本三卷」，特姑存舊數云爾。晉跋雖稱「訂譌搜逸」，而校讎尙多疏漏。如集內長相思「鐵甕城高」一闕，乃用賀鑄韻，尾句作「鴛鴦未老否」；詞匯所載，則作「鴛鴦未老綢繆」。考當時楊無咎亦有此調，與觀同賦，註云：「用方回韻。」其尾句乃「佳期永卜綢繆」。知詞匯爲是矣。又河傳一闕，尾句作「悶損人，天不管」。考黃庭堅亦有此調，尾句作「好殺人，天不管」，自註云：「因少游詞，戲以『好』字易『瘦』字。」是觀原詞當是「瘦殺人，天不管」，「悶損」二字爲後人妄改也。至「喚起一聲人悄」一闕，乃在黃州詠海棠作，調名醉鄉春，詳見冷齋夜話。此本乃闕其題，但以三方空記之，亦爲失考。今並釐正，稍還其舊。觀詩格不及蘇黃，而詞則情韻兼勝，在蘇黃之上，流傳雖少，要爲倚聲家一作手。宋葉夢得避暑錄話曰：「秦少游亦善爲樂府，語工而入律，知樂者謂之作家歌。」蔡條鐵圍山叢談亦記觀婚范溫，常預貴人家會。貴人有侍兒，喜歌秦少游長短句，坐間略不顧溫。酒酣歡洽，始問此郎何人。溫遽起，又手對曰：「某乃『山抹微雲』女婿也！」聞者絕倒云云。夢得，蔡京客；條，蔡京子。而所言如是，則觀詞爲當時所重可知矣。

## 黃丕烈跋

嘉慶庚午入日，書友以社壇吳氏所藏諸本求售，中惟淮海居士長短句最佳，因目錄及上卷與中卷之二葉、四葉猶宋刻也。余所見淮海集宋刻全本，行款不同，無長短句，蓋非一刻。而所藏有殘宋本，行款正同。內有錯入淮海閒居文集序第三葉，與此目錄後所列序中三葉文理正同，知全集或有長短句本也。惜此已鈔補，然出朱臥菴家舊藏，必有所本矣。買成之日，復翁記。

又

葉氏兩宋合印本卷末

此冊不止長短句之可寶也，前目錄後有淮海閒居文集序四葉，尤爲可寶。此前集之序，偶未散失，附此以存，俾考文集顛末。後來翻刻鈔傳之本俱無有矣，勿忽視之。道光元年四月，重檢，並記。蕘夫。

葉恭綽案：「以上均從吳本移錄。」

葉氏兩宋合印本卷末

又

嘉慶庚午人日，書客以江鄭堂舊藏諸本一單見遺，惟殘宋刻淮海居士長短句最佳，因手校此。餘舊鈔，未校入也。

又

庚午人日，書客攜殘宋刻來，目錄及上卷全，中卷止有第二、第四葉。挑燈手校。復翁。

葉恭綽案：「此可證復翁所見者即吳本。」

又

淮海居士集前集四十卷，後集六卷，宋刻本，藏錫山秦氏。余從孫平叔借校，此甲子年事也。頃偶憶及，全集中不知有詞與否？因檢校本核之，彼第有詩文，不收詞也。可見殘宋本淮海居士長短句蓋專刻矣。甲戌二月三十日春分節，復翁記。時已斷九，寒猶未消，狂風震屋，密霰打窗。吳諺云「拗春冷」，今年更甚。

葉恭綽案：「此係復翁誤記，蓋此卽故宮本，固明明有長短句也。」

以上皆見疆村叢書本淮海居士長短句卷末黃不烈跋尾，并見葉氏兩宋合印本卷末

## 王敬之淮海集補遺序

今淮海集傳本爲明工部郎中仁和、李公之藻影板，蓋依邑人南湖張公擬舊本而未加增訂者，其中譌脫頗多。原版度藏公所，司事者不慎，致厄於爨下。今年邑人議爲重刊，敬之不揣固陋，與同志校正其譌脫之顯然者。墨板已成，因思淮海集外之作，多散見於羣書，不可不亟爲補錄。爰借邵君雱水、金君雪舫共事搜輯，凡得賦、詩、文、詞若干條，錄爲一編，斷句亦附其末。匪敢謂無缺憾，掇拾前人所未及，盡後學之責而已。

考少游遺文各體中，惟詞爲多，足爲「對客揮毫，不耐聚稿」之證。伏讀欽定四庫全書提要，淮海詞一卷，明毛晉所刻，僅八十七調，非其舊帙。案張本、李本所載長短句區爲三卷，詞止七十七調，則毛氏本已多十調矣。浙中段氏本卷末附補詞，僅就草堂詩餘所及編附，仍屬掛漏。且本集已載之詞，亦復引入，不足以稱善本。今據羣書補錄，較毛補差多。繼補所見，其待諸將來乎？是爲序。道光十有七年八月，後學王敬之之拜序。

清道光十七年丁酉刻本淮海集

## 秦元慶跋

此先淮海公所撰著也。淮海公生宋仁宗之世，以翰林起家，不罄其施以歿。歿而淮海集始出，海內傳頌，幾乎家有其書。國朝段斐君刻於浙中，板最完善。慶高祖茂修公自吳遷楚，攜原鑿本篋藏以示後人，令無墜先業。惟是楚南坊間，向無精本。先伯祖介景公欲重梓之，未果。咸豐初，賊蹂躪大江南北，凡書之善本在其地者，蕩軼無存。其存者亦皆剝蝕殘缺，不復可收拾。區區是集，其與存者幾何？嘗慨李義山集，歿數十年，始克成書，尋被族子篡去百有餘年，而後行世。慶食舊德，今且數十世，恆愧無以迪前人光；而是書也，經兵燹，歷星霜，僅有存者，不所以廣其傳，不幾重爲先人戚乎？爰出所藏，精繕校刊，以竟先志。又原刻未有年譜。年譜成於宗老大晉先生，重訂於宗人小峴侍郎，復經少詹錢辛楣先生釐正，考據詳覈，尤爲可珍。茲從宗牒敬錄，並付手民，登諸卷首，庶讀是書者，得所是證，藉以論世知人。昔昌黎韓氏新修滕王閣記，自以列名三王之後有榮幸焉。慶之爲是刻，既免爲義山族子，而先伯祖未逮之志，亦於是乎成。雖未敢擬迹昌黎，然記所謂「有善而弗知，知而弗傳」者，庶幾免於君子之所恥。斯則後世子孫與有榮幸者夫！爰述其顛末，綴數行，以志弗諼。同治癸酉暮春，裔孫元慶筱浦謹跋。

## 夏敬觀映庵手校淮海詞跋

少游詞清麗婉約，辭情相稱，誦之迴腸蕩氣，自是詞中上品。比之山谷，詩不及遠甚，詞則過之。蓋山谷是東坡一派，少游則純乎詞人之詞也。東坡嘗譏少游：「不意別後，公卻學柳七！」少游學柳，豈用諱言？稍加以坡，便成爲少游之詞。學者細玩，當不易吾言也。

## 曹元忠跋

淮海居士長短句三卷，見書錄解題。嘉慶間，堯翁得江子屏家殘帙，以校舊鈔本，除長相思畢曲「不應同是悲秋」句爲各本所無外，其餘勝處，舊鈔本悉與相同，惟稱淮海詞爲異。意丁松生藏書志所稱「明鈔淮海詞三卷」，後有嘉靖己亥南湖張經跋者，當與此舊鈔本同出宋刊；以張經曾刻淮海集四十卷，後集六卷、長短句三卷於鄂州，卽直齋著錄本也。舊鈔本所出既同，又得堯翁以宋刊殘帙校定，彌足珍已！彊村每言淮海詞無善本，因錄此雲間韓綠卿前輩舊藏士禮居本寄之。癸丑六月庚子望，曹元忠客讀有用書齋寫記。

葉恭綽案：「以上均從朱彊村刊本錄出。案：韓綠卿藏書目有淮海集兩種，均鈔本：一爲文集四十卷，後集六卷，淮海長短句三卷，又長短句補遺，有堯圃手校，並虛止閣朱筆校；一爲淮海居士長短句三卷，經堯



闢以宋本校，並跋。韓氏藏書近方將出售，而不欲人參觀。將來此兩種不知尙能留存國內否也？恭綽記。

葉氏兩宋合印本卷末，並見疆村叢書本

## 朱彊村丁卯跋

蕘翁得此，以校舊鈔本。淮海詞爲雲間韓綠卿所藏，老友曹君直手錄遺余，刻入彊村叢書中。蕘翁跋稱：宋刻全集，但有詩文而不收詞，可見長短句爲專刻。此帙跋又稱藏有殘宋本，行款正同，內有錯入序文亦同，知全集或有長短句。其說兩歧。全集藏錫山秦氏，今不知尙存否？願湖帆求得之，以參斟其說也。丁卯歲寒，孝臧跋于思悲閣。

葉恭綽案：「此跋爲朱古微先生手書。」

葉氏兩宋合印本卷末

## 吳湖帆戊辰跋

第一卷宋刻本夢揚州換頭「長記」二字，誤刻於上疊過拍下。雨中花「滿空寒白，玉女明星迎笑」二句，「白玉」二字，誤刻「皇」字。「在天碧海」句，「在」字下應缺一字。長相思歇拍完全，各本皆缺。惟此調又見賀方回詞卷一，作望揚州。案：楊補之之迷禪詞長相思：「己卯歲留塗上，

追用方回韻。第二卷菩薩蠻「翠幕」，應從毛氏本作「幔」。滿庭芳「搜攬」，應從毛作「攬」。第三卷臨江仙首句「接藍浦」，應從毛作「接」。此皆微有舛誤，應校正。集中勝處可校他刻者正多，亦無用余之贅述矣。戊辰冬日，吳湖帆跋於梅影書屋。

葉氏兩宋合印本卷末

## 吳梅跋

戊辰歲暮，湖帆出示此冊，爲滂喜齋舊藏。計目錄二葉，淮海閒居文集序四葉，長短句七卷七葉，中卷第二、第四兩葉，餘皆朱臥庵鈔補。先後爲明吳文定、文壽承、周天球、李日華、清朱臥庵、黃蕘圃、張芙川、沈韻初所藏，最後歸潘文勤，詳見滂喜齋藏書記中。余校讀之，「驚」字、「桓」字缺筆，足徵宋刊。而諸詞換頭皆提行書寫，又爲宋人刻詞之證。水龍吟「小樓連遠」不作「連苑」；滿庭芳「天連衰草」不作「天黏」；「寒鴉萬點」不作「數點」；「長相思」畢曲「不應同是悲秋」句亦完好無缺，此皆宋刊佳處。惟目錄中桃源憶故人作桃源；夢揚州換頭「長記曾陪燕游」句，以「長記」二字屬上疊，此則微有疏舛，顧無害其爲精本也。臥庵補鈔，未明言所自出，鄙意當從張南湖本補錄。余舊藏南湖刻淮海集，爲嘉靖己亥刊本。南湖名，卽作詩餘圖譜者。集共四十卷，後集六卷，長短句三卷，刊于鄂州。據曹君直元忠云當依陳氏書錄解題所著錄本重

刊者，是亦出於宋刊也。就此三卷中，較臥庵鈔補本，已一一符合。張本諸詞換頭，皆空一格。朱鈔自阮郎歸起，不空格，不提行；滿庭芳以下至終卷，換頭概空一格，與宋刊每首提行不同。同牌諸詞，張本書一「又」字，朱鈔作「其一」、「其二」，此亦略異。又調笑十首，張本先書題目，次「詩曰」，次「曲子」（朱鈔煙中怨一首脫「曲子」二字一行），後列「右一」、「右二」云云，其體亦與朱鈔同。然則臥庵所據，即是張本，而張本亦出宋刊，是此冊彌足珍矣！蕘翁跋文推崇臥庵，頗爲有識，特未考明所據何本。因取舊藏張本斟校一過，并書鄙見於後。湖帆或不以爲非與？霜厓居士吳梅跋。

葉氏兩宋合印本卷末

## 吳湖帆七夕跋

己巳七月，番禺葉遐庵丈見視故宮善本書影，載淮海集總目一葉，文集首葉，長短句首葉，嚴秋水題跋一葉。案：嚴氏跋時康熙甲戌，藏無錫秦對巖宮諭處，淮海先生二十四世孫也。疆村老人跋云：「全集藏無錫秦氏，今不知尙存否？」朱氏應見秋水之跋，不知已歸內府，藏之位育齋，疑乾隆間四庫進本也。此冊僅存長短句首葉，互校遠勝內府本之漫漶。嚴氏跋謂「北宋刻，即雪洲黃氏所稱監本，惜歲久漫漶」者也。兩本行款筆道全同，而此冊之清楚精緻，令人神往；

足徵內府本爲元印，此或北宋印也。『淮海集重雕本，先後四家：『儀真、黃中、丞、刻於山東，高郵、張、牧、刻於鄂州，胡民表、刻於高郵，最後李之藻、蒼萃諸家，編次成帙，至今流傳坊間；而卷帙互異，篇次多不詮整。』此秋水跋中語。七夕大雨，燈下遣悶書。

葉恭綽案：「此亦吳湖帆所跋。」又案：「此四跋，指朱彊村、吳湖帆、戊辰及七夕、吳梅四跋，均係從吳本鈔出。」

葉氏兩宋合印本卷末

## 吳湖帆題識

淮海居士，丁元豐盛世，上承晏柳，下啓周辛，嘯傲蘇門，自擅雅操。雖「香囊」、「羅帶」，見譏於眉山；而「飛蓋」、「華燈」，盛傳於洛下。況「揮毫萬字」，一飲千鍾，其豪情豈讓「大江東去」哉？顧自北宋迄今，疊經喪亂，天水舊刊，幾等球圖。所傳長短句八十餘首，經張、黃、胡、李、段、毛諸家，各就所見，重梓行世。雖不失爲淮海功臣，而篇次錯雜，定非舊觀。此番謁葉文遐庵，所以有宋刻本淮海長短句合印之舉也。

案宋刻全集，惟故宮有之，而鈔補甚多，亦非足本。嚴秋水跋謂「歲久漫漶」者是也。其黃復翁、潘文勤公遞藏之殘宋本，今歸余所僅有。第一卷全，第二卷之第二、第四兩葉，前有閒居

文集序，四葉而已。余嘗以故宮本對校，知同出一源，惟印刷較清楚耳。若木蘭花慢、金明池、喜春來諸闕，二書俱不載。疑所遺亦不止此耳。

遐庵又爲秋夢詞，係家學相承，綵翰不輟。近居滬，與余間日過從，譚藝甚歡。論及秦詞，世無定本，將以故宮及敝笈兩殘宋本合影印之；並以宋以後各家刻本十三種，彙校其字句異同，別附寫刻統系表及校勘記於後，凡數萬言。致力綦勤，于淮海可謂無遺憾矣。兩宋本得此爲研津之合，抑亦讀書諸君子之所快也！庚午十月，吳湖帆識於梅影書屋。

葉氏兩宋合印本卷首

### 朱彊村庚午跋

秦太虛淮海長短句，流傳善本甚稀。余往年校刊是詞，曹君直以所錄松江韓氏本見貽，出白黃蕘圃據宋本手校，而所據宋本未得見也。後識吳湖帆，始得見潘氏滂喜齋所藏宋本，即蕘圃以校勘者。今歲葉遐庵以影印故宮藏宋本見貽，始知錫山秦氏家藏宋本已入祕府，亦蕘圃所經見者。兩本本同出一版，而詞集或有時別印單行，致蕘圃間滋迷惑，實則滂喜齋藏本亦即淮海全集中物也。遐庵既幸兩宋本之復見，又傷兩宋本之僅存，乃取兩宋本之屬於原版者，并合影印；其兩本皆缺者，則取潘氏本補葉，以其出朱臥庵手校精審也。遐庵又以歷代所刊淮海

集今存者尚十餘種，乃鉤考其源流統緒及字句異同，爲淮海詞版本系統表。淮海詞經見各本概要表。淮海詞經見各本字句異同表。現存淮海詞兩宋本比較表各一；復別爲兩宋本校記及兩宋本各序跋摘要彙印於後，精密貫串，得未曾有。余聞遐庵治事精幹，不圖治學翔實亦如此。遐庵先德，三世以詞名嶺海，家學所承，遠有端緒。其所作亦把臂前賢，成連海上，能移我情，載覽茲編，迢然神往已！庚午孟冬之月，朱孝臧跋。

葉氏兩宋合印本卷末

## 葉恭綽彙合宋本兩部重印淮海長短句序

秦少游淮海詞，宋刊可考者凡三種：一、乾道間杭郡所刊淮海全集之淮海長短句三卷本；二、南宋長沙所刊百家詞中之淮海詞；三、南宋某處所刊琴趣外編中之淮海琴趣。二、三兩種，今皆不可得見，世所存者只杭郡本二部而已：一爲故宮所藏（原藏無錫秦氏），一爲吳縣吳湖帆所藏（原藏潘氏滂喜齋），且皆非完璧。世曾僉見此二宋本者，殆只黃蕘圃（見後幅按語）。汲古閣輯詞最富，乃稱淮海詞「從無的本」，其他可知。乾隆修四庫諸臣，亦未一見宋本，致疑全集分卷爲張繩所亂而非原書之舊（說見後幅）。自秦氏藏本入宮，滂喜齋本又祕藏吳下，致朱（彊邨）、王（幼遐）、吳（印臣）、陶（蘭泉）四家刻詞時，均未得全見此兩本。朱氏跋吳本及陶氏刊詞

敍錄，均太息引爲憐事。

余居海上，數與湖帆往還，因得見滂喜齋一本。嗣袁守和（同禮）寓書，謂將影印故宮藏本，閱數月而寄滬。于是兩本原狀，皆得寓目。余審諦數四，覺宋刊佳處，不一而足，且可釋明清兩代校刻家無數之疑。因取所見淮海詞凡十三種，彙而校之，編爲四表：一、淮海詞版本系統表；二、淮海詞經見各本概要表；三、淮海詞經見各本字句異同表；四、現存淮海詞兩宋本比較表。條分縷晰，自謂頗極詳密，蓋前此固尙無人以此十三種本從事彙校者也。淮海詞經此整理，版本字句之異同變遷，皆可瞭然。因思宋本淮海詞，天壤間只存此二部，而所存原版葉數又不一，既同出一版，似不如哀兩本之屬於原版者，合而影印，以存其真。因商之袁、吳二氏，得其許可，印以行世，並附所擬四表暨校勘隨筆各條。其兩本內序跋識語之可資考證者，一并附入。至兩本原缺各葉，均經鈔補，而所從出不同。吳本似從張綬本出，且又出朱臥庵手，訛誤較少。故此大凡兩本無原版之葉，則用吳本之鈔補葉，而將故宮本異同注出，庶真相可稽，而淮海詞可據此爲比較最善之本。獨惜康熙時黃子鴻尙及見之淮海琴趣，今已了無蹤跡；長沙本久不可得見，無從爲最有力之校證，是可歎也！

至是書之校勘借錄，多賴張菊生（元濟）、徐積餘（乃昌）、袁守和（同禮）、趙蜚雲（萬里）、趙叔雍（尊嶽）、龍莫生（沐勛）、吳瞿庵（梅）、吳湖帆諸先生之力。其繕寫則賴何君誌航、時君巽

庵。合併聲謝。民國十九年十月，葉恭綽記於上海寓廬之遐庵。

葉氏兩宋合印本卷首

## 葉恭綽宋版淮海詞校印隨記

綽案：故宮所藏淮海全集，乃錫山秦氏家藏本。其以何因緣入清宮，今不可考。向疑朱古老跋內「全集存錫山秦氏」云云，似秦氏別有一藏本。今午晤詢古老，始知其曩時亦得自傳聞，並未目驗。然則故宮所藏，蓋即秦本之全璧，吳本僅單行長短句而已。淮海全集目錄，確係自宋時即定爲四十卷，又後集六卷，長短句三卷。得此可以證明紀氏四庫全書總目以爲此種分卷，由于明嘉靖張縵重編，蓋屬不確。至文獻通考載「淮海集三十卷」，「三」字或「四」字之誤。宋史作「四十卷」，或只舉文集而言，或漏載後集，均未可知。長短句以三卷爲一卷，或因篇幅無多，三卷合裝一冊，故遂以爲一卷。如此解釋，則一切可以貫通無滯矣。開居文集自序在元豐七年，時公方三十六歲，所編卷數，不能以爲定本；故不必據以疑四十六卷及三卷之編訂也。直齋書錄解題及李之藻、張縵、胡民表刊本均係四十卷，又後集六卷，長短句三卷。以意度之，淮海全集目錄確自宋時即如此編定，不過印行時或有單行之舉，而文學家記述，有時亦欠周密，遂致參差。即如故宮本嚴秋水跋稱「右淮海集四十卷，後集六卷」云云，竟不提及長短句，而長



短句固在該帙內。詎能因嚴跋漏載，遂謂當時未編入耶？

故宮本之鈔補葉，係根據何本，故宮原本未有聲明。然臆揣當是根據李之藻本。蓋以兩本相校，如八六子之「紅袂」誤作「紅社」，鵲橋仙之「傳恨」誤作「傳恨」，一落索之「空飛」作「飛空」，虞美人第三首之「夕陽」作「斜陽」，兩本皆同，而他本均與之不同，即其確證也。兩本同出一版，已無可疑。惟究係何時、何地所刊，尚無確證。然竊意主乾道間刊于杭郡者爲是。蓋兩宋公私書籍，刊於杭者最多，而南宋尤盛。宋亡，其版必偕他版同入西湖書院之庫，逮明初遂移入南雍。其不見於太學經籍志者，殆偶然疏漏耳。至由南監曾否移於北監，張綬序所謂「北監舊有集版」一語有無根據，現已無從考證。或者張序之「北」字，乃「南」字之訛，未可知也。

吳本鈔補葉，出自朱臥庵，當係據張綬本，較故宮本之鈔補葉爲佳。故此大付印，凡無宋版之葉，即用吳本之鈔補葉。第臥庵鈔手欠整齊，故蜀何志杭君重爲謄錄，而將故宮本之異同，悉注于上。又故宮本下卷末葉係原宋版，而依故宮本及吳本兩鈔補葉之行款，至末葉均不能與之吻合。余知鈔補葉之行款，必與宋本不同，致有此病。因悉心推敲，將各鈔補葉悉照原來宋版排比，如下半闕皆提行寫，及一調而有數首者，所有「其二」、「其三」等字，均提行寫，到末葉恰相銜接，一字不差，足證兩本之鈔補葉，均非照原版，而此悉重行鈔補爲較得其真也。又吳本調笑令之標題，如「王昭君」及「詩曰」、「曲子」、「右一」等字，其地位之高下，亦與原宋版不同。今

據故宮本下卷第一葉原版格式，改歸一律。民國十九年十月，葉恭綽記。

葉氏兩宋合印本卷末

## 題辭一

烏程 周慶雲

淮海無雙天下士，盛名當日已如此。別有傷心人不知，夕陽孤館鵲聲裏。我昔讀公詩，青蟲相對吐秋絲。我昔讀公詞，微雲山抹付紅兒。閑寂風流幾百載，髯翁涪翁今誰在？識字晁歸來，腸斷賀方回，爭似君家述祖德，百城萬卷搜求力？若溪漁隱不可作，垂虹亭長亦安托？收拾聲聞歸一編，珠林玉樹仙乎仙。著書早辦千秋筆，文游臺上老秦七。

秦國璋輯淮海先生詩詞叢話，以下十首同

## 題辭二

石門 沈焜

山抹微雲妙詞旨，蘇門乃有秦學士。迄今九百有餘春，文采風流猶未已。賢孫崛起繼高郵，香名藉甚梁溪里。斑管豪時對客揮，吟箋亂處呼兒理。誰知中有傳家集，撫拾遺編補殘史。小峴侍郎次年譜，網羅散失無餘矣。君今事外更搜求，腹笥便便誰得似？繫余幼習淮海詞，未得其門空仰企。文人落拓例屯蹇，造物忌才類如此。不然生當元祐年，更況坡翁是知己。海內爭傳

秦七名，一時才藻無倫比。如何垂老坐遷貶，鬱鬱古藤陰下死。死而有後死猶生，零章斷句寶孫子。試問黃鬼名與齊，可有抱殘賢後起？吁嗟斯文將喪時，瓦釜雷鳴黃鐘毀。枉拋心力溺詞章，他日知誰珍故紙？

題辭三

吳江 葉楚傖

誰爲趙宋之瓊玖？端禮逐臣十八九。文章我數蘇與歐，騰驤蹕厲豈無偶？淮海先生褐裘來，歌詞風骨世無有。自云天子念老臣，一謫再謫堅其守。中州之氣盡衡郴，蜿蜒磅礴窮而走。丹砂竹箭不可當，驚人好句如何朽。元祐以後一千年，先生之孫我之友，能讀詩書數古典，有懷拳拳不敢苟。得此狂笑入人間，一時神氣各抖擻。嗚呼！一時神氣各抖擻，先生幸而有賢後。

題辭四

同邑 汪煦

淮海詩孫文章伯，徵文考獻綿世澤。韻事微雲女婿傳，傷心子夜朝華出。蠹簡叢殘探索勞，名流逸事共搜集。藤陰醉臥又幾時？回首繁華白駒隙。春江花月足流連，獨抱閑情工著述。我來同時天涯客，海角羈栖歸未得。楹書愁聽浙江濤，網羅散失三嘆息。轅駒局促數朝夕，笑看天壤朱成碧。無奈前游意惘然，人生何事多展蠟？與君攜手登高臺，兩情相對自脈脈。會見題

辭滿海隅，不堪持贈歌無射。

### 題辭五

番禺 潘飛聲

孤村流水夕陽時，怕落耆卿格調卑。一抹微雲禪意在，只應琴操續填詞。  
樓頭燕子屬誰家？天女維摩好散花。不信先生偏薄倖，修真何事遣朝華？  
雙鬟傳唱感龍標，那似詩魂入夢遙？千古佳人殉才子，情根入地恐難銷。  
述祖文章兩代雄，藤花開落怨東風。千年不見秦淮海，繞扇歌雲想像中。

### 題辭六 減字木蘭花

常熟 龐樹柏

風流淮海，老去投荒名尚在。千里瀟湘，聽到鶉聲更斷腸。  
原注：用詞苑藻談語意。  
堪喜劫灰寒不死。莫對秋鐘，彈淚秋風哭古藤。

叢殘重理，

### 題辭七 前調

仁和 徐珂

微雲衰草，曲水亭邊秋漸老。  
原注：亭在無錫惠山。  
祖研留傳，鉛槧殷勤不計年。  
緣深文字，

斷錦零縑憑料原注：去。理。珍重吟身，淮海風流有替人。

題辭八

踏莎行原注：借碧山題草堂詞韻。

陽湖 劉炳照

皓月當時，微雲絕調。東流淘盡詞人少。扁舟幾度訪秦郵，文游臺下惟衰草。  
梅驛孤吟，  
藤陰幽抱。和天也瘦誰知道？銅駝巷陌換年華，乘風歸去懷坡老。

題辭九

聲聲慢

江甯 陳世宣

微雲情緒，小石宗風，蟲絲夜吐秋深。月冷鉤殘，天涯無限傷心。瀟湘帶愁流後，賸黃鸝、長伴孤吟。寥落感，是人和天瘦，又到而今。  
重把珍聞收拾，對飛花片片，獨弔藤陰。劫火灰平，人間享帚千金。原注：淮海文字曾罹元祐黨禁之厄。方回一般腸斷，更西河、墨淚盈襟。芳草恨，算江南幽夢未沉。

題辭十

齊天樂正宮

同邑 王蘊章

淮海先生文章氣節，掉鞅一世，自後人以秦七、黃九並稱，或遂僅以詞人目之，失先生矣！東坡於四學工

中最善先生，斜陽客館之思，明月瓊樓之什，興懷君國，易地皆同，沈潛之合，有以哉！秦君特臣近有先生詩詞叢話之輯，余曩跋其詩，所謂「別親風雅，使花間說詩；偶落筌蹄，仿草窗談雅」者是也。展卷留連，意有未盡，再賦此解，以誌慨慕。

斷腸誰唱江南句？方回只今難問。孤館鵲聲，驛橋魚素，覓遍桃源無分。黨碑名姓，只山抹微雲，自傳幽恨。喚起紅紅，古香片片袖紅搢。

簾勝閑徵往事，風流原未墜，舊家疏俊。鳳紙言愁，烏絲界淚，賸有鶯花消領。原注：舊國器鶯花亭詩云：「人言多伎亦多窮，隨意文章要底工。」淮海秦耶天下士，一生懷抱百憂中。郭十三最賞之，嘗書作條幅懸諸座右。蟾蜍硯潤，更說與賓洲，雅談堪並。門掩春寒，玉簫還譜韻。

## 少游像贊

蘇軾

以君爲將仕耶？其服野，其行方。以君爲將隱耶？其言文，其神昌。置而不求君不卽，卽而求之君不藏。以爲將仕將隱者，皆不知君者也。蓋將挈所有而乘所遇，以游於世，而卒返於其鄉者乎？元豐甲子之秋，東坡居士撰于竹西舟次。

清道光十七年丁酉王敬之刻淮海集

### 少游像贊

風流才節，名埒蘇黃。爲有宋名臣，留淮海遺澤。厚德者昌，公之謂歟？

泗涇秦氏宗譜元字全集

## 【附錄四】

### 總評

黃庭堅病起荆江亭卽事十首之一：閉門覓句陳無已，對客揮毫秦少游。正字不知溫飽未？西風吹淚古藤州。

張耒寄參寥詩五首其三：秦子我所愛，詞若秋風清。蕭蕭吹毛髮，肅肅爽我情。精工造奧妙，寶鐵鑲瑤瓊。我雖見之晚，披豁見平生。又聞從蘇公，復與子同行。更酬而迭唱，鐘磬日撞鳴。東吳富山川，草木餘春榮。悲余獨契闊，不得陪酬賡。

陳師道後山詩話：退之以文爲詩，子瞻以詩爲詞，如教坊雷大使之舞，雖極天下之工，要非本色。今代詞手，惟秦七、黃九爾，唐諸人不逮也。

葉夢得避暑錄話卷三：秦觀少游亦善爲樂府，語工而入律，知樂者謂之作家歌，元豐間盛



行於淮楚。「寒鴉千萬點，流水繞孤村」，本隋煬帝詩也，少游取以爲滿庭芳詞，而首言「山抹微雲，天黏衰草」，尤爲當時所傳。蘇子瞻於四學士中最善少游，故他文未嘗不極口稱善，豈特樂府？然猶以氣格爲病，故常戲云：「山抹微雲秦學士，露花倒影柳屯田。」露花倒影，柳永破陣子語也。

胡仔苕溪漁隱叢話後集卷三十三引李清照詞論：乃知（詞）別是一家，知之者少。後晏叔原、賀方回、秦少游、黃魯直出，始能知之。又晏苦無鋪敘。賀苦少典重。秦即專主情致，而少故實，譬如貧家美女，雖極妍麗豐逸，而終乏富貴態。黃即尚故實，而多疵病，譬如良玉有瑕，而價自減半矣。

又後集卷三十三苕溪漁隱曰：「無已稱：『今代詞手，惟秦七、黃九，唐諸人不迨也。』」無咎稱：「魯直詞不是當家語，自是著腔子唱好詩。」二公在當時，品題不同如此。自今觀之，魯直詞亦有佳者，第無多首耳。少游詞雖婉美，然格力失之弱。二公之言，殊過譽也。」

又前集卷四十二引王直方詩話：東坡嘗以所作小詞示無咎、文潛，曰：「何如少游？」二人皆

對云：「少游詩似小詞，先生小詞似詩。」

又前集卷五十引王直方詩話：元祐中，諸公以上巳日會西池，王仲至有二詩，文潛和之最工，云：「翠浪有聲黃帽動，春風無力綵旌垂。」至秦少游卽云：「簾幕千家錦繡垂。」仲至讀之，笑曰：「此語又待入小石調也。」然少游有「已煩逸少書陳迹，更屬相如賦上林」之句，諸人亦以爲難及。

又後集卷三十九引藝苑雌黃：柳之樂章，人多稱之，然大概非羈旅窮愁之詞，則閨門淫蝶之語；若歐陽永叔、晏叔原、蘇子瞻、黃魯直、張子野、秦少游輩較之，萬萬相遠。彼其所以傳名者，直以言多近俗，俗子易悅故也。

魏慶之詩人玉屑卷二十一：少游小詞奇麗，詠歌之，想見其神情在絳闕道山之間。

王灼碧鷄漫志卷二：張子野、秦少游，俊逸精妙。少游屢困京洛，故疏蕩之風不除。

樓鑰黃太史書少游海康詩題跋：祭酒丙公賦鶯花亭詩，其中一絕云：「人言多技亦多窮，隨意文章要底工？淮海秦郎天下士，一生懷抱百憂中。」嘗誦而悲之，醉臥古藤，誠可深惜。宜人者宜於人，竟亦不免，哀哉！

張炎詞源卷下：秦少游詞，體製淡雅，氣骨不衰，清麗中不斷意脈，咀嚼無滓，久而知味。

又詞源序：舊有刊本六十家詞，可歌可誦者，指不多屈。中間如秦少游、高竹屋、姜白石、史邦卿、吳夢窗，此數家格調不侔，句法挺異，俱能特立清新之意，刪削靡曼之詞，自成一家，各名於世。

楊慎詞品序：詩詞同工而異曲，共源而分派，……宋人如秦少游、辛稼軒，詞極工矣，而詩殊不強人意。疑若獨巍然者，豈非異曲分派之說乎？

王世貞弇州山人詞評：花間以小語致巧，世說靡也；草堂以麗字取妍，六朝險也。卽詞號稱詩餘，然而詩人不爲也。何者？其婉變而近情也，足以移情而奪嗜；其柔靡而近俗也，詩蟬緩而

就之，而不知其下也。之詩而詞，非詞也；之詞而詩，非詩也。言其業：李氏晏氏父子，耆卿、子野、美成、少游、易安，至也，詞之正宗也。溫、韋豔而促，黃九精而險，長公麗而壯，幼安辯而奇，又其次也，詞之變體也。詞興而樂府亡矣，曲興而詞亡矣。非樂府與詞之亡，其調亡也。

又：魯直書勝詞，詞勝詩，詩勝文。少游詞勝書，書勝文，文勝詩。

卓人月古今詞統卷首引明張綆論詞：詞體大略有二：一體婉約，一體豪放。婉約者欲其詞情蘊藉，豪放者欲其氣象恢宏。蓋亦存乎其人，如秦少游之作，多是婉約；蘇子瞻之作，多是豪放。大抵詞體以婉約爲正，故東坡稱少游爲今之詞手，後山評東坡如教坊雷大使舞，雖極天下之工，要非本色」。

王象晉秦張兩先生詩餘合璧序：詩餘盛於趙宋，諸凡能文之士，靡不舐墨吮毫，爭吐其胸中之奇，競相雄長。及淮海一鳴，卽蘇黃且爲遜席。蓋詩有別才，從古志之。詩之一派，流爲詩餘，其情郅，其詞婉，使人誦之，浸淫漸漬，而不自覺。總之不離溫厚和平之旨者近是，故曰：詩之餘也。此少游先生所獨擅也。

沈際飛 草堂詩餘序：詩與詞幾不可強同，而楊用修亦曰：詩聖如子美，不作填詞，宋人如秦、辛，詞極工矣，而詩不強人意。

何良俊 草堂詩餘序：然樂府以曠逕揚厲爲工，詩餘以宛麗流暢爲美。卽草堂詩餘所載，如周清真、張子野、秦少游、晏叔原諸人之作，柔情曼聲，摹寫殆盡，正詞家所謂當行、所謂本色也，第恐曹、劉不肯爲之耳。

徐渭 南詞敘錄：晚唐、五代，填詞最高，宋人不及。何也？詞須淺近，晚唐詩文最淺，鄰於詞調，故臻上品。宋人開口便學杜詩，格高氣粗，出語便自生硬。其間若淮海、耆卿、叔原輩，一二語入唐者有之，通篇則無有。

續編草堂詩餘卷首詞學論略：張世文曰：「詞體大略有二：一婉約，一豪放。蓋詞情蘊藉，氣象恢弘之謂耳。然亦存乎其人，如少游多婉約，東坡多豪放。東坡稱少游爲今之詞手，大抵以婉約爲正也。所以後山評東坡『如教坊雷大使舞，雖極天下之工，要非本色』。」

朱彝尊 詞綜卷六：蔡伯世云：「子瞻辭勝乎情，耆卿情勝乎辭。辭情相稱者，惟少游而已。」

彭孫適金粟詞話：詞家每以秦七、黃九并稱，其實黃不及秦遠甚，猶高之視史，劉之視辛，雖齊名一時，而優劣自不可掩。

馮班鈍吟文稿：魯公作相，有「曲子相公」之言，一時以爲恥。坡公謂秦太虛乃學柳七作曲子，秦愕然以爲不至是。是豔詞非宋人所尙也。

張惠言詞選敘：宋之詞家，號爲極盛，然張先、蘇軾、秦觀、周邦彥、辛棄疾、姜夔、王沂孫、張炎，淵淵乎文有其質焉。其盪而不返，傲而不理，枝而不物。柳永、黃庭堅、劉過、吳文英之倫，亦各引一端，以取重於當世。而前數子者，又不免有一時放浪遁脫之言出于其間。後進彌以馳逐，不務原其指意，破析乖刺，壞亂而不可紀。

李調元雨村詞話卷一：後山謂今詞家惟秦七、黃九，此語大不可解。山谷惟工詩耳，詞非所長。

江順詒詞學集成：秦少游得尊前、花間遺韻，却能自出清新。東坡詞雄姿逸氣，高軼古人，具神仙出世之姿。

又包慎伯大令世臣月底修簫譜序云：意內而言外，詞之爲教也。然意內不可強致，言外非學不成，是詞說者言外而已。言成則有聲，聲成則有色，色成而味出焉。三者具，則足以盡言外之才矣。若夫成人之速者莫如聲，故詞名倚聲。倚聲之得者又有三：曰清，曰脆，曰澀。不脆則聲不成，脆矣而不清則膩，清矣而不澀則浮。屯田、夢窗以不清傷氣，淮海、玉田以不澀傷格，清真、白石則能兼之矣。六家於言外之旨，得矣。以云意內，惟白石、玉田耳！淮海時時近之，清真、屯田、夢窗皆去之彌遠。而俱不害爲可傳者，則以其聲之杳鏗鏘，惻惻動人，無色而豔，無味而甘故也。

胡薇元歲寒居詞話：淮海詞一卷，宋秦觀少游作，詞家正音也。故北宋惟少游樂府語工而入律，詞中作家，允在蘇、黃之上。

田同之西圃詞說：北宋秦少游妙矣，而尙少刻肌入骨之語，去韋莊、歐陽修諸家尙隔一塵。黃山谷時出俚語，未免僣父，然「春未透，花枝瘦，正是愁時候」，新俏亦非秦所能作。

又華亭宋尙木徵璧曰：「吾於宋詞得七人焉，曰永叔秀逸，子瞻放誕，少游清華，子野娟潔，

方圓鮮清，小山聰俊，易安妍婉。」

先著詞潔卷三：詞家正宗，則秦少游、周美成。然秦之去周，不止三舍。宋末諸家，皆從美成出。

周濟宋四家詞選目錄序論：清真渾厚，正於鈎勒處見。他人一鈎勒便刻削，清真愈鈎勒愈渾厚。……少游最和婉醇正，稍遜清真者，辣耳。少游意在含蓄，如花初綻，一氣少重筆。然清真沉痛之極，仍能含蓄。

周濟介存齋論詞雜著：良卿曰：「少游詞，如花含苞，故不甚見其力量。其實後來作手，無不胚胎於此。」

又晉卿曰：「少游正以平易近人，故用力者終不能到。」

又西麓不善學少游。少游中行，西麓鄉愿。



王士禛分甘餘話卷二：凡爲詩文，貴有節制，卽詞曲亦然。正調至秦少游、李易安爲極致，若柳耆卿則靡矣。變調至東坡爲極致，辛稼軒豪於東坡而不免稍過，若劉改之則惡道矣。學者不可以不辨。

譚獻復堂詞話：淮海在北宋，如唐之劉文房（秦觀滿庭芳起句「山抹微雲」評語）。

賀裳皺水軒詞筌：少游能曼聲以合律，寫景極淒婉動人，然形容處殊無刻肌入骨之言，去韋莊、歐陽炯諸家尙隔一塵。

陳廷焯白雨齋詞話卷一：秦少游自是作手，近開美成，導其先路；遠祖溫、韋，取其神不襲其貌，詞至是乃一變焉。然變而不失其正，遂令議者不病其變，而轉覺有不得不變者。後人動稱秦、柳，柳之視秦，爲之奴隸而不足者，何可相提並論哉！

又：唐、五代詞，不可及處，正在沈鬱。宋詞不盡沈鬱，然如子野、少游、美成、白石、碧山、梅溪諸家，未有不沈鬱者。

又東坡、少游，皆是情餘於詞，耆卿乃辭餘於情，解人自辨之。

又秦七、黃九，並重當時，然黃之視秦，奚啻砒砒之於美玉！詞貴纏綿，貴忠愛，貴沈鬱。黃之鄙俚者無論矣；卽以其高者而論，亦不過於倔強中見姿態耳。

又少游名作甚多，而俚詞亦不少，去取不可不慎。

又張綬云：「少游多婉約，子瞻多豪放，當以婉約爲主。」此亦似是而非，不關痛癢語也。誠能本諸忠厚，而出以沈鬱，豪放亦可，婉約亦可；否則豪放嫌其粗疏，婉約又病其纖弱矣。

又卷二：少游美成，詞壇領袖也。所可議者，好作豔語，不免於俚耳。故大雅一席，終讓碧山。

又詞法莫密於清真，詞理莫深於少游，詞筆莫超於白石，詞品莫高於碧山；皆聖於詞者。

又卷五：大抵北宋之詞，周、秦兩家，皆極頓挫沈鬱之妙，而少游託興尤深，美成規模較大，此周、秦之異同也。

又卷七：古人詞勝於詩則有之，如少游、白石皆然；未有不知詩而第工詞者。

又卷六：喬笙巢云：「少游詞寄慨身世，閑雅有情思。酒邊花下，一往而深，而怨誹不辭，情乎得小雅之遺。」又云：「他人之詞，詞才也；少游，詞心也。得之於內，不可以傳。雖子瞻之明儔，耆卿之幽秀，猶若有瞠乎後者，況其下耶！」此與莊中白之言頗相合，淮海何幸，有此知己。

又卷八：東坡稼軒，白石玉田，高者易見；少游美成，梅溪碧山，高者難見；而少游美成尤難見。美成意餘言外，而痕迹消融，人苦不能領略。少游則義蘊言中，韻流弦外，得其貌者，如鼯鼠之飲河，以爲果腹矣，而不知滄海之外，更有河源也。喬笙巢謂「他人之詞，詞才也；少游，詞心也」，可謂卓識。

又：唐宋名家，流派不同，本原則一。論其派別，大約溫飛卿爲一體，皇甫子奇、南唐二主附之。韋

又：詞有表裏俱佳，文質適中者，溫飛卿、秦少游、周美成、黃公度、姜白石、史梅溪、吳夢窗、陳西麓、王碧山、張玉田、莊中白是也，詞中之上乘也。

又詞之蘊藉，宜學少游、美成，然不可入於淫靡；綿婉宜學耆卿、易安，然不可失於纖巧。

張德瀛詞徵卷一：釋皎然詩式謂詩有「六至」，……以詞衡之，至險而不僻者，美成也；至奇

而不差者，稼軒也；至麗而自然者，少游也；至苦而無迹者，碧山也；至近而意遠者，玉田也；至放而不遷者，子瞻也。

又卷五：同叔之詞溫潤，東坡之詞軒驍，美成之詞精邃，少游之詞幽豔，無咎之詞雄逸。北宋惟五子可稱大家。

陳銳袁碧齋詞話：讀姑溪詞而後知清真之大，讀友古詞而後嘆淮海之清；四君者，極相合者也。由其相合以求其分，庶見廬山真面。

李慈銘越縕堂讀書記卷八文學四：余於詞非當家，所作者真詩餘耳，然於此中頗有微悟。蓋必若近若遠，忽去忽來，如蛺蝶穿花，深深款款；又須於無情無緒中，令人十步九迴，如佛言食蜜，中邊皆甜。古來得此旨者，南唐二主、六一、安陸、淮海、小山及李易安漱玉詞耳。屯田近俗，稼軒近霸，而兩家佳處，均處淵微。

況周頤蕙風詞話續編卷一引王士禛倚聲集序：詩餘者，古詩之苗裔也。語其正則南唐二主

爲之祖，至漱玉、淮海而極盛，高、史其嗣響也。語其變則眉山導其源，至稼軒、放翁而盡變，陳、劉其餘波也。有詩人之詞，唐、蜀、五代諸人是也。有文人之詞，晏、歐、秦、李諸君子是也。有詞人之詞，柳永、周美成、康與之之屬是也。有英雄之詞，蘇、陸、辛、劉是也。至是，聲音之道，乃臻極致，而詩之爲功，雖百變而不窮。

又正編卷二：有宋熙豐間，詞學稱極盛。蘇長公提倡風雅，爲一代山斗。黃山谷、秦少游、晁無咎皆長公之客也。山谷、無咎皆工倚聲，體格於長公爲近。唯少游自闢蹊徑，卓然名家。蓋其天分高，故能抽秘騁妍於尋常濡染之外，而其所以契合長公者獨深。張文潛贈李德載詩有云：「秦文倩麗舒桃李。」彼所謂文，固指一切文字而言。若以其詞論，直是初日芙蓉、曉風楊柳；倩麗之桃李，容猶當之有愧色焉。王晦叔、碧雞漫志云：黃、晁二家詞，皆學坡公，得其七八。而於少游獨稱其俊逸精妙，與張子野並論，不言其學坡公。可謂知少游者矣！

詞林紀事卷六引樓敬思（儼）云：淮海風骨自高，如紅梅著花，能以韻勝，覺清眞亦無此氣味也。

鄒祗謨遠志齋詞衷：余嘗與文友論詞，謂小調不學花間，則當學歐、晏、秦、黃。花間綺琢處，於詩爲靡，而於詞則如古錦紋理，自有黯然弄色。歐、晏蘊藉，秦、黃生動，一唱三歎，總以不盡爲佳。

劉熙載藝概卷四詞曲概：秦少游詞，得花間、尊前遺韻，却能自出清新。東坡詞雄姿逸氣，高軼古人，且稱少游爲詞手。山谷傾倒於少游千秋歲詞「落紅萬點愁如海」之句，至不敢和。要其他詞之妙，似此者豈少哉？

又：叔原貴異，方回膽逸，耆卿細貼，少游清遠。四家詞趣各別，惟尙婉則同耳。

又：少游詞有小晏之妍，其幽趣則過之。梅聖俞蘇幕遮云：「落盡梅花春又了，滿地斜陽，翠色和煙老。」此一種似爲少游開先。

謝朝徵白香詞譜箋卷二：蘇籀云：秦校理詞，落盡畦畛，天心月脅，逸格超絕，妙中之妙。議者謂前無倫而後無繼。

謝章铤賭棋山莊詞話卷十二：北宋多工短調，南宋多工長調；北宋多工軟語，南宋多工硬語。然二者偏至，終非全才。歐陽、晏、秦，北宋之正宗也。柳耆卿失之濫，黃魯直失之儉。

又卷九：晏、秦之妙麗，源於李太白、溫飛卿。

又續編卷三：南宋詞近耆卿者多，近少游者少。少游疏而耆卿密也。

馮煦蒿庵論詞：少游以絕塵之才，早與勝流，不可一世；而一謫南荒，遽喪靈寶。故所爲詞寄慨身世，閑雅有情思，酒邊花下，一往而深，而怨悱不亂，悄乎得小雅之遺。後主而後，一人而已。昔張天如論相如之賦云：「他人之賦，賦才也；長卿，賦心也。」予於少游之詞亦云：他人之詞，詞才也；少游，詞心也。得之於內，不可以傳。雖子瞻之明雋，耆卿之幽秀，猶若有瞠乎後者，況其下邪？

又：淮海、小山，真古之傷心人也。其淡語皆有味，淺語皆有致，求之兩宋詞人，實罕其匹。



高佑紀迦陵詞全集序引清顧咸三（仲清）：宋名家詞最盛，體非一格：辛、蘇之雄放豪宕，秦、柳之嫵媚風流，判然分途，各極其妙；而姜白石、張叔夏輩以沖淡秀潔，得詞之中正。

王國維人間詞話：馮夢華宋六十一家詞選序例謂：「淮海、小山，古之傷心人也。其淡語皆有味，淺語皆有致。」余謂此唯淮海足以當之。小山矜貴有餘，但可方鴛子野、方回，未足抗衡淮海也。

又：梅聖俞蘇幕遮詞：「落盡梨花春事了，滿地斜陽，翠色和烟老。」劉融齋謂少游一生專學此種。

又：豈創者易工而因者難巧歟？抑人各有能有不能也？讀者觀歐、秦之詩遠不如詞，足透此中消息。

又：詞之雅鄭，在神不在貌。永叔、少游雖作豔語，終有品格。方之美成，便有淑女與倡伎之別。

人間詞話刪稿：詩至唐中葉以後，殆爲羔雁之具矣。故五代、北宋之詩，佳者絕少，而詞則爲其極盛時代。卽詩詞兼擅如永叔、少游者，亦詞勝於詩遠甚，以其寫之於詩者不若寫之於詞者之真也。

又：唐五代之詞，有句而無篇。南宋名家之詞，有篇而無句。有篇有句，唯李後主、降宋後之作及永叔、子瞻、少游、美成、稼軒數人而已。

又：詞之最工者，實推後主、正中、永叔、少游、美成，而後此南宋諸公不與焉。

徐珂清代詞學概論：止庵（周濟）又以少游多庸格，爲淺鈍者所易託。

夏敬觀手批山谷詞：後山稱「今代詞手，唯秦七、黃九」。少游清麗，山谷重拙，自是一時敵手。至用諺語作俳體，時移世易，語言變遷，後之閱者漸不能明，此亦自然之勢。試檢揚子雲絕代語，有能一一釋其義者乎？以市井語入詞，始於柳耆卿，少游、山谷各有數篇，山谷特甚之又甚，至不可句讀。若此類者，學者可不必步趨耳。

日本伊豫長野確孟確松隱快談：杜少陵詩甚巧，蓋由苦吟得之，觀太白「飯顆山頭」之詩，可以見焉。太白天才，所謂以不用意得之者。陳後山有詩，急歸擁被，臥而思之，呻吟如病者。家人爲之逐去貓犬，嬰兒皆寄別家，可謂苦心篤好矣！古人有句云：「閉門覓句陳無己，對客揮毫秦少游。」無己蓋少陵之流，少游蓋青蓮之流。